





13-20, 2, 30

~~3 VI 9 21~~

DE
CARDINALIS
DIGNITATE,
ET OFFICIO.


Hieronymi Plati è Societate Iesu.

AD ILLUSTRIS^{SS}. ET REVER.^{SS} DOMINUM
D. FLAMINIVM PLATVM
S. R. E. CARDINALEM.



SVPERIORVM PERMISSV.

ROMAE, Apud Gulielmum Facciottum. M. DC. II.



100

100

100

100

100

100



100

MICHAEL ANGELVS
 CALCAROLVS
 Illust.^{mi} ac Reu.^{mi}
 CARDINALIS PLATI
 SECRETARIVS
 Ad Lectorem.



I BELLVS hic de bono perfectioq;
 Cardinali, decem iam annis post mor-
 tem Authoris elapsis, ecce proles post-
 huma prodit in lucem; non sine pijs
 lacrymis excipiendus à multis, qui
 suauissimos olim viuentis mores ama-
 uerant. Is est Hieronymus Platus à
 Societate Iesu; cuius ingenij, pietatis-
 que monumentum habemus tres li-
 bros de bono status religiosi, omni eru-

ditionis varietate refertos: quos ipsemet, obsecutus amicorum
 voluntati, paucis antequam decederet annis, ediderat. Hunc
 vero librum de Cardinalis dignitate, & officio, raptim duobus
 circiter mensibus exarauit subita oborta occasione, quam ipse in
 sua narrat prafatione: quo etiam tempore grauibus societatis ne-
 gocijs premebatur. Nihil enim minus cogitauit initio, cum
 se rogatu fratris ad scribendum contulit, quam ut librum hoc de
 argumento conficeret. Sed epistolam ad Fratrem, quod idem
 postea confirmauit, paulo longiorem, instituit. Verum, dum
 aliud ex alio inter scribendum (ut viris ingenio, doctrinaque
 prastantibus usu venire solet) occurrit; epistola in iustum vo-
 lumen excreuit. Quicquid vero illud esset ad fratrem proprie
 missum, ad quem vel ob sanguinis cognationem familiariter, vel
 ob prudentiam breuiter scribendum esse censuerat; in vulgus

certe exiturum non putauit. His igitur de causis ipse Card-
 nalis Platus nullis adhuc amicorum precibus adduci potuit, ut
 librum hunc proferret in lucem. Neq; enim ansam ullam dan-
 dam esse cuiquam reprehensionis existimabat carpendi videlicet
 fratris sui vigilias, quasi minus politas prapropere festinatione
 lucubrationes. Meminerat sane opus hoc neque recognitum
 fuisse, neque potuisse subtilius a fratre limari. Qui postquam
 ipse ad Cardinalatus dignitatem peruenit, quinque tantum
 menses vixit, è quibus etiam vno integro, letali morbo afflicta-
 tus decessit è vita. Meminerat hac eadem ab illo secum breuiter
 fuisse coram disputata: qui cum, remotis arbitris, quasi secum
 loqui soletet, neque iniuria, quippe natu maior ea cum fratre
 liberius agere non dubitabat de quibus pro sua in augustissi-
 mum Cardinalium ordinem obseruantia, ne verbum quidem
 facere ausus esset. Valuit tandem apud Illustrissimum Cardi-
 nalem oratio mea. Valuit multorum, grauissimorumque virò-
 rum autoritas: quibus repugnare diutius fas esse non duxit: ne
 saluberrimis praeceptis qualicumque dicendi genere, atque ordi-
 ne traditis ceteri fraudarentur, si qui forte se putarent ex bu-
 iusce libri lectione fructum aliquem posse percipere. Illud au-
 tem eundem Cardinalem maxime permouit, atque impulit, ut
 Romæ liber hic typis mandaretur; quòd cum nonnulla iam de-
 scripta ipso inscio, atque inuito, in aliorum manibus versaren-
 tur; ea veritus est, ne librariorum (ut fere fit) mendis inqui-
 nata, aliquando ab alijs diuulgarentur. Fruere igitur Lector
 hoc religiosissimi viri labore: ac dum ea recoles, quæ in eo pie
 sapienterque traduntur, eximiam simul Scriptoris virtutem,
 ac pietatem agnosce. Ut intelligas hæc fratris ad fratrem exa-
 rata præcepta, non magis ex disciplinarum reconditarum, quam
 ex religiosa, pietatis, ac fraternæ charitatis fontibus emanasse.
 Vale.



INDEX CAPITVM

QVAE IN HOC OPERE

CONTINETVR.



DE Ecclesia Sancta praestantia, &
quam Deo cara sit. Cap. i. fol. 3
De origine Cardinalatus. cap. ij.
fol. 11.

De excellentia, et dignitate Cardinalatus. cap. iij.
fol. 20.

De primo officio Cardinalium ratione ordinis.
cap. iiij. fol. 28.

De secundo officio Cardinalium nempe eligendi
Summi Pontificis. cap. v. fol. 33.

De tertio officio Cardinalium quod est assistere
Summo Pontifici. cap. vi. fol. 39.

Cardinales ex vi status obligatos esse ad perfe-
ctionem. cap. viij. fol. 42.

In quibus consistat hac perfectio quae requiritur
in Cardinali. cap. viij. fol. 52.

De particularibus virtutibus quas debet habere
Cardinalis, & primum de prudentia. cap. ix.
fol. 57.

I N D E X

Quomodo acquiri vel augeri possit in Cardinali prudentia . cap. x. fol. 61

Quomodo Cardinalis infortiam colere debeat. cap. xi. fol. 65.

De fortitudine qua debet esse in Cardinali. cap. xij. fol. 70.

De studio temperantia quod esse debet in Cardinali. cap. xij. fol. 77

De castitate quam seruare debent Cardinales. cap. xiv. fol. 85

Quomodo Cardinales uti debeant diuitijs . cap. xv. fol. 92

Qua vitare debeant Cardinales in usu diuitiarum. cap. xvi. fol. 100

Quomodo Cardinalis uti debeat honoribus. cap. xvij. fol. 108.

Qualis amor Dei esse debeat in Cardinali. cap. xvij. fol. 129

De reuerentia intentionis quam habere debet Cardinalis. cap. xix. fol. 122

De studio orationis quod in Cardinali esse debet cap. xx. fol. 130.

Qua Cardinali conueniant ad animi puritatem seruandam. cap. xxi. fol. 137

Quomodo Cardinalis ordinatus esse debeat erga proximos. cap. xxij. fol. 142

Quid

I N D E X

Quid Cardinalis seruare debeat erga suam familiam . cap. xxij. fol. 148

Quid Cardinali seruandum sit erga suos propinquos . cap. xxiv. fol. 155

Quomodo Cardinalis nimium affectum in propinquos temperare possit . cap. xxv. fol. 161

Quid Cardinalis seruare debeat erga alios Cardinales . cap. xxvi. fol. 167

Quomodo Cardinalis debeat se gerere erga Summum Pontificem . cap. xxvij. fol. 170

De sententia in Consistorio dicenda . cap. xxviij. fol. 175.

Quod necessarium sit Cardinali ut ex animo extirpet desiderium Pontificatus . cap. xxix. fol. 185

Quomodo Cardinales extirpare possint hoc desiderium . cap. xxx. fol. 192

Quid spectare debeat Cardinalis in eligendo Summo Pontifice , cap. xxxi. fol. 209

Quid à Cardinali seruandum sit in Legationibus velin Gubernationibus sibi commissis . cap. xxxij. fol. 219

De protectionibus , quæ Cardinalibus interdum committuntur . cap. xxxij. fol. 228

De premio quod debetur bonis Cardinalibus , et de pana, quæ malis . cap. xxxiv. fol. 236

I N D E X

*Quomodo acquiri vel augeri possit in Cardinali
prudentia . cap. x. fol. 61*

*Quomodo Cardinalis infortiam colere debeat. cap.
xi. fol. 65. 7 T J H I I I A C O O*

*De fortitudine qua debet esse in Cardinali. cap.
xij. fol. 70.*

*De studio temperantia quod esse debet in Cardi-
nali. cap. xij. fol. 77*

*De castitate quam seruare debent Cardinales.
cap. xiv. fol. 85*

*Quomodo Cardinales vti debeant diuitijs . cap.
xv. fol. 92*

*Qua vitare debeant Cardinales in vsu diuitia-
rum . cap. xvi. fol. 100*

*Quomodo Cardinalis vti debeat honoribus. cap.
xvij. fol. 108.*

*Qualis amor Dei esse debeat in Cardinali. cap.
xviij. fol. 119*

*De reclusione intentionis quam habere debet
Cardinalis . cap. xix. fol. 122*

*De studio orationis quod in Cardinali esse debet
cap. xx. fol. 130.*

*Qua Cardinali conueniant ad animi puritatem
seruandam . cap. xxi. fol. 137*

*Quomodo Cardinalis ordinatus esse debeat erga
proximos. cap. xxij. fol. 142*

Quid

I N D E X

Quid Cardinalis seruare debeat erga suam familiam . cap. xxij. fol. 148

Quid Cardinali seruandum sit erga suos propinquos . cap. xxiv. fol. 155

Quomodo Cardinalis nimium affectum in propinquos temperare possit . cap. xxv. fol. 161

Quid Cardinalis seruare debeat erga alios Cardinales . cap. xxvi. fol. 167

Quomodo Cardinalis debeat se gerere erga Summum Pontificem . cap. xxvij. fol. 170

De sententia in Consistorio dicenda . cap. xxviii. fol. 175.

Quod necessarium sit Cardinali ut ex animo extirpet desiderium Pontificatus . cap. xxix. fol. 185

Quomodo Cardinales extirpare possint hoc desiderium . cap. xxx. fol. 192

Quid spectare debeat Cardinalis in eligendo Summo Pontifice , cap. xxxi. fol. 209

Quid à Cardinali seruandum sit in Legationibus velin Gubernationibus sibi commissis . cap. xxxij. fol. 219

De protectionibus , quæ Cardinalibus interdum committuntur . cap. xxxij. fol. 228

De premio quod debetur bonis Cardinalibus , & de pana, quæ malis . cap. xxxiv. fol. 236

X E D N I

[The page contains faint, illegible handwritten text, likely bleed-through from the reverse side.]

DE CARDINALIS DIGNITATE, ET OFFICIO.

Hieronymi Plati à Societate Iesu.

AD FLAMINIVM PLATVM
CARDINALEM FRATREM.

Præfatio.



VM proximis mensibus (Fater Illustrissime) ita contigisset, vt te repente, & certè præter omnem vtriusq; nostrum opinionem, Cardinalem viderem, & si meus in te fraternus amor multa mihi proponebat, quæ curam, & solitudinè afferrent, tamen vt me collegi, plura èt occurrerunt plenà solatiij vt dignitatem hanc nec tibi obfuturâ, & alijs multis, ipsiq; vniuersæ Ecclesiæ profuturam esse sperarem. Hæc autem omnia quæ dixi solatia ex vno illo fonte fluebant, & ad hoc vnum caput pertinebant, quod hoc quicquid in te, & de te gestum erat, non fortuito, non etiam humana opera, aut studio, sed omnino Dei consilio, ac voluntate gestum considerem. Primum enim memoria tenebam, quæ ratione ante aliquot annos Mediolano ad hanc urbem, & ad hæc negotia traductus esses, nempe inuitissimus, atque aliorum

DE CARDINALIS

aliorum quidem auctoritate victus, ac nescio qua Dei providentia coactus, cum antea nihil minus quam Romam cogitasses, tuæque vitæ rationes alia longè instituisses via. Deinde etiam recordabar, toto hoc tempore, quo Romæ fueras, qui fuissent animi tui sensus, quos mihi tu semper pro tuâ in me benevolentia, atque humanitate notissimos esse voluisti, quamq; ex animo semper ab omni ambitione, & cupiditate abfuisses. Postremo, quod caput est, non solum cognoram, sed videram ego ipse, quam sincere, & castè, ac legitimè hæc tibi dignitas venisset, non Principum gratia, & commendatione, non tuis in vllum obsequijs, non denique hominum artificio, cum non modo minimum factum, sed nè nutus quidem vllus à te interpositus esset. In quo èt vt verè dicam non mediocriter me Gregorij XIII. Pont. Max. qui te elegerat virtus, ac pietas confirmavit, quem sciebam quemadmodum in alijs sic in te quoque eligendo nihil aliud voluisse, nihil spectasse, quam vnus Dei honorem, ac gloriam, nec erat dubitandum quin talis animus; talisq; religione, ac zelo incensus, Dei lumine dirigeretur, in ea præsertim Sedè, in qua propter loci dignitatem, etiam nescientes prophetant. Quamobrem cum propter has, & alias etiam causas nihil ambigere possem, quin planè per ostium ingressus esses, non autem aliundè irrepsisses, illud etiam sequebatur, vt idem Deus, qui onus imposuerat, grande illud quidem, ac formidabile, vires quoque, & robur ad perferendum, & fructuosè perferendum adderet. Sic enim fieri solet, idque proprium est diuinæ providentiæ, vt quemadmodum naturahbus rebus, cum earum cuique suum finem, atque opus præscripserit, singulis etiam necessaria adiumenta ad finem illum consequendum, opusque exequendum imperiet, simillimè in ijs quæ sunt supra naturam, eoque magis, quò hæc maiora, & altiora sunt, quos ad statum aliquem, ac munus deligit, iisdem etiam gratiam, & opem suppeditet illi statui congruentem. Atque huius quidem speci illud ego quasi experimentum cepi,

quòd

quòd statim atque ad istam dignitatem euectus es, iacta in te vidi optimi Cardinalis fundamenta. Non enim inani quadam læticia exultasti, non inepto inflatus tumore in magnis, & mirabilibus super te ambulare cœpisti, sed potius ex tanti oneris magnitudine trepidare te sensi, quin etiam totum animum, ac vires tuas eò applicare aggressus es, vt officio tanto, tamquè arduo quàm cumulatissimè satisfaceres. Accessit deinde illud etiam inditium huius tue voluntatis, quod me rogasti, & planè voluisti, vt quæ mihi occurrerent ad perfectum Cardinalem informandū, ea scriptis exponerem. Quid ego scribendi munus, & scribendi de tanta re, sine dubio recusassem, vt mihi longè impar, & difficillimum, nisi tibi vel iubenti, vel et cupienti, & innuenti aliquid negare nefas putassem. Verum cum in te duas iam quodammodo personas intuear, alteram fratris, alteram Cardinalis, illi quidem charitatem, huic obseruantiam singularem deberi video, vtrumquè autem tum per se, tum multò magis coniunctum ita valere debet, vt laborem omnem etiam leuem efficiat. Cum enim meus in te amor is sit, qui esse debet, non solum in fratrem, sed etiam in talem fratrem, quid ego tibi melius, aut vtilius optare possim, quàm diuinam copiam bonorum spiritualium, quæ vera bona sunt, quæque tum in hac vita te ornent, Deoque gratum reddant, tum deinde ad alteram illam æternam, immortalēque perducant? Hæc igitur me charitas stimulat, vt ego quoque idem dicam quod Beatus Hieronymus Paulino. Nihil in te mediocre esse contentus sum: totum summum, & perfectum desidero: nec solum desidero, sed etiam spero, quoniam ea in te semina, & initia tum naturæ, tum gratiæ sensi, & cognoui, quibus exultis eximium quendam perfectionis gradum expectari oporteat. Ego vero dum hæc scribo, profiteor me tibi vni scribere, quoniam tu mihi vnus satis magnum theatrum, satis etiam magnus es fructus harum quæcumque sunt lucubrationum. Itaque si quis erit fortè, qui in hunc

Epi. 19.

hunc nostrum laborem incidat, non habebit, meo quidem iudicio, quod meam accuset audaciam, qui amplissimo ordini, & ei ordini, qui aliorum omnium magister esse debeat, & soleat, ego minimus & postremus præcipere velle videar. Quod & si ita accideret, tamen tua me, opinor, voluntas, & auctoritas facile tueretur, quoniam si hoc crimen est, certè imperium tuum sine maiori crimine detrectare non poteram. Quamquam illud quoque addo, non tam me hoc libello mea sentia exposuisse, quam etiam tua. Cum enim sæpè de his rebus inter nos colloquuti simus, teque sæpè de his officijs, & de tuis desiderijs differenter audiuerim, meus hic labor fuit, ut nostros communes sermones scriptis mandarem, ut tu cum vacat, non mea cognoscere tantum posses, sed tua quoque recognoscere. Postremo si mihi id propositum fuisset, ut ea commemorarem, quæ huius ætatis Cardinales in hoc suo munere, vel omittunt facienda, vel non facienda committunt, non immeritò reprehenderet, quod os meum in cælum ponere, meæque tenuitatis terminos transgredi ausus essem. Verum ego quidem hoc mihi tantum sumpsi, in eoq; semper me tenui, ut qualis esse debeas Cardinalis, pro mea facultate prosequer. Iuvat autè ita credere qui nunc sine omnes esse quales debeant. Itaq; ad te (Illustris. Frater) quem Cardinalem omni laude cumularum esse cupio, utar ea clausula, qua Gregorius, tum alijs virtutibus, tum præcipuè humilitate insignis ad Ricardū Regem utitur, post multas præceptiones, quas ei scripserat. Hæc inquit vos auctore Deo omnia seruare non ambigo. Sed occasione admonitionis exorta bonis actibus vestris me furtiuè subiungo, ut cum non admoniti facitis, quando vobis admonens additur, iam non soli faciatis. Omnipotens autem Deus in cunctis actibus vestris cœlestis brachij extensione vos protegat, vobisq; & præsentis vitæ prospera, & post multa annorum curricula, gaudia concedat æterna.

Lib. 4.
epist. 124.

*De Ecclesia Sancta præstantia, &
quam Deo cara sit.*

Cap. I.



QUANTUM infinita Dei bonitas, & sapientia ita hominum salutem gubernare potuisset, ut quisque per se separatim ad æternam felicitatem niteretur, nullo respectu, nullaq; colligatione ceterorum; tamen hoc ei melius, & ad multa aptius visum est, ut fideles omnes mutuo nexu devincirentur, atque ex omnibus una quasi Respublica, aut Ciuitas, vel potius vnum corpus sub vno capite coalesceret.

Primum enim hoc ipsi humanæ naturæ magnopere congruebat, quæ & ab vno propagata est, & tantum habet propensionis ad hanc societatem, ut nihil ferè magis expectat, quàm sermonis, & vitæ communionem, nihil magis oderit, & refugiat, quàm solitudinem. Deinde vero exigebat id etiam communis vsus, & utilitas, quoniam, cum habere non possit vnus omnia, imò vero necesse sit omnibus multa deesse, ita rem institui oportuit, ut ex aliorum coniunctione quod vni deesset, ab alijs suppleretur. Quare cum in eo tantum momenti consisteret, ut quicumque essent veri Dei cultores, ij non solum cum ipso Deo, sed etiam inter se essent quam coniunctissimi, hoc diligenter Diuina illa Maiestas prouidit, & egit, ut hanc eorum coniunctionem, & admirabili artificio conciliaret, & conciliatam deinde arctius adstringeret, non solum eiusdem fidei, & caritatis, quæ interiora sunt, sed multis etiam externis vinculis, ut sunt sacramenta, ritus, ceremoniæ, cæteraq; huius generis, quæ sub aspectu cadunt. Hæc igitur animorum quam diximus multitudo collecta, hæc vniuersitas, & cœtus ita compactus, & coagmentatus, Eccle-

A lia

Ep. 170. *sia est nimirum ut ait S. Augustinus, fidelis populus per vniuersum Orbem dispersus, locis quidem dispersus, sed illis, quæ dixi tum internis, tum externis vinculis in vnâ familiam, vnumq; ouile congregatus. Quod cum ita sit, ex hoc etiam duo consequi necesse est, primum quantam esse cporreat huius de qua loquimur, Ecclesiæ dignitatē, pulchritudinem, & præstantiam, deinde quam oporteat eam Deo domino eius auctori, ac moderatori caram, & iucundam esse. Et quidem ad hoc vtrunque illud sufficere potest, quod sit opus Dei. Nam nec ab illo tanto, tamq; sapienti artifice extare aliquid potest, quod non pulcherrimum sit, & absolutissimum, cuius perfecta sunt opera; nec dubitari debet, quin ut omnes præclari artifices cum egregium aliquod opus magno studio, & cura elaborarint, eo deinde gaudent, sic Deus hoc tali præsertim sapientiæ suæ partu magnoperè, & certe plusquam à nobis credi, aut capi possit, delectetur. Quare sic omnino statuendum est, nihil vel ad pulchritudinem elegantius, vel ad sanctitatē diuinus, vel ad præstantiâ sublimius cogitari posse, quam hanc omnium fidelium parentem, procreatricem, ac nutricem Ecclesiam, extra quam nihil bonum, nihil sincerum, nihil animæ fructuosum esse potest. Quas etiam ob causas nihil est dubitandum, quin summa illa Maiestas, cum à se ipsa discesserit, & ab illa, quem in se continet bonorum, omnium cumulo, nihil aliud habeat, in quo conquiescat, & quo oblectetur, præter Ecclesiam. Hic eius amor, hæc delitiæ, hæc eius vinea ut ait Esaias, vel, ut est in canticis, hortus propter florum amœnitatem, & fructuum vbertatem, immo verò ut eam sacræ litteræ appellant, domus est Dei, & Dei ciuitas, de qua dicta sunt gloriosa, & Regnum Christi, cuius non erit finis. Optimum verè, ac foelicissimum regnum, atque opulentissimum bonis omnibus spiritualibus, idemque legibus, & institutis sanctissimis temperatum, quoniam lex Domini immaculata, conuertens animas à vitio ad virtutem, à terrenis ad cœlestia; Quid an-*

tem

tētem dicamus de huius regni ordine, & pace, ac concordia, quid etiam de firmitate, in quam, ne inferi quidem portē prauallere possunt? Verē enim Hilarius de hac ipsa sic loquitur, Dum oppugnatur floret, dum opprimitur crescit, dum contemnitur proficit, dum læditur vincit, dum arguitur intelligit, tunc stat cum superari videtur. Accedit etiam ad huius regni nobilitatem, tum regis ipsius nobilitas, qui est Dei filius, & ipse Deus, tum ciuium quoque de quorum dignitate quid maius dici potest, quā quod ipsi quoque reges sunt? sic enim Petrus. Vos genus electum, regale Sacerdotium, gens sancta; populus acquisitionis. Nil mirum igitur si hoc suo regnō ita gaudeat Deus, ut in eo perpetuam sibi sedem fixerit, nec ab eo recedat vnquam. Quam ob causam Dei quoque tabernaculum vocatur, ut in quo ille habitet, & nos vnā cum illo habitemus. Quocirca Augustinus quod in psalmis dictū est, Proteges eos in tabernaculo tuo, non dubitat accom-
modare ad Ecclesiam. Quid est, inquit, tabernaculum, nisi Ecclesia huius temporis, quæ ideo tabernaculum dicitur, quia adhuc in terra peregrinatur, tabernaculum enim habitaculum est militum in expeditione positorum. Sed hoc tabernaculum quoniam Dei præsencia consecratur, ideo templum quoque est; nec ob aliam causam tanta opera, tantaq; impenſa templum illud Salomonis adeo insigne condi voluit, eiulq; condendi Deus ipse modum, formamq; descripsit, nisi ad hoc Ecclesiæ templum exprimendum tanto nobilius, & excellentius, quanto, anima corpori, corpus vmbre antecellit. Itaq; Augustinus idem in alio psalmo verba illa interpretans, Adducuntur in templū Regis. Templum, inquit, Regis est ipsa Ecclesia. Vnde constituitur templū? de hōibus qui intrant templū Regis, lapides viuī qui sunt nisi fideles? In vnitatem est templū Regis, nō est ruinosum, nō decisū, non diuisum: iunctura lapidū viuientū charitas est. Cū igitur diuinū est hoc templū; & à diuino artifice tāto artificio constructū, tum illud insu-

Matth 16.
Lib. 2. de
Trim.

1. Pet. 2.

Psalm.

Psalm 44.

DE CARDINALIS

per habet, quod non est in vulgaribus templis, ut et Deus amatorem suum diligere, & redamare possit. Ex quo illud est quod hanc suam Ecclesiam, Deus ipse in canticis non solum pulchram, & perfectam, & dilectam, sed amicam, & sororem, postremo etiam sponsam suavissimo omnium nomine appellet; cuique subsit amoris mutui significatio. Hoc enim est magnum illud sacramentum, quod Ephef. 3. Paulus Apostolus commendat, & in ipso coniugio representari ostendit, quoniam hic quoque duo sint in carne una, & quidem ita ut amplius sciungi, distrahiq; non possint. Quamobrem rectè Bernardus, Quid, inquit, sponsa, nisi congregatio iustorum? quid ipsa nisi generatio querentium faciem sponsi? Non enim ille intendit huic, & non ista illi. Propter hoc utrumq; ponit, Et ego illi, & ille mihi. Ille mihi quia misericors, & benignus est, ego illi quia non sum ingrata. Ille mihi gratiam ex gratia; ego illi gratias pro gratia. Ille meæ liberationi, ego illius honori. Ille salutis meæ, ego illius voluntati. Igitur cum per se nomen ipsum sponsæ magnum est, magnoq; estimandum, tum nescio an etiam maiora sint quæ in eam ex hoc nomine redundarunt. Quæ enim ornamenta, quæ monilia, quas gemmas aut vestes, quas denique, ut est in Canticis aureas murenulas argento vermiculatas donabit tam diues sponsus tam dilectæ sponsæ, aut potius quid non donabit, cum etiam humanum coniugium omnia communicet, diuitias, nobilitatem, splendorem, ipsam insuper familiam, titulos, opes? Verum in hoc Ecclesiæ coniugio, illud etiam inest magnum, & admirabile, quod simul & castæ virginis integritatem retineat, nec tamen careat proli fecunditate. Itaque quod in psalmo dicitur, Vxor tua sicut vitis abundans, id quidem Augustinus, ad Christum dirigi existimat, cuius vxor sit Ecclesia, nos autem eius filij: Idemque alio loco. Parit, inquit, Ecclesia filios coniux Christi, in cuius figura Eua mater viuientium appellata est. Quem igitur amorem, quam credimus esse Christi charita-

Cant. 1.

Cant. 2.

Cant. 4.

Cant. 3.

Ephef. 3.

Serm. 69.

aut.

Cant. 1.

Psal. 118.

charitatem in suā sponſam, & talem sponſam, & quæ cum tam multis, ac talibus, tamque optatis filiis augeat? Declarat hoc Apostolus cum hoc Christi Ecclesiæq; suauissimi, castissimiq; amoris plenum connubium coniugatis omnibus, quasi amandi exemplar proponit. Viri, inquit, diligite vxores vestras, sicut & Christus dilexit Ecclesiam. Sed tamen & si tantus est in coniugio tum nexus, tum etiā amor, est præterea altior quidam gradus, quo Christi charitas omnium coniunctionum, & omnium amorum vim longissimè exsuperat, quoniam hæc iultorum multitudo, de qua loquimur, ita cum Christo conglutinata est, ut vnū quiddam nulla ex parte diuisum, aut separatim efficiant. Quæ causa est cur Apostolus, penitus in hæc misteria ingressus, nos omnes corpus, illum autem caput, & verum caput, appellare non dubitet, qua quidem nulla esse potest maior, ætiorq; coniunctio. Sic enim ad Ephesios. Ipsum dedit caput super omnē Ecclesiam, quæ est corpus eius. & alio loco, Vir caput est mulieris, sicut Christus est caput Ecclesiæ. Idemque ad Colossenses. Ipse est caput corporis Ecclesiæ, itemque pro corpore eius quod est Ecclesia. De quo etiam Augustinus, vnus homo cum capite, & corpore suo Iesus Christus Saluator corporis, & membra corporis, duo in carne vna, & in passione vna, & cum transierit iniquitas, in requie vna.

Eph. 5.

Eph. 5.
Eph. 5.

Coloss. 1.

Psal. 61.

Cum igitur hoc ita constitutum, & confirmatum sit, Ecclesiam ob tam multas, tamque magnas causas adeo caram esse Deo, & ab eo tot muneribus donisque profusè ornata, illud deinde necessario sequitur, nihil Deo gratius ab hominibus fieri posse, quam si ipsi quoq; hanc eius sponſam, & hoc eius corpus omni amore, omni studio, omniq; obsequio complectantur, & colant. Itaq; nec Deus ipse solum se diligi vult, nisi illa etiam simul diligatur, & nos certe hoc illi debemus propter eximia beneficia, quæ in ea, & per eam à Deo accipimus. Sic enim intelligendum est, quicquid gratiæ, quicquid luminis, quicquid spi-

ritualium

Psal. 88.
conc. 2.

Actualium charismatum in nobis sit, id est ut à Deo Ecclesie collatum, ab eius sinu in nos peruenire, vt illi secundum Deum, & ortum, & educationem nostram, & omnia spiritualis huius vitæ alimenta accepta referre debeamus. Quam ob causam rectè ab Augustino dictum est, Amemus Dominum Deum nostrum, amemus Ecclesiam eius: illum sicut patrem, istam sicut matrem: illum sicut dominum, hanc sicut ancillam eius, quia filij ancillæ ipsius sumus. Sed matrimonium magna charitate copulatur, nemo offendit vnum, & promeretur alterum.

Ex quibus alterum etiam sequitur, cum Deus quod necesse est, in tali quasi thesauro suo tuendo, & custodiendo, omnem vigilantiam, curam, ac sollicitudinem ponat, si qui sint inter homines, quibuscumque illi aliquam huius curæ, ac sollicitudinis partem cõmunicet, non posse eis quicquam vel ad gloriam illustrius, vel ad meritum vtilius contingere. Nam si honor quæritur, quis maior esse potest, quàm societatem habere cum Deo tantæ, & tam præclari muneris? Si fides, quæ maior alicui haberi potest, quàm in tali, & tam pretioso deposito? Atque etiam in hoc ipso quidam sunt quasi gradus. Primum enim singulorum qui in Ecclesia sunt, saluti studere, eique operam nauare, magnum est sine dubio, & habet hoc quoque magnam cum Deo similitudinem. Maius est tamen non hominum singulorum, sed Ciuitatum, aut Prouinciæ, quod faciunt Episcopi, & qui eo loco sunt. Sed maximum, & præstantissimum ipsius Ecclesiæ vniuersalis bonum curare, & in hoc bono, quod sine vlla dubitatione multò diuinius est ex officio versari. Hoc igitur officium primo quidem loco Summi Pontificis est, generalis omnium præsidis, & pastoris, proximè verò Cardinalium, qui ad hoc facti, ad hoc instituti sunt, vt in hac quasi arce Romanæ communibus totius Ecclesiæ per totum Orbem fusæ vtilitatibus seruiant. Itaque quoniam huius quidem corporis, de quo paulo ante diximus, Pontifex ipse pro Christo Domino capitis locū

in

in terris obtinet, iure ac merito Cardinales in hoc eodem corpore colli partes tenebunt, qui nimirum gradu, & dignitate proximi, hoc caput, studio, opera, consilio sustentant, & adiuuant, & ab ipso etiam influxum quandam sapientiae, & prouidentiae, nulla media re excipiunt, & in reliquos fideles transfundunt. Quamobrem ipsi quoque hanc Dei iam vberem vineam, hunc hortum conclusum, hanc familiam, hanc etiam sponsam, immo vero hoc ipsius Christi corpus, vti diximus, fouendum, & curandum sedulo susceperunt. Magna omnino dignitas, magnus honor, ac splendor, sed ita vt simul etiam magnam, ac multiplicem obligationem, & laborem, afferat, cui minus respondere, aut in eo segniores, remissioresque se praestare non solum turpe, sed etiam graue, ac periculosum est. Videtur enim in ipsos etiam Cardinales illa Pauli Apostoli cohortatio aptissime cadere, Attendite vobis, & vniuerso gregi, in quo vos Spiritus sanctus posuit Episcopos regere Ecclesiam Dei, quam acquisiuit sanguine suo. Quod enim maius pretium dicere potuit, quam sanguinis, & talis sanguinis, taliq[ue] modo effusi? Quare hoc iam agendum, vt huius vtriusque rei magnitudo planius ostendatur primum quanta sit Cardinalium dignitas, deinde etiam quod officium, & obligatio.

Ad. 10.

De origine Cardinalatus. Cap. II.



N rebus omnibus quarum forma, ac natura inuestiganda sit, magnopere confert earum ortum, & initia inspicere. Nam & antiquitas multum affert nobilitatis, ac splendoris, vt videmus familias, quo vetustiores, eo illustriores esse: & certe hoc etiam iuuat ad quamq[ue] rem melius pernoscentia, si quid ab initio fuerit, & quomodo instituta sit intelligatur. Ferè enim ita euenit in plerisq[ue] vt quo longius, ab ortu recedunt, eo ma-

gis

gis inueterāscant, & quasi senescendo, nitorem suū, vimque amittant, Quare hoc idem faciendum in Cardinalatu, sic enim tum eius dignitas, tum etiā officia facilius elucēcer, si principium pateat & origo. In primis igitur illud constat qui nunc Cardinales vocantur, eos olim Presbyteros, vel Diaconos vrbis Romæ appellari solitos: idque constat tū ex alijs, tum ex Nicēna Synodo, quæ habita est Syluestro Pontifice, cui inter ceteros duo ita subscribunt, Victor, & Vincentius Presbyteri vrbis Romæ, pro venerabili viro Papa, & Episcopo nostro, Syluestro. Ex quo apparet eos Pontificis locum in eo concilio tenuisse, quod munus magnum est, & Cardinalium proprium. Quin etiam aliquanto post, in Synodo à Gregorio Romæ habita anno Domini D. XC III. triginta quinque Sacerdotes subscribunt omnes ex nomine Ecclesiarum suarum. Atque Augustinum etiam videmus in disputatione quadam aduersus Pelagianos, mentionem facere de Romanis clericis, qui sub Zosimo Pontifice Celestinum, & Pelagium condemnarāt: at hæreticos damnare, non est priuatorum clericorum, ut necesse sit eos fuisse Cardinales. Quare cum hoc ita sit; videndum nobis est, quod initium fuerit, quis progressus Romani Cleri. Primum igitur hoc communi consensu receptum est, B. Petrum cum Romæ sedem posuisset, ex omnibus recentibus Christianis probatissimos quosdam elegerit, quos manu impositione partim Presbyteros, partim Diaconos ordinauit, distributis vtrique ordini suis munibus. Sed cum adhuc exiguus, & incertus esset Presbyterorum numerus, Cletus Pontifex à Sancto Petro tertius eos ad quinque, & viginti redegerit scribitur. Euaristus deinde qui Pontificatum cepit anno Domini XCVI. ne confusè administrarent, parroccias diuisit; ut suam quisque dioecesi nosset, & in eam excolendam incumberet. Sed hætenus singuli Presbyteri in singulis parroccijs, quod latis erat, pro Christianorum paucitate. At Hyginus, qui annum circiter CXL. Romanam tenuit Sedem, aucto iam

fide-

fideliū numero; plures in vnaquaque parroecia Presbyteros aliosque Clericos instituit; quæ Ecclesiæ, siue parroeciæ, iam tum ab illo tempore tituli appellari cepti sūt. Cur autem tituli dicerentur; causam assignat Baronius in suis Annalibus, vel quia quicquid ex prophano ad Ecclesiā adiungebatur; intitulari, vel in titulum transire dicebatur, quod etiam ex quadam Gregorij Epistola intelligi potest: vel quia Presbyteri quibus ex committebantur Ecclesiæ, singulis à suis Ecclesijs nomen titulumque acciperent, vt iam non ex familiæ cognomine, sed ex sua quisque Ecclesia nuncuparetur. Hi vero tituli frequentius quidem ab eius sancti nomine, cui dicata esset Ecclesia, sumebantur, vt S. Cæcilie, aut S. Mariæ trans Tyberim: interdum tamen etiam ab ijs Pontificibus, qui eos titulos instituerant, vt Iulij, aut Damasi, interdum ab ijs qui templa ipsa edificarant, vt Lucinæ, Eudoxiæ, Tigridis, & similes. Quod si quis numerum etiam quærat horum titulorum, iam ante dictum est ab Euaristo vigintiquinque institutos esse; quibus deinde alij Pontifices alios quosdā addidere, sic tamen vt semper viginti & octo permanerint, vsque ad annum circiter M. CCCC. LV. id est vsque ad Calixtum Tercium qui vnum addidit, alterum deinde Sixtus Quartus, Leo X. vndecim, tres Iulius III. vnum Paulus Quartus, itemque Pius Quartus, tres postremo Pius V. vt omnino noui tituli adiecti sint vnus, & viginti. Hæc de Presbyteris, nunc de Diaconis pauca dicamus.

Certum est igitur iam tum ab initio ferè Romanæ Ecclesiæ septem Diaconos Apostolorum exemplo, qui ita Hierosolymis fecerant, institutos, & quidem aliquandiu nullo certo certo loco, verum quicumque occorrebat locus, in eo promiscuè sua obibant munera. Quare primus omnium Fabianus Pontifex annum circiter CC XL. Vrbis regiones distribuit, suamque cuique assignauit; de quarum regionum partitione, expressa est mentio in ea oratione quam Gregorius habuit ad populum, pestilentie tempo-

re, quæ adhuc extat in eius vita. Ex his autem septem Diaconis vnus erat præcipuus à Pontifice electus, cum Cleri, populiq; consensu, qui Archidiaconus appellabatur, cuiusmodi fuit S. Laurentius Syxti minister, Cum vero tunc quatuordecim essent Urbis regiones, Diaconus quisque binas administrabat; postea tamen duplicatus est hic numerus, vt singuli singulas haberent, demum etiam adaucto Romanæ Ecclesiæ splendore, plures in vnaquaq; regione adiuncti Diaconi, sic tamen vt vnus emereret, aliosq; gubernaret. Erant autem in singulis regionibus loca certa assignata, quæ appellabantur Diaconia, nimirum Ecclesiæ Sanctorum nomine dicatæ, in quibus nulla animarum cura gerebatur, sed alia munera exercebantur Diaconorum propria, de quibus infra dicemus. Atque has quidem Diaconias multis seculis ita distinctas fuisse accepimus, à Præbyterorum titulis, vt neque titulus vllus Diacono, nec Diaconia Præbytero traderetur. Quæ deinde ratio quomodo confusa fuerit, omnisq; propemodum subblata distinctio, dicetur à nobis paulo inferius. Verum hæc quidem posteriora. Quare redeamus ad priora illa tempora, quibus, vt dictum est, quatuordecim tantum fuere Diaconi, pro numero regionum, quibus quoniam erant assignati, ideo Regionarij vocabantur. Postea vero quatuor additi, qui Pontifici assisterent, eique sacrificanti seruirent, quam ob causam dicti sunt Palatini. Quare decem iam & octo Diaconi esse cœperunt.

Restant nunc Episcopi Cardinales, qui ex urbibus Romæ finitimis selecti, & hoc quasi priuilegio insigniti sunt, vt soli inter Episcopos Cardinalium nomen obtinerent, frequentius Summo Pontifici adessent, atq; eis quodammodo assisterent. Hi vero nunc quidem sex tantummodo: alias vero septem fuisse comperimus. Nam præter eos qui iam sunt Episcopatus, vnus etiam commemoratur Syluæ candidæ vsque ad Calistum II. circiter annū MCXX. quo tempore cum illa Ciuitas crebris Barbarorum incur-

sibus

fibus difiecta, & incolis exhausta, esset; adiuncta est ea Ecclesia Portuensi, cuius tunc Episcopus erat Petrus Romanus. Atque ex eo sex tantum fuere Cardinales Episcopi, nisi quod aliquando peculiare causę aliquas Ecclesias coegerant adiungi, quibus causis cessantibus, reditum est ad hunc eundem numerum: ut non ita pridem Leone X. Pontifice cum Bernardino Caruaiali, & Gulielmo Brisonettę, vtrique Episcopo Cardinali, quos Iulius II. deposuerat, dignitatem restituisset, duas Episcopales Ecclesias adiunxit, Reatinam, & Tiburtinam: sed ea causa subblata, eodem Leone viuente, vtraque Ecclesia Cardinalis esse desijt. Idem autem aliās etiam vsu venisse legimus; ut cum sub Leone Nono Veliterna, sub Urbano II. Nepefina, & alię alias additę sunt. De his igitur Cardinalibus Episcopis hoc quoque inter cętera accepimus, quemadmodum Presbyteri Cardinales in reliquis quatuor Patriarchalibus Ecclesijs Romę ideo institutis, ut vniuersam Ecclesiam in vna Vrbe representarent, suis quisque diebus, sacra peragebant, septenis titulis in singulas Ecclesias distributis; ita Episcopos Cardinales in Ecclesia Lateranensi, vbi Pontificia sedes fuit vsq; ad Gregorij XI. reditum, Auinione, singulos suis diebus per vices in ara maxima missas celebrare solitos, modo pręsente, modo absente Pontifice. Quod apparet ex Anastasio Bibliothecario, qui in vita Stephani Papę, quem creatum constat anno D CC LXVIII. expressam facit mentionem de Episcopis Cardinalibus hebdomadarijs. Sic enim eos appellat. Quare hunc etiam ordinem fuisse accepimus, ut Dominicus dies Ostiensis tributus esset, proximus Episcopo Cardinali Syluę candidę, tertius Portuensi, reliqui deinceps Sabino, Pręnestino, Tusculano, Albano. Nec dubium est quin id ad Pontificis dignitatem institutum esset, ut sicuti alijs Ecclesijs Presbyteri Cardinales, ita huic vni Episcopi Cardinales deseruirent: Atque hi quidem Episcopi etiam si Pontifici proximi, & Cardinales di-

eti, tamen multo tempore nihil præcipui præ alijs Episcopis habuere, neque eos vel dignitate, vel sessionis ordine præibant, nisi fortè antiquiores, ordinatione essent, quod alijs quoque commune est. Sed eorum dignitas vnà cum aliorum Cardinalium tempore adiuncta est, ob eas causas quas suo loco exponemus.

- Ex his igitur omnibus constat, etiam si Cardinalis nomen in veterum monumentis rarissimum sit, rem tamen ipsam, & dignitatem antiquissimam esse, semperq; in Romana Ecclesia retentam. Itaq; nec de Laurentio dubitatur, vt antea diximus, quin Diaconus Cardinalis fuerit, & multo ante Laurentium quidam putant ex hoc numero extitisse etiam Linum, & Cletum, & Clementem, qui Beato Petro Consiliarij, & adiutores erant. Sunt etiam qui B. Hieronymum inter Cardinales reponant, eoducti argumento, quòd vt ipse de se narrat, Damascum
- Ep. 11. inuerit in Epistolis scribendis, idque tum alijs ferè omnes sensere, tum præsertim Alphonsus Diaconus, qui de hoc integrum libellum edidit: sed id quidem argumentum satis infirmum est, quoniam scribendi munus non ita proprium est Cardinalis. Quare illud firmitus in partem contrariam, quòd licet Romæ aliquandiu fuerit, non tamen Romanæ Ecclesiæ Presbyterum fuisse constat, sed Antiochenæ, quod ipse apertè in Epistola quadam proficitur.
- Epist. lxi. Postremo quòd ad nomen ipsum attinet, non est dubium quin Cardinalis idem sit quod præcipuus, ac principalis. Itaque & venti Cardinales, itemque virtutes quædam Cardinales communi, & vsitato more appellantur. Quare non Romæ solum, sed alibi quoque in Cleri ordine, hoc Cardinalium nomen vsurpatum est. Ex quo illud est,
- Cano. 54. quod in Concilio Meldensi statuitur, vt Episcopus titulos Cardinales in vrbibus, vel suburbijis constitutos ordinet, atque disponat. Extatq; Gregorij Epistola ad Fortunatum Episcopum Neapolitanum, qua ei Gratianum quendam concedit, quem in sua Ecclesia Diaconum Cardinalem
- Lib. 5. Epi. 11.

lein instituat. Idemq; in alia Epist. Ioannem Episcopū Syracusanum monet vt Cosinum Subdiaconū Presbyterū faciat Cardinalem. Quod cū ita esset, vt vel in omnibus, vel in plerisq; Ecclesijs sui essent Cardinales, tñ hoc deinde consuetudo obtinuit, vt in sola ferè Rom. Ecclesia excellentiæ causa id nomen remaneret Romæ autē vnde hoc nomē fluxerit, nō satis compertū est. Pleriq; & certè omnes quos viderim vno consensu, ita dictos putant, qui singulis in titulis præerāt reliquis Presbiteris, vel in Diaconijs præerant alijs Diaconis, qui etiam alio nomine Archipresbyteri, & Archidiaconi dicebantur. Hoc enim indicare videtur nomen ipsum Cardinalis, quod vt paulò ante diximus, idem est quod principalis. De Episcopis autem quoniam hi alijs Episcopis non præerant, reddit Onuphrius aliam causam, prius quidem id introductum ex similitudine Presbyterorum, qui alijs Ecclesijs Patriarchalibus seruebant. Vt enim hi Cardinales Presbyteri vocabantur, ita, & multo magis decuisse, vt Episcopi qui Pontificiæ ipsi Ecclesiæ seruirent, Cardinales Episcopi vocarentur. Deinde vero adaucto Cardinalium splendore, verius etiam ita appellatos, non qui alijs Episcopis præessent, sed quia præcipui essent inter alios. Ab his dissentit Belarminus noster, idque ob hoc præsertim argumentum, quod in illa Gregorij Synodo, de qua ante diximus, quæ extat inter eius Epistolas, cum trigintaquinque subscribant Presbyteri, qui omnium concessu sunt Cardinales, eiusdem tamen Ecclesiæ bini subscribunt, vt Sancti Syluestri, Damasi, Balbinæ, & aliarum. Eius igitur hec est sententia, Cardinalis nomen loco primum impositum esse, deinde à loco deriuatū ad personam. Putat enim ex Ecclesijs ipsis aliquas fuisse, quæ Cardinales dicerentur, in quibus baptisumus, & alia sacramenta conferebantur, idque vt discrimen esset ab alijs Ecclesijs minus præcipuis, in quibus illa non fiebant. Sic etiam inter Diaconias, fuisse quasdam magis insignes, in quibus qui residebant, etiam si plures, appellatos esse

Lib. 11.
Epist. 34.

Lib. de Ep.
tit. Diac.
Card.

Vol. pri.

Lib. 4. c. 88

Dia-

Diaconos Cardinales. Eademque ratio est de Episcopis Cardinalibus, quod nomen tributum est sex illis ciuitatibus Romanæ vrbi proximis. Atque huic quidem sententiæ valde congruit, quod paulo ante ex Meldensi Concilio allatum est.

Nunc illud videndum quod supra attigimus, antiquissimum fuisse morem, vt suam Cardinalis quisque teneret Ecclesiam, nec eam dimitteret. Nam quamcunque Diaconus Diaconiam, aut Presbyter titulum, [vel Episcopatum Episcopus accepisset, eam deinde tanquam stationem perpetuo seruabat, nisi fortè vel Diaconus ad Sacerdotiũ, vel Presbyter ad Episcopatum ascenderet. Quod si contingeret, in eo quidem loco, in quo semel potiti essent, deinceps tota vita permanebant. Prima autem occasio huius moris immutandi fuit ex eo schismate quod Urbano Sexto Pontifice ortum, in Concilio demũ Pisano quoquo modo sopitum est. Nam cum vtriusque factionis Cardinales ad vnum corpus redissent, quoniam ita acciderat, vt iidem tituli, iidemque Episcopatus à duobus diuersarum partium Cardinalibus tenerentur, placuit Alexandro Quinto, qui tunc electus est Pontifex, eos qui Urbani partes sequuti fuissent, suis Ecclesijs dimissis, alias vacantes accipere. Quod cum eo quidem tempore honesta, atque etiam necessaria ratio induxisset, postea vt sit, nulla necessitate retentum est, dum Cardinales tenuem titulum, vel Episcopatum pinguiori mutare studerent, In quo primum fuisse tradunt Iordanum Vrsinum, sub Alexandro V. qui S. Martino in montibus relicto, S. Laurentium in Damaso tum vacantem impetrauit; idemque deinde ab Eugenio Quarto relicto Episcopatu Albano, Sabinum obtinuit: eiusque exemplo Antonius Corarius dimisso Portuensi ab eodem Eugenio Ostiensem, quia opulentior erat consequutus est, quod idem alij deinde fecere. Sed rarius adhuc, & parcius, vsque ad Sixtum Quartum, qui nõ solum huiusmodi mutationes creberrimè vsurpauit, sed etiam

etiam quod nunquam antea factum fuerat, Diaconias Presbyteris, titulos Diaconis assignare non dubitauit. Verū hoc quodcumque erat, totum arbitrio Pontificis gerebatur, cum scilicet is volebat, & quibuscum volebat.

Postea verò ita inoleuit, vt iam consuetudo vim legis obtinuerit, sitque liberum Cardinali cuiuis, proximum sibi titulum, vel Episcopatum, cum vacat, optare: sic enim loquuntur: id est eligere, & se in eum transferre, hoc excepto, si quis forte abesset, non ob Ecclesię vtilitatem. Lex enim est, vt absentis ratio nulla habeatur. Quin, etiam hoc interdum retentum à Pontificibus, vt Diaconos aliquos, præsertim antiquiores, ad superiorem ordinem, gradu non seruato, prouehant, vt Paulus Quartus qui Franciscum Pisanum Albanensem Episcopum, Clemens Septimus Marcum Cornarum Archipresbyterum fecit, à quibus vterque, vt Archidiaconis, fuerat coronatus. Sed in hac optione, ob tam crebram mutationem, illud inesse solet incommodi, vt Cardinales Ecclesias sibi commissas non fere ament, aut curent, tanquam proprias, quas nimirum putent se prope diem relictui os; ex quo fit vt multæ quæ ad Ecclesiasticum nitorem, Deiq; cultum pertinent, negligantur, & pereant.

Extremo loco si quis etiam de veterum Cardinalium numero querat, ne id quidem difficile est colligere ex titulorum numero, quos supra diximus octo & viginti fuisse, quibus si decem & octo Diaconos, ac denique septem Episcopos qui antiquitus erant, addamus, iam apparebit fuisse semper olim tres, & quinquaginta. Atque hic numerus ad Honorium vsque secundum anno Domini M.C. XXV. durauit, à quo tempore sensim minui cœptus, cum in demortuorum locum nemo substitueretur, sed eorum, tituli, vel ab Archipresbytero, vel ab altero Cardinali, Pontificis iussu, administrarentur. Itaque incertus ac varius esse cœpit Cardinalium numerus vsque ad annum M CCLXXVI. quo tempore ad Nicolai Tertij electionē
septem

septem tantum Cardinales affuisse legimus. Ab eo vero tempore rursus reflorescere, & augeri cœpit, ita ut Bonifatio Octauo sedente, essent iam Cardinales viginti, neque tamen usque ad Sixtum Quartum trigessimum attigerunt, cum in Constantiensi Synodo cautum esset, ne plures essent, quam vigintiquatuor. Sixtus trigessimum supergressus est, Alexander vero Sextus fere ad quinquagesimum perduxit: at Leo X. cum vna vice vnum & triginta creasset, usque ad sexagesimum quintum. Paulus Quartus quinque amplius addidit. Pius Quartus usque ad sextum & septuagesimum: quo nunquam ante peruentum erat, neque postea peruentum est. Postremo Sixtus Quintus recentissimè numerum septuagesimum definiuit, instar illorum, ut ipse ait, septuaginta seniorum, quos Dominus Moyse adiutores dedit, in quos tanti oneris partem deriuaret.

Num. 11.

De excellentia, & dignitate Cardinalatus.

Cap. III.



VNC sequitur ut videamus, quàm magna, & excellens sit hæc Cardinalium dignitas, quod & si minime obscurum est, quin potius ita apertum, ut ea etiam causa sit, cur hic honor vulgo tam auidè exspectatur, nobis tamen aliquid in hoc genere magis solidum, & reconditum afferendum est, nec sine fructu. Nam hoc dignitatis fundamento posito, facile erit deinde argumentari, quos mores, quam vitam, eiusmodi locus postulet. Primum igitur hoc ponendum est, quod maximè ad rem nostram facit, cum inter homines duo sint dignitatum genera, vnum seculare, & laicum, alterum sacrum, & Ecclesiasticum, nullam esse posse dubitationem, quin hoc longe illi antecellat, quantumque quantacunque sit secularis dignitas, etiam si regia. Sic enim

enim

enim B. Gregorius quis dubitet, inquit, Sacerdotes Christi Regum, & Principum, omniumq; fidelium patres, & magistros censerit? Neque obscura est huius rei ratio. Est enim altera dignitas spiritualis, altera terrena, & humana. Quare quanto spiritus nobilior est corpore, tanto spiritualia temporalibus; ut Innocentius Pontifex ad Imperatorem ipsum scribit. De quo etiam Nazianzenus ad laicos Principes. Lex Christi sacerdotali vos subijcit potestati, atque hisce tribunalibus subdit. Dedit enim & nobis potestatem, dedit principatum multò perfectiorem principatibus vestris. An verò iustum vobis videtur, si cedat spiritus carni, si à terrenis cœlestia superentur, si diuinis præferantur humana? Apparet hoc etiam ex ipso fine. Nam vtraque sane potestas populorum bono consulit, quod in hoc consistit, ut viuant ex virtutis regula: sed hoc interest, quòd seculari propositum est bonum morale, quod est naturale, spiritualis autem aliud quoddam bonum curat, quod est multo altius, & excellentius, nempe supra omnem naturam. Iure igitur ob hanc, quam dixi, & ob alias etiam causas, illa à Chrysostomo in hanc sententiam dicta sunt, Sacerdotium principatus est ipso etiam regno venerabilius, & maius. Nec mihi obijcias purpuram, neque diadema, neque vestes aureas, Vmbræ sunt ista omnia, & flosculis leuiora. Pergit deinde pluribus vtrunque comparare, quoniam quicumque est ille Regis splendor ex auro, & potentia, totus est in rebus terrenis. At Sacerdoti, inquit, thronus in cœlis collocatus est, & auctoritatem habet iudicandi de cœlestibus negotijs. Quis hoc dicit? Ipse cœlorum rex. Quæcumque ligaueritis super terram, erunt ligata & in cœlis. Quid cum hoc honore conferri possit? Hæc Chrysostomus. Quare hoc positum esse debet, Ecclesiasticam dignitatem ipso genere, ita præstare laicæ, ut ne sit quidem comparatio. Quòd si hoc valet in omni Ecclesiastica dignitate, quid de ea dicemus, quæ inter ipsas Ecclesiasticas præcipuum tenet

Lib. 8 Ep.
21.

c. solitæ de
maior. &
obed.
Orat. ad
Ciu.

Hom. 4. vi
di Domin.

March. 18.

C

net



net locum? Tales sunt igitur Cardinales, quos Sanctus Bernardus appellat senices populi, iudices orbis. D. Antoninus autem, cuius testimonium eò pluris faciendum, quòd vt Theologus, nihil loquitur augendi gratia, apertè Principatum dignitatis in Ecclesia, post vnum Pontificem, Cardinalibus tribuit. Idemque sentit Turrecremata Lib. 1. de eccles. c. 81 haud minor Theologus, qui ait, eos excedere dignitate omnes Ecclesiasticas dignitates, redditque hanc ratione, quia sunt membra Papæ, & vna persona cum illo. Valdenfis etiam magnæ vir auctoritatis, cū alia multa de Cardinalibus tradit, tum hoc, non modicum iuris habere eos in orbe, sed quem locum, ac munus tenuit Aaron, & Vr apud Moysen, tenere eos apud Pontificem, ipsisque datum esse in conspectu primæ sedis facere iudicium, & iustitiam in terra, & orbis Pontificem præmunire consilij. Quod etiā confirmant duo insignes viri, & Pontificij iuris peritissimi, Hostiensis, & Ioannes Andreas, cuius vtriusque illa sunt verba, Excepto Summo Pontifice, nullum esse maiorem gradum. Jacobatus etiam doctrina excellens, dignitate ipse Cardinalis ita docet quodam loco, tum ob alias rationes, tum ob eam, quam modò attulimus, quia sunt vnū corpus cum Pontifice, & quia vniuersæ Ecclesiæ consulant, non solum Romanæ. Videmus etiam quàm de ijs honorificè loquatur B. Hieronymus iam tum suo tempore, Ecclesia, inquit, Senatum habet presbyterorum, sine quorū consilio nihil Monachis agere licet. Senatū quoque Romani habebant, cuius consilio cuncta agebant, & nos habemus Senatum nostrum, cœtum presbyterorum. Exrat etiam Constantini illius Magni, magnum de hoc ipso testimonium, quo huius ordinis amplitudinem confirmat, atque ipse insuper auget pro potestate, Viris, inquit, Reuerendissimis Clericis in diuersis ordinibus Romanæ Ecclesiæ seruientibus illud culmen singularitate, potentia, & præcellentia habere sancimus, cuius amplissimus Senatus noster gloria adornari, idest, patritios, & consules effici.

Lib. 4. de
con.
3. p. tit. 11.
c. 2.

Lib. 1. de
eccles. c. 81

Li 2. doct.
fid. art. 54.

In e dile-
ctus de
præben.

Lib. 1. de
concil. nu.
118.

In 3. cap
Efi. x.

c. Constan.
d. 96.

fici, nec non & ceteris dignitatibus Imperialibus eos promulgamus decorari. Quid magnificentius dici poterat; præsertim ab Imperatore totius orbis? Nam quod eos patritios facit, ea verò summa ferè erat dignitas post Imperatoriam. Quod etiam ex eo cognosci potest, quod cum anno Domini D CC LXXIII. Hadrianus Primus Pontifex vnà cum Concilio summos omnes honores excogitaret, quos Carolo Magno Gallorum Regi, ob Ecclesiam liberatam, decerneret, hoc in primis tribuit, vt eum patritium Romanum faceret: idemque ducentis viginti post annis, Henrico Secundo Imperatori, ob magna eius merita. honoris causa, tributum est. Nihil mirum igitur, si cum ad tantum splendorem prouecti sint, verè etiam Principes vocantur, vt est apud Archidiaconum in quodam consilio, quin etiam dicuntur regibus æquiparari; quod nec temerè, nec adulatorio more dictum est, sed à præcipuis viris, & Iurisconsultissimis. Sic enim Iason, sic Paris Puteus, sic etiam Hieronymus Manfredus in eo libro, quem scripsit de Cardinalibus. Addit etiam Conradus Laudensis, hanc esse causam, cur purpuram induant, more regum, vt quemadmodum dignitate, sic etiam corporis cultu & ornatu, regibus æquentur. Atque ex hac dignitatis eminentia illa quoque sine dubio consequuntur, quæ sacri Canones pro Cardinalium salute, & auctoritate tuenda statuerunt, cum etiam qui eos læserint, reos læsæ Maiestatis decernant, & alias pœnas addant solo auditu horribiles. Quò etiam illud vel maxime pertinet, quod in Romana Synodo à Syluestro habita sapienter constitutum est, vt Presbyter Cardinalis non nisi quatuor, & quadraginta testibus condemnetur, Diaconus autem Cardinalis octo, & viginti. Quæ enim alia huius tanti priuilegij causa, nisi vt ait S. Thomas, propter eorum dignitatē, & quia tales existimentur esse, vt plus eorum sanctitati credatur, quàm multis testibus.

Sed illud verè maximum, ac summum in hoc genere

C 2 digni-

Con. vi.

In l. Centurio. ff. de vulg. & pup. Decif. 56. Lib. 2. tēp. lud. c. 2. Lib. de sum. di. decif. 36

c. felix de pœnis in 6.

2. q. 5. c. Præsul.

2. 2 q. 70. art. 2. ad 3.

Psal. 18.

Eph. 2.
Apoc. 21.3. p. tit. 21.
c. 2.
Lib. 1. de
Ecclef. c.
30.Act. 1. &
15.

1. Reg. 1.

dignitatis, quod Cardinales Apostolorum locum in Deſ. Eccleſia tenent. Non enim dubitari poteſt, quin in Sancta Eccleſia primus, & Princeps locus Apoſtoliſ ſit tribuendus, de quibus dictum eſt in pſalmis, Conſtitues eos Principes ſuper omnem terram, & qui etiam à Paulo fundamentum huius domus, & à Ioanne ſupernæ illius Ciuitatis portæ appellantur. Quare nihil magis inſigne, aut honorificum vlli homini contingere poteſt, quàm hunc tam honoratum locum quaſi hæreditario iure conſequi. Sic enim duo præcipui tum doctrina, tum ſanctitate auctores, D. Antoninus, & Turrecremata iſdem penè verbis. Duplicem enim faciunt Apoſtolorum ſtatum, duplicemque reſpectum ad Chriſtum Dominum, ac Saluatorem: alterum, cum adhuc viuenti, & in terris verſanti aſſiſtebant, & poſto erant ad omnia, quod idem etiam poſt eius ad cœlos aſcenſum, aliquandiu fecerunt erga Petrum, qui Chriſti gerebat vices. Sic enim in actis legimus, conſilio, & opera ei aſſuiſſe, dum adhuc coniuncti Hieroſolymis degerent. Alterum verò ſtatum perhibent, cum poſt Spiritum ſanctum receptum, profeſti ſunt in omnes terras, ad Euangelium diſſeminandum, ad populos fide imbuendos, atque inſtituendos, neque id temerè, aut ſine ordine, ſed prouintijs ſortitis, atque inter ſe diſtributis. Sic igitur cū Romanus Pontifex Petri Succeſſor ſit, & Chriſti Domini perſonam ſuſtineat, nimirum conſequi aiunt, vt ipſi quoque Cardinales Apoſtolos referant, priore illo modo, Epiſcopi verò, qui ſinguli ſingulis præſunt, vel ciuitatibus, vel prouincijs, poſteriore. Quare de Cardinalibus illud dici poſſe, quod eſt in ſacris litteris, Domini ſunt cardines terræ, & poſuit ſuper eos orbem. Hanc enim terram tam latè patentem, ita firmam, & fixam, & quæ homines omnes & ſuſtineat, & alat, eſſe Eccleſiam, eius autem cardines, vt nomen ipſum admonet, eſſe Cardinales, quare ipſos quoque Principes eſſe mundi. Hæc omnia patres illi quos dixi.

Scd

Sed quoniam ita dictum est, Episcopis etiam hunc honorem communem esse, ut ipsi quoque Apostolorum Successores dicantur, ideo hoc etiam videndum, an aliqua ex parte Cardinalium primatum imminuat. Igitur si inter hos comparatio facienda est, profecto si ordinem, & ordinis potestatem spectemus, maior est Episcopus. Hic enim Sacerdotes consecrat, confirmat baptizatos, & alia eiusmodi facit, que non potest Cardinalis. Idemque sentiendum si spectemus iurisdictionem ferendi leges, puniendi, dispensandi, indulgendi, quæ item non licent Cardinali, quoniam nullam habet diocesim. Itaque ex hac sanè parte, maius aliquid habent Episcopi: quæ etiam causa est, cur Summus Pontifex veteri more Episcopos quidem venerabiles fratres appellet, Cardinales autem dilectos filios; quoties scilicet singulis loquitur, vel scribit: nam cum vniuersos alloquitur, tum communiter fratres vocat, propter admixtos Episcopos. At vero si vniuersalis Ecclesiæ gubernationem respiciamus, sine vlla dubitatione, maior est Cardinalis, non modò Presbyter, sed etiam Diaconus, quàm quiuvis Episcopus. Addo etiam quàm quiuvis Patriarcha, quoniam Cardinales Pontificem iuuant in Ecclesiæ gubernatione, in negocijs consilio expediendis, & opera exequendis: quare ipsi quoque ex bona parte hanc Ecclesiæ totius administrationem attingunt; Itaque S. Bernardus de Cardinalibus differens ad Eugenium, An non, inquit, eligendi de toto orbe orbem iudicaturi? Immo verò ab his etiam aliquo modo ipsorum Episcoporum pendet electio, quoniam non sine ipsorum consilio res geritur, nec solùm eligunt hoc modo quem dixi, sed eos etiam iudicant, & deponunt cùm opus est, quod Episcopi non faciunt, nec facere possunt in Cardinales. Itaque priscis sanè temporibus Episcoporum dignitas maior erat, quàm Cardinalium: idque tum ex multis alijs, tum ex eo potissimum constat, quòd & in concilijs, adhuc eorum extant nomina priori, ac digniori loco subscri-

Lib 4.

Lib. 1. c. 7. subscripta. Et in vita S. Gregorij, ita memorię traditum
 est, cum ex Cardinalibus consueuisset facere Episcopos. Atque hoc quidem illis, ut dixi, temporibus, postea verò
 mutata ratio, ac tanta Cardinalibus facta est splendoris
 accessio, ut si absolute loquendum sit, non modo in hac
 Ecclesię forma, quam nunc videmus, sed à multis iam se-
 culis, magno interuallo Episcopale superent dignitatem.
 Huius autem accessionis ea fuit causa, quoniam Cardina-
 les soli tum ad Pontificum consilia, tum etiam ad Pontifi-
 cis electionem adhiberi coepti, atque etiam ex ipsis ferè so-
 lis Pontifex eligi. Sic enim Sigonius diligens historicus
 Lib. 3 de Reg. Ital. narrat anno iam tum D CC LXXIX, in Concilio, quod
 Stephanus Tertius Romę habuit, hoc etiam constitutum,
 ut deinceps nisi Presbyter, aut Diaconus Cardinalis ne-
 mo Pontifex fieret, quod & si non semper omnino serua-
 tum est, quoniam alios etiam plures factos videmus, tamē
 satis ex hoc apparet quanta vel eo tempore Cardinalium
 Lib. 9. ratio haberetur. Atque idem Sigonius alibi ita scribit, cum
 Romani Pontificis creatio Cardinalibus præcipue permissa
 est, quod fuit anno Domini M. L IX. eorū nomen coepisse
 magis ac magis in Ecclesia celebrari. Quam in sententiā,
 Petri quoque Damiani, qui hoc tempore vixit, Fuitque ipse
 Cardinalis Ostiensis, ex quodam eius libro dictum affert.
 Romani inquit, Cardinales, Romanum Pontificem prin-
 cipaliter eligunt, & quibusdam alijs prærogatiuis, non
 modo quorumlibet Episcoporum, sed etiam Patriarcha-
 rum, atque Primatum iura transcendunt. Saluo quippe
 vniuersalis Ecclesię Sacramento, isti sunt oculi vnius ca-
 pitis, ipsi lucerna huius candelabri. Hęc ille. Sed habe-
 mus etiam luculentum de hoc ipso testimoniū ipsius Pon-
 tificis Eugenij Quarti in litteris quibusdam, quas ille ad
 Henricum Cantuariensem Archiepiscopum eo ipso tem-
 pore scripsit, cum Florentiæ generale Concilium haberet,
 scripsit autem ob hanc ipsam occasionem, quod ille de
 priore loco cum Ioanne Presbytero Cardinali litigaret. In
 his

his igitur literis, multas causas affert, cur eum iniuste agere dicat, multaque addit ad Cardinalatus dignitatem omnibus dignitatibus præferendam, quia Archiepiscopus suæ tantum diocesis utilitati seruiat, at Cardinalis publicæ totius populi Christiani, ille vnam priuatam duntaxat regat Ecclesiam. hic vnâ cum Sede Apostolica vniuersas; & cum Cardinales à nemine nisi à Summo Pontifice iudicentur. ipsi tamen simul cum Pontifice omnes Ecclesiæ gradus dijudicent. Denique ex illo Stephani decreto, de quo paulo ante diximus, hoc quoque confirmat, hos qui nunc Cardinales appellantur extriisse etiam Petri tempore, licet alio nomine. Hæc ille omnia, & alia complura. Sunt enim prolixæ literæ, easque videre est, apud Iacobarium.

c. oportebat. d. 39.

Lib. 1. de concil. nr. 252.

Concludamus igitur, & cum Turrecremata, de quo supra diximus, huic tam eximie dignitati, atque excellentiæ in Dei domo, quæ est Ecclesia, applicemus locum illum ex Apocalypsi, in quo augustissima quædã sedes describitur, & in eius circuitu seniores multi. Hoc enim solium, ac tribunal, ille Apostolicam Sedem esse interpretatur, in qua Deus residet, nempe Dei Vicarius, qui eius potestatem, ac personam gerit. Sedilia vero viginti quatuor seniorum. Cardinales ipsos significare, qui seniores vocentur propter iudicij, morumque maturitatem, iidemque sedere dicantur, ob animi tranquillitatem, omnibus videlicet turbulentis motibus sedatis, qui etiam stolis albis amicti describantur, quoniam eiusmodi vestes longæ, & quæ totum contegant corpus, candorem, & puritatem totius vitæ indicent. Quæ vestium mentio admonet me, vt etiam hoc extremo loco aliquid de Cardinalium habitu, cultuque attingam. nam hic quoque quoniam ad externam quandam maiestatem compositus est, non alienus videtur ab hac dignitate quam tractamus. Eius autem initium factum accepimus ab Innocentio Quarto anno salutis M CC XLVI. cum statuisset vt Cardinales omnes rubro

Apoc 14.

brogalero vterentur. Insuper etiam in publicum procederent equo vecti. Ex quo sanè apparet antea pedibus ire consueuisse, quod vnum reliquam quoque tenuitatem, ac simplicitatem illorum temporum indicat. Postea vel Bonifacius VIII. vt ait Hieronymus Albanus, vel vt plures tradunt, & in primis Platina, Sabellicus, & Volaterranus confirmant, Paulus Secundus anno M. ccc. lxxiij. reliquas vestes purpureas, cæterumque ornatum adiecit. Atque ex eo quoque tempore aucta est huius Magistratus amplitudo, vt internæ eius dignitati, hæc etiam externa species responderet.

Lib. de
Card. q. 8.
Aenead. 9.
lib. 6.

De primo officio Cardinalium ratione ordinis.
Cap. IIII.



VAE hætenus de Cardinalatus præstantia, eaque præsertim tam eminenti, dicta sunt, facilè, nisi fallor omnibus arridebunt, & ab ijs maximè, qui in hac dignitate sunt, libenter accipientur. Est enim hominibus natura insitum, vt inter alios excellere velint, & summos quosque honores, & gradus appetant, & quo ij maiores, eò magis gaudeant. Sed videndum nunc est, hic honor, & hic gradus, quæ requirat officia. Atque hoc quidem multò diligentius, & attentius cogitandum est Cardinali, quàm illa, quæ ad amplitudinem suam pertinent, in quibus vix est aliquis solidus fructus, hic autem vel maximus. Nihil enim iniustius, Frater Illustrissime, quàm cum artem aliquam profitearis, vel nescias quæ ars illa exigat, vel si scias, nihil labores, vt ea præstes, & exequaris. Quod si Medicum, aut Iurisperitum pati non possumus, qui id præ se ferat, in quo sit rudis, quantò magis hoc idem reprehendendum esset in Cardinali, qui in arte tanto maiore, ac nobiliore versatur?

Itaque

Itaque quò maius est, quod hic promittit, eò si fallat minus est dignus venia, immo etiam maiori dignus poena. Quare hoc iam ut dixi, videndum, quæ sint huius Magistratus officia. Sunt autem triplicis generis, primum, quod singulis Cardinalibus conuenit propter ordinem, in quo quisque est; reliqua duo omnibus communia; alterum in Pontifice eligendo, alterum in eodem adiuuando. nam cum supra dictum sit, tres esse Cardinalium classes, quoniam alij Episcopi, alij Presbyteri, alij Diaconi, habent singuli sua munera, eadem videlicet, quæ alij etiam Episcopi, Presbyteri, Diaconi. Et quidem quod attinet ad Episcopos, hoc etiam intelligendum est, morem olim fuisse in Ecclesia, eumque diutissimè seruatum, ut non alij essent Cardinales Episcopi, quàm illi, septem prius, postea verò sex, qui ob locorum propinquitatem, simul & Pontifici adesse, & suo tamen gregi non deesse poterant; alij verò aliarum ciuitatum Episcopi, nunquam ad Cardinalatum promouerentur. Cuius ea causa erat non solum ne pastorem curam deferrent, sed etiam, quia aliquandiu, & quidem multo tempore, ut supra ostendimus, maior erat dignitas Episcoporum, quàm Cardinalium. Itaque potius ex Cardinalatu gradus erat ad Episcopatum, quàm contra. Verùm adauçta deinde Cardinalium maiestate, mutata ratio est, ut ex Episcopis, & quidem libenter, fierent Cardinales. Cuius quidem initium Iacobatius ad Clementem V. refert, scribens, Bonifatium Octauum ob hanc causam multos non fecisse Cardinales, cum id ipse optaret illiq; aptissimi essent; idq; ipsum miratur, quomodo hoc illius hominis alioquin acutissimi solertiam fugerit. Quod sane nos miramur, ab hoc auctore dici, cum certum sit, eum usum aliquanto ante Clementem introduçtum, nimirum circiter Alexandri Tertij tempora. Tunc enim Ecclesiæ temporalis dignitas, magnopere illustrata est, cum Federicus Aenobarbus Imperator fractus, atque Pontifici subiectus esset. Quare, quòd quidem scriptis ex-

Lib. 1. de
concil. nu.
121.

D tet,

tet, primus omnium Conradus Archiepiscopus Moguntinus Cardinalatu ornatus est, idque hac occasione, ut quoniam à Federico ipso sua sede esset exactus, compensatione quadam fieret Episcopus Sabinus Cardinalis: qui deinde schismate sublato suæ restitutus Ecclesiæ, nihilominus Sabinam retinuit. Ex quo deinde cœpti sunt alij quoque Episcopi ad Cardinalatum euehi, verum hætenus quidem ad Episcopatus Cardinales tantummodo, id est, ad vnum, è sex illis, qui forte vacaret. Breui tamen illud etiam obrepserit, ut ex Episcopis non Cardinalibus, fierent Presbyteri Cardinales: quod à Clemente III. qui paulo post Alexandrum extitit, factum scimus, in Episcopo Viterbiensi, itemque in Ariminensi. In qua re usque ad Clementem Quintum satis parè progressi sunt, Romani Pontifices. Hic verò multo liberius id facilius cœpit, ut iam vix vllus Cardinalis crearetur, qui non vnum, interdum etiam plures Episcopatus haberet. Sed hoc seruabatur, ut Episcopi nomine deposito, perpetuos se Ecclesiæ administratores appellarent, siue eas in cōmendam retinerent. quæ vocabula eo tempore sunt Avinionis introducta, ubi tum Pontificia sedes hærebat. Atque hic ferè mos ad nostra usque tempora, ut videmus durauit, & si aliquantò parcius, quàm illis temporibus fieret. Quoniam igitur hoc iam passim receptum est, ut non modò qui iam Episcopatum habent Cardinales fiant, eius administratione contenta, sed etiam Cardinalibus, qui non habent, eiusmodi administratio committatur, vtrisque sanè Episcopalia munera gerenda sunt, non multò secus, ac si Episcopi non Cardinales essent. Debent enim prouidere, ut ouium, quæ sibi commissæ sunt salutis cōsulatur, ut salubria eis pabula non desint, debent arcere corruptelas, & vitia, qui sunt quasi morbi, & pestes huius gregis, denique debent verò se præstare pastores. De quo multa dici possent, sed pro his omnibus sit Borromei exemplum. Nam & ita recens, ac notum est, ut commemoratione non egeat, & ita

insigne

insigne, ut solum sufficiat ad docendum, quid Cardinali Episcopo conveniat. Non possum tamen alterum exemplum ex eadem Mediolanensi Ecclesia reticere, Galdini Salæ, qui anno M C LXV. ab Alexandro Tertio, primum eius civitatis Archiepiscopus, paulo post Romanæ Ecclesiæ Cardinalis creatus, totiusque Longobardiæ Legatus, non solum assiduis precibus, & ieiunijs, omnique vitæ sanctimonia enituit, sed etiam feruido animarum zelo, ita ut à concionibus ad populum habendis, Catharisque præsertim hæreticis confutandis, nunquam cessaret: in quo etiâ munere immortalis est. Sic enim tradunt quadam die concione finita, simul etiam animam Deo redidisse. Itaque in Episcopis quidem, qui animarum curam gerant, nulla fere est facta mutatio. Maior facta in Presbyteris Cardinalibus, & Diaconis, qui iam admodum rarò propria exerceant officia, nisi fortè in sacrificando. At antiquitus multa erant alia illorum propria. Nam presbyteri Cardinales animarum, quæ in sua paroecia essent, curam gerebant, ministrabant sacramenta, habebant conciones, denique in suo quisque titulo pastorum munus sustinebant. Diaconorum verò hoc in primis proprium erat, ut Pontifici assisterent, missam celebranti. Ex quo est illud Laurentij ad Sixtum, quod narrat S. Ambrosius. Quò Sacerdos sanctè sine Diacono properas? Tu nunquam sine ministro sacrificium offerre consueveras. Quo eodem loco aliter etiam Diaconi officium indicatur, distribuendæ Eucharistiæ populo, qui aderat. Sic enim ait, cui commisisti consummandorum consortium Sacramentorum; huic consortium sanguinis tui negas? Ad eosdem etiam pertinebat intra missæ solemnities Evangelium pronuntiare, quod apparet ex Hieronymi Epistola ad Sabinianum. Tu, inquit, exanguis, & pallidus. Evangelium Christi quasi Diaconus lectitabas. Insuper etiam Diaconorum partes erant baptizare, prædicare, reconciliare publicos poenitentes: denique omnia præstare, quæ presbyteri (excepta consecratione,

1. off. c. 41.

Ep. 48.

Lib. 1. epi.
41.

Serm. de
S. Laur.

eratione, & sacramento confessionis.) sed absentibus Sacerdotibus, vel eorum permisso. Nam quòd Diaconi Cardinales ad populum concionarentur, illud satis ostendit, quod in vita B. Gregorij legitur, ipsum cum adhuc in eo esset gradu, id assidue, & diligenter facitasse. Illa tamen præcipua erat cura, vel vna ex præcipuis, vt fidelium elemosinas colligerent, & reliquas Ecclesiæ opes custodirent, & administrarent, atque ex ijs viduas, pupillos, & planè egenos omnes delectu, atque inquisitione adhibita, subleuarent. Quod item egregie à B. Laurentio præstitum esse, indicat S. Leo, cum de illo ita scribit. Qui, inquit, non solum ministerio Sacramentorum, sed etiam dispensatione Ecclesiasticæ substantiæ præminebat, & paulo post de eodem, Quem si fecisset sacræ pecuniæ traditorem, itemque numerosissimos sanctorum pauperum obtulit greges, in quorum victu, atque vestitu inamissibiles considerat facultates. Atque hæc quidem administratio valde erat eo tempore honorifica, & meritò, exigebat enim fidem, & integritatem, & prudentiam haud mediocrem. Quò factum est, vt hoc Diaconorum officium inter ipsos Cardinales valde esset illustre, & honoratum. Accedebat etiam alia causa, quòd Pontifici ipsi propius assisteret, ac ministrarent. Itaque eò etiam ventum est, vt nonnunquam ipsis quoque presbyteris se se præferrent, quod apparet ex illo Bernardi loco ad Eugenium, vbi eos de hoc ipso reprehendit. Ridiculi, inquit, ministri vestri (sic enim Diaconos appellat) vestris se compresbyteris anteferre conantur. Non hoc ratio habet, non antiquitas habuit, non consentit auctoritas. Et si de sua consuetudine calumnia struitur, melius profectò illa, quam summus ordo contemnitur. Friuolum tamen satis vnde id maxime obtinere volunt. Nos sumus, inquit, qui in omni celebritate domino Papæ coniunctiores assistimus, sedenti propiores assidemus, priores sequimur procedentem. Hoc totum non dignitatis priuilegium, sed sedulitatis debitum

bitum est, Diaconi nomen solemnè ipsa administratione, interpretans. Deniq; presbyteris ordinata processione ambulantibus vos ad pedes sedetis. Propiores assistitis, ut habeat paratiores. Hec S. Bernardus.

De secundo officio Cardinalium nempe eligendi Pontificis. Cap. V.



ALTERVM est Cardinalium officium, quod diximus summum totius Ecclesiæ præsidem eligere; quæ quidem est actio omnium maxima, & præstantissima, quæ à Cardinali obiri possint. Nam cum in Ecclesia nulla maior altitudo cogitari possit ipso Pontificatu, quod est sublime, ac summum fastigium inter Christianos, profectò sequitur, ne maius quidem esse posse negotium, quàm hunc ipsum Pontificatum alicui mandare, partemque aliquam habere in eo creando, qui cælorum clauces habeat, qui totum Christi Domini gregem eius loco, & cum eius potestate gubernet. In quo quidem opere tam diuino, quæ religio, quæ integritas adhiberi debeat, dicetur à nobis alio loco: nunc id solummodo huius amplissimi suffragij ius ad Cardinales venerit, & in ipsis solis remanserit, videamus rem, ut opinor, tum iucundam scitu, tum certè nō inutilem, semper enim, vel ab initio ipso Ecclesiæ, hoc perpetuū, ac solemne fuit, ut Pontificem Cardinales, id est, ij, quos nunc Cardinales vocamus eligerent, sed non soli, nam præter eos, reliquos etiam clerus, atque adeo etiam populus ipse adhibebatur; Declarat hoc quidem Cypriani locus, ubi de Cornelio scribens, qui anno CCL I. Pontificatum cepit, expressè indicat, quæ tum esset formula horum comitorum. Ait enim Cornelium factum esse Episcopum à plurimis Episcopis, qui tunc Romæ aderant, de clericorum penè

penè omnium testimonio, de plebis, quæ tunc affuit, suffragio, de Sacerdotum antiquorum, & honorum virorum Collegio. Ex quibus Cypriani verbis, hoc intelligi licet, præter vrbani clerum, & populum, si qui forte externi Episcopi adessent, ut tum aderant ex Africa, eos quoque ad eligendum Pontificem admitti solitos. Atque hic quidem usus viguit usque ad annum circiter D. xxx. quo tempore Iustinianus Imperator, ad tollenda dissidia, quæ sæpe incidebant, hoc decreuit, ut Pontificis electio firma, & rata non esset, nisi Imperatoris etiam consensus accederet. Itaque anno D. xc. cum Romæ vna omnium ordinum voluntate Pontifex creatus esset, Magnus Gregorius, non tamen antea consecratus scribitur, quàm responsum à Mauritio Imperatore venisset, quod fuit post sex menses, & si non interim Gregorius omitteret curam aliquam Ecclesiæ gerere, indicîs aduersus pestilentiam Litanis, & supplicationibus, aliisque eiusmodi salutaribus decretis, pro loco & tempore. Sed hanc sanè legem de Imperatoris assensu expectando, & si eum, quem dixi prætextum habebat, tamen Gregorius ipse, in cuiusdam psalmi interpretatione iniustam, & iniquam, atque adeò tyrannicam appellat, & meritò quoniam laicis Magistratibus nulla eiusmodi potestas à Christo relicta est. Tenuit tamen per annos centum & quinquaginta, id est, usque ad annum Domini D. c. lxxxiiiij. quo tempore Constantinus Quartus optimus Imperator, & Ecclesiæ defensor acerrimus, antiquam restituit libertatem Benedicto Secundo Pontifice, edicto misso, ut qui Romæ concordibus animis Pontifex eligeretur, statim sine Imperatoris auctoritate consecrari posset, priore illo Iustiniani decreto abrogato, quod hæcenus fuerat semper seruatum, nec sine summa necessitate prætermissum. Quæ quidem huius Principis sanctio percommode, perque opportunè accidit, ob eorum Imperatorum impietatem, qui postea sequuti sunt ut Leonis, Copronymi, & aliorum, qui Catholicæ Ecclesiæ apertum bellum

Psalm. 4.
penit.

bellum indixere. Postea verò cum Romana Sedes Longobardorum armis præmeretur, eaque à Gallis Regibus, quorum opem implorarat, strenuè esset defensiva, primum à Pipino, deinde etiam à Carolo Magno, ac præterea multis agris, & vrbibus, & prouincijs etiam integris ab iisdem esset aucta, anno demum D c l xxiiij. Hadrianus Primus, cum Concilio centum & quinquaginta trium Episcoporum, præter cætera, hoc etiam Carolo detulisse dicitur, vt Pontificis legendi ius haberet. primum, vt eo honore gratiam tantis eius meritis, tum proprijs, tum etiam paternis, atque auitis rependeret. deinde ad comprimendas populares contentiones, quæ in Pontificijs comitijs crebrò nascebantur; cum nemo Romæ esset tanta potentia, vt eas posset coercere. Carolus tamen potestatem huiusmodi nunquam exercuisse legitur, siue quod verè eam nunquam habuerit, siue quod in re quam ad secularem Principem minimè pertinere nouerat solita sibi moderatione animi vtendum arbitraretur, Quare prior consuetudo in creandis Pontificibus perseverauit. Itaque anno D c c c l x vij. cum creatus esset Hadrianus Secundus, statimque consecratus, ac de eo Ludouici Secundi Imperatoris Legati, qui forte aderant expostulassent, responsum est eis, hoc idèò factum, ne ius aliquod Imperatori in Pontifice creando quæreretur; quod Ludouicus ipse non solum probauit, sed etiam privilegio antea concesso legitime renunciauit, quæ renunciatio in sacros canones relata est. Nec ita multo post senescentibus in Italia Gallicis viribus, hoc ipsum expressius ab Hadriano Tertio anno D c c c l xxxiiij. constitutum est, cuius hoc decretum extat, vt Pontifex sine Regis præsentia, vel Legatorum eius, consecrari possit.

Deinde verò anno D c c c c l x iiij. cum Ioannes XII. Pontificiam Sedem, quam Alberici patris potentia, & vi occuparat, vira pessima, improbisque moribus scdare diceretur, Otho primus ex Germania aduocatus, concilio coa-

c. Hadrianus. d. 63.

c. ego Ludouicus. d. 63.

cto

ſto curauit, vt eo depoſito, alter eligeretur. Eleſtus Leo Octauus inter cætera, quæ ad Eccleſiam reformandam, conſtituit, id etiam fuit, quo modo obſiſteret Romanis, qui aut minis, aut mercede populum, clerumque corruppebant, vt ſeipſos, vel amicos, vel propinquos, ad Pontificatum prouherent, ex quo ſeditiones, & ſchiſmata, ac tetra ſcandala oriebantur. Viſum eſt autem non poſſe huic eorum inſolentiæ acrius frenum injici, quam ſi ſuffragij ius quo Populus Romanus in electione Pontificis utebatur in Imperatorem transferretur. Neque enim ea quæ tum vigeabant tempora iam amplius ferre poſſe videbantur. Hadriani Tertij decretum quo magna cum Eccleſiæ vtilitate ac dignitate Pontificia comitia in priſtinam fuerant libertatem redaſta. Quam ob cauſam idẽ Leo ius eligendi ſuum ſucceſſorem ac ordinandi (ſic enim ait) Summæ Sedis Apoſtolicæ Pontifi em Ottoni Imperatori eiusq; in Regno Italiæ ſucceſſoribus tribuit. Atq; hæc quoque facultas ſacris canonibus inſerta eſt. Sed tamen nõ multò poſt hoc eſt anno D cccc lxxiiij. rurfus Pontifices creati cœpti ſunt, nulla Imperatoris ratione habita, eadem Romanorum vi, & ſeditione, quod cum multorum malorum ſeges eſſet, anno M. xxxxviij. Henrico II. Imperatore ob eius item præſtantiſſimam pietatem, & merita, conſeſſum eſt idem quod Othoni, vt deinceps ſine ipſius auctoritate non crearetur Pontifex. Ex quo priuilegio iſ anno proximo, Clemente Secundo mortuo, Popponem Brixienſem Episcopum Pontificem ab ſe factum, Romam miſit, qui Damasus Secundus dictus eſt. cuius quidem celerrima mors hanc opinionem in hominum animis ingenerauit, non placuiſſe Deo Pontificem electum ab Imperatore. Quare cum hoc mortuo nihilominus ille Brunonem Tullenſem Episcopum, qui Leo Octauus appellatus eſt Pontificem feciſſet. hic quidem, & Damasi exemplo, & Hildebrandi Monachi oratione deterritus, ne ſacroſanctam dignitatem prophani hominis arbitrio dela-

tam

C. in Syno
do d. 63.

eam iniret, in ipso itinere purpuram, & Pontificia ornamenta statim abiecit, ac peregrini habitu Romam ingressus, cleri, populi que consensu, ad Petri Sedem euectus est. Quare cum Imperatores nimium iam sibi sumpserent, Nicolaus II. anno M L IX. omnem hanc eligendi rationem moderandam ratus, ita decreuit, ut electio præcipue à Cardinalibus petageretur, deinde reliquus clerus, ac populus ad eam comprobendam accederet, saluo tamen, inquit, honore, & reuerentia Henrici. Quare hoc primum tempore, totum eligendi ius Cardinalibus concessum est, sic tamen ut adhuc ratio aliqua haberetur, tum reliqui populi, tum Imperatoris. Et tamen biennio post, Nicolao mortuo, legimus Alexandrum II. nulla Henrici, qui tum erat Tercij auctoritate tum electum, tum etiam consecratum, quæ fuit causa, ut indignatus Henricus, habito Basileæ conventu, Cadolum Parmensem Episcopum Pontificem renunciaret, ex quo turpe schisma exortum est. Et cum paulo post Legatum Romam misisset, ut de hoc Pontifice accusaret, ita ei satisfactum est, quoniam propter imminentem dissensionem non potuisset diutius expectare. Quare de Gregorio Septimo magno planè viro, qui huic Alexandro successit, ita accepimus non prius consecrationem admisisse, quàm missis ad Henricum Legatis, illius quoque voluntatem exploratam habuerit. Caterum in huius Pontificis electione, cuius adhuc decretum extat, satis apparet quæ tunc esset formula in eligendo. Sic enim habet. Nos Sanctæ Romanæ Ecclesiæ Cardinales, Clerici, acolythi, Subdiaconi, Diaconi, Presbyteri, præsentibus venerabilibus Episcopis, Abbatibus, & Monachis, consentientibus pluribus turbis utriusque Ordinis, eligimus nobis in Summum Pontificem Hildebrandum Archidiaconum, & reliqua, quæ multa in eius laudem sequuntur. Ex quo apparet, adhuc præter Cardinales hoc tempore alios etiam ad electionem admissos. Quod etiam apertius cognosci potest, ex eo, quod scriptum est, tum ab alijs, tum à Sig-

d. 79 e. 1 &
c. si quis pe
cunia.

ad q. 7
c. 1. 1.
c. 1. 2.

c. 1. 1.
c. 1. 2.
c. 1. 3.
c. 1. 4.

Lib. 9 de
reg. Ital.

nio, cum Victor III. in Cassinati cœnobio diem obiisset, anno M L xxxviii. Episcopos qui conuenerant admonuisse Romanos Clericos, Laicosque, itemq; Appulos, & Campanos Antistites, vt certo tempore Terracinæ adessent, ad nouum Pontificem creandum, qui verò adesse non possent, literis, aut nuncijs iudicium suum exponerent. Itaque aduenisse cō Cardinales, & Episcopos, & Abbates ex varijs regionibus. at verò ex Romana vrbe Ioannem Portuensem Episcopum omnium clericorum. Benedictum verò Urbis Præfectum omnium laicorum sententiam per literas attulisse: quibus quidem comitijs Urbanus Secundus Pontifex est renunciatus. Quare hæc adhuc erat eligendi Pontificis ratio, Fuitq; vsque ad Alexandrum Tertium, qui Pontificatum iniit, anno M C L IX. gessitque vno, & viginti annis tempore scædi schismatis. quare vt primum ex magno calamitatum concursu, quibus Ecclesia laborabat, respirare potuit, hīs ipsis incommodis admonitus, Concilium Lateranense aduocauit, in quo trecenti Episcopi, alijque complures prælati, assuerunt. In eo igitur Concilio decretum condidit, quo totum eligendi ius in Cardinales translatum est, clero reliquo, & populo, atq; etiam Imperatore excluso: neque hoc solum vt Cardinales soli, sed etiam vt duæ tertiæ partes Cardinalium requirerentur. ex qua formula primus omnium Lucius Tertius creatus, cuius electionis diploma vidisse se testatur Onuphrius. Idemque deinde confirmatum est à Gregorio X. in Concilio Lugdunensi anno M c c l x x x iij. itemque à Clemente V. magis corroboratum. Quæ quidem formula adhuc in vſu est, semperque his totis quingentis annis durauit, quod satis magnum potest esse argumentum, hūc esse optimum, & commodissimum modum, quando nunquam amplius variatum videmus, ex quo semel est receptus, cum priores omnes modi instabiles fuerint; nec diu in vſo perseveratum. Quod etiam alio argumento confirmari potest; Nam cum ante Alexandrum Tertium sex,

&

cap. licet
extra de
elect.

c. vbi periculum
de elect. in 6.

Clem. Ne
Roman.
de elect.

& viginti schismata inueniantur, his deinde iam quinque sæculis vix tria extitere. atque ex his tribus vnum tantum Urbani Sexti Cardinalium culpa. Nam alia duo, alterū, quod tempore Ioannis xxij. extitit; ab Imperatore Ludouico excitatum est, alterum quod tempore Eugenij Quarti à Concilio Basiliensi. Quare non ratio solum, sed ipsa quoque experientia satis demonstrauit, nullam meliorem commodioremue formam excogitari potuisse. Hæc igitur de eligendi potestate. Nam quid deinde in eligendo spectandum, quid seruandum sit, de eo, vt ante dixi, suo loco separatim agemus.

De tertio Cardinalium officio, quod est assistere Pontifici. Cap. VI.



RESTAT tertium munus, quod consistit in consilijs Pontifici dandis, cuius etiam muneris explicanda est origo. Nam antea quidem per annos circiter octingentos, hoc faciebant Pontifices, vt ad grauiora negocia consultanda cogerent concilia, quæ vocabant nationalia, id est Italicorum Episcoporum, quibus tamen concilijs etiam Presbyteri Cardinales intererant, vt apparet in Synodo Gregorij, quæ Lib. 4. c. 88 est inter eius Epistolas. In ea enim post Episcoporum nomina, vrbanoꝝ etiam Presbyteroꝝ nomina leguntur. Sed cum auctis Ecclesiæ opibus, & insuper accessione temporalis principatus, cœpisset Pontifex in singulos dies egere consiliarijs, & adiutoribus; nec possent tam sæpe euocari Episcopi, concilia illa paulatim omissa sunt, resq; tota redacta ad Senatum Cardinalium. Atque hoc sane multo commodius. Primum enim hi magis in promptu, & ad manum, deinde etiam, vt necesse est, cū in his negotijs assidue versentur, magis eorum statum norunt,

c. fundamē
ta de elec.
in 6.

4. de cōsid.

quod ad consilium dandum magnopere confert, postremò illa Episcoporum euocatio non fieri poterat sine magno, & crebro suarum diocesum detrimento. Hæ igitur sunt partes Cardinalium, hoc officium, ut quoniam vnus hominis mens, & consilium, nullo modo tantæ moli sustinendæ par esse potest, addantur aliqui, qui in tanto, tamque laborioso, & difficili opere Pontificem adiuuent, & subleuant. Itaque non potest melius describi hoc eorum officium, quàm descriptum est in sacro quodam canone, ubi appellantur principales assessores, consiliarij, & in executione principales officij cooperatores. Quod etiam voluit S. Bernardus, cum eos vocat Pontificis collaterales, & coadiutores; Quod si ita est, facilè apparet illud sequi, ut quàm late patet Summi Pontificis cura, tam etiã latè patere oporteat Cardinalium pro sua parte, studium, ac vigilantiam. Quare, Frater Illustrissime, quandoquidem cum persona, à dignitate, Cardinalis opus, & officiũ, pariter sustines, haud quaquam satis putare debes, si Romanæ Curiae negocia tractes, si in controuersijs ad signaturam relatis iudicium inrerponas tuum, si huic, aut illi amico beneficium aliquod, vel honorem aliquem cures, etiam si iustè, ac piè id facias. Hoc enim parum admodum est, nimisque restrictum. Igitur vestra cogitatio totum terrarum orbem complecti debet, ipsamque Ecclesiã vniuersam; quomodo hæreses ad eò iam diffusæ profligantur, quomodo prouinciæ à recta fide alienatæ ad sanitatè reuocentur. quæ sit ratio retinendi Galliã, quæ Angliam restituendi, quæ iuuandi Germaniam, aliasque similes regiones. Atque ut hæ, quæ iam aliæ omnino, aliæ ex parte magna sunt corruptæ, curandum est, ut sanentur, sic quæ sanæ sunt, ne corrumpantur, tum probis Episcopis legendis, tum prauis moribus euellendis, tum denique occurrendo omnibus incommodis, quæ quotidie incidunt, & quasi malum gramen in Domini vinea assidue suboriuntur. Hæc boni, & strenui Cardinalis esse debent studia,

hæ

hæ cogitationes, vt omnes suas curas ad Ecclesiam referat, & in Ecclesia consumat, vt omnem suam mentem, & diligentiam, & industriam ad hoc vnum excitet. Itaque rectè S. Bernardus in Epistola quadam ad omnes Cardinales, qua eos hortatur, vt Abailardi pullulantem hæresim excendant. Agite, inquit, pro loco, quẽ tenetis, pro dignitate, qua polletis, pro potestate, quam accepistis. quibus verbis aptissimè indicat, hoc esse Cardinalium proprium, vt excubent pro bono communi, vt in continua quadam vigilia sint aduersus hæreses, & aduersus omnia vitia, atque ob hanc causam datam eis esse dignitatem, & potestatem, qua pollent. Quare nisi eam huc referant, nisi ea ad hunc finem vtantur, eiusmodi quidem dignitas, ac potestas nihil erit aliud, quàm gladius vagina reconditus, aut vt est in Euangelio, talentum à seruo nequam in terra defossus; quæ culpa tenebris exterioribus, fletu, & stridore dentium æterno vindicata est. Ex quo quidem manifestè agnoscis quantoperè ab officio discessurus sis, non solum si desidias, & ignauia, oblectamentisque te tradas, sed etiam si ita te cum vno aliquo Principe, aut Rege, aut cum ciuitate aliqua colligaueris, eorumque priuatis commodis ita studueris, vt de totius populi Christiani vtilitate nil cogites, Nam si priuatorum commoda à publicis orbis Christiani vtilitatibus aborrient; nimirum bono, & constanti Cardinali negligenda sunt. neque committendum vt cuiusquam Principis gratia, siue auctoritas Cardinalitiam eripiat libertatem. Ac nescio an tibi præcipuè id deliberatum, fixumque esse oporteat. Meministi enim professò, quod obliuisci non potes, quàm amplis verbis Gregorius xiiij. tibi atque Illustrissimo Col lege tuo Aquauia insignia Cardinalatus impertiens, & honorem ipsum, quo vos decorabat, ornarit, & tanti muneris commendauerit, dignitatem. Mementote, inquit, vos à nobis nullius rogatu, sed Ecclesiæ solius respectu, in Patres legi: ac proinde in isto munere gerendo ad Ecclesiam

Ep. 189.

Matt. 25.

siam

siam solam respectum habere oportere. Et sanè cum Sacrosancta hac Romana Ecclesia communis omnium mater sit, & æque omnes vt filios amplectatur, oportet ipsos etiã huius Ecclesiæ ministros hunc eundem affectum induere, vt se homines communes existiment, verèq; omnium patres ac tutores: nec solum ita sentiant, sed etiã factis ostendant, ac præ se ferant, nec vlli aut homini, aut loco tantum tribuant, vt non multo plus Ecclesiæ Catholicæ, idest vniuersali deferant, quam vel laterum, & vitæ suæ oppositu tueri debent. Quo nomine magnopere Alphonsum illum Borgiam, postea Calixtum Tertium, laudatum accepimus, qui cùm, vt Aragonensis, Alphonso Regi subditus esset, nunquam tamen illius gratia se inclinari, aut flecti passus est, quò non debebat. Quin etiam cum is aliquando instaret, & vrgeret, vt ad Basiliense Concilium, quod sine Pontificis auctoritate fiebat, se se conferret, liberè ac fortiter recusauit: immò verò Regi ipse persuasit, vt Neapolitanum bellum, quod ille aduersus Ecclesiæ dignitatem gerebat, omitteret. Quare hoc idem ab omnibus Cardinalibus faciendum est. & si quam habent cum Principibus propriam, ac peculiarem coniunctionem, eam sanè conseruare, & colere debent, sed ideo, vt illos ipsos Principes facilius retinere possint coniunctos cum publica causa, non vt ipsi à publica causa ob illorum gratiam, respectumq; desciscant.

Cardinales ex vi status obligatos esse ad perfectionem. Cap. VII.



ACCEDIMVS nunc ad id quod verè in Cardinali dici potest fundamentum, omnium officiorum; quoniam hoc fundamento iacto, facilè deinde apparebit, quas in eo virtutes, aut quales, & quo gradu esse oporteat. Hoc autem quod appello

appello fundamentum in hoc consistit, quòd ipse status Cardinalis obligationem inducit perfectionis. Itaque non ei sufficere debet, vt virtuti studeat quoquo modo, aut eius quadam sit mediocritate, contentus, sed requiritur virtus quædam consummata, & omnibus partibus ac numeris absoluta. Denique vt verbo vno dicam requiritur, vt omnino perfectus sit, & nisi perfectus sit, non est, quod esse debet. Quod sanè vercor, ne aliquibus forte nouum, ac mirum, aut etiam nimis durum, rigidumque videatur. Sic enim iam eunt tempora, iamque aliam omnino formā induerunt ab ea quæ esse deberet, & quam Christus esse veller, sed res tam certa est, vt non recusem quin nulla mihi fides habeatur, si non eam tam apertis rationibus, tam euidentibus testimonijs doctissimorum hominum comprobaro, vt quemuis etiam tergiuersantem, inuitumque conuincant. Intelligendum est igitur triplici planè persona indutum esse Cardinalem, primum Christiani hominis, deinde clerici, postremò quæ propria, ac præcipua est, Cardinalis. Sed de Christiani quidem obligatione, quoniam generalis est, nihil hic dicendum puto, nisi hoc vnum, Euangelicam legem, quam Dauid meritò Psal. 18. immaculatam appellat, & castam, puramque tanquam argentum septies purgatum, ita in omni genere perfectam Psal. 11. esse, vt nihil labis admittat, quod nihil est aliud, quàm excludere omnia vitia, omnes requirere virtutes. Quid enim amplius dici potest? otiosum quodlibet verbum prohibeat, & ita prohibet, vt non sine sua poena, ac supplicio Matt. 12. abiturum minetur. Igitur quicumque hanc legem professus est, hoc professus est, se ex illius præceptis esse victurum, nec ab illis villo modo discessurum; in quibus quidem seruandis, quædam est sita perfectio. Hoc ergo est Christianum esse, hoc baptismum suscipere, nimirum, vt ait S. Leo, renunciare Diabolo, & in nouitatem è vetustate transire, & terreni hominis imagine deposita cœlestem formā suscipere, in eoque interuenire quandam speciem mortis, & quandam similitudinem resurrectionis, vt homo suscep-

ptus

Serm. 14
de pass.

De orat.
dom.Serm. de
lapf.

ptus à Christo, Christumque suscipiens, non sit idem post baptismum, qui fuerat ante baptismum. Quo etiam pertinet illa Cypriani exhortatio. Conuersemur quasi Dei templa, ut Deum in nobis constet habitare, nec degeneret actus noster à spiritu, ut qui coelestes, & spirituales esse coepimus, non nisi spiritualia, & coelestia cogitemus. Idemque alio loco. Considerandum est, inquit, fratres dilectissimi, & identidem cogitandum, renunciasse nos mundo, & tanquam hospites, & peregrinos hic interim degere. Quæ cum ita sint, non debent existimare homines hanc perfectionis obligationem, quæ in Deo perfecte amando, Deique præceptis, quæ tantam perfectionem continent, perfecte exequendis posita est, solis esse viris religiosi inunctam. Est enim omnibus inuncta, etiam laicis, atque ijs, qui in sæculo viuunt, & inter mundi strepitus. quoniam omnes ab eodem Deo geniti, & omnes eodem Christi sanguine redempti, idem omnes præmium, eandemque gloriam expectant; denique omnes etiam, ut diximus, hoc in suscipiendo baptismo promiserunt.

Ezech. 8.

3. in lib.
Reg. c. 5.1. past. c. xi
Leuit. 22.

Quod si hæc tam magna est obligatio omnium Christianorum, quanto deinde maior erit clericorum, qui ad hoc ipsum segregati sunt, ut peculiarem Deo seruiant seruitutem, quiq; ideo sunt instituti, ut hominum peccata comedant, ut inter vestibulum, & altare plorantes diuinam iram placent, ut populos à vitijs reuocent, erudiant ad virtutem. Accedit etiam summa cum Deo coniunctio, quam affert status ipse, de quo recte S. Gregorius, eos mysticè Bethel vocari, idest domum Dei. Quid enim inquit, Bethel, nisi viros officio sacri altaris deputatos significat, quia dum spiritualibus studijs inherent veluti domestici Dei omnipotentis familiares sunt. Atque idem alibi illud afferens ex leuitico, quo prohibetur, ne vllus, qui maculam habeat, ad Dei accedat ministerium, interpretatur etiam, quæ illæ sint maculæ, quas scriptura commemorat. Coecus quippe est, inquit, qui supernæ contemplationis lumen ignorat. Claudus, qui quidem quo pergere debeat,

beat, aspicit, sed per infirmitatem mentis, vitę viam perfectę non valet tenere, quam videt. Fracto etiam pede, vel manu est, qui viam Dei pergere omnino non valet. Gibbus vero, quem terrenę sollicitudinis pondus depri-
mit, ne vnquam ad superna respiciat, sed solis ijs, quę in infimis calcantur, intendat. Igitur si ab ijs omnibus vitijs abesse debent omnes, qui se se Ecclesiasticę vitę deuouerunt, facile apparet quanta eorum omnium debeat esse perfectio. Omnium dixi, ne quis hoc de solis pręlatis dici arbitretur. Et si enim de ipsis præcipuę dicuntur, tamen quicumque se diuinis altaribus consecrarunt, quicumque mysteriorum illorum sanctitatem tractant, omnes planę sanctos, integros, & impollutos esse oportet. Quamobrę recte S. Hieronymus. Non solum, inquit, Episcopi, Presbyteri, & Diaconi debent magnopere prouidere, vt cunctum populum, cui præsident, conuersatione, feruore, ac scientia præcedant, verum, & inferior gradus. s. exorciste, lectores, editui, & omnes omninõ qui domui Dei seruiunt: quia vehementer Ecclesiam Christi destruit, meliores laicos esse, quàm clericos. Igitur si ædituus quiuis, & quiuis vulgaris clericus, quia ex Dei familia est, hanc debet perfectionem sectari, facile est hinc argumentari, quid à Cardinalibus exigatur. Etenim Pręlati omnes, aut qui maius aliquod negócium in Ecclesia gerunt, ij sunt, vt ait S. Gregorius, qui vt Noe arcam in vndis, ita dum ad formam vitę populis præsunt, Sanctam Ecclesiam in tentationum fluctibus regunt. Ipsi etiam, vt idem S. Gregorius alibi, orbem portant, quia tantorum pondera vnusquisque sustinere compellitur, quantis in hoc mundo principatur. Quod si veterem illum clerum consideremus, vt est à Christo institutus, ab Apostolis excultus, atque primis illis sæculis in Dei Ecclesia vigit, planę videbimus quid de hoc ordine cogitandum sit, & quàm altę suspicere debeat, qui ita se instruere velit, ne ab huius status præstantia, & perfectione degeneret. Quis enim illis tempo-

Epist ad Titum. c. 2.

t. moral.
c. 7

9 moral.
c. 10.

F ribus

tibus feruor ? quæ in Deum charitas ? quis animus , quæ
 alacritas ad martyrium subeundum ? quis deinde zelus in
 proximorum salute procuranda , pro qua nullis laboribus ,
 nullis parcebant periculis ? Denique quantus contemptus
 rerum omnium terrenarum , honoris , diuitiarum , commo-
 ditatum , cum etiam plerique , vt de Cypriano accepimus ,
 paternas omnes possessiones , & quicquid habebant ven-
 derent , ac pauperibus distribuerent . ipsi verò vt plurimū
 in paupertate , & summa rerum omnium inopia traherent
 vitam ? Itaque non illi ordinem hunc , vt gradum ad am-
 bitionem , aut ad opes augendas suscipiebant , sed quod
 verè est , tanquam Dei militiam , & obsequium , vt se totos
 eius numini consecrarent . Itaque si verum fateri velimus ,
 nosque ipsos sine assentatione respicere , adeò nos defle-
 xisse à prisca illa cleri formula reperiemus , vt vix eius ma-
 neant vllà vestigia . Quam iacturam , & quam plagam ,
 iam tum suo tempore desiebat Gregorius , eamque in Sa-
 muele expressam putabat , in quo quoniam nouum Sacer-
 dotium designatum est , cum sacra Scriptura eum tenuisse
 commemorat , hoc putat indicari dum Ecclesia per decur-
 rentium temporum spatia ducitur , in nonnullis Sacerdo-
 tibus conuersationis pulchritudinem veterascere . Quasi
 enim , inquit , iuuenis erat Samuel , quando Sacerdotum
 ordo solis cœlestibus desyderijs inhians , dum nulla terre-
 na quæreret , quò efficacius superna prædicare poterat , eò
 ad ea nihilominus verbis , & exemplis subditorum animos
 accendebat , valebat enim robore , & iuuenili pulchritudi-
 ne radiabat , dum vim cœlestis verbi in splendore ostende-
 ret sanctæ conuersationis , quia quicquid validum loquen-
 do poterat prædicare , nitebatur etiam sublimiter viuendo
 ostendere . Sed iamdiu est , quòd Samuel senuit . Multa
 enim tempora elapsa sunt , ex quibus multi Sacerdotes
 amorem sæculi sequuntur , quorum virtute depelli gaudia
 mundi ob aliorum cordibus debuerunt . Hæc & alia mul-
 ta ibidem Gregorius ; quibus hoc vnum adiiciendum vi-
 detur ,

4. in lib.
 Reg. c. 4.

detur, hanc perfectionis formam, ab omnibus clericis exigi, quos ut ait S. Hieronymus nomen ipsum admonet eos de sorte domini esse, & Dominum eorum esse sortem, ut propterea nihil extra Dominum habere debeant. Verum si hæc perfectio omnibus necessaria est, qui clericos se profitentur, certè multò magis ijs, qui in clero ipso eminent: & quò magis eminent, eò magis debent omni virtutis laude præcellere, quoniam & communes cum alijs causas habent, & proprias.

Videamus nunc tertium gradum huius obligationis, ita proprium Cardinalibus, ut nullis alijs conveniat. Quod plenius intelligatur, quoniam magnum in eò momentum positum est, viderur res paulò altius repetenda. Etenim aliud est perfectio, aliud verò perfectionis status. Perfectio in diligendo Deo consistit, quam ob causam charitas à B. Paulo perfectionis vinculum appellatur, cuiusque ratio est, quia vna quæque res tum perfecta dicitur, cum suum attingit finem; Finis quippe est consummata rei perfectio. at charitas cum Deo cōiungit, qui finis ei noster, quoniam qui manet in charitate, in Deo manet, & Deus in eo. Verum perfectionis status spectari debet, non tam ex eo, quòd intus in anima agitur respectu Dei, quàm quòd fit exterius respectu Ecclesiæ. Requiritur enim ut hic status cum obligatione ineatur, atque hæc ipsa obligatio cum aliqua solemnitate, eaque huiusmodi, ut perpetuam habeat firmitatem. Itaque in perfectionis statu esse aliquis dicitur, non ex eo, quòd perfecte Deum diligat, sed si se obligarit ad aliquam perfectionis officiam. Ieri enim potest, ut quispiam ei se obliget, quod postea non præstet, alius verò id præstet, cui se non obligavit: ut eo illi quos Dominus narrat apud Matthæum, quorum alter iussus à patre in vineam ire, respondit impigrè. Eo tempore, nec tamen iuit, alter prius quidem ire, recusavit, postea paruit. Hoc igitur posito, facile est discernere, quinam in statu perfectionis censerì debeant, in pri-

mis videlicet Episcopi, & religiosi; quoniam utrique obli-
 gationem perpetuam suscipiunt ad opera perfectionis, id-
 que cum aliqua externa caeremonia. Episcopi quidem,
 quia ad id se obligant, ut animas sibi creditas illuminent,
 instruant, ad perfectionem adducant, ac pro ipsis etiam si
 opus sit, vitam profundant. Quin etiam ijs consecrandis
 certi ritus adhibentur, estque nexus ille perpetuus, qui
 nisi permissu Pontificis dissolui nequeat. Eadem est ra-
 tio etiam religiosorum, sed hoc amplius in Episcopis, quod
 etiam ut perfectores, quemadmodum ait Dionysius, quo-
 niam alijs perficiendis operam navant, religiosi autem, ut
 perfecti. Cum igitur de hoc utroque genere, hoc certum
 sit, videamus iam de Cardinalibus D. Antoninus quidem
 discretè, ait, Cardinales non esse in statu perficiendorum
 sed perfectorum, & quidem multò magis, quàm Episco-
 pos. Idem etiam scripsit Augustinus Triumphus optimus
 Theologus aliquantò senior Antonino natus quippe est,
 ut accepimus, anno M c c x. liij. Hic igitur ipse quoque
 hac questione posita, utrum Cardinales sint in statu per-
 ficiendorum, an verò perfectorum, apertè respondet, per-
 fectorum. immò verò in hoc genere perfectionis primus
 in Ecclesia locum tenere etiam supra Episcopos, ac pro-
 inde maiorem in eis charitatem, maiorem iustitiam, maio-
 rem etiam rerum temporalium despicientiam, requiri,
 quàm in ipsis Episcopis. Quin etiam Turrecremata cum
 ipse quoque ex professo, questionem hanc proposuisset,
 subijcit eandem responsionem, omnino Cardinales per-
 fectionis statu censeri. Nam præter quotidiana officia
 pro Ecclesiæ bono, quæ magna, & ardua sunt, obligant
 etiam, & deuouent Deo se se ad fidem Catholicam, Chri-
 stianamque religionem totis viribus tuendam, etiam si in
 ea causa sanguis profundendus sit, & ad hoc tam præcla-
 rum munus consecrantur cum, multis insignibus caeremo-
 nijs, certisque sacramentis, quæ summo Pontifici præstant,
 tum vero de fide seruanda. Quare nihil dubitandum est,
 quin

Ecclef.

Hier. c. 5.

& 6.

3. p. tit. 12.

c. 2.

In sum. q.

102. a. 2.

& 3.

Lib. 1. de

Ecclef. c. 8.

quā hic quoque status perfectus sit, & quidem multo perfectior, quam Episcoporum, quia bonum vniuersalis Ecclesie ad cuius gubernationem assumuntur, & pro cuius propugnatione spondent animas exponere, maius, & diuinius est, quam bonum particularium Ecclesiarum, quam ad curam alij Prælati obligantur. Hæc ad verbum Turrecremaræ.

Possumt autem omnia ista confirmari pluribus argumentis ductis tum ex dignitatis amplitudine, de qua ante diximus, tum ex officio, de quo proxime, tum etiam ex difficultate negotij, quod Cardinalis gerit: postremo ex similitudine quadam celestis illius Ecclesie. Primum enim honos ipse, qui homini tribuitur, simul & præmium quoddam est virtuti redditum, & indicium, ac testimonium virtutis, quæ in homine sit. Quare ex utroque capite summus hic honos summam requirit, perfectamque virtutem. Ac nisi ita sit, mendacium quoddam committitur, seu furtum in re maxima. Accipitur enim & exigitur maximum decus minimè debitum. Adde huc quod Ecclesia nihil aliud est, quam spiritualis quadam res publica, quare & munera, quæ in ea sunt, spiritualia sunt, & graduum distinctio ex spiritualibus causis spectari debet. Nam vt in societate aliqua mercatorum, aut militum, vel nauarum, ij quidem in officijs partiendis præponuntur, qui in suo quisque genere peritiores, & instructiores habentur: contra vero magna esset confusio, & perturbatio, si Magistratus, vel ex formæ, aut vocis elegantia, vel ex pingendi, aut ædificandi scientia, quæ ad rem non faciunt, deligerentur: ita in hoc spirituali, vt diximus, regno, multò, maius monstrum est, si superiores hi gradus non ex spiritali genere, sed ex diuitijs, aut opibus, aut alijs eiusmodi terrenis rebus constituentur. Quamobrem rectè de hoc Hieronymus Manfredus, non quidè ex Theologorum numero, sed quod magis etiam mouere debet iurisperitorum, bonus tamen, & doctus iurisperitus, officium, inquit,

Lib de
Card. c. 7.

inquit, Cardinalium est, honestis moribus, & vitæ integritate adeò elucere, vt tanquam lumina quædam sint, & exemplum omnibus præbeant, vt verè cardines appellentur. & columnę illę dignitatis supra montem posite. Quid enim perniciosius, quid Deo odiosius, quàm vt quos docere debeas, eos tu ipse prauo exemplo ad malū allicias? Contra verò quanti refert, si cum præstantia dignitatis, vitæ etiam præstantia conuenierit? Nam cum omnium oculi in eos, qui cæteris præfunt respiciant, sanctiores esse cæteris debent, qui primum locum post Pontificem obtinent, & velut dii quidam in terris honorantur. Hæc ille.

Ex officio verò ita argumentari licet, Cum Pontifici assistere Cardinales, eumque in rebus maximis assiduè iuare debeant, tum consilio, tum opera, nunquam id præstare poterunt, vt quidem rei amplitudo requirit, si vitijs seruiant; si humanis affectibus transuersos se agi sinant, ac denique si non omnibus virtutibus se diligenter excolant. Qua de re auctoritatem habemus maximam, vtique ipsius Tridentini Concilij, in quo cum de Cardinalium reformatione ageretur, hæc ipsa verba ponuntur. Quorum consilio apud Sanctissimum Romanum Pontificem cum vniuersalis Ecclesiæ administratio nitatur, nefas videri potest, eos fulgere, quæ meritò in se omnium oculos conuertant. Hue accedit, vt diximus, difficultas ipsius status, quæ nunquam vinci poterit, nisi abundantia quadam ac perfectione virtutis. Quid enim difficilius, quam inter tantos honores, humilitatem retinere, aut inter tantas opes, & diuitias illam spiritus paupertatem, sine qua, vt Saluator ait, nemo regnum cœlorum adipisci potest? Itaque vt ad maiorem hostium numerum profigandum, maius requiritur robur, sic Cardinalis, si salutem consequi velit inter tot salutis aduersarios, necesse est, vt magna quadam, & excellenti virtute sit præditus. Quin etiam si nihil aliud esset, illud ipsum, quod in Cardinalatu suscipiendo solem-

niter

niter eis à Pontifice denunciatur, & quod ipsi admittunt, & tacite spondent, vt ad ipsum sanguinem pro Dei honore, & Ecclesie defensione profundendum prompti ac parati sint; tanta res est, vt præstari non possit, nisi à sanctis viris, atque perfectis. Is enim actus est summæ charitatis, quoniam vt ipse Dominus docuit, maiorem charitatem nemo habet, quam vt animam pro altero ponat.

Ioan. 15.

Postremo est etiam illa similitudo, quam dixi coelestis Hierusalem. Intelligendum enim est, magnam esse similitudinem, ac proportionem inter Ecclesiam, quæ est in terris, & eam, quæ est in coelis. Ita enim ait Bernardus, quia, inquit, non potest filius facere quicquam, nisi quæ viderit patrem facientem, præsertim cum ei sub Moyse nomine dictum sit, Vide vt omnia facias secundum exemplar, quod tibi in monte monstratum est. Viderat hoc qui dicebat. Vidi ciuitatem sanctam Hierusalem nouam descendentem de coelo à Deo paratam. Hanc autem similitudinem addit Bernardus in eo maximè sitam esse, quòd sicut illie varij sunt ordines, ac hierarchiæ Angelorum, Arcangelorum, aliorumque vsque ad summum Deum: ita hic quoque sua sit varietas munerum, ac classium, quoniam alij sunt Presbyteri, alij Abbates, Episcopi, vel Patriarchæ, alijque gradus vsque ad Pontificem, qui summus est. Ex qua comparatione ita ratiocinari licet, vt quemadmodum coelestes illi ordines, ita distributi sunt, vt quò superiores, eò perfectiores sint, diuinisque donis ornatiorès, idem hic quoque in his ordinibus esse oporteat, idque & recta ratio, & Dei voluntas requirat, qui omnia ordinatissimè fecit. Quod si ita est, ne illud quidem dubitandum, quin Cardinalium ordo, qui summus est post Pontificem, illi ordini respondeat, qui est post Deum altissimus, id est Seraphinis ipsis. Ex quo sequitur nimirum oportere, vt quemadmodum eorum locum, sic etiam sanctitatis eminentiam, representent: atque vt beati illi Seraphini adeo ab hisce terrenis rebus abhorrentes,

Lib. 3. con
sid.

exo. 25.

Apo. 21.

audire

ad eò

ad eum cum Deo coniuncti sunt, eiusque amore incensi, ad eum ei semper assistunt, ut nusquam alio faciem, ac mentem auerrant: sic Cardinales non solum ad perfectionem coniti debent, sed ita coniti, ut reliquos omnes in hac perfectione, in charitatis ardore, in rerum mortalium, contemptu facile antecellant. Hoc enim postulat, ut dixi, loci ipsius, in quo sunt celsitudo, quam nisi vitæ virtutisque celsitudine tueantur, & se ipsos, & loci auctoritatem, maiestatemque dedecorant.

In quibus consistat hæc perfectio, quæ requiritur in Cardinali. Cap. VII.



I verum est, quod modò tractauimus, totque argumentis confirmamus, necessarium esse Cardinali, ut iam sit perfectus, & perfectam ex omni parte vitam ducat, idque ab eo statum ipsum exigere, facile est iam videre, quid ex hoc fundamentum sequatur. Sequitur enim omnes, qui in hoc gradu sunt, omnem suam curam, studium, industriam eò conferre debere, ut hoc opere, & re ipsa expleant, quod professione præ se ferunt; itaque se componant, ut ad sanctitatem, & perfectionem, in omnibus suis factis, dictis, & cogitationibus aspirent. Nam & si perfectio omni homini ita conuenit, ut si adsit magnum afferat ornamentum, si absit magna sequatur deformitas; tamen hæc ipsa deformitas, eò magis augetur, quò magis debuisset inesse perfectio. Ut lapidi, aut stipiti, si visus desit, non ideo turpiora sunt, ac si animanti desit, foedum est, & inutile. Atque ut similitudinem capiamus, ex rebus externis, quæ sensus mouent, si Cardinalem prodire in publicum contingat sine purpura, & sine ijs ornamentis, quæ illi ordini hominum more, &que congruunt, contra verò sacco, aut pannosis baiuli vestibus

vestibus indutum, quàm ipsum pudeat, quàm omnes offendat? Quid igitur si interiori illo habitu, qui multò magis Cardinali, quàm hic externus convenit, spoliatus, & vulgaris vitæ vicijs deformatus incedat? Atque est etiam aliud, quod ex suo ipsius sensu, & iudicio mouere possit Cardinalem. Cogitet enim quisque apud se, cùm de Monacho, aut religioso aliquid audit, quod statum illum non deceat, quantum indignetur, quibus verbis inuehatur, quos carceres, quæ supplicia intenet. idque nō immerito, quoniam cùm vir religiosus perfectionem proficeatur, iure ab eo exigitur, quod proficetur. Atqui iam proximo capite demonstratum est, Cardinalium statum, multò magis obligari ad perfectionem, quàm statum religiosum. quare si eam non habeant, turpius etiam eis est, quàm religiosis. Hoc igitur primùm, ob has, & ob alias, quæ afferri possent rationes omninò apud animum suum, decernat Cardinalis, perfectionem sectari suo statui congruentem, omnesque alias curas, & cogitationes huic vni curæ, & cogitationi postponat. hanc semper ante oculos habeat, huc cæteras dirigat. Quod si deinde quærat, quænam sint, in quibus consistat hæc perfectio, & quæ requirant, ea quidem non ita multa sunt, nec ita graua, vt pertimescas, sed ad tria capita reuocari possunt. Primum est vt à malo declines, id est peccata fugias, & ea præcipue, quæ grauiora sunt, & quæ ideo mortalia appellantur, quoniam mortem animæ afferunt, multò horribiliorem, quàm corporis. Vitam enim eripiunt, sine comparatione meliorem, & nobiliorem, & certè diuinam. Quare ita animo constitutus esse debet Cardinalis, vt quiduis potius ferat, & quiduis patiat, quàm vt suum creatorem, ac Dominum tam grauius offendat, & cum vel odorem aliquem talis peccati teterrimum sentiat, ita se auertat, ita refugiat, atque auersetur, vt pestem, vt exitium. Sed hoc quidem commune est omnibus, etiam laicis, ac plebeis, & certè parùm admodum tali Ecclesiæ Prælato, neque tam magna

G

laus

Epiſt. 25.

3. p. paſt.
adm. 34.

Eccl. 19.

laus, ſi fiat quam magna culpa, ſi non fiat. Quare aliquid amplius etiam in hoc genere ab ipſo exigendum eſt. Rectè enim S. Ambroſius, Non mediocris, inquit, eſt virtus, Sacerdotalis, cui cauendum non ſolum ne grauioribus ſagitijſ ſit aſſinis, ſed ne minimis quidem. Neque enim ideò contemnenda, quia parua videantur, quia ſi Deum ſpectemus, Deique dignitatem, nulla offenſa, quæ in eum committatur, leuis videbitur. Si vero damna noſtra ſpectemus, hæc etiam nemo leuia reputabit, quoniam vt ait S. Gregorius, pluuiarum guttæ exiguæ ſunt, ſed quia multæ magnos fluminum gurgites efficiunt. & nauigio tantum nocet ſentina latenter per rimas excreſcens, quantum procella aperte ſæuiens, vtraque enim demergit & obruit, ſed illa ſenſim, hæc ſtatim. Et minuta ſunt quæ erumpunt in membris per ſcabiem vulnera, ſed cum multitudo eorum innumerabiliter occupat, ſic vitam corporis, ſicut vnum graue inſiſtum peſtori vulnus necat. Hinc videlicet ſcriptum eſt, Qui modica ſpernit, paulatim decidit. Qui enim peccata minima ſlere, ac deuitare negligit, à ſtatu iuſtitia, non quidem repente, ſed partibus totus cadit. Hæc Gregorius veriſſimè, ex quibus intelligere poſſunt omnes, ac præſertim Cardinales, quàm ſibi obſirmanda ſit mens etiam aduerſus ea peccata, quæ vulgò ita contemnuntur, vt paſſim incidunt. Atque in his etiam eſt aliqua differentia. Et ſi enim omnia ſunt fugienda, tamen multò magis nocent, quæ ex habitu quodam ſunt. Nam iracundi, exempli cauſa, iactare ſe ſe, velle honorari, indignari ob negatum honorem, ocioſas nugæ loqui, ſpectare inutilia, gulæ indulgere, & alia eius generis penè infinita, ſi ex habitu proueniant, multò ſunt damnoſiora, quàm ſi ex repentina quadam incitatione; quoniam & frequentius committuntur, & minus aduertuntur, & denique difficilius extirpantur. Quare in his etiam, tum cognoscendis, tum proſtigandis, omnis eſt à Cardinali adhibenda diligentia.

Alterum

Alterum caput huius perfectionis est, virtutum ornatus, & quidem omnium. Quemadmodum enim cui brachium desit, aut tibia, non potest pulcher dici, etiam si alia membra habeat, sic qui, aut pluribus, aut etiam una virtute destituatur, licet alias habeat, non modo non potest dici perfectus, sed ne bonus quidem, quia quicumque totam legem seruauerit, offendat autem in vno, factus est omnium reus ut docet Iacobus Apostolus. De his igitur virtutum ornamentis egregie S. Bernardus ad Eugenium, ubi ait, omnes quidem erubescere debere, cum ijs nudati sunt, sed multo magis, qui in loco emissent sunt, quia quod quis illustrior, eo sine his insignibus deformior. Nunquid, inquit, potest abscondi ciuitatis supra montem positae desolatio, aut latere fumus lucernae extinctae super candelabrum? Simia in testro rex faruus in folio sedens. Monstruosa res gradus summus, & animus infimus, sedes prima, & vita ima, lingua magniloqua, & manus ociosa; sermo multus, & fructus nullus, vultus grauis, & actus leuis, ingens auctoritas, & nutans stabilitas.

Iacob. 1.

Lib. 2. de
confid.

Tertia pars huius perfectionis est exequutio quorundam consiliorum, quae à Salvatore nostro tum exemplo, tum etiam voce tradita sunt, cuiusmodi est abnegare seipsum, in multis, ei qui nobis male fecerit, vltro bene facere, conformare omnino voluntatem suam diuinae voluntati, libenter pati aduersa pro Christi nomine, ijsque gaudere, & alia huius generis, quibus plenum est Euangelium. Haec autem licet alijs vulgaribus hominibus, non ita fortasse necessaria sint, ijs tamen, qui quasi arcem perfectionis in Dei Ecclesia tenent, ita conueniunt, ut nisi faciant, peccare videantur. Nam ut rudi, & illiterato satis est, si in loquendo non erret, immo etiam errata quaedam condonantur, ac vero ab Rhetore plus requiritur, ut etiam ornate, & eleganter loquatur, ita etiam Cardinali non sufficiunt illa communia, & mediocria, sed status ipse excellentiam quandam sanctitatis proficitur. Quod fit, ut quem-

et. 2. 1. 2.

G 2

admodum

admodum dixi, non solum omnes virtutes, sed eximios etiam quosdam gradus omnium virtutum ab his exerceri oporteat. Itaque, ut cum aliquis in Cardinalium numerum cooptatur, tanta fit mutatio rerum omnium externalium, videlicet in vestibus, in domo, in suppellectili, in famulis, & familia, & denique tota viuendi ratio commutatur, & transfertur in rationem aliam adeò dissimilem, & quidem longè splendidiorem: sic mihi videtur idem omnino fieri debere in interioribus, ut nouus Cardinalis noua statim induat consilia, nouas cogitationes, nouum spiritum, nouum animum, eumque illi statui, & illi vocationi, qua eum Dominus dignatus est, conuenientem. Cum Samuel diuino iussu Saulem vnxisset in Regem, illud etià præter cætera prædixit, Insiliet in te spiritus Domini, & mutaberis in virum alium. idque paulo post cum omnium admiratione euenit. Similiter etiam cum Moyses septuaginta viros adlegisset, quorum opera in tanto populo gubernando subleuaretur, ita scriptum est, descendisse in nube Deum, & abstulisse de eius spiritu, & dedisse illis septuaginta, & quidem indicio manifesto, cum statim prophetare cœpissent, stupentibus omnibus rei nouitate. Hæc igitur eadem mutatio in Cardinalis pectore fieri debet, cum ad tantum munus asciscitur, ut ipse quoque aliam mentem, & cor aliud concipiat, totumque se se Deo domino, & eius sponsæ Ecclesiæ in eo ministerij genere dedat, & consecret. Atqui hæc perfectio de qua loquuti sumus quamuis multa, ac varia complectatur, tamen si eius quasi breuem descriptionem, ac summam velimus, licet eam sumere à S. Bernardo, qui his coloribus viuus sanè, & aptis bonos Cardinales expingit. Sint, inquit, compositi ad mores, probati ad sanctimoniam, parati ad obedientiam, mansueti ad patientiam, subiecti ad disciplinam, rigidi ad censuram, Catholici ad fidem, fideles ad dispensationem, concordēs ad pacem, conformes ad vnitatem. Sint in iudicio recti, in consilio prouidi, in iubendo discreti,

1. reg. 10.

Num 11.

Lib 4. de
consil.

secreti, in disponendo industrij, in agendo strenui, in loquendo modesti, in aduersitate securi, in prosperitate deuoti, in zelo sobrij, in misericordia non remissi, in ocio non ociosi, in hospitio non dissoluti, in conuiuio non effusi, in cura rei familiaris non anxij, alienę non cupidi, suę non prodigi, vbique & in omnibus circumspecti. Hęc Sanctissimus ille pater de Cardinalibus.

De particularibus virtutibus quas habere debes

Cardinalis, & primum de prudentia.

Cap. I. X.



VM hęc de perfecto Cardinali necessaria in vniuersum dicta sint, dicendum nunc est de singulis virtutibus, sine quibus hic locus recte, & cum dignitate teneri non potest. Primum autem occurrunt quatuor illę, quę Cardinales ipsę quoque vocantur. Quid enim magis conueniat homini Cardinali, quam Cardinales virtutes; non solum ob nomen, sed etiam ob rem, quoniam omnes humanas actiones moderantur, quę si absint, innumerabilia peccata sequi necesse est. Ex his igitur prima est prudentia. tum quia, vt ait Aristoteles, ^{6. ethic. c. vi.} lumen est reliquarum, tum etiam quia non modò ornamentum, sed penè fundamentum est huius muneris, de quo loquimur. Nam cum Cardinales ad hoc instituti sint, vt sint Pontificis Consiliarij perpetui, quomodo id ab eis præstari poterit sine prudentia, & quidem magna, & insigni? Etenim si Principis cuiusuis Consiliarium prudentem esse necesse est, quantò magis vniuersalis Principis totius Ecclesię diffusę per orbem terrarum, ad quem ex toto orbe grauissima, & maxima, & difficillima negocia referuntur? Itaque vt à Medico, vt à Iurisperito, vt etiam à pictore, vel à quouis artifice suę artis, quam quique

profi-

profiteretur, scientia exigitur, & nisi eam teneant, non solum ridentur ab hominibus, sed peccant apud Deum, ita hæc est, ut ita dicam, ars Cardinalis consilia dare, suggerere rationes, & vias ad explicandos nodos, cum incidunt dubios, probare quæ probanda sunt, & contra dissuadere; quæ non sunt utilia. Quare qui prudentia, & rerum cognitione, non polleat, nullo modo hoc tam præclarum munus pro dignitate tueri poterit. Hac verò virtute instructus Cardinalis, tum præsentia perpendet, & quid in quaque re verissimum sit, perspiciet, tum etiam futura cogitatione præcipiet, nec unius tantum partis commoda pensabit, sed aliquantò ante constituet, quid in alteram quoque partem accidere possit, ne aliquid ei subitum, aut repentinum accidar, quod non prævidebit. Hoc enim vel præcipuum est prudentiæ officium. Atque eiusdem est etiam fugere semper extrema, ita ut neque laudentur omnia, neque omnia damnentur, neque omnia concedantur, neque rursus omnia negentur, neque semper, & omnibus credatur, neque contra nulli credendum statuatur: item ut neque propter paucorum culpam multi condemnentur, neque propter paucorum probitatem alij sine defectu approbentur. Est etiam prudentiæ regula, non spectare, vel antiquitatem rerum, vel novitatem, ut vetera omnia laudentur, omnia recentia rejiciantur, sed suis singulis momentis æstimare, & omni præiudicio remoto, ut quæque res per se mereretur, ita de ea ferre sententiam. Item non decipi externa specie rerum, neque ex eo quod toris ostendant definire, neque aliorum opinione abduci, præsertim vulgare, sed in omnibus niti ratione, rectoque iudicio. Ante omnia verò ut gravitas animi, & moderatio prudentiæ est: sic contra leuitas, & nimia quædam facilitas imprudentiæ. Itaque in his præsertim quatuor, debet Cardinalis, cui homines multi, & negotia multa tractanda sunt, cautionem adhibere, in loquendo; in credendo, in promittendo, in concedendo. Sic enim scriptum est, Qui cito

cito

cito credit, levis est corde. itemque. Totum spiritum suum proferit stultus; sapiens differt, ac reseruat in posterum. Quo significatur non esse prudentis, vel iudicium suum, de quibusvis rebus statim proferre (quod qui facit, sepiissime cum errare necesse est) vel in calore sermonis omnia expromere. Facile enim excidunt, quæ magnò emeretur non esse dicta. Ad hanc etiam pertinet, non esse promptum ad irascendum. Sic enim monet sapiens. Ira in sinu stulti requiescit. idque significat non adesse maturitatem, quandam mentis, quæ quidem perpetua est, comes huius virtutis, nec unquam ab ea seiungitur. Atque hæc sane, & alia huiusmodi sunt officia prudentiæ. Sed intelligendum est, atque etiam magnopere in hac parte observandum, ut est quoddam aurum fucatum, & adulterinum, quod non nisi à peritis discerni possit, ita esse genus quoddam prudentiæ omnino falsæ, & adulterinæ, quæ scilicet politica appellatur. Hæc autem humanum aliquid semper spectat, & quidem proprium, atque ad id etiam humano artificio adnititur. Itaque optimè sic eam describit S. Gregorius. Huius mundi sapientia, inquit, est cor machinationibus tegere, sensum verbis celare, quæ falsa sunt, vera ostendere, quæ vera sunt falsa demonstrare. Hæc sibi obsequentibus præcipit honorum, culminina querere, adepta temporalis gloriæ vanitate gaudere, irrogata ab alijs mala multiplicius reddere, cum vires suppetunt, nullis resistentibus cedere, cum virtutis possibilitas deest, quicquid explere per malitiam non valent, hoc in pacifica bonitate simulare. Atque hanc quidem mundi sapientiam duplicitatem, non sapientiam esse docet. Ut igitur veræ, solidæque prudentiæ vim tenere possimus, intelligenda eius natura, quam ita definit S. Thomas, ut recto, & vero fine posito, vias deinde, & rationes, aptas applicet, ad eum consequendum. Ex quo sequitur, nisi verus sit finis, non posse veram esse prudentiam, sed potius calliditatem vel astutiam, aut aliquam eiusmodi vitiosam

Eccles. 7.
 Prover. 19

Eccles. 7.

10. mon.
 c. 16.

1. 2. q. 4e.
 2. 6.

vitiosam solertiam. Hic autem finis omnium quidem hominum generalis, est æterna vita, ad quam omnes à Deo facti sunt, peculiaris autem is quem suus cuique status proponit ut Cardinali de quo hic loquimur, Ecclesie propugnatio, propagatio diuini honoris, subleuatio Summi Pontifici, denique totius sui officij exequutio. Quare vera prudentia huc aspirare, & huc coniti debet, & qui in his se se strenuum præstat, ille verè prudens habendus erit.

Qui verò pro suis commodis laborat, qui suæ priuatæ utilitati, aut suæ ambitioni studet, qui sibi aditum ad opes, ad amplitudinem, ad potentiam, adulando, ambiendo, aucupando, Principum gratiam, struit, huius quidem omnino falsa est prudentia, & potius, ut diximus, malitia, & calliditas, quæ vult illa quidem se videri prudentiam, sed abest ab ea, distatque plurimam. Est autem hoc vitium tum alijs periculis expositum, tum maximè huic poenæ iustæ, & debitæ, quòd qui ita vitam suam instituunt, nec à Deo æterna præmia referunt, quæ scilicet ipsimet minime quærunt, nec tamen plerumque ad illa ipsa temporalia, perueniunt, pro quibus adeò laborant. Sic enim S. Augustinus Iudæis contigisse ait, ut quia in Christo recipiendo temporalia perdere timuerunt, & vitam æternam non cogitarunt, vtrunque simul amiserint, quoniam, & in Dei, & Romanorum ipsorum iram, odiumque inciderunt. Quod idem multis etiam olim Cardinalibus iusto Dei iudicio euenisse scimus, ut cum ad Pontificatum sibi conciliandum, aut ad familiæ statum illustrandum, & amplificandum hominum amicitias multis artibus ambierint, Deum primum offenderint, nec tamen quod volebant, assequuti sint, sæpe etiam nullos magis infensos habuerint, quàm eos ipsos, quorum causa peccauerant. Ego verò nescio quæ melior, & sanctior, possit esse prudentia, quàm Deo fideliter seruire, eiusque honorem, & obsequium ex animo procurare; & si quid expectandum est, ab ipsius manu sperare. Si enim creditur, ut est omnino credendum, omnia

Tract. 49.
in Io.

omnia eius nutu, & arbitrio Regi, quæ stulticia est confidere in Principibus, & in filiis hominum, in quibus non est salus, & confidere cum ipsius Dei offensione? Quare ut concludamus, illa mihi videtur vera, ac germana, & bono Cardinali digna prudentia, quam S. Bernardus ipse indicat, in Epistola quadam ad Rollandum Cardinalem, & Cancellarium, quem monet primum, ut quoniam Deus illum ordinauerat consolatorem, & Consiliarium Eugenio Papæ, sollicitus sit, cautèque obseruet secundum datam sibi sapientiam, ne fortè inter tam multiplicium negotiorum tumultus malignorum fraude circumueniri possit, vel subripiatur ei verbum, quod indignum sit Pontificis dignitate. Ecce igitur quomodo adhibenda prudentia. Sed addit deinde qualis esse debeat. Cura, inquit, dilectissime, & desideratissime Pater, etiam in hac dispensatione inueniri fidelis Domini seruus, & prudens, quatenus & pro te faciat columbina simplicitas, & pro ea, quæ tuæ quam maximè fidei, & sollicitudini credita est, Domini tui sponsa aduersus venenatas maligni, & antiqui serpentis astutias, militet prudentia serpentina, & in vtraque glorificetur Deus. Hoc idem igitur ab omnibus Cardinalibus seruandum, & exequendum est.

Psal. 145.

Epist. 334.

Quo modo acquiri, vel augeri possit in Cardinali prudentia. Cap. X.



QUÆRIT aliquis fortasse, an ut alias virtutes studio, & diligentia comparare potest Cardinalis, sic etiam prudentiam. Omnino hoc eiusmodi bonum est, ut potius nascatur cum homine, quàm industria acquiri possit. Est enim naturale, ut ingenium ad intelligendum, ita hoc acumen ad perspicendum; multum etiam ex ipsius corporis constitutione, &

H

quali-

qualitate pender, quò fit, vt alios obtusiores, & tardiores, alios autem acriores, & perspicaciores videamus. Sed tamen hoc verè dicere possumus, vt si prudentiæ lumen, nullum sit, vel admodum tenue, frustra laboretur, ita si aliquod sit, quanquam mediocre, id quodcunque est, adhibito studio excitari, & augeri posse. Dabis vero, Frater Illustrissime, hanc veniam amorì aduersus te meo, vt oblitus amplitudinem personæ, quam sustines, vt paulò liberius ætatis, & professionis, ac status mei iure, tibi que nouo Cardinali in tantum curarum, ac negociorum pelagus ingredienti, huius, aliarumque virtutum rationem, frater senior, atque ab adolescentia in schola perfectionis educatus ipse præcipiam, doceamque te pauca ex ijs, quæ à maioribus ego in religione didici, & quotidie disco. Hoc igitur studium, quo augeri prudentia solet, in duobus potissimum adhibere debes, alterum est, in remouendis prudentiæ impedimentis, quæ tanquam nebula lucem eius obscurant: alterum, in asciscendis quibusdam adiumentis. Impedimenta autem, quæ quidem ad rem faciunt illa sunt, passio, præcipitatio, obstinatio propriæ sententiæ, addo etiam vitia omnia, præsertim verò intemperantia tum omnium voluptatum, tum maximè fœdioris. Nam passio obscurat, & præcipue ira, præcipitatio non præuidet, pertinacia aditum obstruit bonis consilijs. De luxuria autem nihil attinet dicere, cum S. Gregorius affirmet eius filias esse mentis cœcitatem, inconsiderationem, inconstantiam, & præcipitationem ipsam. Denique quod ad reliquos etiam mores attinet, præclare illa à B. Ambrosio scripta sunt, In acquirendis, inquit, consilijs plurimè adiungit vitæ probitas, virtutum prærogatiua, frugalitatis gratia. Quis enim in cœno fontem requirit? quis ex turbida aqua potum petat? Addit alia, & hoc ad extremum, Super me esse debet, cui me committere paro, & qui consilium dare volet, alienam à vitijs custodire debet prudentiam, quia nihil inquinatum incurrit in illam. Hæc sunt

31. moral.
c. 17.

3. off. c. 12

sunt igitur inimica prudentiæ, quæ illi, si qua sit, caliginem, ac tenebras offundunt. Si verò de adiumentis loquamur, ad eam alendam, & prouehendam, illud in primis iuuat, nihil temerè, aut inconsultè, vel negligenter agere, sed sumpto ad cogitandum spatio, diu, multumque res expendere, eoque magis, quò rerum qualitas id exigit, immo verò omnia circumspicere, & considerare, quæ consequi, aut quæ ex illis, quæ tum sunt oriri possint, vt seruetur illud sapientis præceptum, Oculi tui recta videant, Prouerb. 4. & palpebræ tuæ præcedant gressus tuos. Nam qui sine consilio, & quasi subito quodam vento ad res agendas impellitur nulla consideratione, aut meditatione, sine dubio errabit in maximis rebus, & multa committet, quæ postea commissa nolet, nec tamen reuocare poterit. Iuat etiam attentio, & animaduersio eorum, quæ accidunt: neque vnquam prudens efficietur, qui rerum, & consiliorum secum non reputat euentus. Quare confert, vt dixi, cum negotia aliqua iam effluerint, eorum initium, progressionem, exitum considerare, ac notare, secum, in quo sit erratum, quid prætermissum, aut quid etiam recte prudenterque factum, hoc vt deinceps etiam teneatur, illa, vt in posterum fugiantur. Hæc enim obseruatio quotidie prudentiam auget, nec alia est causa, cur senes prudentiores sint, nisi quia multa viderunt, multa experti sunt. Sed hæc experientia nihil sanè, aut per parum efficit, nisi etiã accedat consideratio, de qua loquimur, quoniam alioquin elabuntur omnia, non modò ex memoria, sed etiam ex cognitione. Denique ad augendam prudentiam prodest admodum Cardinali perspectum habere nationum, omnium, ac præcipuarum etiam vrbiũ statum, ac conditionem, qui in eis Principes, qui mores, quæ animorum inclinationes, quæ patres, quæ etiam potentia, vel armorum, vel aliarum rerum: præcipuè verò quæ ad religionem attinent, quis cursus, & vigor Catholicæ fidei, aut si ea labefactata sit, quæ spes eius redintegrandæ, quæ ratio,

quæ præsidia ad eam, vel reuocandam, vel sustinendam. Ex hac enim notitia multa Cardinalibus commoda consequuntur, quoniam ea quasi luce illuminantur eorum consilia ad quæstiones, quæ interdum incidunt, ad negocia, quæ proponuntur, ad postulata, quæ à magnis viris afferuntur, quæ vel promoueri, vel si ita opus sit, reijci melius possunt, argumentis ex ipsa materia petitis, eaque res non solum Ecclesiæ vtilitatem, sed ipsi quoque Cardinali existimationem, atque auctoritatem hominis gnari, prudentisque conciliat; Et certe turpe est ei, qui in quadam Ecclesiæ Catholicæ vigilia positus est, non sic excubare, ut tum eius vniuersæ statum, tum etiam partium eius perspectum habeat. Hanc igitur cognitionem, sine qua semper in tenebris versabitur, haurire poterit à viris peritis, & intelligentibus, qui eorum, quæ dixi locorum consuetudinem habeant; quos cum nactus fuerit (debet autem diligenter inquirere) ita auidè audiet, ita omnia scrutabitur, & notabit, ut in re magni momenti, & magnopere ad suum officium pertinente. Nec solum præsentium rerum notitia quærenda est, sed etiam præteritarum, quoniam sæpissime multum conferunt ad præsentem. Sed ut illa ab hominibus peritis, ita hæc à libris scriptis peti licet. Sunt enim multi qui de singulis nationibus, aut prouincijs scribere, pro suo quisque ingenio, aut commoditate, ut Polydorus Virgilius de rebus Anglicanis, Sanderus de recenti schismate; de Gallicis Paulus Aemilius, Ambrosius Morales de Hispanicis, Albertus Cranzius de Polonia, alijsq; Aquilonaribus. Thomas Fazellus de rebus siculis, Augustinus Iustinianus Nebiensis Episcopus de Genuensibus, alijsque de alijs. Ante omnia tamen Cardinali tenendæ sunt res domesticæ, id est, ipsius Ecclesiæ, quæ sæpius in consultationem cadunt. Quare in hoc etiam accuratius eum incumbere oportet. Quo in genere meo quidem iudicio Sigonij annales optimi, & tum ad breuitatem, tum ad doctrinam aptissimi. Quod si vberiore ta-

lium

hum rerum cognitionem expectat supererunt Ecclesiastici Annales Baronij quos quidem (ut principia se dant) tales fore auguror, ubi facile expleas accuratę perceptionis rerum Ecclesiasticarum ssum. His igitur artibus, ac studiis licebit Cardinali prudentię lumen augere, & in die confirmare.

Quomodo Cardinalis iustitiam colere debeat.

Cap. XI.



SEQVITVR iustitia, virtus vel maximę necessaria Cardinali. Et si enim hoc munus non habet iurisdictionem adiunctam ut habet Episcopatus, tamen propter magnitudinem negotiorum, quę in hoc Romano quasi totius Ecclesię foro, occurrunt, multa quotidie accidunt, quibus contra iustitiam peccari possit. Sæpe enim Principum causę, vel postulata parum æqua, immo etiam alijs damnosa tractantur, quibus qui assentitur, eiusdem iniustitię est particeps. Difficile est autem non assentiri, nisi iustitię armis benę munitus sit. Illud etiam frequentiss, ac pene quotidianum Cardinali, ut ei supplicetur pro multis, qui indigni sũt eius patrociniũ, & commendatione. Quo in genere cauere debes, ne sis adeo mollis, aut ambitiosus, ut nulli homini tuam operam negare audeas, neque quicquam pensi habeas, verum ille, cui faues, bonus sit, an malus. Denique ne sufficiat aditum per amicos, & familiares tuos habere, ut quicquid libeat, impetretur. Quod si charitate fieret, & si hæc charitas nimis imprudens esset, quod in veram charitatem non cadit, tamen facilius ignosci posset. Verum id quidem nõn nisi ambitione impulsus quis fecerit, nec aliorum gratia, sed sua, Pulchrum nimirum putans, sibi quę ipsi gloriosum, habere, qui ad se adeant, qui suam

suam opem implorent, qui domum frequentent, quo scilicet videatur gratiofus. Videntur autem mihi qui ita faciunt, expositi esse ad omnem ventum, & ad omnem impulsum, & simillimi quorundam militum, qui parati sunt ad omnia bella, quicumque stipem ostendar, neque dijudicant, sintne iusta bella, & ratione sulcepta; sic enim hi quoque sunt, ut ita dicam, primò occupantis. Quare ut milites illi peccant, sic isti quoque sciant, se à peccato immunes non esse; præsertim si id agant, ut ad honores, ad gradus, ad Ecclesiastica beneficia promoucant eos qui vel indigni sunt, vel de quibus non satis eis constat an sint digni. Quod cum per se iniustum est, tum multò iniustius, cum alij digniores excluduntur, quod tamen euenit sæpe. Itaque Aluarus Pelagius vir doctissimus, & iisdem penè verbis B. Antoninus inter alia Cardinalium peccata, hoc quoque commemorant, impetrare beneficia indignis, siue suis, siue alienis propter preces, & commendationes Principum, aut aliorum, vel ob proprium affectum. Iure itaque Urbanus Sextus qui ut scriptum est, statim atque renuntiatus est Pontifex, Cardinalibus omnibus ad se vocatis grauissimam poenam seuerè interminatus est ijs, qui iniustas causas fouerent, aut etiam qui in causis iustis munera acciperent. Et id quidem merito ut dixi. Nam hoc etiam iniustitiæ genus est, iustitiam exequi, modo iniusto, quoniam ita præceptum est in diuina lege, iuste quod iniustum est persequeris.

Verum hoc tibi quoque sciendum est duplici modo à Cardinali iustitiam violari posse: primum cum vtrò alteri insertur iniuria; quod quidem in homine Ecclesiastico non adeo frequens esse crediderim, ut de eo quicquam præcipiendum existimem. Milites potius de hoc monendi, & ij, qui in armis vitam degunt, præclarumque putant, si vi, ac viribus superiores videantur. Alterum igitur genus est, cum non quidem priores iniuriam facimus, sed nobis ab alijs factam vlciscimur. Quæ culpa in Cardinalibus nisi caueant

Lib. 2. de
planet Ee.
elef. c. 16.
p. 3. tit. 21.
c. 2.

Deut. 16.

caueant eò facilior, & procliuior est, quoniam quò maior est eorum maiestas, & quò magis ab omnibus coli, & honorari solent, eique rei assueti sunt, eò deinde indignius ferunt, cum aliquo, vel dicto, vel facto violantur. Sed audiant hi, quid de hoc ipso scribat S. Ambrosius in quadam Epistola, Non hæc, inquit, sola est forma iustitiæ, vt non lædas eum, qui te non læserit, sed etiam illa, vt etiam remittas ei, qui te læserit. Etenim si iustitia virtus est, crimine debet vacare, nec improbitatem improbitate refellere. Quæ enim virtus hoc à te fieri, quod in altero ipse punias? Contagio ista improbitatis, non vltio est. Nihil autem interest, cui malefacias, vtrum iusto, an iniusto, cum te malefacere non oporteat. Neque distat quo modo malignus sis, vtrum iusto vindicandi studio, an voto nocendi, cum malignitas in vtroque genere non careat reprehensione. Hæc Ambrosius. Tertium præterea genus est, iniustitiæ, si iniuria ab altero alteri facta non prohibetur, cum prohiberi potest. Hoc enim postulat etiam communis, & vulgaris charitas, quam omnibus debemus, vt aliena incommoda aquè, ac nostra doleamus; iisque æquè opem feramus: at verò in Ecclesiæ Principibus non solum id charitatis est, sed etiam iustitiæ cuiusdam. Sic enim idem Ambrosius alibi, cum optimam formam optimi clerici institueret, Magnus, inquit, iustitiæ splendor, quæ alijs potius nata, quàm sibi, communitatem, & societatem nostram adiuuat, excelsitatem tenet, opem alijs ferat, officia non abnuat, pericula suscipiat aliena. Hoc igitur Ambrosio auctore, à iustitia postulatur, vt non solum subueniat alijs, sed interdum etiam pericula aliena suscipere non recuset, ob eam scilicet causam, quia alijs potius, quàm sibi nata est. Quam ille sententiam sine dubio, vt multa alia in illis officiorum libris ab ipso Cicerone sumpsit, qui item ex veterum Philosophorum sententia, duo scribit esse iniustitiæ genera, vnum eorum qui inferunt, alterum eorum, qui ab ijs quibus infertur, si possint non pro-

Epist. 25.

1. off. c. 28.

propulsant inuiriā. Cuius quidem defensionis præter,
mittendæ plures aut esse causas. nam aut inimicitias, aut
laborem, aut sumptus, suscipere nolunt, aut etiam negli-
gentia, & pigritia, vel suis rebus, propriisque negocijs im-
pediuntur, quod affirmat vitium esse, perinde, ac si quis
parentes ipsos, aut amicos, aut patriam deferat. Hæc il-
le ex naturæ lumine. Quantò ergo magis id sentiendum,
& faciendum erit Cardinali, cui cùm tantus honor, tanta
dignitas, & potentia data sit, vbi eam melius collocare
possit, quàm in ope ferenda quàmplurimis? Quod etiam
disertè docet S. Bernardus, qui inter alia Cardinalium
officia, hoc quoque exigit, vt stent viriliter pro afflictis, &
iudicent in æquitate pro mansuetis terræ. Huc accedit
quod Iob ille, cuius in meliori fortuna optimi Principis
forma describitur, ita de se ipse commemorat. Contere-
bam molas iniqui, & de dentibus illius auferebam prædā.
Et loco eodem. Eo quòd liberaissem pauperem vociferan-
tem, & pupillum cui non erat adiutor, & cor viduę con-
solatus sum. Adiungit autem cuius id virtutis esset, Iu-
sticia, inquit, indutus sum, & vestiui me, sicut vestimen-
to, & sicut diademate, iudicio. Hoc igitur idem tam glo-
riosum vestimentum, & hoc tam præclarum diadema, ne-
minem magis ornat, nec vlli magis conuenit, quàm Car-
dinali.

Extremum illud est ad iusticiam tuendam, quod ab om-
nibus tradi solet, de muneribus non accipiendis. Nihil
enim ita animum seducit, ac peruertit, vt munera; quod
ostendit scriptura, tum sæpe alibi, tum exemplo filiorum
Samuelis. de quibus ita scriptum est, Declinauerunt post
auaritiā, acceperunt munera, peruerterunt iudiciū.
Vbi optime S. Gregorius, Notandum, quia ardor avari-
tiæ, causa est accipiendorum munerum, & acceptio mune-
rum causa peruertendi iudicij, vt Prophetæ narratione hu-
ius vitij prauitas ostendatur, non solum qualiter in repro-
borum cordibus proficit, sed à Sanctorum mentibus qua-
liter

Lib. 4. con-
64

Iob. 29

1. Reg. 2.

4. in lib. Re-
gum. c. 4.

liter extirpari possit. Nam si peruersitas ista iudicij ex acceptatione munerum nascitur, qui munera non accipit, iudicium non peruertit, & oblata munera leuiter respuit; qui auaritiæ radicem à corde suo penitus extirpauit. Igitur tum ad hoc periculum præcauendum, ne vlla te res à recto, & æquo deducat, tum etiam ad integritatis laudem retinendam, quæ certe pluris est sola, quam omnes thesauri, atque diuitiæ. hoc faciendum est tibi, vt continentiæ studeas, manusque ab accipiendo intactas serues. Et quidem omnia omnino respuere nimis fortasse durum foret. Multa enim ab amicis ex animi beneuolentia dantur, alia dantur ita leuia, vt nulla possit esse suspitio corruptelæ. Sed cum apparet eò dona tendere, vt animum deliniant, eòque inclinent, quò non decet, tum verò constantissimè repudianda sunt, etiam si auri montes offerantur. In quo genere egregium sanè factum, omnique dignum memoria, & certe ab omnibus Cardinalibus semper imitandum, illud est Martini Cardinalis, & S. Bernardo familiaris, quod ab ipso Bernardo descriptum ipsis eius verbis hic ponam. Is, inquit, Cardinalis Presbyter functus aliquando Legatione in Dacia, tam pauper remeauit, vt penè expensis, & equis deficientibus, vix perueniret Florentiam, ibi Episcopus loci donauit ei equum, quo Pisas usque, vbi eramus tunc, peruectus est. Postridie, credo, sequutus Episcopus (erat enim illi causa cum aduersario, & agendi aderat dies) coepit requirere suffragia amicorū.

Lib. 4. con
fid.

Cumque per singulos sollicitaretur, ventum est ad Martinum. Fiducia erat maior in illo, qui non posset immemor esse recentis beneficii.

Tū Martinus, Decepisti me, inquit, nesciebam tibi imminere nego-

cium. Tolle equum tuum:

ecce in stabulo est.

Et eadē hora

resignauit

illi.

I D.

*De fortitudine qua in Cardinali esse debet.**Cap. XII.*

RVNT fortasse qui ceteras quidem virtutes Cardinali necessarias esse fateantur sed non videant, quomodo fortitudo ad eius laudem pertinere possit, cum non armis, & castris depugnet, sed in pacis artibus perpetuo versetur. Verum qui hoc sentiunt, nimium errant, nec satis huius virtutis vim intelligunt. Hæc enim virtus, ut optimè scripsit S. Ambrosius, non in viribus tantum corporis, & lacertis consistit, sed magis in animo. In animo autem eodem auctore Ambrosio, hæc duo exigit. primum, ut externa corporis, inquit, pro minimis habeat, & quasi superflua despicienda, magis, quam expetenda ducat. Deinde ut ea, quæ summa sunt, omnesque res, in quibus honestas, & illud decorum præponendum cernitur præclara animi intentione usque ad effectum prosequatur. Igitur, ut ab hoc posteriore fortitudinis munere incipiamus, id quidem in hoc positum est, quod à te nouo Cardinali in primis requiritur, ut in negotijs, quæ sæpe ardua, & multis impedimentis obfessa incidunt, pro re Christiana, ne contrahas, aut demittas animum, ut ait ille, nèue te obrui tanquam fluctu, rerum magnitudine, & difficultate sinas, contraque erigas, ac resistas, siue etiam ultro occurras negotijs. Hoc enim est virilis pectoris, ac roboris. Præterea cum semel constitueris, quid sit ex tuo officio, & ad Dei gloriam, atque obsequium pertineat, id deinde strenuè exequaris, neque ab eo vllum te vel periculum, vel damnum, vel mortis ipsius metus absterreat. Sæpe enim Cardinali eiusmodi tempora occurrunt, cum in Ecclesiæ iure tuendo, modò rei domesticæ, modò honoris, atque alicuius dignitatis, interdum

2. off. c. 36.

dum etiam vitæ discrimen imminere videatur sed bono viro nihil tanti esse debet, potiusque ad omnia detrimenta paratum cum esse oportet, quàm ut animum ad rem ullam tali loco indignam inflectat. Quo in genere magnopere celebratur Ioannes ille Turrecremata, qui vixit annum circiter M c c c l. Vir planè tum doctrina, tum omni virtute excellens. De quo ita scriptum est, tam excelso fuisse animo, ut nunquam, vel precibus, vel minis in ijs, quæ fidei, ac religioni, & omnino quæ Ecclesiæ utilitatibus conducere, à sententia deduci posset: quare hoc quoque singulare cognomentum dum viueret adeptum, ut fidei defensor appellaretur. Hanc eandem laudem tribuunt etiam Marcello Cardinali, qui deinde Pontifex eodem nomine fuit; Hic enim in Tridentina Synodo, ubi Apostolicæ Sedis Legatus erat, Cæsaris ministris, nescio quæ intentantibus, quæ Romanæ Cathedræ auctoritatem minuere videbantur, fortissimè obstitit, à qua sententia nullis etiam terroribus qui admovebantur, vnquam potuit dimoueri. In quo discrimine exclamasse dicitur, posse quidem homines vitam sibi auferre, animum verò frangere non posse, suaq; facta Summi Dei iudicio referuari, qui pro suo cuiq; merito gratiam refert. Sed nihil tam illustre, quam Reginaldus Polus, quem in Galliam à Paulo Tertio Legatum, cum Rex Angliæ hostis infensissimus, in suam potestatem redigere conaretur, idque per certos nuncios cum Francisco Gallorum Rege ageret, fideliter ab eo monitus, ut si saluus esse vellet, statim abiret, in eo tanto periculo, in re subita, cum omnes viæ armatis militibus, & grassatoribus, & Anglis ipsis refertissimæ essent, nihil vnquam de sua remisit constantia, & grauitate, immo verò comitibus omnibus adeò exterritis, metuque trepidantibus, ut nemo esset, qui crucem, ut mos est, Pontificijs Legatis, præferre auderet, ipsemet crucem sumpsit in manus, erectamque gestauit, donec famuli pudore impulsī eam repeterent. Deinde cum in Belgium euassisset, nec tamen cessaret im-

pius ille Rex ab insidijs moliendis, eiusq; caput quinquaginta aureorū millibus præscripsisset, nec maius posset esse vitæ periculum, semper tamen pro munimento suam hanc fortitudinem tenuit, Dei fiducia nixam. qui sanè non defuit, opportunè enim Leodium ab Euerardo Episcopo, & Cardinali humanissimè inuitatus est, quò cum venisset, ibique audiret magnas quasdam, vixque credibiles conditiones, quas Anglus Belgis offerebat, si sibi Polum traderent, miratus hominis amentiam, ita dixisse fertur, se quidem iamdudum, vitæ huius tædio affectum, mortem optare, ac proinde, cum Henricus tanta sua impensa, & labore hoc ipsius desiderium adiuuare conaretur, nihil aliud facere, quàm si quis dormitum ire cupienti vestes ipsas detrahare velit. O præclaram vocem, animumque, dignum Cardinali, quam quidem vocem factis etiam comprobauit, Neque enim ante discescit ex illo loco, quàm à Pontifice reuocaretur, cum ita diceret, esse se in Pontificis potestate. Hæc igitur vel similia in hac præsertim temporum perturbatione, in hac multorum licentia, siue etiam insolentia, qui omnia se posse putant, non rarò eueniunt, quibus sanè Cardinalis minimè cedere debet, sed potius contra eò audentior ire, vt etiam beatum se putet, si in Ecclesiæ causa, & in obsequio Christi, vitam ponere oporteat, vt contigit Iuliano Cæsarino, quem Martinus Quintus ob illustria merita fecerat Cardinalem. Nam cum ab Eugenio ad Ladislaum Poloniæ, & Vngariæ Regem Legatus esset, vt cum ad foedus cum alijs Principibus Christianis contra Turcam adduceret, ipse quoque in pugnam processit, in qua, exercitu fuso, ac fugato, Iulianus ipse comprehensus, & iugulatus est, iacuitque miserè spoliatus inter vulgaria cadauera. Atque hæc quidem pericula rariora sunt, in homine Ecclesiastico, cuius vita ab armis, & prælijs aliena est, sed tamen ita omnes parati, & animo instructi esse debent, vt cum res, & causa postulat, ne sanguini quidem parcant. Verùm illa crebrior, ac pen-

nè assidua fortitudinis materia in resistendo hominum importunitati. Hæc verò duplex est, interdum enim minis, & metu agitur, vt paulò ante dicere cœperam, interdum verò amore, & gratia, qui est etiam affectus, magis efficax ad mouendum. Et si enim ille durior aries, quò animi arx quatitur, hic mollior, ac ne aries quidem sed occultus cuniculus, tamen eò ipso minus caueri potest, quia obrepit, & insinuat se se quodam sensu humanitatis, quo natura magnopere capitur. Itaque hic sunt importunæ preces, hic amicorum postulata, hic Principum auctoritas, denique intimorum, & maximè familiarium beneuolentia. His igitur omnibus resistere te oportet, ne à recto abducaris, & omnino imitari Salomonis tum quidem optimi Regis constantiam, qui Matri ipsi, à qua genitus erat alienum quiddam petenti, assentiri noluit, vicitque in eo sapienter maternam gratiam, & reuerentiam. Quare vt ipse Regem se in eo potius, quàm filium præstitit, sic qui istum locum in Ecclesia tenet, amicis ineptè rogantibus Cardinalem se potius, quàm amicum præstare meminerit. Hæc de prior fortitudinis officio.

3. Regi 02

Alterum officium, vt supra diximus, sed dicendum est paulò vberius, positum est in quadam mentis altitudine, quæ omnia præter Deum, pro nihilo habeat, contemnat, ac despiciat, honores, voluptates, diuitias, ex quo sequitur, vt casus omnes humanos, subter se habeat, patrimonij iacturam, hominum maledicta, famæ detrimenta, denique quæcunque in hanc vitam incurrere possunt, seipso inferiora ducat, itaque sub pedibus videat, vt ijs, aut nihil moueatur, aut certe non perturbetur. Atque hæc mentis celsitas res vna omnium pulcherrima, & maxima, omnibus sanè conuenit, qui in aliqua Ecclesiæ dignitate collocati sint; Sic enim S. Ambrosius. Considera, inquit, quemadmodum eos; qui ad officia Ecclesiæ accedunt, despicientiam rerum humanarum habere deceat. Si enim mortui es cum Christo ab elementis mundi huius, quid adhuc

1 off. c. 36.

huc velut viventes de hoc mundo decernitis ? Ex quo deinde intelligere potes , quàm hoc deceat Cardinalem , vt quia in tam alto gradu positus est respondeat gradui etiam altus , & excelsus animus , non quidem tumore altus , sed hac quam dixi , eminentia super res omnes creatas . Hoc enim præterquàm quòd per se ipsum laudabile , & egregiũ est , etiam vt ait , idem Ambrosius , secum affert angorum omnium vacuitatem , vt neque in doloribus molliores , neque in prosperis elatiores simus . Quod præceptum vobis etiam præcipue conuenit , qui in superiori , & illustriori sitis estis loco : quoniam vestra vita grauioribus incurſibus exposita est , quàm vita priuatorum , quibus si quid aduersi eueniat , altè cadere non possunt . Quare nisi hac animi magnitudine tanquam clypeo quodam protexeris pectus , nunquam animo tranquillo , & securo esse poteris , sed semper anxius , semper sollicitus viues , non solum cum mala ipsa euenerint , sed etiam cum imminere videbuntur : Semper enim pertimesces , quia semper impendent . Contra verò si hoc apud te stabilieris , vt ista omnia pro nihilo ducas , illud necessariò sequetur , vt neque rebus prosperis , & ad voluntatem fluentibus efferaris , neque deiiciaris , aut frangaris aduersis , sicque perpetuam æquabilitatem in vita conserues , in qua non solum magna inest dignitas , sed etiam magna felicitas . Talis erat flos ille Cardinalium Carolus Cardinalis Borromeus , qui cum alia assidue dum vixit huius dedit documenta virtutis , tum illud in primis notabile , quod cum iter faceret per Heluetios , casuque stabulum hospitij igne conflagrasset , & in eo omnes eius equi , mulæ , iumenta , grandi vtique iactura consumpta essent , tamen ita nihil commotus est , ac si nihil omnino accidisset , insuper etiam hospiti centum aureos nummos ad refarciendum incendiij damnum , elargitus est . Alias etiam cum aurigæ inscitia in profundam foueam currus incidisset , & ipse totus cœno : lutoque immersus esset , quin etiam brachium læsisset , tamen nullum impatientiæ , aut iracun-

iracun-

iracundiæ signum ostendit, nihil questus, nihil etiam lo-
 quutus est, immò verò suos, in aurigam eius causa furen-
 tes, compescuit. Et quoniam iræ mentio incidit, hoc etiã
 intelligendum est; nihil tam repugnare huic magnanimi-
 tati, de qua hæcenus loquuti sumus, quàm omnes quidem
 motus animi nimios, sed præsertim iracundiam. Sic enim
 est in libro Iob. Verè stultum interficit, iracundia, & par- Iob. 30.
 vulum occidit invidia. Quare hæc leuitas in Principe Ec-
 clesiastico præsertim, non tunc modò deformis est, cum,
 sine causa concitatur, sed etiam cum alicuius vel impro-
 bitas, vel tarditas, aut inscitia causam dederit. Nam tunc
 quoque in maledicta, & contumeliàs erumpere, etiam ad-
 uersus subiectos, & famulos ipsos, tum abhorret ab huma-
 nitate, tum etiam ab hac fortitudine, de qua nobis est ser-
 mo. Itaque primum sanè curandum est tibi, vt teneas in
 tua potestate animi motum, nec te, de gradu, vt dicitur,
 vlla re, deici finas, sin hoc planè vitare non potes, quin
 animus interdum subito occupatus effequescat, illud pro-
 ximum, vt saltem verbis modereris, & linguam diligen-
 tissimè contineas, dicasque cum Propheta. Turbatus sum Psal. 74.
 & non sum loquutus. Sic enim etiam paulatim assuesces,
 vt interiores motus mitigentur, & vel non incitentur, vel
 non adedò vehementer. In quo etiam eiusdem Borromei,
 de quo modò diximus, virtus commemoratur, eoque ma-
 gis, quòd non cuidam lentitudini naturali tribui poterat,
 cum esset potius feruidior. Quod ille agnoscens, cum se
 maximè stimulari sentiret, tenebat se se, & comprimebat,
 ne vllum verbum efferret, donec motus ille resedisset.
 Solebat autem interea annulum versare, quem digito ge-
 rebat, quod cum aduertissent domestici, hoc ipsum erat
 eis indicio, quòd vim sibi faceret. Postremò sunt etiam
 alia nonnulla huius virtutis officia, quæ quoniam rectè de 4. ethi. c. 3.
 scribuntur ab Aristotele, & mirum in modum congruunt
 Cardinali, operæ pretium puto hic etiam exponere. Pri-
 mum enim, vt ille docet, fortis, & magnanimus, cum se
 periculis

periculis obijcit, id facit strenuè, & alacriter, nec vitæ suæ parcit. Tum verò promptus est ad beneficiendum alijs; ipse accipere erubescit. Quòd si beneficium accipiat, studet semper plura reddere, mauultque sibi alios debere, quàm se alijs. Præterea, & si apud eos, qui & ipsi in dignitate positi sunt, honorem, & gradum suum retinet, tamen apud humiliores humilem se exhibet, hos enim superare facile est, & ab ijs reuerentiam exigere hominis est onerosi, ac molesti, sicut pugnare aduersus imbecillos. Eiusdem est etiam magis curare veritatem, quàm hominum opinionem, ob eam videlicet causam, quoniam omnes, & omnia contemnit. Idem omnia agit, & dicit apertè, ac simpliciter nihil fictè, aut subdolè, & manifestè, vel assentitur vel dissentit. Nam latere velle timentis est: ideòq; ille quidem adulari nulli nescit, nescit ad alterius arbitriũ vel mores, vel sermones se se componere. Hoc enim seruuile est, & ob hanc causam assentatores omnes, fictique laudatores famulari, & planè abiecto sunt spiritu. Quin etiam immemor est iniuriarum, non multum loquitur de hominibus, neque se laudans, neque alios vituperans, nec maledicus est, ne in ipsos quidem inimicos. Denique de necessarijs vitæ præsidijs non valde anxius, aut sollicitus est in alijs horum causa deprecandis, potiusque eligit honesta, etiamsi inutilia, quàm quæ commodum, & quæstum afferant: quem ille minimè omnium curat.

Hæc Aristotelis omnia, quæ præscripta, si seruaueris, poteris animosè & fortiter, atq; etiam magnificè semper viuere, quosane & laudem, & admirationem etiam apud homines consequeris.

*De studio temperantia quod debet habere
Cardinalis. Cap. XIII.*



REQVIRITVR etiam in Cardinali temperantia, & ita requiritur, vt licet reliquæ, quas hæcenus diximus, virtutes maiores sint, nescio quomodo tamē, si hæc desit maior sit turpido. Rectè enim Aristoteles, delectationes corporis, in quibus videlicet moderandis versatur temperantia, ait homini communes esse cum belluis, ac propterea nihil in ijs inesse ingenuum, & nobile. sed potius genere suo esse maximè serviles, & ferinas, quia eas homo percipit, non quā homo est, sed quā est animal. Ex quo addit, & verè, intemperantiam esse cuius homini maximè exprobrabilem, ac foedam. Quod si cuius homini, quantò magis Ecclesiæ Principi? sed hæc virtus, vt ait idem Philosophus, non in omnibus delectationibus propriè versatur, sed præcipuè in ijs, quæ ad gustatum, tactumque pertinent. Quare de vtrisque aliquid dicendum est, eoque magis quoniam diuitiæ, & opes, quæ Cardinalium statum comitantur, tantam suppeditant harum delectationum vel copiam, vel facultatem, vt hæc virtus nisi bene fixa, & confirmata sit, facilè labefacteretur, atque succumbat. Vt igitur de illa prius temperantia loquamur, quæ ad gustatum pertinet, eius quidem duo sunt gradus, alter omnino necessarius, alter semper laudabilis, interdum ipse quoque necessarius. Prior igitur consistit in superfluis resecandis, ne ventri, & delitijs indulgeatur, ne diffuatur luxu, ne nimium corpori seruiatur. Quò enim illa tanta ciborum abundantia, tam multa condimenta, tamque varia gulæ lenocinia, tanta copia, ac tam multiplex ferculorum, preciosa vina, exquisitæ dapes, tanquam in perpetuis bacchanalibus, vt re-

4. ethic.
C. 10.

Epist. 4

Et hanc, Clericorum præsertim, profusionem S. Hieronymus irriserit. Noui, inquit, genera, & nomina piscium, in quo littore concha, lecta sit calleo, saporibus auium disferno prouincias, & ciborum me raritas, ac nouissimè damna ipsa delectant: Delectare ait, damna, quoniam interdum etiam eiusmodi cibi, non tam sapore ipso, quàm sumptu commendantur, idque magis placet, quod pluris constitit. Neque tamen negarim quin Cardinalium mensa aliquanto laurior esse possit, quàm priuati hominis. Vult hoc consuetudo, patitur ratio, faciunt boni, laudatque Cardinales, denique etiam dignitatis huius splendor ita postulare videtur, vt quemadmodum in ædibus, in vestibus, in familia, ita in hoc quoque sit quædam laxitas. Sed & in hoc ipso suus modus esse debet, & hic modus, non ex sæculi corruptela, quæ in dies magis augetur, sed ex rectæ rationis præscripto, & prudentiæ lumine definiendus est. Et si enim aliquid amplius concedatur hominum oculis ad tuendam dignitatem, non tamen conceditur, nec concedi potest intemperantia. Nam vt Cardinalis etiam si multis vestimentis domi suæ abundet, non tamen se pluribus onerat, quàm vsus postulet, vel hyemis, vel ætatis, sic quamuis ad splendorem referta sit mensa, non ideo plus est sumendum, quàm sobrietatis regula patiatur, Neque te fallas, aut tibi blandiaris frater carissime. Omnia enim pericula, quæ alijs ex luxu, & delitijs, Cardinalibus quoque impendent, tum in ratione, tum in appetitu, tum in corpore, quæ triplex est nostri pars. Primum enim ratio obruitur, & obscuratur, & vt docuit Dominus ipse, grauatur ebrietate, & crapula. Vt enim terræ vapores, & exhalationes Solis lumen caligine quadam offundunt, ita hæc ventris: exhalationes crassæ, & concretæ animi lumen eripiunt, vt ad cœlestia cogitanda, sæpe etiam ne ad humana quidem vlla ex parte idoneus sit, appetitus etiam qui nobis est communis cum bestijs, vsque eò effertur insolentia, & contumacia, vt à ratione desciscat, ex quo fit, vt mo-

tus

Luc 21.

tus & perturbationes, quæ in hac animæ parte existunt insollescant, & fiant indomitæ, ut ira, ut cupiditas, ut amor, odium, & reliquæ. Itaque non mirum est deinde, si ijs resisti non possit, & mentis obedientia abiecta, eam capri- uam trahant, & rapiant, impellantque quod volunt. Nam quid ego dicam de corpore, quod si impinguaturn fuerit, necesse est recalcitrare, ut fiat, sicut equus & mulus, quibus non est intellectus? Quod igitur monstrum ex tali Cardinali efficietur? An non in eum ut in tanto honoris apice constitutum conueniet illud ex Psalmo. Homo cum in honore esset, non intellexit, comparatus est iumentis insipientibus, & similis factus est illis. Psal. 48.

Igitur, ut hæc omnia mala ex delicijs, & mollitie oriuntur, sic contra moderatio, & temperantia, omnia prope- modum bona inducit. Acuit enim animum ad coelestia, penetranda, ad gustanda diuina; appetitum, eiusque motus, quos dixi, comprimit, sedat iracundiam, cupiditates mitigat, affectus denique omnes edomat, ut vel non infecti sint, vel si interdum insurgant, nullo negotio subigan- tur. Postremo ipsius quoque corporis insolentiam fran- git, ut se aduersus rationem commouere non possit, sed in eius sit ditione, ac potestate. Denique si quis innumera- biles huius temperantiæ fructus nosse velit, Chrysostomum Hom. 99. ad pop. legat, tum alibi sæpe, tum in quodam sermone ad popu- lum, ubi ita ait, vilem, tenuemque mensam, esse matrem sanitatis, ut contra saturitas mater est ægritudinis, atque infirmitatis, morbosque parit, quibus nulla Medicorum ars mederi possit, pedum enim dolores, & capitis graui- tates, atque vertigines, manuum cruciatus, & tremores, & remissiones: longas & æstuosas febres, & alia his longè plura, non ex parco victu, sed ex crapula, & saturitate na- sci. His verò corporis morbis, addit etiam animi morbos, qui sine dubio maiores sunt, auaritiæ, mollitiæ, melancho- liæ, ignauitiæ. Omnis, inquit, ignorantia hinc habet prin- cipium; Nihil enim meliores quàm asini sunt, talium

K 2 mensa-

mensarum delicias sectantes. In quo genere verum est illud etiam quod idem adiungit, eam quidem, quæcunque sit voluptatem, non nisi ad linguam, & guttur peruenire, infra verò nihil sentiri delectationis, sed potius multum molestiæ, onerato videlicet ventre, & grauato capite, ex quo crudirates, & vigiliæ, & alia mala gigni solent. Sicut enim ait, si quis in cloacam cibos deijciat, ita quique qui mittit in ventrem, immò verò multò etiam peius. Cloacæ enim nullum affertur damnum, corpori verò multa damna. Hæc igitur si Chrysostomus de omnibus dicebat, quid dixisset, si de Cardinalibus loqueretur, qui tantò maiorem sanctitatem, & continentiam, & cum Deo coniunctionem profiteri debent, quibus omnibus nihil est inimicius intemperantia? Quare vobis præcipue sine vlla dubitatione exercenda est hæc temperantia, vt etiam exquisitam istam lauritiam oderitis. Quocirca mi Frater, indignum existimabis vestro gradu, si (quod nonnulli faciunt) querulus, morosusque sis, in ciborum condimentis, aut de hoc genere cum coquis, & pincernis crebrò litiges. Est enim laudabile quod de Pio Secundo Pontifice accepimus, cuius tum aliæ multæ virtutes feruntur, tum hæc ipsa, quod mediocri cibo vti solitus esset, non lauto, nō delicato, eoq; semper fuisse contentum, quod apponeretur, quodcunq; esset: vino vero parcissimè vsum, eoque bene diluto.

Atque hoc quidem vt à superfluis abstineat semper fieri debet à Cardinali, idque ad perpetuum quendam vitæ tenorem pertinet. Est igitur alter quidam gradus huius virtutis, quem supra attingi, vt suis temporibus aliquid etiā amplius facias in edomando, castigandoque corpore, Cur enim non ipsi quoque Cardinales hoc faciant, si virtutem colere, si Deo placere, si vitia vincere velint, cum ipsi quoque eandem carnem habeant, quàm alij homines ita corruptam, ac deprauatam in eodem peccato conceptam, eodemque fomite infectam, quo alij? Sic enim Paulus, *1. Corin. 9.* ipse Apostolus, & tantus Apostolus. Castigo, inquit,

cor.

corpus meum, & in servitutem redigo, ne fortè cum alijs prædicauerim ipse reprobus efficiar. Vbi Chrysostomus. Si hoc Paulus timuit, qui tam multos docuit, & timuit. Hom. 23. in 1. ad Corinth. postquam prædicauit, & postquam factus est Angelus, & totius orbis terrarum curam, & defensionem suscepit, quid nos dixerimus? Nec desunt exempla Cardinalium. Nam de Iuliano illo Cæsarino, cuius etiam antea fecimus mentionem, memorię pròditum est, ferè illum in suis vestibus cubitalle interulam intimam, non ex lino, sed ex panno gestasse, longa exercuisse ieiunia, omnibus sextis ferijs pane, & aqua ieiunasse, quotidie missam celebrasse, denique vt hoc etiam addamus, ita in eleemosynis profusum fuisse, vt à suis alter Martinus appellaretur. Ioannes quoque Caruaiallus natione Hispanus, quem Eugenius Quartus ex Romanę Rotæ Auditore ad Cardinalatum euexit, tanta religione fuisse perhibetur, vt domum haberet moderatissimam, nullis auleis, nullo argento cælato, insuper etiã cilicium occultè gestaret, multaue se maceraret inedia; Similis quoq; huic fuit Nicolaus Albergatus insignis omnino Cardinalis, cuius etiam disciplinæ alumnus fuit Thomas Sarzanensis, qui postea Pontifex creatus in eius gratiam Nicolaus V. appellari voluit. Quare ipsum quoque scribunt magnopere studiosum fuisse, corporis extenuandi tum ieiunio, tum crassioribus cibis, tum vigilijs, tum etiam perpetuo cilicio. Quid verò dicemus de Roberto Nobili, in quo etiam hoc studium eò admirabilius fuit, quod esset adhuc in ipso flore adolescentiæ, & cū Iulio Terzio Pont. Max. arctissima affinitate coniunctus? Et ille quidem præter cæteras carnis castigationes, eiusdem ferè generis, hoc insuper seruabat, vt se in ipsum pauimentum super humilem culcitram, ad dormiendum abijcere soleret. Nam de Carolo Borromeo nihil attrinet dicere, eius enim vita, & recentior, & illustrior est, quàm vt hic commemoranda videatur. Sed tamen sic tradunt, eius familiares, quotidianis illum poenitentię incrementis, eò tandem peruenisse,

se, vt quotidie pane, & aqua ieiunaret, exceptis Dominicis, ac festis diebus : in qua ille seueritate diu durauit, vsque ad extremum vitæ diem, immo verò aliquantò ante obitum ipsos etiam festos dies non parum restrinxerat, ad sola se legumina, aut olera, fructusue arborum redigens. Quare cum Gregorius XIII. pro suo officio, peculiari Breui ad eum scripto, non solum hortatus esset, sed etiam præcepisset, vt rigorem hunc temperaret, respondit Cardinalis se quidem paratum obedire, sed tamen experientia cognouisse, eam in ediam valetudini quoque conferre, ad exiccandam pituitam qua abundabat. Quo argumento permotus Gregorius, suo illum iudicio, arbitrioque permisit. Nimum hoc fortasse, & mirandum magis, quàm imitandum, sed tamen hoc ipsum nimium eò magis eorum mollitiem accusat, qui in alteram partem peccant. Illud moderatius, & ad exemplū accomodatius, quod de Antonio Carrafa compertū est, optimo certè Cardinali, quæ magno Ecclesiæ damno ante paucos menses amissimus. Ita .n. ipse quoq; coërcendi corporis studiosus fuit, vt præter cæteram victus parsimoniam, ter etiam in hebdomada voluntarijs verberibus se afficeret, ter cilicio vteretur.

Ex his igitur exemplis omnibus, quæ ad hanc causam ornandam congeessimus, hoc constare potest, non Monachis tantum, sed omnibus planè hominibus, & ipsis Cardinalibus magnopere conuenire aliquam corporis afflictationem prudenter adhibitam; neque vnquam defuisse, aut deesse, qui ita facerent; Sed erunt fortasse, qui hanc quasi austeritatis professionem refugiant, vel ne virtutem ostentare videantur, vel ne ob avaritiam, aut tenacitatem sumptui parcere putentur. Quibus primum respondeo, quod attinet ad ostentationem, modò ne ipsi id eo animo faciāt, vt ab hominibus videantur, hominumque gloriolam aucuoent? nihil esse timendum, quòd sciatur eos interdum ieiunare, non magis quàm cum scitur, eos vel missam quotidie audire, vel sæpe Eucharistiam sumere, aut elemosy nam

synam tribuere. Nam hæc quoque bona sunt, quæ tamen palam sunt, sine ostentationis metu. Præterea non deest facultas occultandi, modò non desit voluntas. Quid enim prohibet quo minus inter ipsas epulas, inter conuiuia, inter lautas mensas te coërceas, quò minus certos dies habeas, quibus pro tuo instituto, ac studio pietatis clam omnibus acrius aliquod ieiunium serues? Sic enim de Nepotiano S. Hieronymus, inter alia, quæ de illo vt optimo ex optimis Clericis commemorat. Mensæ, inquit, auunculi (hic autem auunculus Heliodorus erat Episcopus) intererat, & sic apposita quæque libabat, vt & superstitionem fugeret, & continentiam seruaret. Idem legimus de Sancta illa Elysaetha Regis Vngariæ filia, eademque Turingiæ Principis, quem Lantgrauium vocant, vxore, eam seuerissima ieiunia seruare solitam inter ipsa conuiuia regio more instructa, nemine aduertente. Nam dum modò Principem coniugem alloquitur, modò huic, aut illi conuiuæ, officij gratia aliquid porrigit, modò astantibus famulis quidpiam iniungit, ita rem ducebat, vt sæpissimè à mensa discederet nullo alio cibo, nisi arido pane gustato. Hoc igitur facere possunt etiam Cardinales, & certe ita faciebat Borromeus, cum interuentu nobilium hospitum eorum conuiujs adesse cogeatur, in quibus nihilominus suum seruabat institutum, sed ita dissimulanter, vt sæpe non modo hospites, sed ne familiares quidem pleriq; animaduernerent.

Cæterum illud etiam ad hanc temperantiam pertinet, vt prouideas, ne in tua mensa quicquam indecorè agatur, nedum agas ipse. Itaque iurgia, contentiones, sermones solutiores, & alia eiusmodi vitia, quæ inter scyphos facile exoriuntur, ita prohibere debes, vt rem indignissimam tuis auribus, tuaque præsentia, præsertim verò maledictionem, quæ nescio quomodo, dulcedine quadam facillimè obrepat. Itaque ob hanc causam ferunt B. Augustinum cum Episcopus esset, & multos ad cibum vnà sumendum admit.

admitteret, descriptos habuisse in pariete hos duos versuculos. Quisquis amat dictis absentum rodere vitam. Hanc mensam vetitam nouerit esse sibi. Quare quoties alicuius sermo, ut sit ab alijs rebus, in maledicentiam delapsus esset, hos ipsos versus ei digito indicabat. addebatque seueram obiurgationem, nec ferè in re vlla adeo se præbebat austerum. Et merito, quoniam S. Gregorius etiam monet in conuiuijs abundare solere loquacitate, n. eoque pertinere, quod in Euangelio legimus diuitem illum, qui quotidie splendidè epulabatur, grauius in lingua cruciatum, ut videlicet, qua corporis parte maximè deliquerat, eadem etiam maximè plecteretur. Igitur ad hos ineptos, vel etiam noxios sermones excludendos, optima est ea ratio, quam præscribere Sacra Concilia, ut in omni Sacerdotali conuiuijs diuinarum scripturarum lectio misceatur, per hoc enim, & animæ ædificantur ad bonum & ociosæ fabulæ prohibentur. Hæc ipsa sunt verba Synodi Toletanæ, quæ ad firmitatem maiorem, sunt etiam inter Pontificios Canones relata. Atque illud quoque additur, quod item ad rem facit, ut Clerici, non nisi hymno dicto comedant panem, & post cibos auctori Deo gratias agant. Cum igitur hoc ita disertè præcipiatur, de lectione adhibenda, non potest utique à Cardinali negligi, & quidem ita præstari, ut lectio cum mensa ferè adæquetur, non ut ad speciem quandam retinendam initio tantum adhibeatur. Hoc enim est non legem seruare, sed eludere. Quin etiam quicquid est vacui temporis in mensa, ac deinde post mensam, non solum ad pietatem, sed etiam ad dignitatem Cardinalis pertinet, ut bonis, vtilibusque sermonibus consumatur. Sic enim S. Hieronymus de Cle-
rico illo Nepotiano, sermo, inquit, eius per omne conuiuium de scripturis aliquid proponere libenter audire, respondere, verecundè recta suscipere, praua non acriter confutare, disputantem contra se magis docere, quàm vincere. Quibus verbis forma etiam modestiæ præscribitur, quæ

Homil. 40.
in Euang.

d. 44. c. pen.
c. ult.

Epist. 3.

quæ seruanda sit in mensa prælati, ne inter loquendum
disputatio nimis exardescat. Atque hanc etiam ob cau-
sam laudabile est Cardinali habere apud se probos, & do-
ctos homines, quos præsertim eo tempore adhibeat, & ip-
se eorum eruditionem modò hac modò illa quæstione la-
cessat, quod & de alijs, & potissimum de Paulo Tertio Pon-
tifice accepimus, cum magna animi oblectatione facere
eum consueuisse super mensam.

De castitate quam seruare debent Cardinales.
Cap. XIV.



QUONIAM dictum est ex Aristotele du-
plicem esse temperantiæ partem ad du-
plex genus delectationum moderandum.
de altera quidem parte, quæ ad ventris
cupiditatem pertinebat, satis dictum est,
nunc restat altera aduersus turpiorem cu-
piditatem. Sed hoc interest, quòd prior illa cupiditas non

quidem præcidenda, sed temperanda, & ad mediocritatem
reuocanda est, hæc verò omnino, ac penitus fugienda, &
radicitus extirpanda. Hoc enim profiteretur ipse status, in
quo est Cardinalis, remotus à coniugio, & multò magis ab
omni obscena voluptate. hoc etiam præ se fert, & contes-
tatur habitus ipse, & illa candida vestis, quam non occul-
tè sed palam gestatis, vestrisque & aliorum oculis ostenta-
tis. Neque id nouo more. Nam veteribus quoque Sa-
cerdotibus idem erat mos, vt de Samuele scripturà com-
memorat, quem lintea succinctum veste describit: quod
S. Gregorius morali vt solet sensu ita interpretatur, Quid,
inquit, in Ephod lineo, nisi continentię candor ostendi-
tur? Quo nimirum Ephod accingimur, cum ad nitorem
pudicitię omni ex parte retinemur, cum animæ, & carnis
nulla pars à distractionis lege absoluitur, per quam ad lu-

1. Regum.
c. 1.

2. in lib. Re-
gum c. 3.

L xurix

C. quod au-
tem de vo-
to in 6.

In c. 44.
Ezechi.

xuriæ caliginem defluamus. Talis itaque minister in conspectu Domini est, quia de Omnipotentis Dei sperata visione non fallitur, cui cum tanto accinctionis sue nitore famulatur. Sed ad huius quidem virtutis commendationem, non multis arbitror opus esse, cum eius obligatio, & necessitas constet, in ijs omnibus, qui sacris ordinibus initiati sunt, in quibus ordinibus suscipiendis castitatem etiâ, perpetuamque continentiam sancto & solemni, & perpetuo voto spondent. Sic enim docent sacri Canones, nec solum docent, sed etiâ præcipiunt, & constituunt, votû solemne esse, quod fit, vel sacri ordinis susceptione, vel professione religionis approbatâ ab Apostolica Sede. Iam ergo licet argumentari, cum idem sit vinculum Cardinalis ex ordine sacro, ac religiosi, ex professione facta, si cum religiosus suum rumpit votum sacrilege facit, cur non eodem odio dignum sit Cardinalis sacrilegium? Rectè ergo S. Hieronymus, de hoc ipso, Melius est non promittere, quàm promissa non facere. Anna obtulit Samuelem, qui in æterna sanctificatione permansit, & Manne obtulit Sampson filium, sed sanctificationem capillorum eius Dalidæ libido turpauit, denique Dominus recessit ab eo, & cæcitate damnatus est. Hæc est igitur seruandæ continentix necessitas in eo, qui se omnipotenti Deo obligauit, qui se ipsum eius Maiestati suis labijs consecrauit, eiusque promissi innumerabilem illam cœli militiam testem aduocauit, ut quot suæ tunc sponfionis testes habuit, totidem deinde si sefellerit, in iudicio aduersarios, & accusatores sit habiturus.

Sed hoc quidem fatis perspicuum est, nec potest ab ullo vel negari, vel etiâ extenuari. Illud potius conuincendum, quod quidam errores suos excusare solent ex humana infirmitate, ex naturæ inclinatione, ex rei difficultate, ex occasione, & illecebra peccandi, alijsque eiusmodi, quasi res nimis ardua sit, & humanas vires exuperet. Quibus quidem ego hoc primo responsum velim. Quid vos igitur

igitur id promittere coëgit, quod vestras superabat vires? Cur tam prompti ad promittendum, tam imbecilli ad exequendum? Huc enim etiam aptissimè quadrat illa B. Petri in Ananiam obiurgatio, de agri pretio fraudato. *Nonne, inquit, manes tibi manebat, & venundatum in tua erat potestate? Non es mentitus hominibus sed Deo.* Cuius quidem peccati magnitudo ex supplicij magnitudine apparuit. Etenim & ille, & vxor vna Petri voce tanquam fulmine ietæ, subita morte perierunt, & factus est, ait scriptura, timor magnus, in vniuersa Ecclesia, & in omnes qui audierunt. Idem igitur valet in hos quoque, quibus sanè integrum erat, & liberum vouere, & nō vouere, postquam autem vouerint, seque Deo obligarint, tum si fidem datam fregerint, non hominibus mentiuntur, sed Deo, idque in suum caput, & in suam ipsi quoque perniciem. Sed nimirum non rei difficultas, verum propria ignauia, & imbecillitas, & negligentia negotio aduersatur. Rectè enim, ac verè Chrysostomus, Non oportet, inquit, dicere, Non possum continere, & accusare conditorem nostrum. Si enim ita nos condidit, vt abstinere non possimus, accusandus est, quod iubeat esse castos. Dices. Quomodo igitur multi non possunt? Porius dic quod nolunt. Si enim omnes voluerint, omnes potuerint. Ideo, & Paulus ait, Volo vos omnes esse, sicut me ipsum. Pergit deinde Chrysostomus ostendere in omnibus rebus, & in omnibus artibus non sufficere solam voluntatem, sed necessarium esse studium, & applicationem ad opus, vt in agris colendis, in honoribus adipiscendis, denique in omnibus non satis esse desiderium, sed oportere rem aggredi, & constanter exequi. Quod idem etiam de tuenda castitate dicendum ait, non esse sanè rem adeo grauem, vt sit supra vires, sed tamen aliquid applicationis, & curæ ac studij, diligentique requirere. Atqui multi sunt, qui sic viuunt, quasi hoc ipsum agant de industria, vt demonem aduersus seipsum arment, carnem incendant, aduersus castitatem;

Ad. 5.

Homel. 17
in epist. ad
Hebræos.

1. Corint.
7.

Rom 9. in
Leuit.

ita omnes commoditates, omnem mollitiem, omnia corporis blandimenta sectantur, ita refugiunt omnem austeritatem. Quare nil mirum esse debet, si his difficilis omnino pudicitia videatur. Origenem audiant veterem Doctorem, & huius virtutis amatorem acerrimum. Nescitis, quia si carnem solam nutriatis, & ipsam frequenti mollitie, ac iugi deliciarum luxu fouearis, insolescet necessario aduersus spiritum, & fortior illo efficietur. Quod si fiat sine dubio eum in suam ditionem redactum suis coget legibus, ac virijs obedire. Nutrimenta igitur spiritus sunt diuina lectio, orationes assiduae, sermo doctrinae. His alitur cibus, his conualescit, his victor efficitur. Quod quia non facitis, nolite conqueri de infirmitate carnis, nolite dicere. Volumus, sed non possumus. Tu das stimulos carni tuae, tu eam aduersus spiritum tuum armas, & potentem facis, cum eam carnibus satias, vino nimio inundas, omni mollitie palpas, & ad illecebras nutris. Hæc Origenes.

2. Corint.
4.

Quamobrem si præsidium aliquod desideres ad tuendum hunc adeo pretiosum thesaurum, hoc primum intelligere debes, quod ait Apostolus, nos thesaurum hunc habere in vasis fictilibus, idest, infirmis, & maxime fragilibus, quæ videlicet ad omnem incursum rumpi solent. Ex quo sequitur, ut omnis diligentia, & attentio, atque animi prouisio adhibenda sit in ijs seruandis, & nisi adhibeatur, nemo euadere possit naufragium. Magnis inquit S. Hieronymus, inimicorum circumdamur agminibus, hostium plena sunt omnia, caro fragilis, & cinis futura post modicum pugnat sola eum pluribus. Non querit diabolus homines infideles, & eos qui foris sunt, & quorum carnes Rex Assyrius in olla succendit. De Ecclesia Christi rapere festinat. Escæ eius secundum Abacuc electæ sunt lob subvertere cupit, & deuorato Iuda ad cribrandos Apostolos expetit potestatem. Ecce auctore S. Hieronymo, ut aduersarius noster diabolus omni quidem hominum conditioni infestus

Epist. 22.

Abacuc. 1.

infestus

infectus est, sed multò tamen magis exultat gaudio, si Ecclesie antistitem, cuiusmodi est Cardinalis, adeò sociè, miserèque præcipitet. Crescit enim peccatum ex eius dignitate, crescit Dei injuria, crescit hominum scandalum, crescit Ecclesie damnum. quibus omnibus improbus ille gaudet mirum in modum, ac triumphat. Declaratum est hoc eo viso, quod S. Gregorius narrat obiectum esse cui-^{2. dialog.}
dam, qui in Phano idolorum magnam dæmonum cater-^{c. 7.}
uam vidit Principi suo seruientium, & actorum rationem reddentium, vbi cum multi multos varijs hominibus fucos factos exponerent, vnum postremò indicasse tentationem Andreæ Fundano Episcopo iniectam, ita vt domesticæ mulieris amore tactus nutaret. Quare Principem illum qui reliquos nihil curauerat, hoc de Episcopo inhianter audisse, & quasi de grandi lucro gauisum esse. Hoc igitur idem de seipso Cardinalis cogitare debet, multò se maiorem risum perditis illis præbiturum, si qua parte se aut facto, aut etiam cogitatione supplantari sinat. Aliud est etiam remedium, ac præsidium duplex, primum resistere statim cogitationi subrepenti, quoniam vt hostes cum ciuitatem aggrediuntur facilius repelli possunt. Si verò pedem intulerint, ita omnia occupant, ita dominantur, vt exturbari nequeant, sic etiam in ista præsertim reprobatione vsu venit, Alterum est perfugere ad orationem, eaque opem, & auxilium à Domino Deo implorare. De hoc vtroque S. Hieronymus, eodem loco, quem paulo anteposui, statim vt libido titillauerit, sensum, inquit, aut blandum voluptatis incendium dulci calore persuderit, erumpatur in vocem, Dominus auxiliator meus, non timebo: quid faciat mihi caro. Nolo sinas cogitationem crescere, nihil in te Babylonicum, nihil confusionis adolescat. Dum paruus est hostis interfice, nequitia, ne zizania crescat, elidatur in semine, Quia enim impossibile est, in sensum hominis non irruere innatum medullarum calorem, ille laudatur, ille prædicatur beatus, qui vt cœperit cogitare

tare sordida, statim interficit cogitatus, & allidit ad petram, petra autem Christus est. Præterea iuvat etiam, vel maximè custodia sensuum, præsertim oculorum, quibus si licentia vagandi permittatur, non potest dici quantum vim habeant ad perdendum. Quid enim Dauidem talem Dei amicum post tot reuelationes, post incerta, & occulta diuinæ sapientiæ manifestata, perculit, atque prostrauit, nisi vnus coniectus oculorum, vt omnes tanto exemplo discant, neque dignitatem, quando ille quoque Rex erat, neque sapientiam, aut etiam sanctitatem, cum ipse tam magnus esset propheta, satis resistere posse eiusmodi periculis, iisque pugnis, quas aspectus affert, sensus omnium acerrimus. Huic deinde proximus est auditus, de quo rectè præcipit S. Hieronymus in Epistola ad Nepotianum Clericum. Nunquam, inquit, de formis mulierum disputes, quo præcipit nunquam loquendum esse, nunquam alios audiendos de huius vel illius foeminae elegantia, aut specie. Decet enim prælatum, non modo animum, sed etiam oculos, & aures castas habere. Virum adiuuentum aduersus hæc ignita diaboli iacula est, quod supra attigimus, temperantia in victu. Quod etiam physica, ac necessaria ratione confirmari potest. quoniam cibus qui sumitur, primum quidem in sanguinem, & in corporis alimentum vertitur: quod si abundantior fuerit, quam conservando corpori sufficiat, ex eo videlicet quod superest, generantur humores obsceni, qui sunt animantibus à natura insiti ad foetus procreandos. Hi verò humores cum geniti fuerint, vt ait quodam loco Galenus, extrimulant animal, & impellunt ad id cuius gratia facti sunt, eoque magis, quò maiore copia. Quamobrem verè de hoc S. Ambrosius, cibo, inquit, flamma alitur, & deficit. Si quidem foenum, stipula, lignum, oleum, aliaque eiusmodi alimenta ignis sunt, quibus pascitur. Ea si detrahas, vel non suggeras, etiam ignis sopitur. Similiter ergo vapor corporis cibo alitur, aut minuitur, cibo excitatur, cibo soluitur,

1. Regū 11

Epist. 2.

Lib. 6 de
locis aff.

Epist. 15.

tur, LUXURIA igitur mater libidinis est. Idem dicit, & S. Chrysostomus, ut naus, ait, cum plus æquo onerata est, necessariò iniergitur, nec eam iunare potest maris tranquillitas, nec scientia Gubernatoris non multitudo nautarum, non apparatus copia, non denique vlla res alia. Sic qui delicatè, & molliter corpus tractant, in exitij pelagus demerguntur, nec eos doctrina, & institutio, non admonitio, & consilium, non timor futurorum, non pudor præsentium conseruare poterit, ira fluctuantem animam, sed nolentem deprimit, & eò proijcit, vnde resurgere difficile est. Atque hæc quidem quæ vno ore ab omnibus Sanctis Patribus dicta sunt, non alijs tantum dicta sunt, sed etiam vobis Cardinalibus. Cur enim soli hac lege exempti sitis, cum vt supra diximus, eandem carnem, eandemque carnis corruptelam insitam gesteris, quam alij? Itaque apparet illarum lautarum mensarum abundantia, illarum quotidianarum epularum, ille lectorum apparatus tam mollis, in quas miseras impellere possint, nisi caueatis. Ego verò addo etiam honorem ipsum, & ipsam opum copiam, & reuerentiam ab omnibus exhibitam, denique affluentiam quandam omnis prosperitatis. Hæc enim si rectè consideremus insolentiam, & licentiam quandam pariunt, quæ semper proxima est ruinæ. Extat Borromei prudentissimi, & optimi Cardinalis Epistola ad Andreæ Battorium Cardinalem Poloniæ Regis propinquum, in qua Epistola cum præter alia testatus esset, in hoc sanctissimo statu exigi omnino castimoniam, & quidem singularem, adiungit. Quam nunquam assequeris, nisi te carnis maceratione afflictaueris, sensus omnes compresseris, ocium vt pestem fugeris, denique nisi in huius diuini doni pulcherrimi conseruationem, quod ille tibi custodiendum dedit, omnem animi, ac mentis tuæ vim intenderis. Mirum est enim quàm facile ab ijs perdat, qui in eius conseruationem non inuigilant. Nec aliam ob causam S. Paulus Timotheum, quem ab infantia educauerat, sacrasque literas edocuerat, qui

Orat. 6. 3e
prouid.

1. Thimoe.

corpo-

Inc. 2. 2d
Mich.

Matt. 22.

corpore erat imbecillo, & infirmo, qui ieiunijs, & aquæ potu carnis petulantiam fregerat, tam seriò monet, vt se ipsum castum custodiat. Hæc ille verè & sapienter. Sed libet hoc totum argumentum concludere egregia S. Hieronymi sententia, quæ cum de Ecclesiasticis Principibus loquatur, nullis verius conuenit, quàm Cardinalibus. Sed & Ecclesiæ quoque, inquit, Principes, qui delitijs affluunt & inter epulas, atque lasciuias, pudicitiam seruare se credunt, propheticus sermo describit, quòd eijciendi sint de spaciosis domibus, lautisq; conuiuijs, & multo labore epulis acquisitis, & eijciendi propter malas cogitationes, & opera sua. Et si vis scire, quòd eijciendi sunt, Euangelium lege, In tenebras scilicet exteriores, vbi erit fletus, & stridor dentium. Si in Apostolorum loco sumus, non solum sermonem eorum imitemur, sed conuersationem quoque, & abstinentiam complectamur.

Quomodo Cardinales uti debeant diuitijs.

Cap. XV.

Numb. 18.

EST etiam genus quoddam temperantiæ erga ipsas diuitias, vt scilicet tum earum amorem tum etiam vsum moderetur, & dirigat ex præscripto rectæ rationis. Quod fortasse non minus est difficile, quàm id, de quo iam diximus, in delectationum moderatione versari; nam hic quoque magni sunt, & acres stimuli. Neque tamen diuitias in Cardinali damnamus, quin potius probamus, & necessarias confitemur, idque non vsum modo receptum etiam à bonis, & probatus ab omnibus, sed ipsius quoque Dei iudicium, decretumque confirmat. Videmus enim Deum in veteri lege magnas viresque diuitias, tum Pontifici, tum Sacerdotibus, & Levitis, quibus noster Clerus responderet, assignasse. Licet enim nullam eis partem certam promissæ Hebreis terræ attribuerit;

fuerit; attribuit tamen decimas, primitias, & alia eiusmodi, ex quibus ingentem omnino summam conflare necesse erat. Neque verò hoc perfectioni repugnat. Verum
 enim est quod ait S. Gregorius. Non census in crimine
 est, sed affectus. Cuncta enim quæ Deus condidit bona
 sunt, sed qui bonis malè utitur, profectò agit, ut quasi per
 edacitatis ingluuiem, eo, quo viuere debuit pane, moria-
 tur. Quoniam igitur non vsus, sed prauus vsus diuitiarum
 reprehendendus est, videamus, quid in hoc genere serua-
 re te oporteat, ne quandoquidem mihi præceptoris perso-
 nam imposuisti, quidquam omittam eorum, de quibus mo-
 nendus esse videaris. Primum autem est illud, quod in
 psalmo præcipitur: Diuitiæ si affluant nolite cor appone-
 re. Apponit autem cor qui eas amat, qui ijs gaudet, qui
 eas magnum aliquid putat. Itaque adhiberi quidem de-
 bent ad vitæ necessitates, sed ut terra, sine qua ne viuere
 quidem possumus, & tamen adeò non habetur in pretio,
 ut etiam pedibus teratur, & si quid forte adhæserit, statim
 excutiat. Hoc enim illud est quod S. Gregorius in Eze-
 chielem præcipit cuncta temporalia vsu, non affectu possi-
 denda. idemque in moralibus. Quisquis temporalia ni-
 miè diligit, se magis illis, quàm sibi ipsa supponit. Multi
 enim lustrorum in hoc mundo diuites fuerunt, rebus, & ho-
 noribus fulti. Habere multa videbantur, quorum men-
 tem, quia eorum quæ aderant delectatio nimia non possi-
 debat, bona illorum in manu erant, quia potestati animi
 subiecta tenebantur. Hoc igitur idem Ecclesiasticus Prin-
 ceps facere debet, ut opes suas habeat, non ut ab illis ha-
 beat, idest, ut sit ipse superior omnibus rebus quas possi-
 det, in eas liberrimè dominetur, immo verò illas etiam
 subter se habeat, despiciat, contemnat, non autem illis
 quasi captiuis seruiat. Neque hoc difficile si harum re-
 rum naturam ipsam consideres, quàm sint instabiles, quàm
 vanæ, quàm nullius momenti, immo etiam quàm sæpe no-
 xia, & damnosæ. Sapienter enim S. Chrysostomus diui-

M tias,

10. mor.
c. 17.

Psal. 64.

Homil. 19
in Ezz.

15. mor.
c. 29.

Homil. 19
Eutrop.
tom. 6.

Homel. 45.
in Matth.

tias, seruum ait esse fugitium, nec tantum fugacem, sed etiam hericidam, quia non eo contentę, vt possessorem deferant, insuper etiam sępissimę iugulant. Atque idem alio loco id perpendit, quod Dominus apud Matthęum, non simpliciter diuitias, sed fraudem, & deceptionem diuitiarum appellat, quoniam, inquit, nihil aliud est in diuitijs pręter deceptionem. Nam voluptas, & gloria, ornatus, & pompa, horumque similia, phantasmata quędam sunt, nullam rem verę continentia. Verę phantasmata sulto errore, falsaque mentis imagine nixa. Quid enim tandem boni inest in domo aurata, in superbis aulęis, in tapetibus sumptuosıs? Aut quid iuuat reconditam habere multam vestem omnis generis, quę ex eo vtilitas? Nam quod solidi fructus ex domo existit, vt frigus, aut æstus depellatur, id quidem perinde existit ex domo mediocri. Quare ornatus illi ex marmore, ex statuis, ex picturis, illi magnifici apparatus, & cętera eiusmodi pompa, nihil solidę vtilitatis afferunt. Itaque verissimum est, quod idem S. Chrysostomus alibi docet, terrena omnia pronihilo habenda esse, neque vllum per se pretium, ac dignitatem habere, sed ex sola opinione nostra, idque probat exemplo gemmarum, in quibus ipsis, nihil sit cur tanti æstimentur, cum communes lapides, & magnitudine, & vsus commoditate, interdum etiam pulchritudine multo superiores sint. Huc adde, quod hęc caduca bona ostentant potius vsum, quàm continent, cum satis appareat si quid habeant vel vtilitatis, vel splendoris, id ita fluxum esse, ita incertum, vt nunquam securo animo possidere possis. Quam ob causam optimę S. Gregorius in hanc ipsam sententiam illud affert Apostoli. Pręterit figura huius mundi, ac si, inquit, aperte diceret, Nolite constanter diligere mundi, quando & ipse non potest quem diligitis, stare. Incassum cor quasi manentes figitis, dum fugit ipse quem amatis. Atque idem alio quodam loco aptissimę totum hunc mundum ruinosę domui comparat: Si enim ait ruinam sui domus

Rome. 10
ad Iulij

3 par pass.
adm. 28.

1. Corin. 7.

Hom. 4. in
Euang.

mus

mus quassata minaretur, quisquis in illa habitaret, fugeret; & qui stantem dilexerat, recedere quantocius à cadente festinaret. Si igitur mundus cadit, & nos eum amando amplectimur, opprimi potius volumus, quàm habitare, quia nulla nos ratio à ruina illius separat, quos eius passionibus amor ligat. Hęc igitur quę satis sufficiunt ad res omnes terrenas apud cuiusvis animum in contemptum adducendas, quantò magis apud animum Cardinalis, qui pro gradu, quem tenet, omnem perfectionem præstare debet? Valet enim hic illud D. Ambrosij argumentum. Si, inquit, Euangelio Domini etiam populus ipse ad despicientiam opum informatus, atque institutus est, quantò magis nos leuitas, oportet terrenis non teneri cupiditatibus, quorum Deus portio est.

Cæterum in hoc usu diuitiarũ, de quo loquimur, illud ē tibi omnino seruandum erit, vt quantęcunq; affluant opes, memineris semper arrogantiam, & fastidium fugere, contra verò humilitatem retinere, comitatem, affabilitatemq; sermonis. Ob hanc enim causam laudat S. Gregorius Abrahamum, qui cū tam locuples, & opulentus esset, tamen ad eò demissè loqueretur, vt etiam se pulueris, & cineris loco haberet. Quid, inquit, iste diuitias suas æstimare nouerat, qui semetipsum puluerem, cineremq; pensabat? Aut quando hunc res possessæ extollerent, qui de se quoque earum possessore tam abiecta sentiret? Immo verò ille etiam sensus optimus, valdeque conueniens. Cardinali, vt non solum non efferatur diuitijs, sed potius extimescat ne præsens felicitas futuram felicitatem vel impediatur, vel certè imminuat. Hoc enim illud est quod docet B. Gregorius id interpretans, quod dictum est, ad diuitem illum, Recordare quia recepisti bona in vita tua. Si quis estis, inquit, qui in hoc mundo exterioris boni aliquid accepistis, ipsum, vt ita dicam, donum pertimescere debetis, ne vobis pro quorundam vestrorum actuum recompensatione sit datum; ne ludex, qui hic exteriora bona resti-

10. mor.
c. 17.

Home. 40:
in Euang.
Lucæ 19.

tuit, à retributione boni intimi repellat, ne honor hic, vel diuitiæ, non adiumentum virtutis, sed remuneratio sit laboris. Hæc igitur cogitatio, atque hic timor multum proderit, tum ad humilitatem, quam diximus, tum ad rectū vsum copiarum. Postremò illud etiam in diuitijs tenendum, vt ex ijs quoque nouam causam, nouamque obligationem tibi iniectam intelligas ad bene viuendum, perfectionemque sectandam. Quid enim sunt aliud bona Ecclesiastica, quàm res Deo dicatæ, atque ob id dicatæ, vt ipsius Ecclesiæ ministri alantur? quem autem ad finem alantur, nisi vt Ecclesiæ seruiant, quemadmodum decet ministros? Quod etiam eò magis valet quò maiora sunt hæc bona, vberiores redditus, ampliores facultates. Ex quo apparet quales ex hoc etiam capite esse oporteat Cardinalium mores, quàm sanctitatem, quantam alacritatem ad omne opus, & ad omnem laborem pro Domini Ecclesia subeundum. Bene S. Bernardus, Væ uæ tibi Clerice, mors in olla, mors in ollis carnum, mors in huiusmodi delitijs est, non modo quia secus introitum delectationis posita esse cognoscitur, sed ob id maximè, quia populi constat esse peccata quæ comedis. Sumptus Ecclesiasticos gratis habere, te reputas? Peccata populi comedis, ac si propria tibi minus sufficere viderentur. Sollicitus esto tanquam rationem redditurus, pro eis gemitus fundere, dignos agere poenitentiae fructus. Alioquin tibi ea noueris imputanda, quæ modo inter delicias comedis, & paruipendis, tanquam nihil attinentia tibi. Venient, venient ante tribunal Christi: audietur populorum querela grauis, accusatio dura, quorum vixere stipendijs, nec diluere peccata, quibus facti sunt duces cæci, fraudulentii mediatores. Quid tibi insipiens deliciae sapiunt? quid diuitiæ illæ cæcos delectant oculos, quibus mercaris tam graue iudicium, tam duræ temetipsum obligas rationi? Hæc Sanctus Bernardus.

Hom. ecce
reliquimus

Iam verò si aliquid speciatim dicendum est de recto vsu
harum

harum facultatum, quas Ecclesia tam amplas suppeditat Cardinali, satis constat non modò necessitati naturæ satisfaciendum, sed etiam decentiæ status: quod cum omnibus commune sit, illud quoque sequitur, ut quò quisque altiore in statu sit, eò maiores illi sumptus concedantur. In hoc autem decoro personæ, tria spectari possunt, commoditas, splendor, & luxur, quorum trium, hoc quidem postremum ad vitia pertinet, de quibus proximo capite agitur, semperque reiiciendum est; alia duo non solum tolerabilia, sed etiam laudabilia sunt. Nam quòd ad primum attinet, nemo ita durus fuerit, qui præter necessitatem vitæ non insuper concedat Prælato, quæ ad eiusdem vitæ commoditatem quandam pertinent, eoque magis, cum aliquæ concurrunt circumstantiæ, quæ id postulant, ut si eminentior dignitas, si maior sanguinis nobilitas, si valetudo imbecilla, si ætas iam grauior, si denique plures labores pro Dei Ecclesia suscepti fuerint. Immo verò non hoc solum, quod aliquo modo ad vitam tuendam referri videtur, sed splendorem quoque aliquem, & ornatum, ac maiestatem Cardinali permittimus. Sic enim B. Antonius ^{p. 3. tit. 22. c. 2.} docet, decere Cardinales, ut apparatus aliquem habeant equorum, & famulorum, & ministrorum, ne dignitas, inquit, vilescat. Optima, & euidens ratio. Est enim hoc valde proprium humanæ naturæ, ut sensibus moueatur, quia quandiu videlicet anima in hoc corpore viuit propter admirabilem illam coniunctionem, quæ est inter vtrunque, omnino necesse est, ut velit nolit ijs afficiatur, quæ per sensus, ac præsertim per oculos ingeruntur, Quæ fuit causa cur Deus ipse animo quidem præcipue, ac spiritu coli se voluerit, sed præterea externa etiam quædam iusserit adhiberi, ut scilicet se humano captui accommodaret. Itaque in veteri lege etiam de vestimentis, & ornatu summi Sacerdotis multa præscripsit, quæ omnia præter mysterium quod continebant, eò etiam pertinebant, ut admirationem quandam apud populum mouerent. Nec
valet

Exodi. 29.

2. Corint.
12.

valet quod obijci posset de Sanctis Apostolis, qui nullô eiusmodi externo apparatu, ac potius contra in summa paupertate, in fame, & siti, in frigore, & nuditate, vt Paulus ait, tamen Prælatorum statum cum tanta dignitate tenuerunt. Hæc enim fuit certa quædam ratio, & illorum temporum propria, cum Ecclesiæ fundamenta iacienda essent, ne orbis conuersio humanæ potentiæ tribueretur. Accedebant deinde etiam miracula, quibus sibi venerationem satis, superque conciliabant. Nunc autem cum, & hæc signa, prodigiaque cessarint, & Ecclesia iam satis fundata, & propagata sit, sine dubio nisi aliquid esset, quod hominum oculos caperet, non modò apud rudes, & vulgares, qui fere tantum capiunt, quantum vident, minimumque ratione vtuntur, sed planè apud omnes minor esset reuerentia, & auctoritas Prælatorum, labaretque in multis Ecclesiastica obedientia, ex quo etiam contemptus sequeretur. Quare, vt dixi, splendor hic externus, & probandus, & laudandus est, in Cardinali, & quidè aliquanto etiam maior, quam in Episcopo, aut in alijs eiusmodi, pro maiori eminentia dignitatis. Poterit igitur aliquam retinere maiestatem, in omni apparatu, in habitatione, in vestitu, in suppellectili, in mensa, in lectorum operimentis, in equis etiam, ac rhedis, & argenteis aliquibus vasis, quando S. Augustinus ipse Episcopalis vitæ exemplar aliquid argenti ad suam mensam adhibuisse perhibetur. Quod si de famulorum numero agatur, primum quidem, licebit omnes habere, qui ad domestica munera necessarij sint, quæ vt apparet multa sunt, & varia, deinde ne prohibendi quidem sunt nobiles aliqui stipatores, sed non nimis multi, & omnino si aliquid definiendum est, ad quatuor vel sex, aut certè non multo plures, sed hos honorarios, quos permittimus, non adultores, aut scurras esse oporteret, qui quoniam nihil sciunt aliud, totum tempus, garriendo, iocando, detrahendo consumunt, sed doctos, & probos. Sic enim, & vtilitatem, & dignitatem adderent

rent Cardinali . De qua re extat decretum Concil. Later. sub Leone X. Sed.

Hæc igitur de domestico sumptu . Post hunc autem nihil non modò salubrius, sed etiam honestius, & gloriosius existimabis, quàm facultates tuas conferre ad pauperes, egentesque subleuandos; Quæ liberalitas, si omnes decet Christianos, quantò magis eum, qui Ecclesiasticos redditus administrat, qui potissimùm huc sunt destinati? Igitur cum tibi ipsi necessaria ad victum, cum etiam decetia ad statum sumpseris, reliqua sanè ita tenuioribus erogare debebis, ut non te dare putes, sed quod debeas reddere; Atque hæc largitas & si pro facultate moderanda, est, tamen si in alterutro excedendum sit, satius est beneficiæ favere, non modo quantùm ferant redditus, sed propemodum etiam paulò plus quàm ferant. Exemplo fuit Borromeus, cuius arca ex eleemosynis penè semper exhausta, quotannis etiam ad multa millia erat obçrata . Neque tamen timebat novas subire impensas in gratiam pauperum . Quin etiam cum Oirensensem principatum quadraginta aureorùm millibus vendidisset, intra dies viginri & quinque, omnia in egenos, & pia opera contulit . In quo genere non ea tantum comprehenduntur, quæ quasi in manum dantur, sed etiam quæ in posterum stabiliuntur ad miseros subleuandos, ut modo Vrbanus Septimus, pecuniam, quam Cardinalis parsimonia, & moderatione sua redegerat, non propinquis, quos multos, & tenues habebat, sed virginibus collocandis reliquit . Cui quidem pietati primum locum tribuendum puto, proximum verò ei qui scholasticis impenditur, ut literarum studia tueri possint, cuius rei gratia, multi collegia, domosque instituere, ut Branda Castillionus, & nuper Borromeus Papiæ, Stephanus Nardinus, & Dominicus Capranicus Romæ, Pileus Prætus Patauij, Esbigneus Cracouiæ, Aegidius Carillus Bononiæ, omnes Cardinales . Quo loco vel in primis etiam reponi debent quæ ad ædes sacras, vel ædificandas, vel cū opus

opus est reficiendas conferuntur, cuiusmodi multas in vrbe spectamus. Hoc enim adeo laudandum est, vt ipse Aristoteles de magnificencia differens, ex omnibus expensis, eas honoratissimas esse dicat, quę sunt ad templa extruenda, vel donaria ijs offerenda, & omnino quęcunque impenduntur ad publicam vtilitatem, & ornatum. Quo in genere inter omnes ferè nostrę ætatis Antistites eminere videtur magnificencia Alexandri Cardinalis Farnesij, qui dignum familia, dignum amplitudine sua Templum Iesu Deo filio extruxit. Sed in his omnibus præcipua ratio habenda est eorum locorum vnde redditus ipsi proueniunt, quod iam non modò ad liberalitatem, sed etiam ad iustitiam pertinet, nam & D. Antoninus inter alia Cardinaliũ peccata, hoc commemorat, si non curent, vt Ecclesię sibi commendatę, tum sartę, & rectę conferuntur, tum etiam Ecclesiasticis officijs pro sua qualitate frequententur, postremo, vt animarum quę ipsi subiectę sunt, diligens cura geratur.

Qua vitare debeant Cardinales in usu diuitiarum. Cap. XVI.



Ad hoc idem diuitiarum caput pertinet, non modò quid fieri, sed etiam quid non fieri debeat, & quid in ijs vitandum sit, præsertim cum multa in hoc genere vitia inesse soleant; in quibus humana infirmitas admodum facillè labi solet. Incredibile est autem quàm multa vitia ex diuitijs scaterere soleant, quasi vermes ex putri limo, vt rectè monuerit S. Chrysostomus. Nemo opum, & facultatum copiam persequatur, Multa hinc mala oriuntur ijs, qui non attendunt, arrogantia, socordia, inuidia, vanagloria, & alia his multò maiora. Idemque alio loco diuitias, ait esse omnis absurditatis parentes, inuentrices omnium malo-

rum

ram, luxum animi, corruptionis adiutrices, hostes continentia, inimicas temperantia, denique occultos fures omnis virtutis. Hæc omnia his ipsis verbis S. Chrysostomus, Episcopus ipse, & Doctor egregius. Quare cum tam multa mala ex opibus oriantur, videamus in Cardinali, quæ sint ea, in quibus præcipuè possit offendere, Primum autem est, si modum in habendo transgrediatur. Nam etiam si nihil aliud sit, tamen nimium diuitem esse Cardinali vitiosum est. Docet hoc S. Antoninus disertis verbis, cum ait, quærere, aut etiam recipere plura beneficia, quàm huius status, vel necessitas, vel decencia exigat, peccatum esse, redditque rationem, quia hoc nihil sit aliud, quàm auferre ijs, qui egent. In cuius sententia hoc etiam notandum, quod non modò venari superfluas opes, sed etiã oblatas admittere putat esse culpam. Idem confirmat alter Theologus Aluarus, qui item ait peccari à Cardinalibus cum nimis dilatant redditus, occupantes multa beneficia, deuorantes stipendia multorum ministrorum. Hæc sunt enim eius ipsius verba. Facit etiam ad hanc rem egregia S. Hieronymi sententia in illa verba Ezechielis, Principes eius in medio illius, quasi Lupi rapientes prædam, ad effundendum sanguinem, non corporum sanguinem (ait Hieronymus) sed animarum, vt auarè sectentur lucra, nequaquam illo contenti, Qui seruiunt altari, viuunt de altari, sed postquam ad ministeriũ Dei accesserint, Croesi diuitias congregent. Quod si quæras, quisnam modus Cardinalium redditibus statui debeat, difficile sane est id definire, ac potius relinquendum sapientum arbitrio, qui tum dignitate, tum dignitatis oneribus perpensis id æstiment, atque decernant. Paulus quidem Cortesius vir doctus, qui Prothonotarius Apostolicus iustum volumen de Cardinalatu scripsit ad Iulium Secundum, in illo volumine inter cœtera viginti colligit rationes, cur omnium Cardinalium redditus esse debeant æquales, quoniam, vt ille ait, tanta præsertim inæqualitas, quanta sæpe cernitur in-

p. 3. c. 21.
c. 2.

2 de plan-
ctu c. 16.

In c. 22. in
c. 22. c.

Lib. 2.

N

pari

pari conditione, & in eodem statu aliquid iniustitiæ habere videatur. Idem etiam addit, hanc definitionem, non adeo angustè faciendam esse: sed porius tam largè, vt & honorificè viuendi, & alijs impertiendi, ac largiendi facultatem habeant. Quare is quidem singulis Cardinalibus duodecim millia suo iudicio tribuit. Sed in hac re, non est nostrum aliquid decernere, aut constituere. Tantum illud maneat, quod ante diximus, illam abundantiam, quæ iustos, & rectos limites excedat, peccatum esse. Est etiam peccatum cupiditas ipsa, & affectus habendi plura, de quo affectu rectè dictum est, à S. Chrysostomo, Nullum malum Deus fecit, sed omnia bona valde. Quamobrem bona etiam sunt pecuniæ, sed ita demum si in eos, qui possident dominatum non obtineant. Neque enim bona est lux illa, quæ non delet tenebras, sed eas auget. Neque eas dixerim diuitias, quæ paupertatem non adimunt, sed augent. Quare non sunt malum diuitiæ, sed pauper animus, qui diuitias conuertit in paupertatem. Igitur si omnibus hæc cupiditas tum perniciosa est, tum etiam turpis, quanto magis erit Clericis, & ijs præsertim, qui in Clericorum ordine procures quidam sunt? Bene S. Gregorius, Cum diuinæ inquit, lectionis testimonio Idolorum seruitus avaritiæ, nuncupetur, quo studio de domo Dei sit pellenda cognoscitur, & à quibusdam Sacerdotibus, quod gementes dicimus, non cauetur. Tenet enim captiuum cor suum cupiditas, & licitum esse suadet malum, quod imperat. Idem etiam docet S. Bernardus, qui contra eos acerbè inuehitur, qui cum sint de crucifixi patrimonio, nimium incrassati, impinguati, dilatati, animarum quidem vel salutem, vel ruinam, nihili aestimant, qui inquit, Christi opprobria, sputa, flagella, clauos, lanceam, crucem, & mortem, hæc omnia in fornace avaritiæ constant, & profligant, in acquisitionem turpis quæstus, & pretium vniuersitatis suis martiis includere festinant. Ita Sanctus Bernardus. Quare perspicuum esse debet, omnino extirpandum, radicibus

Car.

Hom. 14.
in epist. 1.
ad Corint.

Lib. 9.
epist. 49.

Serm. 10.
in cantic.

Cardinali hunc amorem, & studium habendi, contra-
 verò asciscendum esse semperque conseruandum ani-
 mum pecuniæ contemptorem. Ad quod caput illud
 etiam pertinet, vt tum in dando cùm opus est, munificus
 sit, tum etiam in exigendo, non acerbus. Hoc enim mer-
 catoris est potius, qui ad rem suam attentus sit. Vir au-
 tem ille Ecclesiastico Principatu dignus rationem quidem
 habebit rei familiaris, sed eatenus, vt eam temerè dilabi
 non sinat, omnem autem fugiet illiberalitatis, & tenacita-
 tis suspicionem. Itaque vel in vendendo, vel in emendo,
 vel in contrahendo, ea quidem per tuos maximè curabis,
 ipse vix attinges; cæterum in omnibus ages liberaliter, po-
 tiusque de tuo iure concedes, quàm nimium strictè exigas:
 à litibus verò quantum liceat, & paulo etiam plusquàm
 liceat, abhorrebis. & me quidem auctore, nullam litem
 suscipies, nisi coactus necessitate, & præsertim ad iura Ec-
 clesiæ tuenda, idque ipsum moderatè, semperque paratus
 ad componendas controuersias omni conditione, non mo-
 do æqua, sed etiam tolerabili. Quòd verò ad domesticas
 rationes attinet, optimum consilium est, ac penè necessa-
 rium, vt quantum possis temet eis eximas, neque ipse red-
 dituum procuracionem, aut dati, vel accepti supputatio-
 nem suscipias. Hoc enim quàm indignum sit Prælato, in-
 dicat S. Bernardus, cùm ait, Quid Episcopo turpius, quàm
 incumbere suppellectili, & substantiæ suæ scrutari omnia,
 sciscitari de singulis morderi suspicionibus, moueri ad quæ
 que perdita, vel neglecta? Quod cum ita sit, tamen quo-
 niam ex altera parte, non quidem perdenda, & dissipanda
 est res familiaris, addit S. Bernardus optimam viam, vt
 temporalia ista Prælatus per aliquem alium curet, in quo
 quidem sit fides, sit prudentia, addatur etiam, auctoritas,
 dando scilicet ei facultatem agendi pro libito, ita vt ei
 subdantur omnes, nemo ei resistat. Quod si vtrunque in
 vno coniunctum non inueniatur, vt sit, & fidelis, & pru-
 dens, melius esse ait fideli committere. Si verò nec satis

Lib. 4. de
 confid.

quidem fidelis suppetat, satius tamen esse minus fidem sustinere, quam ei se labyrintho immergere. Nam Saluatori quoque Oeconomum fuisse Iudam. Hæc S. Bernardus, quæ sunt verissima, & in primis Cardinali conueniunt. Cæterum si Ecclesiastica quoque munera obire tibi contingat, in quibus pecunia tractanda sit, meminisse debes, ita te gerere, vt te semper serues intactum tum à culpa, tum etiam ab omni suspicione; quod scribitur de Iacobo Cardinali Sadoletto, qui ex Gallica Legatione reuertens, cum ex ipso itinere ad suam Carpentoractensem Ecclesiam diuertisset, quot dies illic commoratus est (nec plures fuere quam decem) ex suo sumptum facere voluit, vtque Romam peruenit, totam eam partem ex suo viatico Apostolico thesauro restituit. Cæterum ex radice cupiditatis illud etiam mali nasci solet (quod vel maximè Cardinali vitandum est inter diuitias) vt rerum quæ possidentur, procuratio mentem in varias partes distrahat, itaque aggrauet temporalibus, & terrenis cogitationibus, vt se ad cœlestia erigere non possit, aut si interdum erigatur, statim ad hæc infima reuoluatur. Quod ne quis leue ducat incommodum, ex ea quidem occupatione subit paularim Dei, & diuinarum rerum obliuio, ex obliuione cæcitas, & obscuritas, hæc vero in tetra flagitia præcipitat.

3. MORT. C. 4.

Quam ob causam S. Gregorius. Solet rerum abundantia, inquit, tantò magis à diuino timore mentem soluere, quam tò magis hanc exigit diuersa cogitare. nam dum per multa spargitur, stare in intimis fixa prohibetur. Neque hoc solo nocent diuitiæ Cardinali, si animum suum occupari, & distineri sinat, ne ad Deum familiariter euolet, sed etià propter eam causam, quæ communis est rebus omnibus, quæ sensibus nostris arrident. Hæc enim omnia, quæ naturæ adeo placent, & iucunda sunt dissoluere solent hominem, & facere nescio quomodo vt euanescat, & effluat totus, ac diffuset: vt optimè à S. Bernardo dictum sit. Quando prosperitas hoc incautis non fuit ad disciplinam quod

2. de cōsid.

ignis

ignis ad ceram, quod solis radius ad niuem, vel glaciem? Sapiens David, sapiens Salomon, sed blandientibus nimis secundis rebus, alter ex parte, alter ex toto desipuit. Hæc S. Bernardus, & alia in eandem sententiam præcipit Pontifici, quæ nos eadem simillimè præcipere possumus tibi.

Restat ultimum in quo offendere possunt Cardinales in usu diuitiarum, si extra modum sumptu, & magnificentia procedant in domo, in suppellectili, in numero, & vestitu famulorum, & reliquis. Nam in hoc quoque peccari posse testatur B. Antoninus, qui licet externum hunc splendorem, ut proximo capite dictum est, concedat Cardinali, addit tamen moderandum esse ex præscripto rectæ rationis, ita ut nihil superfluum admittat. Quin etiam inter alia eius peccata, hoc quoque commemorat, si nimiam familiam alat. Idem confirmat etiam Aluarus. Si inquit, excedant in familia nimis magna, in famulis, in equis, in vestibus pomposis, in suppellectili preciosa, nam optima, quæque ex toto mundo ad eos consuere videntur. Hæc ille. Recte etiam S. Bernardus de omnibus Ecclesiasticis communiter in quadam Epistola. Conceditur, inquit, ut si benè deseruis, de altario viuas, non autem ut de altario luxurieris, ut de altario superbias, ut inde compares tibi froena aurea, sellas depictas, calcarea deargentata, varia, grileaque pellicea à collo, & manibus ornatu purpureo diuersificata. Denique quicquid præter necessarium victum, simplicemque vestitum de altario retines, tuum non est, rapina est, sacrilegium est. Quin etiam idem S. Bernardus sermone quadam in cantica in eosdem Ecclesiasticos. Qui stipendijs, quæ sufficere debebant, minime contenti, superflua, quibus egeni sustentandi forent impiè sacrilegèque sibi retinent, & in usus suæ superbix, atque luxuriæ, victum pauperum consumere non verentur. Grauius hoc, sed grauius in alio sermone, in quo cum perlequutiones quasdam Ecclesiæ infestissimas descripsisset, hanc vnam describit, ut omnium maximam. Ministri, inquit,

p. 3. tit. 28.
c. 2.

2. de plan.
Au Eccles.
c. 16.

Epist. 2.

Sermon. 23.

Sermon. 33.

Serm. 7.
cantic.

Sess. 25. c. 1

quit, Christi sunt, & seruiunt Antichristo, Honorati incedunt de bonis Domini, qui Domino honorem non deferunt. Inde splendidæ mensæ, & cibus, & scyphis, inde comestationes, & ebrietates, inde redundantia torcularia, & promptuaria plena, cructantia ex hoc in illud, inde dolla pigmentaria, inde referta marsupia. Pro huiusmodi volunt esse, & sunt Ecclesiarum Præpositi, Decani, Archidiaconi, Episcopi, Archiepiscopi. Intestina, & insanabilis est plaga Ecclesiæ, & ideo in pace amaritudo eius amarissima. Denique idem S. Bernardus alibi de hoc ipso argumento. Intuere quomodo incedunt nitidi, & ornati circumamicti varietatibus, tanquam sponsa procedens de thalamo suo. Vnde verò hanc illis exuberare existimas; rerum affluentiam, vestium splendorem, mensarum luxuriam, congeriem vasorum argenteorum, & aureorum, nisi de bonis sponsæ? Inde est quod illa pauper, & inops, & nuda relinquitur, facie miseranda, inculta, hispida, exagui. Propter hoc non est hoc tempore ornare sponsam, sed spoliare, non est custodire, sed perdere, non est defendere, sed exponere, non est instituere, sed prostituere, non est pascere gregem, sed mactare, & deuorare. Plura etiam alia S. Bernardus, tum hoc loco, tum alijs multis. Quamquam quid hæc testimonia requirimus, cū extet luculentū ipsius Tridentini Concilij decretum, quod nec refelli potest, quia euidentius est, neque negligi licet, quia iubentis est? Cum enim de Episcopis ita sanxisset, ut modesta suppellectili, & in mensa frugali victu contenti sint, & in reliquo vitæ cultu, atque in tota domo nihil appareat, quod à sancto hoc instituto sit alienum, quodque non simplicitatem, Dei zelum, & vanitatum contemptum præ se ferat: cum hæc, inquam Episcopis præcepisset, addit deinde, eadem etiam ad Cardinales Sanctæ Romanæ Ecclesiæ pertinere. Et merito. Eadem enim est ratio, quoniam ipsorum quoque dignitas, non laica sed Ecclesiastica, & opes Ecclesiastica, & ipsi item Dei ministri. Illud etiam amplius, quod emi-

eminentiori sunt gradu, quo sane augetur obligatio sanctitatis. Quod si quis hanc superfluam magnificentiam illo prætextu, quem nos ipsi supra attulimus, excusare velit, ut hæc externa amplitudo, auctoritatem, & reuerentiam conciliet, verum est id quidem, sed habet ea res modum suum, ex decoro personæ, qui modus si transeat, non tantum non conciliatur auctoritas, sed potius immittitur. Quam in sententiam illud aptissimum ex Concilio Carthaginensi, quod etiam sacro quodam Canone confirmatum est, Episcopus, inquit, vilem suppellectilem, & mensam & victum pauperem habeat, & dignitatis suæ auctoritatem, fide, & vitæ meritis quærat.

Hæc est via certissima, & optima venerationis acquirendæ inter homines, si virtus emicet, si integritas, si grauitas, religio, ac pietas ita emineat, ut ab omnibus conspiciatur. De magno illo Nicolao Myrensi Episcopo, ita traditum est, cum Episcopus est factus, cœpisse uti veste etiam viliori, & neglectiori, quam antea soleret, in qua nullus omnino esset nitor, aut fastus, sed castigatæ potius humilitatis, & modestiæ significatio. Et tamen tantum abfuit, ut ea res aliquid dextraxerit, de opinione, ut etiâ multum auxerit. Sed quid antiqua repetimus? Cardinalis Borromeus, ne quis tempora causetur, notum est, quàm omnem suppellectilem alicuius pretij, conopœæ, aulææ, aliaque eius generis abs se remouerit. Vestibus utebatur externis quidem, ut Cardinalis, interioribus vero ex simplici panno, & tela, quin etiam cubicularis amictus ex panno erat cinericio, rudi, & crasso, quam ipsam vestem quatuordecim totis annis nunquam mutauit, multaque alia eiusmodi, quæ non est necesse referri, quoniam nota sunt, & recentia, constanter ad mortem usque seruauit. Quid hoc igitur de eius celebritate imminuit? Potius multum addidit. Nam qui hæc speciosa habeant, multi sunt, neque id virtutis est, sed copiarum, quæ etiam in insipientem cadere possunt, & sæpe cadunt. At verò illa

Lib. de Car
dinali. 45.

3. doct.
Christ.
622.

illa spernere sapientiz est, ideoque admirationem potius, & commendationem parit; Quare hoc positum sit, debere Cardinalem in victu, & in omni cultu, atque apparatu suo, tum suorum non modo non transilire fines, sed potius intra fines se se tenere. Huius autem mediocritatis, si forma, aut præscriptio aliqua constituenda est, non alia meo iudicio constitui potest, quam quæ à Gondissaluo bono auctore traditur, qui ita de Cardinalibus scribit, debere eos in hoc toto genere humilitati potius studere, quam superbiz, atque elationi: sequendum autem esse usum, & consuetudinem bonorum, ac frugum Cardinalium, hos enim omnibus, qui eodem ordine, & dignitate sunt, imitari licebit. Quod etiam confirmari potest sententia B. Augustini, ad hanc rem maximè appositæ; Quisquis, inquit, rebus prætereuntibus restrictius utitur, quam se se habeant mores eorum, cum quibus viuit, aut intemperas, aut superstitiosus est. Quisquis verò sic eis utitur, ut metas consuetudinis bonorum, inter quos versatur excedat, aut aliquid significat, aut flagitiosus est. In omnibus enim talibus, non usus rerum, sed libido utentis in culpa est. Fieri enim potest, ut sine aliquo vitio cupidinis, vel voracitatis preciosissimo cibo sapiens utatur, insipiens autem foedissima gulæ flamma in vilissimum olus inardescat. Ac de his hæcenus.

Quomodo Cardinalis uti debeat honoribus.

Cap. XVII.



LIVD quoque imminet Cardinali periculum ex honore ipso, præsertim tam magno, & tam perpetuo, qui ubique, & ab omnibus huic dignitati exhibetur. Est autem eò maius hoc periculum, quò dulcius, & quò etiam optatius, quippe cum

cum hæc ipsa sit causa cū tantopere à plerisque Cardina-
latus exspectatur. Quare magna Cardinali adhibenda est
cura, ne quemadmodum antequam habeatur adeo oculos
præstringit sui desiderio, ita postquam habitus sit præstrin-
gat item sui amore, quod & per se malum est, & alia multa
mala secum aduehit. Atque etiam hic scopulus eò infe-
stior est Cardinali, quod non vt in mari semel transeundo,
se ab eo expedire potest sed tota vita sua adnauigare cogi-
tur, semperq̃e prope immorari, vt nisi cāueat, & proui-
deat, magnum semper damnum, instare videatur. Quare
hoc conari debes, vt non modò nullum damnum accipias,
sed et artem aliquā teneas faciendi ex hoc ipso lucrī, quod
quidem in eo præcipue consistit, vt verum, rectumq; sen-
sum, de hoc tuo honore habeas. Non .n. insipientiū more,
qui nihil nisi oculis corporis videt, interiora aut oculis ani-
mi perspicere non possunt, ita sinere debes seduci te, vt ma-
gnū quidā existimes, ac penè diuinū, & in quo magna quæ-
dā insit vitæ foelicitas. Hic est .n. vt dixi, insipientiū homi-
num error, qui istum externū splendorem, ista hominū obse-
quia, istam caducam gloriam suspiciunt, & mirantur, quia
videlicet præ mentis hebetudine, nec aliud melius cognos-
cunt, & hæc ipsa non satis penetrare, nec præuidere pos-
sunt quid intus lateat. At verò vir sapiens, qui recto iu-
dicio, rem quamque æstimare, & ponderare consuevit, fa-
cile videt quàm sint omnia inania, quæ mundus defert;
eaque tum in se ipso, tum in alijs intuetur, vt rem futilem,
& vanam vt fumum, & vmbra, denique vt nihil. Sic
enim S. Gregorius. Pompam mundi secura mens despi-
ciat, considerans quàm nullum sit quicquid casibus lubia-
cet, quicquid sine concluditur. Idemque alibi. Quid
sunt inquit, fauores linguæ, quid sunt aliud labentium di-
gnitatum infulæ, nisi puluis? Nam mentem quam blan-
diendo sordidant à veris splendoribus cœcant. Et quid
diuitiæ pereuntes, & transitoria facultates, nisi stercora
sunt æterna diligentibus? Stercora quippe sunt, quæ san-

Lib. 1. et
epist. 23.

2. in lib.
Reg. 6. 1.

Hom. 18.
in Euang.

Lib. 6.
exam. c. 8.

De Beati-
tud. ser. 1.

Et animæ in contemptu vilitatis habent, non in appetitu desiderij. Huius autem humani erroris tam pravi, tamq̃ frequentis origo, & causa est alter error, quem idem S. Gregorius alio loco sapienter indicat, quia in hominibus, non naturam, qua ad imaginem Dei facti sunt, sed diuitias, & honores veneramur, cumq; petamus, quæ circa eos sunt, negligimus pensare quod ipsi sunt quia nimirum externa illa videmus, ad hæc interna hebetes, & cœci sumus. Sed tamen si hæc subtiliora non adeo capere possumus, illud certè apertum est, & omnium oculis expositum: hæc gloria, hæc pompa, quæcunq; est quàm sit brevis, & fluxa, quàmque cito abeat, & cum abierit, quàm nullam sui memoriam, ac vestigium relinquat. Quamobrem verè, & rectè S. Ambrosius. Nonne hæc omnia sicut umbra prætereunt? Nonne hæc omnia fabula? Nonne sæculi thesaurus vanitas est? Nonne tu ipse cinis? Respice in sepulchra hominum, & vide quid ex te, nisi cinis, & ossa remanebunt, hoc est ex corpore tuo. Respice, inquam, & dic mihi, quis ibi diues, quis pauper. Discerne inopes ac potentes; Nudi omnes nascimur, Nudi morimur. Nulla discretio inter cadauera mortuorum, nisi forte quòd granius foetent diuitum corpora distenta luxuriæ. Si ergo ita est, ut ait S. Ambrosius, immo, ut oculis ipsis omnes cernimus, quid sunt aliud honores isti, & ista insignia, quibus humanæ mentes adeo capiuntur, nisi quod optime ait S. Gregorius Nyssenus, qui omnia hæc scenæ comparat, inquam actores prodeunt personati, aureaq; aut purpurea veste nitentes pro his partibus quas agunt. Ut enim hi planè iidem sunt, qui erant antea, eodem corpore, eodem animo, pauloque post ornatu deposito, illam quoque honoratam personam deponent; sic qui magistratum aliquè gerunt, qui inter homines dignitate excellunt, etiam si externa quadam specie differre videantur, non tamen eos naturam mutasse, & illam ipsam speciem externam, quàm gestant breui tempore exuturos, vel inuitos. Quare etiam
si in

¶ in præſenti quidem ſuper alios eminere, alijsq; dominari videantur, id quidem ad breue tempus eſſe, dum hæc huius mundi quaſi fabula peragatur. Atque hoc etiam loco venit mihi in mentem egregium dictum Andree Spinulæ, cuius auctoritas in hac parte eo magis valere debet, quoniam ipſe quoque proxima ſpe Cardinalatus contempta, (erat enim Clericus Camerarius, & in magna gratia) ſuaue Chriſti iugum, & leue onus religionis in noſtra hac ſocietate, magno quodam animi feruore tollere ſuper ſe maluerat. Hunc igitur ego audiui, cum diceret valde ſe eſſe commotum cum antiquis Concilijs, vel Pontificum bullis euoluendis multa nomina veterum Cardinalium legeret, qui omnes ſua ætate clari fuiſſent & celebres, magna pompa per urbem inceſſiſſent, opibus, clientelis, coniunctione Principum floriſſent, nunc autem videret ita eorum obliteratam memoriã, vt illos extitiſſe, aut natos eſſe nemo ſciat. At illorum quidem nomen caſu in ſcriptis illis hæſiſſe: quàm verò innumerabiles alios eſſe, quorum memoria omnino, ac penitus euãuerit, ac ſi in rerum natura nunquam fuiſſent. Et ſane ita res habet. Quæ enim notitia iam eſt Petri Foxi, eius, qui à Martino V. in Hiſpaniam Legatus longum illud ſchiſma ſuſtulit? Quis iam de nomine nouit Ferrarium, Soderinum, Cornetanum, Seram, qui omnes ab Alexandro Sexto Cardinales creati, & tum ab illo tum ab alijs Pontificibus ad magna negocia ſunt adhibiti? Idem dicere licet de Galeotto, & Sixto fratribus ex Ruuerum familia, quos Iulius Secundus ſororis filios ad hunc honorem euexit. Idem de Clemente Mendenſi, Leonardo Agentenſi ex eiſdem conſobrino natis. Idem denique de tribus celeberrimis Rotæ Auditoribus Antonio Mende, Petro Accolto, Achille Craſſo, quorum Cardinalium nulla iam ferme extaret memoria, niſi eos monumenta ingenij ab obliuione hominum vindicarent. Et hi tamen tatis recentes. Illi autem recentiores Bonifacius Ferrarius, Mattheus Longus, Antonius

Paccius, Ennius Philonardus, Nicolaus Gaddus, qui omnes à Paulo Tertio, itemque Ioannes Riccius, Fabius Mignanellus, Ioannes Poggius, Sebastianus Pighinus, qui ab ipso Iulio Tertio ad Cardinalatum promoti nuper vixere, & florere, nunc autem plane in hominum obliuione sunt. Itaque piget iam plures numerare, quod facile possem, ex ijs etiam quos ipsi vidimus, & nouimus. Ex quo apparet quid futurum sit post longius interuallum, cum hoc tam breui spatio eorum memoria omnino deleta sit. quorundam etiam cum ipsis propemodum obruta sit ac sepulta. Quare non potest esse maior stultitia, quam ob tam breuem, & fugacem splendorem, tamque paucorum dierum (sic enim potius dicendum est quam annorum) ita inflari, & intumescere, aut etiam ita delectari, quasi re aliqua magna, & valde optabili: multò verò stultius, & miseriùs eius amore aliquid committere, quo Deū offendas, & propter quod eterna vita possis excidere. Addamus deinde etiam illud, quod est verissimum, hoc quicquid est gaudij in ista ipsa breuitate, admixtum esse tantis molestijs, & angoribus, & perturbationibus, ut multò plus habeat spinarum, quam florum, plus doloris, quam lætitiæ. Declarauit hoc Bessarion ille Cardinalis Nicenus, doctrina, & virtute insigni, quæ præcipue effulsit in Concilio Florentino. Cum .n. aliquando eum nescio quis felicè diceret in tanta dignitate, respondit, magnopere illum errare, ut qui nunquam esset expertus, nam reuera multo plus tædij, ac miseriarum; quam delectationis inesse ac voluptatis. Melius hoc etiam Dominicus Cardinalis Papiensis, cui, ut scribit Paulus Cortesius, cum quidam familiaris hoc idem proposuisset, ipse ut olim Dionysius ille rogauit, an fortunam illam experiri, & degustare vellet, cū se ille cupere respondisset, iussit hominem in suo ipsius cubiculo collocari, assistere famulos, & cubicularios ad nutum illius intuentes, tum admitti salutantes, & qui negocij causa aditum quærerent, sed hac conditione, ut
ad

ad tuendam dignitatem cubiculo egredi non posset, nisi cum magno comitatu, neque vnquam Cardinalitæ illius personæ grauitatem relaxaret. Quam ille molestiam cito pertæsus, multum rogauit, vt abire liceret, dicens Cardinales porius seruos esse quàm beatos. Sed hæc quidem seruitus non aliud malum affert, quàm molestiæ, & laboris cuiusdam. Illud grauius malum, quod etiam ad animam, & salutis æternæ periculum attingit. Sic enim videmus B. Gregorium interpretari, magnas illas foueas, de quibus scriptum est in libris Regum, vt per eas honores ipsi, & dignitates intelligantur. Quicquid enim, inquit, in hoc sæculo altum cernitur, non est vera altitudo, sed fovea quæ omnes quos in sua ambitione recipit, ad inferna deponit. Quare hic ipse sensus conseruandus est à Cardinali in suo honore, vt non modo nihil sibi ex eo blandiatur, sed potius ita timeat, & trepidet, quasi qui præruptam foveam repente sibi obiectam videat. Ac præter hunc sentimoris, illud etiam valde laudabile est in Cardinali, vt nullam lætitiæ titillationem admittat ex hac omni caduca, fluxaq; gloria, sed potius id in seipso exprimat, quod Gregorius idem ex sua vtique experientia iustis omnibus, & bonis commune esse ait, qui cum valde defleant, inquit, quia tardè ad patriam redeunt, tolerare insuper honoris onera compelluntur. Amor eos æternorum conterit, & gloria de temporalibus aridet. Qui dum cogitant quæ sint quæ in infimis tenent, & quæ sint quæ de sublimibus non vident, prosperitatis suæ mœröre mordentur, quia & si vident se nequaquam ab ea funditus opprimi, pensant tamen sollicitè cogitationem suam, in amore Domini, & in eius dispensatione partiri. Hic est animus, hæc mens digna Cardinali, vt præ æternitatis amore, etiam odiosa fiat ei hæc præsens vitæ prosperitas, quoniam fieri non potest quin aliquo modo impediat, distrahatque cogitationem à cœlestibus, sed huius odij alia quoque esse potest, & esse debet causa ex Domini Saluatoris exemplo. Sic enim

legi-

4. in lib.
Reg. c. 71a

1. mor. 4. 2.

1. 2. 1. 1.

1. 1. 1. 1.

legimus de B. illa Elyzabetha, Turingii Principis vxore, quæ die quodam cum ornatu, & comitatu Regio Ecclesiam ingressa, statim, ac crucem vidit, Christumque in ea pendentem, cœpit in lacrymas solui, & dolore acerrimo torqueri, ob hanc intimam cogitationem, quod cum Deus & Saluator suus in patibulo moreretur, ipsa gemmis, auro, purpuraque fulgeret: illius caput spinea corona cruciaretur, suum aurea ornaretur, ille ab amicis, & discipulis desertus, vndique à derisoribus circumseprus esset, ipsi autem multi famuli adessent, omnes eam colerent, atque suspicerent. Quare cum se propterea infelicem, & miseram, ac propemodum damnatam appellaret, quæ tam male summi imitaretur creatorem, tantum in ea valuisse hanc meditationem ferunt, vt exanimis in terram collapsa sit, vixque multo labore, & opere ad se reuocari potuerit. Igitur hæc eadem secum debet Cardinalis meditari, cum se ab omnibus honorari, omnes sibi assurgere, suosque nutus obseruare videt, vt non modò non his inaniter gaudeat, sed potius quòd ad se quidem attinet, molestè ferat, & erubescat, quòd tam longe à Domini Saluatorisque sui humilitate discedat. de quo scriptum est. Ego autem sum vermis, & non homo, opprobrium hominum, & abiectio plebis. Quin etiam, vt ante de diuitijs diximus, timeat, ne qui in hac vita exaltatur, deprimatur in altera, impari sine dubio compensatione, si pro tam breui honore probum subeundum fuerit sempiternum.

Illud verò ante omnia memineris Frater, nihil facilius esse, quàm vt inter tantos honores obrepat etiam animo tumor, & superbia, quæ cum per se innata sit homini, neque eum vnquam deserat in hac vita, quantò deinde magis, & alitur, & inflammatur hoc quasi pabulo tam grato, ac dulci? Hoc enim est quod B. Gregorius tantopere reprehendit in Prælati Ecclesiæ, qui humanam gloriam, intenta mente captent, qui eo ipso quo ceteris Prælati sunt ad agenda quælibet maiorem licentiam assumunt, qui denique

Psal. 11.

Rom. 17.
in Euang.

nique susceptæ benedictionis ministerium vertunt ad ambitionis argumentum. Hoc etiam est, quod S. Bernardus Hom. 4.
milius. grauissimè condemnat, cum dicit plerosque in Ecclesia de ignobilibus nobiles, de pauperibus diuites factos subito intumescere; obliuisci pristinae abiectionis, genus quoque suum erubescere; & dignos se æstimare dignitate, ad quam ambiendo peruenerunt. Superbia igitur omni ope fugienda; contraque omni studio, & cura retinenda est humilitas, ut tantò se submissius gerant, quantò externo isto splendore alios antecellunt. Quod sanè eò etiam diligentius curandum, quò plura sunt in hoc gradu, quæ mentem efferre, & inflare possunt. Omnino enim verum est quod scribit S. Bernardus ad Archiepiscopum, In altò posito tã altum sapere, difficile est; & inusitatum, sed quantò inusitatus, tantò gloriosius. Timor de adepta iam altitudine tædere magis, quàm placere facit altiora. Quamobrem magnopere falluntur qui humilitatem Monachis tantum, aut religiosis conuenire existimant. Planè enim omnibus conuenit, vel potius est omnibus necessaria, etiam si in altissimo gradu collocati sint, & nisi eã retineant, quàm altè in hominum oculis ascendunt, tam in oculis Dei cadunt, & corruunt. Hinc enim illud S. Bernardi ad Eugenium Pontificem. Lib. 2. Cum omni indifferenter personæ humilitas sit quidem turris fortitudinis à facie inimici, nescio quo pacto tamen vis eius maior in maioribus, & in clarioribus clarior comprobatur. Nulla splendidior gemma in omni præcipuo ornatu Summi Pontificis. Quò enim celsior cæteris, eò humilitate apparet illustrior, & seipso. Hęc igitur humilitas in boni Cardinalis pectore suos quosdam effectus habet insignes, & illustres, primum erga Deum, ut se ei toto animo subijciat, ut obediat in omnibus, ut cù timore, & tremore salutem suam operetur, caueatque, ne eminentia inter homines, & potentia, & opes animum extollant ad eò, ut etiam apud Deum, aliquid se esse arbitretur, sed ut dixi, abijciat se se coram Deo, & puluerem,

ac cihorem putet. Deinde etiam apud alios homines, ne aduersus inferiores insolescat, ne eos contemnat, ac despiciat, sed omnes eiusdem naturæ esse meminerit, eundemque patrem, eundem habere iudicem Deum, neque verò impensis sibi honoris significationibus gaudeat, nec ebrius ut dicitur dulci fortuna sui ipsius suæque infirmitatis obliuiscatur, sed hominem se esse meminerit, idest fragilem, atque mortalem. Quin etiam ut ait Bernardus non se ex eo æstimet, quod postea factus est, sed ex eo quod natus est, quoniam adhuc est quod erat, nec illud reiectum, sed hoc adiectum. Itaque si remora externa specie atque imagine ista, quam hominum oculis illa purpura, & ille splendor ostendit, interiora inspicere velit, quid aliud ibi inueniet, quam eandem infirmitatem, ac Imbecillitatem, & miseriam, quam in alijs, sæpe etiam maiorem, quam in alijs plurimis? Dirumpe ait B. Bernardus Eugenio velamen foliorum, celantium ignominiam, non plagam curantium. Dele fucum fugacis honoris huius, & male coloratæ nitorem gloriæ, ut nudè nudum consideres, quia nudus egressus es de utero matris tuæ. Nunquid intulatus? nunquid micans gemmis, aut floridis sericis, aut suffarcinatus metallis? si cuncta hæc veluti nubes quasdam matutinales velociter transeuntes, & citò per transituras dissipet, & ex suffles a facie considerationis tuæ, occurrerit tibi homo nudus, & pauper, & miser, & miserabilis, homo dolens quod homo sit, erubescens quod nudus sit, plorans quod natus sit, murmurans quod sit. Homo natus ad laborem, non ad honorem. Homo natus de muliere, & ob hoc cum reatu, breui viuens tempore, ideoque cum metu, repletus multis miserijs, & propterea cum fletu. Hæc & alia multa, D. Bernardus, quæ si meditari, & semper ante oculos habere debet Pontifex ad studium humilitatis, quanto magis Cardinalis?

Postrema sunt duo in hoc honorum usu magnopere obseruanda Cardinali. Alterum est illa obligatio, quæ consequitur

Lib. 3. con-
44.

Ibidem.

sequitur ad bene sanctèque viuendum, vt quantum quisq;
inter alios eminet gradu, tantum etiam emineat vita. De
quo ipso optimè D. Gregorius in quadam Epistola. Iam
nunc, inquit, studio maiori res indiget, vt cum honor cre-
scit, etiam sollicitudo proficiat, & vigilantia excre-
scat. Vitæ quoque merita subiectis in exemplum veniant; &
nunquam sua per suscepti honoris gratiam, sed lucem cœ-
lestis patriæ acquirat. Alterum deinde est, vt quicumque
sit honor, quæcunque celebritas, & amplitudo, eam sem-
per dirigat ad illum ipsum finem, cuius gratia hæc institu-
ta sunt. Cur autem instituta, nisi vt hæc hominum reue-
rentia Cardinalem adiuuaret ad suum munus inter homi-
nes rectè exequendum, in quo exequendo aliqua, nec sa-
nè mediocri, opus erat auctoritate? Vt enim omnes artes
sua habent instrumenta, pictor penicillum, sculptor scal-
pellum, alij alia, sic etiam Cardinalis, qui ad Ecclesiam
ædificandam non modò, vt Faber; sed etiam vt Archite-
ctus adhibetur in tam præclaro opere, propria quædam ha-
bet instrumenta atque inter alia hunc etiam honorem, de
quo loquimur, hunc splendorem, hanc veluti maiestatem.
Quare is quidem peruersè facit, si id ad suam gloriam; si
ad familiæ suæ incrementum referat, non ad Ecclesiæ com-
moda. Audiat igitur B. Gregorium, quid in hanc senten-
tiam, & quàm expresse differat. Haber, inquit, spiritua-
lis prælatio exteriorem gloriam dignitatis, habet, & inter-
ioris magnitudinem oneris; Honor iple dignitatis per se
magnum est onus mentis, quia contemni debet; & placet.
Contemni quippe debet, ne mentem per superbiam ele-
uet, & suscipi debet, vt cœlestia quæ doctor loquitur, su-
biecti veneratione. Grauius ergo onus de honore nasci-
tur, quia electus Pastor magna animi virtute ferre potest,
vt despiciat illud in se, quod pro Deo recipit in se, vt vide-
licet talis pro Deo sit, & semet ipsum abneget, & non ab-
neget, vt sit quod est pro Deo, & quod est pro semetipso
non sit. En igitur quomodo, vt à reliquis Ecclesiæ Præ-

Lib. 4.
epist. 51.

4. in lib.
Reg. c. vlt.

P latis

Lib. 2.
confid.
2. Corint.
11.

Epist. 41.

1. Corin. 7

Epist. 3.

latis, sic à Cardinali temperanda sit res vt honor quidem admittatur, atque etiam, si opus sit exigatur, sed ita vt nō ad suam magnitudinem, verum ad alienam vtilitatem referatur. Hoc enim existimare debet, quod etiam S. Bernardus Eugenio præcipit, non dominium sibi datum, sed impositum esse ministerium, Pauli exemplo, qui de se ait. *Ministri Christi sunt, & ego, & addit in quibus id consistat.* In laboribus plurimis, in carceribus abundantius, in plagis supra modum. O præclarum ministerium, quo non id gloriosius Principatu? Ita Bernardus, & verè, quoniam eodem ipso auctore, non alijs præesse, sed prodesse pulchrū est. immo illud ita ad hoc dirigitur, vt hoc subtrac̃to nihil omnino sit. Quare ita intelligendum est, Cardinalatum, si non eum fructum, quem debet Ecclesiæ ferat, honoris videlicet vocabulum habiturum, non veræ dignitatis insignia, & in hoc amplissimo nomine, non modo dignitatem nullam fore, sed fore summam deformitatem. Concludamus igitur Cardinalem, nisi in magnos scopulos impingere velit, ita loci huius honorem, & alios multos, qui eū consequuntur honores accipere oportere, iisque vti, vt de rebus omnibus huius mundi dictum est ab Apostolo, tanquam non vtatur, id est, vt re volatica, & fugaci, insuper etiam plena molestiarum, & seruitutis, & quod multò maximum, vt re periculosa, multisque lapsibus exposita, in qua humilitatem suam semper teneat, fragilitatisque semper meminerit suæ, nec eum adhibeat ad suam, suorumque gloriam propagandam, sed vt instrumentum diuini obsequij, & publicæ vtilitatis. denique quod modo dicebamus, vt stimulum ad vitam meliorem, & sanctiorem, postremo si vno verbo dicendum est, id sentiat, id faciat, quod de Nepotiano scribit S. Hieronymus, qui Clericatum, non honorem intelligebat esse, sed onus.

Qualis

Qualis amor Dei in Cardinali esse debeat.

Cap. XVIII.



HACTENVS de his loquuti sumus, quæ Cardinalem ita instruunt, ut in seipso benè sit compositus. Nunc ea quæ dicenda, quæ ei necessaria sunt erga Deum, qui quidem respectus primus, & præcipuus est, eoque omnia referri debent. Neque enim dubitari potest, quin cum omnes Christianos Deo quàm coniunctissimos esse oporteat, quando quidem Paulus Apostolus omnes hortatur, ut conuersatio eorum in cœlis sit; tum vero præcipua Ecclesiæ membra, cuiusmodi sunt Cardinales. Cum enim ut supra diximus; eorum status, vitæ perfectione nitatur, hæc quidem perfectio, aut in nulla alia re consistit; aut maxime in hac coniunctione cum Deo. Atque hæc sane coniunctio, ut Moses dicebat, non supra hominem est, neque procul posita, neque in cœlo, aut trans mare sita, sed iuxta est, valde, in ore tuo, & in corde tuo, ut si velis exequi possis, cum Dei gratia, & ope, quæ scilicet nunquam deest. Coniungitur enim anima cum Deo, præcipue, & maxime amando. Quid autem facilius, atq; etiam iucundius homini, quam amare? Quare hoc in primis requiritur in Cardinali, amor in Deum, & quidem magnus, & feruens, & incensus. Sic enim B. Antoninus illud interpretatur, quòd purpurâ gestent, in signum, inquit, ardentis charitatis, ita ut parati sint sanguinem fundere, qui est summus amoris gradus, quoniam maiorem charitatem nemo habet. Ex quo intelligi potest, si tantus esse debet hic amoris gradus in Cardinali, ut etiam vitæ amorem vincat, quantò deinde magis auri, & pecuniæ, vel, quod etiam difficilius esse solet, honoris, atque existimationis. Quòd cum ita sit, ut effectū

Philipp. 3.

Deut. 10.

P. 3. tit. 22.
c. 1.

præcipuè metiri, atque æstimare oporteat amorem, tamen affectus etiam addendus est, quoniam si amor magnus sit, vt certe in Cardinali magnus esse debet, vix fieri potest, quin eadem flamma, quæ superiorem partem animi calefacit, ipsam afficiat voluntatem, sic prorsus vt etiam in appetitu suauis, hic amoris diuini sensus oriatur. Nam vt omittam tam multas causas, quæ concurrunt, ad Deum amandum, vt etiam si totus homo, omnibus suis viribus adnitatur, ne minima quidem ex parte satisfacere possit, Est etiam illa ratio, quia cum Cardinalis non spiritualia tantum, sed temporalia quoque à Deo accèperit beneficia vt dignitatem, opes, honores, commoditates, quæ affectum etiam sensumque delectant, cur non etiam sensus ipse, & affectus excitari debent ad amandum Deum, vt hæc quoque pars, quam potest ei vicem referre gestiat? Quare hoc quidem ita debes efficere, vt nisi id in te sentias, sine dubio te ipsum, vt tepidum, & parum Deo gratum, condemnare debeas. Sed vt diximus illud præcipuum, ac

1. Ioan. 3. primum, quod etiam ait Ioannes Apostolus vt diligamus, non verbo, & lingua, sed opere, & veritate, id est factis ipsis, nimirum vt præponamus semper Dei honorem, ac voluntatē nostris omnibus cupiditatibus, & cuicunq; & quantæcunque vtilitati, idque impigrè, constanter, & alacriter, vt nihil sit tam carum, vel tam pretiosum, quod si Dei causa ita postulet, non statim contemnatur, & abijciatur. Sæpe enim incidunt tempora, cum ex vna parte magni alicuius commodi, vel magni honoris spes proponatur, aut metus faciendi iacturam, siue honoris, siue fortunarum; ex altera vero parte proponatur ipsius Dei obsequium, cui illa repugnare videantur. Quæ cum in contentionem veniunt Dei respectus rebus omnibus huius vitæ præferendus est, idque veri est amoris, nec aliter amor dici debet.

2. reg. 6. Cum Dauid Rex arcam Dei deduceret, ad reliquam solemnem cerimoniam, hoc insuper addidit, vt ipsemet totis viribus saltaret seminudus. quin etiam cum de hoc à Michol

Michol

Michol vxore dotifus effec, quod se quali vnus è scurris in populi conspectu nūdasset, quid ille respondit? Ante Dominum, inquit, qui elegit me potius, quam patrem tuum, & quam omnem domum eius, & præcepit mihi, vt essem dux super omnem populum Domini in Israel, & Iudam, & vilior fiam plusquam factus sum, & ero humilis in oculis meis. Idem igitur mihi videtur debere Cardinalis quisq; & cogitare sedulo, & profiteri. Nam cum præter alia beneficia communia cum alijs, multa etiam propria acceperint, & præsertim ipsam hanc dignitatem, quam plerique tanti æstiment, cur non ipsi quoque cum opus est, & cum ita exigit Dei causa, & rem, & honorem ipsum (in quo vt ante dixi maior solet esse difficultas) in eius gratiam exponant, atque ipsi quoque Iudant, & viliores fiant? Alius etiam est effectus huius amoris, cum contingit aliquid pati pro Deo, non modo non recusare, sed vltro subire, etiam cum gaudio. Magnum verò huius exemplum Cardinalibus reliquit B. Laurentius, cuius, cum vt alibi ostendimus teneant dignitatem, merito etiam feruorem in amando, & in patiando imitari deberent. De quo, & de Sixto Pontif. recte ait S. Ambrosius. Talis erat contentio digna, fane, de qua certarent Sacerdos, & minister, quis prior pateretur pro Christi nomine. Itaque addit nullum alium ei fuisse stimulum, quam deuotionis amorem. Postremo ille quoque maximus est amoris effectus, & indicium, zelus pro Dei honore; qui zelus ita proprius, & conueniens est Cardinali, propter locum quem in Dei Ecclesia tenet, vt nihil magis. Hec est enim, vt est apud B. Bernardum, cella illa Vinaria, quæ in canticis describitur, quoniam vt ille ait prorsus decet hoc vino æstare eum, qui alijs præsidet, quemadmodum æstuabat Doctor gentium, qui dicebat, Quis infirmatur, & ego non infirmor, quis scandalizatur, & ego non vror. Talem ergo oportet esse hunc zelum in Cardinalibus vt toto animo diuini honoris propagationem cupiant, eiusque incrementis gaudeant, dolent

. 5. d. 101

. 2. d. 179

1. off. c. 41.

. 2. d. 1114

Serm. 23.
cant.2. Corint.
11.

ant autem, & crucientur, eius detrimentis, & cum vel religionis cursum impediri, vel Ecclesie dignitatem, aut utilitatem, imminui vident, ita moueantur tanquam proprijs vel plus etiam quam proprijs incommodis, & se quantum possunt opponant pro domo Dei, resistent, siue priuatis, siue Principibus, nullique rei parcant, quin etiam cupiant, si fieri possit sua ipsorum iactura publicam redimere iacturam. Huius zeli exemplum Dominus ipse Ecclesie Prælati dedit, qui cum suas iniurias, conuicia, probra omnia tam leniter toleraret, idem tamen iniuria Dei commotus facto ex funiculis flagello negotiatores omnes exturbauit de templo. quo viso scribit Ioannes, recordatos esse discipulos eius, scriptum esse, *zelus domus tue comedit me*. Huiusmodi enim esse debet hic zelus in Ecclesiastico Principe, ut eum commedat, id est, angat, cruciet, extimulet, atque etiam interdum partem aliquam auferat nocturnæ quietis. Non enim pati debet Cardinalis, ut quisquam res suas, quam ipse res Dei, tanto maiores, & meliores, ardentius amare, & curare videatur.

Ioan. 2.

Psal. 68.

*De reſtitutione intentionis quam habere debet
Cardinalis. Cap. XIX.*

Matt. 24.



ISTE Domini vox in Euangelio. Quis putas, est fidelis seruus, & prudens, quem constituit Dominus super familiam suam? Quibus verbis duo indicantur, quæ in Ecclesiastico ministro tanto præsertim, quantus est Cardinalis, requiruntur. primum, ut fidelis sit, deinde ut prudens, sed de prudentia satis à nobis alio loco dictum est, restat ut de fide dicamus. Fides igitur, quæ etiam primo loco exigitur, ita necessaria est in seruo, ut si hæc absit, ne seruus quidem iure vocari possit, quoniam nisi cum fide rem administret, non domino,

no,

no, sed sibi ipsi seruiat. Igitur Cardinalis (Cardinalem cum dico te vnum Illustrissime Frater, intelligo, qui hoc mihi oneris imposuisti, vt hac de re tibi præciperem; neque enim hoc mihi sumo; vt cæteris etiam Cardinalibus præcepta tradam) Cardinalis igitur, vt seruus, & fidelis seruus vocari possit, meo quidem iudicio duo præstare debet, alterum vt in omnibus quæ agit, & quæ tractat finem sibi constituat Deum, alterum vt in omnibus non suam, sed Dei voluntatem exequi studeat. Ac prius quidem illud tum in Cardinalatu ipso suscipiendo locum habet. tum deinde ingerendo, & in eius actionibus singulis. Nam in ipso quoque statu accipiendo, nihil aliud spectari debet nisi Dei obsequium. Quod si quis aliquid aliud spectet; vt suam gloriam, vt familiæ incrementum, aut quidpiam eiusmodi; tanta est peruersitas, vt maior esse non possit. Nam si in rebus omnibus etiam humanis, & merè secularibus, tamen Deus ipse finis esse debet, quantò magis in ministerijs Ecclesiæ, quæ cum Deo consecrata sint, prophanantur, & deprauantur, cum aliò quàm ad Deum conuertuntur? Itaque iure S. Bernardus, peccatum hoc, vt magnum & tamen valde frequens reprehendit, Omnes inquit, Christiani, & omnes fere quæ sua sunt querunt, non quæ Iesu Christi. Ipsa quoque Ecclesiasticæ dignitatis officia in turpem quæstum, & tenebrarum negotium transire, nec in ijs animarum salus, sed luxus quæritur diuitiarum. Propter hoc rudentur, propter hoc frequentat Ecclesiam, missas celebrant, psalmos decantant. Pro Episcopatibus, & Abbatibus aliisque dignitatibus impudenter hodie decertatur, vt Ecclesiarum redditus in superfluitatibus, & vanitatis vsus dissipentur. Hoc igitur primum esse debet, vt in statu tam sacro accipiendo, nihil propositum sit nisi sacrum atque diuinum. Proximum deinde illud, vt eodem etiam animo, eodemque fine sustineatur deinceps & geratur, nimirum, vt seruiatur Deo. idque non solum generali quodam proposito, quod vitam totam generaliter

lib. 6. c. 4.

lib. 6. c. 4.

lib. 6. c. 4.

Serm. 6.
qui habitat.

raliter complectatur, sed huc etiam dirigantur quoad fieri potest actiones singulæ; saltem nusquam aliò detorqueatur voluntas: nullus alius terrenus finis asciscatur. Hoc enim inter alia S. Bernardus à Cardinalibus exigit, vt præter Dominum timeant nihil, nihil sperent nisi à Deo. Et S. Antoninus apertè docet, peccare Cardinalem, cum Pape consilium suggerit in Ecclesiæ negotijs, in quo consilio non Ecclesiæ, populique Christiani vtilitatem spectet, sed suam, vel alicuius Principis amici aut ciuitatis erga quam sit affectus. Idem confirmat etiam Hieronymus Manfredus Iurisconsultus in eo libro quem scripsit de Cardinalibus. Turpissimè, inquit, delinquent cum animum, aut studium suum ad aliud applicant, quàm ad Summi Dei honorem, & Christianæ fidei propagationem, felicitatem & pacem totius Ecclesiæ, & necessariò his vinculis alligantur propter eorum dignitatem, nec vlli parcere debent labori, nihil ab eis iactura rerum æstimanda, sed potius discrimen ipsius vitæ, subeundum, si aliter fieri nequeat, multò autem magis dispendium propriarum facultatum. Hæc ille. Et verò quid turpius esse potest Cardinali, cum tam bono Domino seruiat, & tam liberali, ac munifico, cui iure optimo omnis seruitus debeat, quàm aliquid deinde aliud quærere præter hoc tantum bonum? Ipsi certe Cardinales, si talem famulum haberent, cui victum, & vestitum, mercedem etiam copiosam præbeant; ille autem alteri cuiquam inferuiat, ne vna quidem hora cum domusæ perpeti possint. Igitur hæc animi restructio, vt breuiter dicamus in eo consistit, vt Cardinalis oblitus commodorum suorum, quicquid agit, quicquid molitur, referat ad Dei honorem; vel quod idem est ad Ecclesiæ vtilitatē; neque opes, aut potentiam suam amplificare studeat, sed id tantum curet, quomodo diuinus cultus, & humana salus amplifietur. Itaque non ex Ecclesiæ administratione crescere ipse studebit, verum id conabitur, eoque omnia diriget, vt sua opera, suoque labore crescat Ecclesia.

Deni-

Denique eiusmodi mentem induet quem bonus, & fidelis tutor in re aliena. Vt enim tutela non gerenda est ad utilitatem eorum quibus commissa est, sed illorum potius qui commissi sunt, sic omnis procuratio Reipublicæ; quanto autem magis Reipublicæ Christianæ? Præsertim verò, cum hoc melior sit eius conditio, quòd non modo non licet ex eius damno lucrum facere, sed si ita eius rationes postulent, iactura subeunda est, & rei & gloriæ, & vitæ; Hoc enim est seruire Deo, se totum, & sua omnia ad eius obsequium conuertere, non Dei obsequium ad suas utilitates. Quamobrem rectè Samuel quasi describens, quales animos Deus in suo famulo requirat, Seruite, inquit, Domino & timete eum in veritate, & ex toto corde vestro. Vbi S. Gregorius. Qui de bono opere temporalem mercedem expetit, Deo in veritate non seruit, quem falso proposito in sua operatione non diligit. Qui autem in veritate Deo seruire cupiunt, totum cor in diuinis obsequijs ponere iubentur, vt sic quæ Dei sunt agant, vt in mente aliquid, quod contra Deum sit, non retineant. Ex his igitur apparet quanta sit peruersitas, si Cardinalis qui se Ecclesiæ operarium, Dei famulum profiteatur, sui magis commodi, quam Dei vel Ecclesiæ habeat rationem. Quid autem dicemus de damno? nam cum sæpe eadem ipsa actione, modò ad Deum erigatur, nullo labore addito, cælum, & magna in cælo præmia consequi possit, si contra ad terram deprimatur exigui, & temporalis commodi specie præmia illa sempiterna, atque infinita perduntur. De qua stultitia, & insania S. Hieronymus differens, sic de Clericis loquitur. O quanta inquit, apud Deum merces, si in præsentem præmium non sperarent. Et S. Gregorius in quadam exhortatione ad bona opera. Hoc studiosius agite, ait, & hoc agentes in terra vobis retribui nil queratis, quia, superna desiderantibus, temporalia nulla sunt. sed ibi desideria figite, vbi quicquid retribuitur, finem non suscipit. Atque hæc eò maior calamitas (sic enim appellanda est)

1. Reg. 7.

5. in lib. Regum c. 2.

Epist. 2.

Lib. 10. Epist. 7.

Q in

in Cardinalibus, in quorū manibus, negocia vt plurimum Ecclesiastica, & ad Ecclesiæ commodum pertinentia versantur, quibus si legitimum, & congruentem finem proponant, facile magnum sibi in cœlo cumulum pariant præmiorum. Quod si terrenum aliquid sibi proponant, omnis labor irritus sit, & inanis, totos dies laborant, æstuant, fatigantur audiendo lætando libellos supplices, conueniendo ad suas consultationes. alijsque occupationibus, quas status vel tempus, & occasio affert, & hæc omnia sine æterno præmio vt verius de his dici possit, quam de Mo
 Exodi. 18. se dixit lethro, stulto eos labore consumi. Nam si vno anno eorum agri, vel grandine, vel pluuiarum inundatione, aut contra æstu, & siccitate, aliaue eiusmodi causa, nullos ferrent fructus, magnam scilicet eam ducerent calamitatem, nec finem lamentandi facerent. Quanto autem maior hæc perpetua iactura fructuum animæ, qui infinitis partibus melior est ager? præsertim cum ex eiusmodi damno egestatem animæ prouenire necesse sit sempiternam? Immo verò multum etiam perditur in præsentī vita. Non enim iniustus est Deus, nec restrictus, aut qui se se largitate, & charitate vinci patiatur. Itaque nulla est aptior ratio ad eius eliciendam liberalitatem etiam in hac vita, quàm esse erga ipsum liberalem, & se totum, suasque actiones eius numini consecrare. Quamobrem hoc ipsum S. Gregorius audet Brunechildi Francorum Reginæ polliceri. Quia inquit ipse bonarum mentium contuevit esse adiutor, qui etiam largitor est confidimus quòd tantò promptius causas vestras sua pietate disponat, quantò ipse de sua vos videt esse causa sollicitos. Facite quod Dei est, & Deus faciet quod vestrum est. Sic S. Gregorius. & contra qui temporalium amore, Dei honorem negligunt, ita sæpe iusta Dei prouidentia euenit, vt ne illa quidem ipsa caduca bona consequantur, quorum causa peccarunt.

Extremum illud est, sed momento præcipuum, quod ij Cardinales, qui humanis respectibus ducuntur, quique
 propriam

propriam aliquam vtilitatem spectant, quasi vincti, & illigati sint, ita nihil vnquam præclarum pro Deo, vel pro Ecclesia agere possunt. immo verò in multos etiam errores, eosque greues, & toti interdum Ecclesiæ valde perniciosos incidunt, quod quidem quotidiana ipsa experientia, vel nobis tacentibus satis demonstrat, contra verò qui se omni eiusmodi respectu exuunt, Deumque solum intuentur, liberi sunt & expediti ad præclara quæque agenda, quoniam nullis vinculis retinentur. Cuius rei & si multa in vtramque partem suppetant exempla, nos breuitatis gratia vno contenti erimus. cuius quasi admonitu possit vnusquisque alia etiam quæ quotidie occurrunt, & quæ ante oculos sunt aduertere. Nam cum anno M c c c xiii. esset in Ecclesia foedum schisma ex tribus Pontificibus. Ioannes Dominicus Cardinalis vtique insignis, qui Gregorio XII. adheerebat, si sui commodi rationem habuisset, eum potius fouisset, ac confirmasset, ad retinendam dignitatem, quippe cum ab eo factus esset Cardinalis, & penè solus apud eum omnia posset, & tamen propter publicum bonum nunquam destitit eum monere, hortari, & impellere, vt se ipsum Pontificatu abdicaret: quin etiam ipsemet huius rei gratia à Gregorio ad Basiliense Concilium missus, non solum eius nomine publice Gregorij Pontificatum, sed tanquam officio functus suum etiam Cardinalatum ab illo sibi tributum deposuit, seque in inferiorem locum Episcoporum, quorum è numero erat recepit, Quamquam id quidem minime passi sunt eius Concilij Patres. Omnes enim vno consensu ad suum gradum cum summo cum honore reducerunt. Possent alia etiam similia commemorari, sed nec oportet nos esse longiores, & hoc vnum satis esse puto, ad indicandum quam necessarium sit Cardinali, tum ad recte agendum, tum ad recta consilia danda, vt rectam hanc mentem custodiat, quoniam vt Dominus Saluator docuit, si oculus simplex fuerit idest, mentis acies in purum, sincerumque finem dirigatur, totum actionum cor-

Matth 6.

pus lucidum erit. Sin autem oculus ille nequam sit, ipsæ etiam actiones tenebricosæ, & depravatæ sint necesse est.

Altera pars huius fidelitatis quam Cardinalis Deo debet, erat illud quod diximus propositum fixum, ac certum exequendi in omnibus diuinam voluntatem. Quid enim iustius, quàm vt creatura obediat, creatori, filius patri, seruus domino? sed huius virtutis duplex est materia. Alia enim sunt, quæ ipsi eligimus arbitrato nostro: alia quæ extrinsecus inferuntur, vt sunt omnia aduersa, & per se quidem amara & tristia. Igitur in vtrisque exercenda est hæc, quàm dixi propriæ voluntatis, vt ita dicam resignatio, quod difficilius fortasse, sed simul etiam, gloriosius est Cardinali, quoniam multa ei contingere necesse est magna, & ardua, ad quæ vel voluntas magnopere inclinatur, vel à quibus magnopere abhorret. Quare eò magis in vtroque genere vt dixi studium, & omnes animi sui nervos debet intendere. Primum igitur nihil ipse faciet, nihil molietur, nihil aget, quod non putet placere Deo, neque hoc in ijs solum, quæ sunt plane prohibita, quod iam ad peccatum pertinet, sed in ijs etiam quæ libera sunt, vt negocia quoridiana, in quibus ipsis suscipiendis, hic ei de lectus adhibendus erit, vt antequam suscipiat, videat, & inquirat, an Deo placeant: præsertim verò cum negotium aliquod occurreret dubium, & in quo aliquid mali latere possit. Hæc autem quam dico, inquisitio diuinæ voluntatis haud ita difficilis est. Fit enim considerando, & ratiocinando, perpendendo rationes in vtramque partem, orando Deum, & implorando ab eo lumen, & opem, tum etiam consilium à probis hominibus, fidisque amicis petendo: Sed quod fortasse præ omnibus valet, est ipsum desiderium gratificandi Deo. Nam qui sic animatus est, vt nihil aliud exspectat, nisi Dei voluntatem explere, nunquā poterit cum Dominus deferere, quin ei lucem suam abundè largèq; impertiat. Et in summa (redeundum est enim
ad

ad illam formulam domesticam) ita strenuè, ita diligenter, ita etiam anxie decet Cardinalem diuinæ voluntati totum se tradere, vt suam ipsius voluntatem seruis suis cordi esse cupit, & gaudet cum ita sit, contra vero offenditur, cū non sit. Et tamen quanta distantia serui ad conseruum, aut serui ad dominum, & tantum dominum? Alterum erat huius virtutis officium, in perpetiendis aduersis, quæ Dei iussu eueniunt, ob hoc ipsum, vt Dei voluntati etiam in his pareatur. Itaq; sic animo constitutū esse oportet Cardinalem, vt siue damnū aliquod in re familiari patiatur, siue propinquorum quempiam subita, & inopinata morte amittat, siue Principum gratiam perdat, siue negociū aliquod graue, & magnum aduersus sententiā succedat, siue quod grauius, & acerbius videri solet, honoris atque existimationis detrimentum accipiat: denique quęcunque dura, & molesta eueniant non ea putet casu, aut fortuito incidisse, sed certo Dei consilio, ac prouidentia. Itaque hoc etiam ipso ei placeant, quia Deo placere. Neque hoc tantum in rebus inanimis, quarum iniuria facilius tolerari solet, sed idem etiam in iniuria, & scelere hominum, quorum malo semper Deus vitur ad aliquod bonum. Quis enim vnquam indigni us tractatus est, quam David Rex à 1. reg. 16. Semei populari suo, à quo Rex cum tanta premeretur miseria, quę etiam hostem ad misericordiam mouere posset, maledictis vltro, & contumelijs, insuper etiam lapidibus, appetitus, quid ramen dixit, & quomodo seipsum, & suos cohibuit? Dominus, inquit, præcepit ei, vt maledicat David. Quod idem dicere debent in simili causa omnes boni, & fideles Dei famuli. Ideo enim D. Cyprianus à Salvatore nos ait edoctos, vt ita precaremur. Fiat voluntas tua, sicut in cælo, & in terra, non vt Deus faciat, quod vult, sed vt nos facere possimus, quod Deus vult. Deniq; & Deus inquit, infirmitatem hominis quę portabat ostendens ait, Parer si fieri potest, transeat à me calix iste; & Matth. 26 exemplum discipulis suis tribuens, vt non voluntatē suam faciant,

De orat.
Dom.

Matth. 26

Ioan. 6.

faciant, sed Dei. addidit dicens, Verumtamen non quod ego volo, sed quod tu; & alio loco dicit. Non descendi de cœlo, vt faciam voluntatem meam, sed eius qui misit me. Quod si Filius obediuit, vt faceret Patris voluntatē, quantò magis seruus obedire debet, vt faciat voluntatem Dei? Hæc est igitur forma boni, rectique Cardinalis, ad quam se componere, semperque omni studio exercere debet.

De studio orationis quod in Cardinali esse debet.

Cap. XX.



NTER omnes Christianæ Reipublicæ plagas nullam fortasse magis lugendam existimo, quàm illam communem ferè hominum opinionem, de oratione, ac meditatione rerum cœlestium, plerique enim eam quodammodo propriam esse solitariorum, sæcularibus autem hominibus rum minimè necessariam, tum etiam nimis difficilem, & laboriosam putant. Est autem hic error ex ignorantia natus, atque ex caligine hominum animis effusa, vt de salute sua nunquam cogitent, nunquā damna animæ reputent, aut labes, maculasque suas inspiciant. Quod quidem quam perniciosum, ac pestiferum sit omnibus Christianis, egregiè describit quodam loco B. Gregorius Nilenus his verbis. Hoc maximè dolendum est, quòd homines sæculares omnibus alijs rebus potius studeant, quàm orationi: quoniam, & institor prima luce mercibus exponendis inuigilet, emptor item, vt alios præueniat, sic etiam artifices & operarij, & literarum studiosi, sic litigatores, & reliqui denique omnes. Huius autem rei eam ait esse causam, quia dum quisque totus in id incumbit quod exercet, putat se tempus illud perdere, quo circa Deum occupatur, & ideo omissa oratione, totam

spem

De orat.
Dom. ser. 1

spem ponunt in sua diligentia, & industria, & in manibus suis, obliui, inquit, eius, qui manus dedit. Addit autem quæ mala ex hoc sequantur. Idcirco abundat, inquit, in vita peccatum, nouisque incrementis semper augetur, quoniam obliuius Dei tenet omnes, & homines non coniungunt actiones suas serias cum oratione. Sed ut reliquos omit-
tamus, de quibus, non est nobis in præsentī institutus sermo, Cardinali quidem nulla esse potest dubitatio, quin inter alia præcipua, ita vtile, ac salutiferum sit hoc studium, ut sine eo vix officio suo satisfacere possit. Quod certe ex triplici capite euidenter apparet. Primum quia ut corpus hoc vitam habet naturalem ex coniunctione animæ, sic anima vitam habet diuinam ex coniunctione cum Deo: atque hæc quidem multò nobilior, quippe, quæ participatio sit diuinæ vitæ. Quare ut corporis vita suum habet alimentum ex cibo, & potione, quo alimento si careat, certa mors est, sic vita animæ suos item habet cibos, maximè autem orationem, ex qua mens eos omnes percipit fructus, quos corpus ex suo pabulo. Sic enim reficitur, & instauratur, deinde deletatur, postremo etiam roboratur, & confirmatur, ad omnem motum, & munus, & ad exequendas actiones: contra vero hoc cibo substracto languida, & iners, & imbecilla efficitur, ut leui quouis incurfu, vel occurfu in lapsū, & in mortem ruat. Alterum caput est ex magnitudine, & grauitate negocij, quod Cardinalis gerit, atque ex difficultate tanti magistratus, ad quem quotidie maximæ, & periculosissimæ causæ deferuntur. Quæ quidem tam immensa Prouincia ægre admodum sustineri potest, ut oportet, nisi hoc præsidium orationis accesserit, quo lumen, ardor voluntati præbeatur. Nam ut in eadem similitudine persistamus, quemadmodum corporis cibus omnibus quidem necessarius est, sed vberior, & copiosior ijs, qui maiores labores, grauiioresque functiones obeunt, ut rusticis, & operarijs, sic etiam hic animæ pastus, etiam si ab omnibus requiratur, maximè tamen ab ijs, qui tam graui

onera

onera humeris iustulerunt, ut ad ea rectè perferenda, magnis omnino indigeant viribus. Tertia causa est ex obligatione perfectionis, quæ ut supra à nobis demonstratum est, ex ipso Cardinalis officio nascitur. Hæc ergo perfectio cum omnes virtutes complectatur, omnibus expletas partibus, quoniam aliter non possit esse perfectio, hæc quidem virtutes, nisi accedat orationis lumen, nimirum in tenebris, non modo haberi, sed ne cognosci quidem poterunt. Est enim tanta earum difficultas, præsertim in hac corruptione, in hac imbecillitate naturæ, in hac etiam mentis obscuritate, ut qui hoc adiumento careat, ego quidem non videam, quomodo arduam hanc vitam, adeoque lubricam ingredi possit. multò vero minus ad eam quam diximus perfectionem peruenire virtutis. Borromeus quidem in illa Epistola, cuius supra mentionem fecimus, ad Andreæ Battoreū apertè requirit in Cardinali, non mediocri modo orationis studium, sed familiaritatem cum Deo, quæ inquit, quotidiano, & attentò (hæc enim duo necessaria sunt, ut & quotidie fiat, & attentè) orationis, ac diuinatum rerum meditationis studio nutritur, & fouetur. Nec solum hoc alijs præcipiebat, sed multo magis faciebat ipse. Vix enim abibat dies, & si in summis illis occupationibus, quin ternas, & quaternas horas sæpe etiam plures, orando consumeret: quoties etiam noctes integras? Quinimmo ita tradidere, qui eum familiariter norunt, totam ferme eius vitam, excepto somno, qui illi breuissimus erat, perpetuam fuisse orationem, quoniam inter agendum, inter eundum, inter etiam vescendum, semper aliquid mente agitabat. Ex quo apparet non eorum tantummodo errorem, qui toti in terram demersi, ne de nomine quidem mentalem orationem norunt (de his enim nihil loquendum arbitror) sed aliorum quoque cuiusmodi non desunt inter Cardinales, qui vitam instituunt ex Dei lege; dedunt se bonis operibus, & labores multos pro Ecclesiæ utilitate sustinent, sed tamen orandi vsum non habent, vel quia eius difficultate,

quam

quam sibi fingunt, deterrentur, vel quod eius necessitatem minus intelligunt, vel etiam quia occupationibus ipsis obruti, nec tempus, nec vires habent, ad respirandum in Deo. Itaque in hos optime cadit illa Sancti Bernardi sententia, vel potius obiurgatio ad Eugenium, qui cum Pontifex esset, & totius Ecclesiæ iusta, ac necessaria administratione impeditus, eum tamen seuerè, & prolixè Bernardus accusat, quod non etiam suum tempus, meditationi tribuat; Itaque cum hæc fuisset causa, cur ad eum quinque illos libros de consideratione scripsisset, multa quidem alia, & disertè, & sapienter de hoc argumento disserit, sed illud præcipue ad rem nostram, si quod viuis, & sapis totū das actioni, considerationi nihil; laudo re, in hoc non laudo. Puto quod & nemo, qui à Solomone audierit, Qui minoratur actu, percipiet sapientiam. Illud etiam optimum. Et quid me vis facere? inquis. Vt tibi ab his occupationibus parcas. Impossibile fortasse respondebis, facilius cathedræ vale dicere posse. Recte hoc si rumpere, & non magis interrompere ista hortarer. Hæc igitur summa est, ut ait S. Bernardus, non quidem omnino deferendas esse Cardinali eas causas, & occupationes, quas Dei obsequium, quas status, quas proximorum salus, vel quas denique Pontificis imperium imponit, sed tamen ita temperandas, ut ex ijs quanquam perpetuis, & magnis, spatium tamen eripiatur, quo animus à terrenis, & fluentibus rebus auulsus ad seipsum reuocetur, secumque esse cogatur, & coelestia tractare, quæ sunt, & iucunditate tam suauia, & natura tam præstantia. Etenim si nullus vnquam Cardinalis ut multis, & grauibus negocijs præmatur, tamen ita se distineri finit, ut non iustum tempus, quieti, cibo, somno, addo etiam tempestiuæ relaxationi tribuat, & merito: quoniam nisi ita faceret, non suppetere vires, ad illa ipsa negocia peragenda. Igitur si hoc fit, & necessario fit in corporis vita, ipsaque necessitas ad id extimulat; non multo magis fiet in cura animæ, ut nulla sit tanta, tamque assi-

R dua

se decreuerit, id deinde ita acriter tenere debet, vt quicquid impedimenti inciderit, nihil curet, & huic negotio post habeat. Debet enim hoc animo prouidere communem illum inimicum omnia tentaturum, omnes insidias moliturum, vt modo hac, modo illa causa obiecta, tam salubre propositum impediatur, quasi non magni referat, vno aut altero die intermittere, cum facile possit deinde reuocari. Sed nimirum vt aqua cum in obiecto agere minimam sibi viam fecit, eam deinde continuis incrementis auget, donec magna fenestra patefacta non possit amplius restaurari, sic natura nostra, si ei aliquid licentiæ concedatur, ita paulatim prouehitur, vt ægre interdum etiam nullo modo reuocari queat. Quare hoc cauebit Cardinalis, qui suam salutem curat, vt debet, idque fixum tenebit quod ante diximus, quemadmodum nullas ob occupationes, neque prandium, neque coena, neque somnus relinquitur, ita nec cibum animæ spirituales relinqui oportere.

Hic est igitur primus orationis vsus in meditando. Alter est breuiorum precationum, quas in ipsis actionibus, siue domi, siue foris, siue solus, siue cum alio agat adhibere potest, & certè debet Cardinalis. Est autem huius rei multiplex utilitas, Nam cum tentationes irruunt, adiuuat ad eas vincendas, subleuat mentem, nec finit adhærescere terræ, & negocijs, quæ tractantur: Est etiam condimentum, quoddam actionum, vt gratiores sint Deo, parit familiaritatem quandam cum illa maiestate, denique vt alia omitamus, animum ad futuram meditationem parat. Vt enim lignum si aridum fuerit, facilius & citius ignem concipit, ita anima his iaculatorijs (sic enim vocantur) orationibus calorem aliquem retinet, vt deinde celerius in meditatione diuinus exardeat ignis. Neque vero difficile est, has, de quibus loquimur, subitas, atque extemporaneas preces adhibere. Possunt enim certis diebus certæ materiæ destinari, potest etiam pro re nata captari materia ex rebus ipsis, quæ videntur, vel quæ audiuntur, modo gratijs agen-

R 2 dis,

ad tabernaculum recurrit, coram Testamenti arca Domini
consultit, exemplum procul dubio rectoribus præbens, vt
cum foris ambigunt, quid disponant, semper quasi ad ta-
bernaculum redeant. Atq; hoc eo magis meo iudicio om-
nibus Ecclesiæ ministris conuenit, quia cum negocia, quæ
tractant Ecclesiæ sint, id est Dei, quid iustius, & conuenien-
tius, quam vt ex eiusdem Dei mente, & sententia gerantur?
Quis enim ferat procuratorem suum, qui alio modo suas
res agat, quam ipse velit, & omnia inuertat, quæ ei man-
dantur? Ob has igitur causas Cardinalis actioni orationem
adiungere debet, tum antequam aliquid aggrediatur, tum
deinde crebrò in ipso cursu actionis, vt si alicubi se aberrare
viderit, reuocet, statim & corrigat; Hoc enim B. Bernardus Lib. 1. de
confid. scribit esse officium considerationis agenda præordina-
re, acta recogitare, nihil incorrectum relinquere sparsa col-
ligere, secreta rimari, vera vestigare, examinare verisimi-
lia, regere affectus, dirigere motus, corrigere excessus,
componere mores, totam denique vitam honestare, & or-
dinare.

*Qua Cardinali conueniant ad animi puritatem
seruandam. Cap. XXI.*



ANIMI puritas, & cordis mundities ab
omnibus quidem, sed præcipuè, vt reli-
quæ virtutes, à Cardinalibus ita curan-
da est, vt quæ tum per se se magni sit fa-
cienda, tum etiam quia reliqua, quæ di-
ximus bona, hoc quasi fundamento ni-
tuntur, quod facile ex eo apparet, quoniam si anima ma-
culosa, & contaminata fuerit, nec orationem, de qua pro-
xime loquuti sumus exercere, ac ne oculos quidem ad
Deum tollere, nec illam mentis rectitudinem tenere, nec
denique bono vllò spirituali frui poterit. Quare de hoc
quoque

Mat. 1.

2. reg. 4.

2. mor. c.
19.

quoque dicendum est aliquid, præsertim quoniam ut in
via lutulenta difficile est tantam adhibere cautionem, ut
non aliquid cœni adhærescat, sic in huius vitæ via, eoque
magis, quò maior est, materia, ac licentia peccandi, ut om
nium concessu est in ipso Cardinalatu. Sed quò difficilius
hoc præclarior. Primum igitur præsidium ad hanc mun
ditiem conseruandam, cuius præmium est visio Dei, est il
la ipsa cautio, quam modo attigimus, & sui ipsius custo
dia, non modo à magnis, & grauibus delictis, sed à mino
ribus etiam ac leuioribus, quæ vulgo contemni solent. Nec
debent Cardinales aspernari minutam hanc, curiosamque
diligentiam, quasi non deceat tantam dignitatem ad hæc
minima descendere. Quicquid enim ad animæ salutem,
pertinet, non potest esse parum, sed maximum, & grauissi
mum, existimandum est; quippe quo contineatur æterni
tas. Ostendit hoc satis Isboseth exemplum, qui cum Rex
esset, tamen adeo miserè occisus est, parua re spreta, quo
niam videlicet ianux custodiam fœminæ mandarar, quæ
insuper obdormiscens in domini mortem insidiatores ad
misit. Nequaquam vero (ait D. Gregorius) Isboseth iste
hac morte succumberet, si non ad ingressum domus mulie
rem, id est mollem custodiam ad mentis aditum deputasset.
Fortis namque, virilisque sensus præponi cordis foribus
debet, quem nec negligentia somnus opprimat, nec igno
rantia error fallat. Quamobrem si remedium aliquod que
rimus ad hoc malum, à Cardinali propulsandum illud est
unicum, ut quemadmodum supra de oratione diximus, sic
etiam huic ipsi studio certum quotidie tempus tribuat ad
suas omnes actiones, & cogitationes, discutiendas, seuerè
que examinandas, cuiusmodi fuerint, quo animo, quo fi
ne, quibus modis, & in omnibus videat, quid à recto desle
xerit, Nam si hoc omnibus præcipi solet, & alioquin vix
potest Christianæ vitæ institutio sustineri, propter tam
multos incurfus, quanto id difficilius erit Cardinali, cuius
vitæ ratio inter scopulos, ac syrtes tam periculosas perpe
tuo

tuo nauigat? Est deinde aliud etiam adiumentum ad hanc
 conscientię integritatem tuendam, ex sacramentis, quę si
 crebrò, & rectè percipiuntur, magnam omnino vim habent
 ad animam abluendam, si quid maculę atpersum est, tum
 etiam in suo nitore, atque innocentia conseruandam; Et
 quidem Eucharistia quotidie ferè, præsertim Sacerdoti
 Cardinali, peccatorum autem confessio bis saltem in heb-
 domada esset frequentanda. Sed in confessione illud esse
 potest vitij, quod quosdam facere videmus, vt confessarios
 adhibeant homines vulgares, & exiguę auctoritatis, ac
 scientiæ, quos ipsos nunquam vident, nisi cum sunt expian-
 da peccata. Quare optimum in hoc quoque videtur Car-
 dinalis Borromei consilium ad Cardinalem Battorem, vt
 aliquem habeat spiritualis vitę magistrum, & patrem, qui
 curam gerat eius informandi, & instituendi cuius munus
 sit cum monere, qua ratione multiplices demonis insidias
 vitare, & pugnas superare possit. Ita igitur faciendum;
 vt aliquis eiusmodi deligatur idoneus, tum doctrinā, &
 prudentia, tum etiam virtute, eique non solum patefiant
 delicta, sed etiam scrupuli, & dubitationes communicen-
 tur: ab eo consilium petatur, apud eum deponantur mole-
 stia, quę nonnunquam incidunt: ipsius iudicio acquiesca-
 rur: denique illi tota committatur anima, ac perinde vt
 solet duci in dubio itinere pareatur. Cæterum ad purita-
 tem retinendam, illud etiam magnopere confert, vt ani-
 mus torpescere non sinatur, nihil agendo, sed semper ali-
 qua re bona & utili, atque fructuosa occupatus teneatur.
 Nihil enim æquè cum contaminat, atque ocium desidio-
 sum, propter ea, quę ex eiusmodi ocio consequi solent, cu-
 iusmodi sunt confabulationes superuacaneę, narrationes
 rerum nouarum, & quod Paulus Apostolus condemnat, Colos. 3.
 turpes sermones, stultiloquia, scurrilitates, quę ad rem, Ephes. 5.
 non pertinent, denique etiam detractiones, assentationes,
 & alia eiusmodi. Quamobrem recte S. Bernardus ad Pon-
 tificem Eugenium, quod idem conuenit etiam in Cardi-
 nalem:

Lib. 2. 3

confid.

nalem: Fugienda inquit, ociositas matet nugarum, nouer-
ta virtutum. Inter seculares nugæ, nugæ sunt: in ore Sa-
cerdotis blasphemix. Consecrasti os tuum Euangelio ta-
libus iam aperire illicitum, assuescere sacrilegum est. Por-
ro detrahere, aut detrahentem audire, quid horum dam-
nabilius sit, non facile dixerim. Sed cum ocium dicimus,
non id solum intelligimus, cum stertendo, aut nihil omni-
no agendo, verum etiam cum inutilia agendo tempus per-
ditur, æque enim hic quoque perditur. Itaque superuaca-
næa quædam officia, ambitiosæ salutationes, circuitiones
per urbem, hæc omnia & alia huius generis Cardinali fru-
gi, & graui omnino vitanda sunt. Docet hoc B. Ambro-
sius in libris de officijs, quibus perfectam Clerici formam
tradens, hoc etiam inter cætera grauius monet, ne tem-
pus inaniter terant, & præsertim crebris visitationibus, &
colloquutionibus infructuosis. Cur enim inquit, illa tem-
pora, quibus ab Ecclesia vacas lectioni non impendas?
Cur non Christum reuistas, Christum alloquaris, Christum
audias? Illum alloquimur cum oramus, illum audimus,
cum diuina legimus oracula. Quid nobis cum fabulis? Mi-
nisterium altaribus Christi, non obsequium hominibus de-
ferendum accepimus. Quo loco D. Ambrosius non præ-
ceptum modo tradit ocij fugiendi ab homine Ecclesiastico
sed etiam rationem, ac viam fugiendi, oratione scilicet, &
lectione. Et certe si iucunditas, & oblectatio quaeritur,
quis adeo hebes sit, vt maiorem esse putet, Symphonia
audienda, aut horto visendo, aut vrbis vicis inutiliter ex
vehiculo lustrandis, aut ex alijs ex hoc genere oblectamen-
tis, quàm ex honestissimo, & suauissimo mentis pabulo?
Sed tamen quod ad lectionem attinet, (nam de oratione
antea diximus) videndum est quid conueniat Cardinalis
grauitati. Non enim omnes libri, aut omnia studia con-
ueniunt. Primus igitur locus tribuendus est, sacris litteris,
de quibus S. Hieronymus in Clerici institutione, diuinas,
inquit scripturas sæpius lege, immo nunquam de manibus
tuis

1. off. c. 20.

2. pi. 1.

tuis sacra lectio deponatur. Proxime deinde numeranda Sanctorum Patrum volumina, qui tum obscuros sacrarum literarum locos doctissimis commentarijs illustrarunt, tum etiam proprij ingenij monumentis Christianam Rempublicam locupletarunt. Atque hæc quidem tam multa, & tam præclara, addo etiam tam varia sunt, & in omni pene argumento, ut qui ijs non delectetur, ac teneatur, cum plane nihil sapere dixerim, omnique carere iudicio etiam ipsius iucunditatis. Post hæc studia quæ primum, & præcipuè Cardinali, ut Ecclesiastico homini congruunt, sunt etiam ea studia, quæ in Ecclesiæ administratione vsum aliquem habere possunt, ut iuris Pontificij, Conciliorum, & Constitutionum, quæ tum ab antiquioribus tum à recentioribus Pontificibus manarunt, quas omnino nosse, & perspectas habere decet Cardinalem. Si vero aliquod etiam peculiare munus iniunctum ei sit, ut qui in iudicandis causis, quæ ad tribunal Inquisitionis referuntur, vel in quæstionibus super Concilium Tridentinum exortis assistunt, vel alijs eiusmodi rebus operam navant, hi quidem suas singuli partes sic sustinere debent, ut omnem in eo adhibeant diligentiam: nec committere, ut laboris fuga vllum detrimentum, vel priuato alicui, vel quod grauius est, vniuersæ Ecclesiæ eveniat. Hæc igitur occupationes esse debent optimi Cardinalis, his qui intentus fuerit, facile aditum ineptis, & prauis actionibus atque etiam cogitationibus obstruet, illamque integritatem, ac puritatem animi, quam diximus retinebit.

*Quomodo Cardinalis ordinatus esse debeat erga
proximos. Cap. XXII.*



VM Cardinalis, & in seipsum, & quod primum, ac præcipuum est erga Deum ita institutus fuerit, ut debet, sequitur ut erga reliquos homines ex eadem virtutis regula se se componat. Sed quoniam varia sunt genera hominum, varijq; gradus coniunctionum, ab ijs ordinamur, qui longius distant, ut deinde ad propiores veniamus. Hi vero sunt communes homines, quibus nihil fere aliud debet Cardinalis, quam ædificationem, benignitatem, denique etiam beneficentiam. Ex his autem tribus ædificationem semper, & omnibus debet, duo reliqua, quoties usus incidit, & quibus in rebus incidit. In primo capite duo includuntur, alterum, ne quid extet in Cardinali, quod scandalum, aut offensionem cuiuspiam præbeat, alterum ut præterea extent exempla virtutum. Nam de priori recte S. Gregorius. Nullum inquit, puto ab alijs maius præiudicium, quam à Sacerdotibus tolerat Deus, quando eos, quos ad aliorum correctionem posuit, dare de se exempla prauitatis cernit, quando ipsi peccamus, qui compefcere peccata debuimus. Est autem ea ratio communis quidem omnibus Ecclesiæ Prælati, sed magis ijs conuenit qui inter alios, altius eminent, cuiusmodi sunt Cardinales. Hos .n. locus ipse spectabiles, facit ut in eos omnium oculi per se incurrant, nullumque eorum vel dictum vel factum possit esse obscurum, quoniam scilicet in clara luce versantur. Quare horum quidem peccatum non ipsis tantum nocet, sed etiam alijs, qui si improbent, in detractionem, ac maledicentiam incidunt, si probent facile ipsi quoque in eadem labuntur, quanquam etiam si non probent, tamen facile labuntur, quoniam maiorum exemplum hanc inducit

Hom. 17.
in Euang.

cit licentiam. Quamobrem præclarum illud B. Hieronymi Epist. 3.
ad Clericum, caue committas, quod aut qui reprehendere
volunt dignè lacera-^{re} videantur, aut qui imitari cogantur
delinquere. Sed illud magnopere tenendum Cardinali,
qui offensionì, & scandalo esse nolit, ne quidquam com-
mittat quod sua natura sit mali exempli. Nam si inani
ostentatione, aut simulatione virtutis, se fallere posse spe-
rat, aut ita vitia sua tegere, vt in lucem non prodeant, ve-
hementer errat. Nihil enim fictum, ac simulatum potest
esse diuturnū, quoniam nec semper occultari possunt, quæ
in tenebris fiunt, quin aliquo casu erumpant, & ipsi dome-
stici, atque intimi pleni rimarum sunt, præsertim in aliena
culpa. Denique hoc etiam postulat Dei iustitia in eos qui
peccant, vt nihil ita occultum sit quod non denique reue-
latur. Accedunt etiam sapissimè æmuli, qui obseruant, & Matt. 10.
expiscantur omnia, & cum interdum etiam falsa confin-
gant, quanto magis aperient vera? Optime ergo B. Hiero- Epist. 4.
nymus alio loco. Frustra, inquit, irascimur obrectatori-
bus nostris, si eis obrectandi materiam ministremus. Bea-
tus qui tam sancte, tamque grauiter disposuit vitam suam,
vt de eo sinistri aliquid ne fingi quidem possit, dum aduer-
sus obrectatorū libidinem pugnat meriti magnitudo, nec
fingere quisquam ausus est, quod à nullo putat credendum
esse. Hoc igitur præceptum si cui tenendum est, maximè
Cardinali, qui talem, & tantam personam gerit in Dei Ec-
clesia, vt vituperatio etiam iniusta, non solum ipsi notam
aspergat sed etiam dignitati. Quare eo studiosius cauere
debet, ne quid committat etiam per imprudentiam, quod
sermones dare possit, præsertim cum homines ab insita
quadam malitia multò procliuiiores sint ad male sentien-
dum, & scilicet auctoritas omnium eorum, qui in Republi-
ca versantur, non veritate solum sed etiam fama nitatur.
Neque tamen satis est Cardinalibus scandalum omne vi-
tare, sed insuper tale virtutum specimen præbere eos oportet,
vt quemadmodum Dominus præcepit, luceat lux eo- Matt. 5.

Lib. 1.
epist. 11.

rum coram hominibus, ex quo sequatur, ut videntes eorū bona opera, Deum glorificent. Quotcirca Cyprianus. Cum omnes omnino disciplinam tenere oporteat, multò magis Præpositos, & Diaconos, curare hoc fas est. qui exemplū, & documentum cæteris de conuersatione, & moribus suis præstent.

Alterum caput erat benignitatis, & comitatis cuiusdam quæ multas ob causas magnopere conuenit Cardinali. Sed hæc quidem si honoratis tantum hominibus exhibeatur, nihil omnino præclarum habet; Quis enim id non faciat? nam nec aliter licet. Illud igitur laudandum, atque ex virtutis officio est, cum ea affabilitas etiam in homines multò inferiores, etiam in tenues exercetur. Quod sane sæculari quoque Principi pulchrum est, sed multo magis Cardinali. quoniam hic quicunque est Principatus Ecclesiasticus, non tam datur ad eminendum, quam ad laborandum, nec tam externo splendore, quam ministerio, atque opere definitur. Itaque eo magis decet Cardinalem recordari semper eius æqualitatis, quæ est in natura humana, & ita gradum suum iueri, ut omnem arrogantiam, & fastidium fugiat, nec inferiores aspernetur, aut despiciat, sed potius omnem humanitatem omnibus præstet, & culmen illud dignitatis mitiget, multis condimentis mansuetudinis, & suauitatis. Quare ad hoc magnopere pertinet primum aditus præbere quàm facillimos, idque omni hominum generi, deinde etiam retinere patientiam in audiendo, lenitatem in satisfaciendo. Irasci autem intempestiuè accedentibus, aut inepta rogantibus, & in morositatem quandam inutilem, & odiosam incidere, leuioris est animi, & qui nec alios ferre, nec seipsum vincere queat. Quotcirca id omnino fugiendum Cardinali, contraque studendum, ut nomen habeat hominis blandi, ac facilis, & cuius animus, & aures omnibus pateant, qui velint, & quamdiu velint.

Hoc autem quanti fieri, & quàm studiosè retineri debeat à Præ-

à Præfato, eoque magis, quo fuerit eminentior, indicat S. Nazianzenus, qui in laudatione magni Arhanasij, hoc præter cætera commemorat, tanquam magnum, quod esset vita sublimis, animo humilis, atque ea quidem virtutis excellentia, ut nemo ad eum aspirare posset, sed simul ea comitate, ut eius congressus, & colloquium esset omnibus expositum, essetque sermone iucundus, iucundior moribus. neque in eo vel mollities dissoluta, nec seueritas fastuosa, & importuna appareret.

Reliqua est beneficentia virtus omnino Principe digna, quoniam nihil est quò propius ad Deum accedat cuius natura est semper benefacere. Sed hæc quidem beneficentia in proximum, ut sapienter scripsit S. Ambrosius, duplici in genere est, vna quæ pecunia, & subsidio rei adiuuat, altera, quæ opere impenditur, ut dando consilio, eripiendo ex periculis, reconciliando inimicos potentiores, & alijs huiusmodi factis, quibus non inopes modo, sed ditiores etiã interdum egent. Itaque verum est, quod S. Ambrosius addit, & si prior illa beneficentia magnopere laudatur, hanc tamen sæpe esse multo clariorem, & splendidiorem, quoniam altera ex arca, altera ex virtute depromitur, & pecuniæ largitio fontem ipsum benignitatis exhaurit, quia quo plus impenditur, & consumitur, eo minus restat ad erogandum: at qui opera, & industria, & facto ipso beneficos, & liberales se præstant, ipso usu, & exercitatione virtutis, quotidie paratiores fiunt, & promptiores. Quare hoc quoque charitatis genus exercendum est Cardinali, & præsertim in eos, qui maximè opis indigent, & tamen carent adiutore, ut sunt pauperes viduæ, & pueri orbi parentibus, & omnino omnes tenuis, & egentes. Quo loco opere pretium puto Elzearij Comititis, ac Principis præclari institutum commemorare, ut ex Principe seculari eo magis discant Ecclesiastici, quid in hoc genere eos facere oporteat. Hic enim cum præter proprias opes in magna esset gratia apud Robertum Galliarum Regem. itemque apud Carolum eius

eius filium qui Neapolitanum Regnum pro Patre administrabat, & apud eum omnia posset: nimirum lautissima munera, & ditissima ad eum quotidie deferbantur, sed ille omnia constanter repudiabat, cum diceret, etiam si non ignoraret, posse se sine culpa accipere, vereri tamen ne suo exemplo alij mouerentur, qui deinde etiam cum culpa acciperent. Itaque cum aliquando ex cubiculo suo ita auditus esset orare. Domine tu mihi in cœlo debes centum auri uncias, itemque duos pannos purpureos. interrogatus quid hoc sibi vellet respondit, quia illo die ea munera sibi oblata respuisset. Cum autem videret pauperum causas, & negocia in aula negligi, miseratione commotus accessit ad Principem, magnopere petens, ut se pauperum aduocatum constitueret. Quod cum impetrasset, ea procuratore tamquam Regno adepto latus, grandiusculum sacculum fieri iussit, in quem supplices omnium libellos conijciebat, eaque re vulgata, tantus ad eum concursus inopum fieri cœptus est, ut quoties domum rediret, vix ianuam posset ingredi. Atque id quidem munus omni studio exequebatur, audiebat eos diligenter, & sedatè, etiamsi superflua, & inepta proponerent. Quin etiam cum semel in eo esset, ut lotis manibus mensæ accumberet, importune quidam accedens, quæsiuit quid de suo libello factum esset. At ille expectare eum iubens, surgit è mensa, statimque in curiam properat, confectoque negotio reuersus, cum pauperi homini satisfacisset, tum demum resedit. Hæc autem erat eius vita, hæc oblectatio. Idem igitur conuenit bono, & pio Cardinali, ut potentiam, & auctoritatem suam, ad eos præcipue subleuandos conferat, qui præsidio destituti sunt & hoc nomen Aduocati pauperum magis sibi conuenire, magisque gloriosum esse existimet, quàm vllum alium titulum: Et merito cum etiam Deus ipse hoc eodem inopum, & miserorum patrociniò tantopere glorietur. Verum id malum est quod contra sit à plerisque, à quibus enim tuam gratiam, & remunerationem sperant, ijs potissimum inser-

inferuiunt. Itaque si alter Cardinalis non dico petierit, sed innuerit, omne studium adhibetur, nullo labori parci-
tur. Si verò vir tenuis egeat, ne multæ quidem preces suf-
ficiunt. Quare illa quidem non benignitas, aut charitas,
existimanda est, sed mercatura suarum vtilitatum, si hono-
rem spester, ambitionis, si lucrum, auaritiæ, & qui ita fe-
cerint, in eos quoque illud Domini conuenit. Receperunt ^{Matt. 6.}
mercedem suam. Neque verò minus necessaria est Cardi-
nalibus altera illa pars beneficentiæ, quæ consistit in dan-
do. Sic enim ait S. Antoninus debere eos scire se patres ^{p. 3. tit. 22.}
esse pauperum, & præsertim religiosorum. B. Bernardus ^{c. 2. Epist. 42.}
autem de Prælatiis omnibus, quod æque, aut etiam præci-
pue, conuenit Cardinalibus ita nudos, atque famelicos cla-
mantes, & queritantes inducit. Nobis frigore, & fame
laborantibus, quid conferant tot mutatoria, vel extensa
in porticis, vel plicata in manticis? Nostrium est quod ef-
funditis, nobis crudeliter subtrahitur, quod inaniter expen-
ditis. Et nos Dei psalmatio, & nos sanguine Christi re-
dempti sumus. Nos ergo fratres vestri. Videte quale sit
de fraterna portione palcere oculos vestros. Vita nostra
cedit in superfluas copias vestras. Nostriis necessitatibus
detrahitur, quicquid accedit vanitatibus vestris. Duo de-
nique mala de vna prodeunt radice cupiditatis, dum &
vos vanitando peritis, & nos spoliando perimitis. Huc ac-
cedit, quod hæc omnia, nec negotiationis studio, nec pro-
prio manuum exercitio vobis elaborastis, sed nec iure he-
reditario possidetis. Hæc & alia plura S. Bernardus in hanc
eandem sententiam, quæ demum ita concludit, nunc qui-
dem pauperes hæc corde tantum coram Deo loqui, cæte-
rum, inquit, in futuro stabunt, in magna constantia aduer-
sus eos, qui se angustiauerunt, stante quippe pro eis Patre
orphanorum, & iudicè viduarum. Quare nihil potest esse
dubitationis quin inter reliqua ornamenta boni Cardina-
lis, hæc etiam liberalitas requiratur, & quidem non vt or-
namentum voluntarium, sed vt necessarium. Itaque & si ea
quo-

quoq; largitas referenda est ad facultates, tamen si in alter
utro excedendum sit, satius est excedere in hanc partem
quam & alijs vtiliorem, & Deo gratiorem scimus, cuius
prouidentia, & curæ, si semper confidendum est, multo ma-
gis hac etiam causa adiuuante. Ex quo est illud D. Am-
brosij non auctoritatem solum, sed etiam experientiam as-
ferentis. Scio, inquit, plerolq; Sacerdotes, quo plus con-
tulerunt, plus abundasse.

*Quid Cardinalis seruare debeat erga suam
familiam. Cap. XXIII.*

POST hoc generale, & commune officium,
quod à Cardinali debetur hominum com-
munitati, est etiam aliud magis proprium, &
præcipuum familiæ debitum. Vt enim fa-
milia seruitium, fidem, studiumque ei im-
pendit, sic ipsum familiæ curam, amorem, remunerationē
rependere oportet. Prima autem cura esse debet in admit-
tendo, Multi enim le importunè ingerunt; multi aditum
querunt per amicos potentes, & quibus negari vix possit.
Quare si ex aliorum arbitratu, aut precibus, & gratia om-
nes recipiantur, sine dubio non aula erit, sed sentina vitio-
rum. Est igitur hic delectus adhibendus, præsertim cum
multi occurrunt (quod ferè euenit) vt aptissimi, & optimi
quique seligantur; Nec valet ea ratio, vt quemadmodum
si pingendum, aut ædificandum sit, sufficit vtrique rei bo-
num artificem inuenire. nec refert quibus sit moribus. sic in
domesticis ministris satis esse si in suo genere, vt Occonomi
aut Cubicularij, suum quisque munus expleat, cætera non
adeo esse curanda. Non placet, inquam, nec consentaneū
est. Aliud enim est alicuius operā conducere, aliud etiam
in suorum numerum recipere, illi enim nihil amplius ad
conductorem pertinent, horum autem non solum facta, sed
etiam

etiam dicta præstanda sunt. Et quidem in ijs, qui domi nascuntur, ut in liberis, non est huic discrimini locus, sed accipiendi sunt quicumque sunt: at eorum qui iudicio eliguntur debet omnino magna haberi ratio, præsertim à Prælato & tanto Prælato, quantus est Cardinalis, idque tum eius officium, tum etiam bona existimatio requirit. Quam ob causam prudenter S. Hieronymus ei præcipit, quem ad perfectam Clerici vitam instituit. Tales, inquit, habeto socios, quorum contubernio non infameris. Hoc faciebat Carolus ille Borromeus quem accepimus adeo diligentem fuisse in hoc genere, ut neminem in suum reciperet gregem quem non lentè ac cunctanter periclitatus esset. Nam nisi omnino essent ex diuturna familiaritate perspecti, eos ad menses aliquot in alia quadam domo retinebat ubi planè perspiceret, quales essent. Quod & si communiter factum difficile est nec semper necessarium, tamen hanc partem omnes imitari oporteret, ut non nimium faciles se præberent in recipiendo, sed potius ex bonorum, & fidelium hominum testimonijs studerent, vnumquemque cognoscere. Hæc igitur prima debet esse cura.

Epist. 2.

Altera deinde est, postquam in domo fuerint, ut vitam ducant quam oportet. à qua cura non debet Cardinalis existimare se immunem esse. Immo verò ut ait S. Antoninus peccat si non provideat, ut familia quam habet sit honesta, non vacans comotationibus non obscenitatibus, non rixis, aut inimicijs, nec etiam adulationibus. Quod eo magis providendum, & curandum est, quia in aula ut plurimum haud ita multum loci est virtuti, & frequentius vigent vitia, verumque est quod à S. Bernardo scriptum est: Curia bonos facilins recipere magis, quàm facere consuevit. Et Pius I. Pontifex vir magno ingenio, elegantique doctrina, cuius multa feruntur sapienter dicta, hoc etiam inter reliqua dicere solebat, ut in mare flumina omnia, sic omnia vitia in aulas magnas præsertim confluere solent. Cum igitur hoc ita sit, officium est Cardinalis, ut non mo-

p. 3. tit. 2. c. 2.

4. de cog. fid.

T do

do vigilet pro domo sua, sed etiam hoc ita faciat, vt sciatur eum vigilare, & hæc sit opinio eum inimicum fore omnibus vitiosis. Nam hic metus absterrebit à peccando, & cum initio id metu fecerint, paulatim deinde virtutis capri dulcedine assuescent sponte facere, quod faciunt. Hæc enim hominis natura, hæc vis est consuetudinis. Quare hoc plane faciendum Cardinalibus, vt quoad diligentia, ac prudentia conniti possunt, omnia vitia domo sua exturbent, nec committant, vt cum Dei se seruos esse profiteantur. Dei hostes domi suæ alant, & alant ex eo ipso, quod à Deo accipiunt, & præsertim Ecclesiasticis opibus, quæ sunt Deo consecratæ. Videamus quid de se ipso prædicet Dauid in eo psalmo, quo boni principis formam describit. Superbo oculo, & insatiabili corde, cum hoc non edebam. Superbiam primum, & avaritiam remouet, & qui his vitijs laborent cum his, ne cibum quidem capere se posse profitetur. Addit deinde quos ad suum obsequium adscisceret, Oculi mei ad fideles terræ, ambulans in via immaculata, hic mihi missi strabat: quasi diceret, ita se viros integros inquirere solere, vt vbi cumque terrarum essent ad se aduocaret. Non habitabit in medio domus meæ, qui facit superbiam, qui loquitur iniqua, non direxit in conspectu oculorum meorum, id est, nullo apud me loco fuit, nulla gratia. Hoc igitur si faciebat princeps laicus; nõ multo magis faciat princeps Ecclesiasticus? Certe S. Bernardus etiam à Summo Pontifice id exigit inter reliquas curas totius orbis terrarū. Sic enim ad Eugenium. Sunt, inquit, quæ te ignorare nolim, mores quorumque, & studia. Non oportet vt vitia domus tuæ vltimus scias, quod quamplurimis nouimus contigisse. Quapropter alius alia dispensat, de disciplina tu provide, illud nemini credas, si insolentior coram te sermo sonuerit, vel habitus apparuerit, manus tua super eiusmodi, tu vlscere iniuriam tuam. Impunitas ausum parit, ausus excessum. Domum Episcopi decet sanctitudo, decet honestas, horum disciplina custos. In vultu, in habitu in incessu illorum, qui

Psal. 100.

Lib. 4.
consid.

circa

circa te sunt, nihil residere impudicum, nihil indecens patiaris. Hæc Bernardus. De sancto Elzeario, cuius paulo ante mentionem fecimus, ita scriptum legimus, adeo fuisse seuerum, in disciplina familiæ, vt aperte diceret, nolle se quemquam suo pane vesci, quem mortali peccato implicatum sciret, idque exequebatur: statim enim expellebat; quem cognorat, turpe aliquid admisisse. Multas etiam leges præscripserat, quas ab omnibus volebat seruari & hanc inter alias, vt omnes aulici, ac milites quoque, quos domi habebat singulis hebdomadis peccata confessione expiant. blasphemias autem, immo vero Sacramenta leuiter ac temere pronunciata, nullo modo tolerabat. Quin etiam sanxerat, ne quisquam alterum offenderet, quod si faceret, statim in gratiam rediret, volebatq. omnes in summa pace & concordia degere. Quamobrem non est quod quisquam difficultatem excuset, aut dicat non posse aulas reformari, vel præscribi leges aulicis. Nam si hic omnino Laicus, & vxorij vinculis impeditus, addo etiam in ipso feruore ætatis (sic enim accepimus) hæc omnia tam bene intelligere, atque etiam exequi potuit, quomodo non turpe sit in eo statu, qui peculiari quadam ratione Deo est consecratus, non hæc eadem, aut æque, aut etiam melius efficere? Adsit modo voluntas patris familias, qua nihil efficacius ad seruos quaua versus impellendos. Nam si ea se ostenderit, omnia plana, & expedita erunt. Itaque optima est ea regula, & ab omnibus vtique Cardinalibus curanda, quam Borromeus proponit in illa ad Battorem Cardinalem Epistola, quam sæpe protulimus. Curabis, inquit, familiam castam, nec patieris inter domesticos tuos quempiam viuere, cuius non modo impudica sint facta, sed cuius etiam non sint verba, & mores admodum pudici, habeasque domi probatæ virtutis viros, qui in hanc rem inuigilent, & qui te crebro de domesticorum vita commune faciant. Modestia in verbis, & cultu corporis cernatur. Insuper curabis vt iuramenta à familia tua absint, turpes

sermone, scurriles ioci, conuicia, contumelia, & omnium verborum genera, quæ alios lædant, inter tuos nec dici, neq. audiri sines. Vestitus autem & si decens esse poterit, cauebis tamen vt à familia viri Ecclesiastici procul sit is corporis ornatus, quo milites, & prophani iuuenes vti solent. Nihil itaque quod vanitatem, & ostentationem præ se ferat in tuo, & tuorum ornatu conspiciatur. Hactenus Borromeus, quibus vnum addere libet, quod ad vestitum attinget, decere omnino Cardinalem, vt eius affectus si non omnes, quod ipse Borromeus faciebat, saltem magna ex parte clericali habitu vtantur; hoc enim & granitatem re- dolet, & illis ipsis quandam maioris modestiæ necessitatem imponit, & magis etiam conuenit Cardinali. Vt enim dedeceret, si prophano Principi clerici multi famularentur, sic etiam non video, cur non indecorum sit, plures laicos versari in Ecclesiastici Principis comitatu; sed de familiæ moribus formandis, satis dictum est, si vnum illud addidero, nullam aptiorem, aut compendiosiore esse ad hoc efficiendum viam, quam si Cardinalis ipsius exemplū præluceat in omni virtute. Nam & hoc efficacius ad mouendum, & alioquin frustra in alijs inducere conabitur eā formam, à qua ipsius mores dissideant, & quantum verbis, ac præceptis efficere studebit, in suis tantum destruet factis.

Atque hæc quidem cura de qua hactenus diximus, ad animum spectat, & ad diuina. Verum est etiam aliqua cura impendenda corporibus. idque necessarium est, quoniam neque aliter esset, qui seruitutis laborem perferret, & ipsa iustitia, æquitas hoc requirit, vt labori, & seruitio sua reddatur merces. Itaque recte Bernardus ad Eugenium. Neccessaria inquit, de manu tua accipiunt, his contenti sint; tu vide ne egeant. Quare conuenit utiq. Cardinali, vt domesticis famulis honesta constituat salaria, arque eos etiam reliqua omni liberalitate prosequatur, quam facultas, & vires sineat. In quo genere plurimum

cniuit,

Lib. 4. de
confid.

enituit, vt in cæteris Caroli Borromei virtus, quem scimus, idque adhuc tradunt eius intimi, amasse suos omnes, non vt seruos, sed vt filios, & fratres, & largè suppeditasse quæ oportebat, quin etiam quanquam nollet ab vlllo sibi serui-ri, spe vllius beneficij Ecclesiastici, omnium tamen merita pro ratione personarum, atque pro meritis cumulatè remunerabatur. Insuper etiam consueuerat quorquot domi habebat alloqui, interdum etiam cum singulis colloqui, etiã infimis, atque ex ipso stabulo, aut coquina, vt resciret quomodo tractarentur, & an alicui fieret iniuria. Illud verò optimum, & ab omnibus Cardinalibus ita accipiendum, vt formula imperitandi suis, quod cū ipse in seipsum adeò seuerus esset, tamen in famulos omnem moderationem tenebat. Itaque cum nocte ad sua studia surgebat, ne cuiquam onerosius esset, ipsemet manu sua lumen petebat ex lampade, quam ob hanc ipsam causam in suo cubiculo ardere perpetuo volebat. ipse quoque cum maturum erat anagnosti suo lumen deferebat, sed silentio, ne dormientem excitaret, vt cum per se expergisceretur, accensam inueniret lucernam. Idem etiam cum aliquis suorum ægro-aret, iubebat eum omnino quàm diligentissimè curari, ci-que muneri certos homines peritos, & charitate flagrantès præfecerat, ac subinde ab alijs domesticis visitari volebat, & ipsemet etiam visitabat, non solum nobiliores, sed infimos, tanta comitate, suauitate, vt nemo esset, cui non illa domini sui humanitas morbum leuare videretur. Hęc vberius idcirco commemorauimus, quoniam meo iudicio non tam exempli vim habent, quam præcepti, nec melius, aut aptius aliquid in hoc toto genere tradi potest. Eadem etiã laus tribuitur Iuliano illi Cæsarino Cardinali, qui cum paruos admodum haberet redditus, quantum scilicet ex gale-ro, atque ex tenui quadam Ecclesia percipiebat, mediocrè etiam alebat familiam, non amplius quàm triginta hominum, sed hanc præcipuo quodam amore complectebatur, ac fouebat, in moribus ipse quoque tum necessaria prebe-
bat

bat omnia, tū etiam ultro inuisebat, & consolabatur ægros, multisq; contigit, vt in eius manibus cum magno suo solatio spiritum Deo redderent. Verum huc etiam pertinet facilitas quædam in tolerando, quæ inter domesticas virtutes, vel maximè Cardinalem ornat, & est index insitæ grauitatis, vt contra impatientia, & morositas indicat leuitatem, & ad multas adigit ineptias. Itaq; multum hoc nomine laudatus est Pius Secundus de quo paulo ante diximus, quem ferunt hanc humanitatem in omnes famulos præcipue tenuisse, & cum inscitia, aut etiam ignauia, & negligentia peccarent, paterna potius charitate admonere, quam seuera obiurgatione excipere solitum. Sed in hac quam dicimus humanitate illud obseruandum video, vt sit quàm maximè communis omnibus: quæ enim paucis quibusdam aut etiam vni defertur, ea quidem reliquis in grata, & odiosa est. Itaque in familia gubernanda hoc etiam ipsum curandum à Cardinali, ne se nimium dedat vlli ex suis, ac nimis familiariter eum adhibeat, quantumuis probum, ac fidelem nactus sibi videatur. Hoc enim multorū in aulis malorum seminarium esse solet, inuidiæ, æmulationis, delationum, iurgiorum, sermonum, qui non in eos mor- do, qui sic amantur, sed in ipsum Principem erumpunt, quoniam omnes indignè ferunt vnum sibi adeo præferri, ex quo fit vt Cardinalis vnum sui amantem, reliquos à se alienos, & penè inimicos alat. Deinde illi etiam qui sic cæteris præferuntur, vt plurimum insolescunt illo fauore inflati, sensimque non solum in alios, sed in ipsum etiam dominum dominantur. Quod si nihil horum esset, tamen ipsa species serui tam gratiosi non decet Cardinalem, nec vllam habet dignitatem, aut prudentiæ, vel grauitatis significationem, eoque magis si ex propensa voluntate, non ex ratione aliqua aut ex alterius meriti, vel officij, quod gerat, necessitate, familiaritas tanta proueniat, maxime verò si illum malis etiam artibus, vt sæpe usu venit, in eam se se insinuas- se appareat.

Quid

*Quid Cardinali seruandum sit erga suos
propinquos. Cap. XXIV.*

DEINCEPS videndum quo se modo
geret Cardinalis aduersus cōsanguineos,
& propinquos. In quo quidem vna est
difficultas, vnum periculum ab illa natu-
rali propemodum, & insita cupiditate
augendi quàm maximè eos, & ornandi.
Quare hoc iam tractandum quid in hoc genere liceat, quid
non liceat. Incipiendum est autem ab illa quæstione, quā
in scholis accuratè tractari videmus, an qui Ecclesiasticis
bonis fruuntur, eorum fructuum, ac prouentuum sint do-
mini, an vero vsus tantum sit eis concessus. Neque tamen
præsentis est loci controuersiam hanc definire, quoniam
alterutra vera sit harum sententiarum, idem plane sequi-
tur, quod ad rem nostram facit; Nam si dominium non
habent, nihil sunt aliud, quam administratores, in quo
hæc fides, & integritas requiritur, vt non possint abuti, non
ad libitum profundere, aut cui velint erogare, sed vt rem
alienam castè, sobrièque dispensent. Si verò dominium
habeant, tamen nemini dubitare licet, quin ea, quæ vitæ,
& statui superflua sunt, in pauperum alimenta impendi
oporteat, quoniam ad hunc videlicet finem sunt hi reddi-
tus instituti. Quod sanè non ita accipiendum est, cum ex-
trema occurrit necessitas, hæc enim vel sæculares ipsos obli-
gat, quorum facultates prophanæ, & propriæ sunt. Ab
Ecclesiasticis autem hoc amplius requiritur, vt etiam pau-
peribus in egestate subueniant, Hoc igitur posito, quod
adeo certum, & apertum est, illud etiam apertè sequitur,
fas non esse, ista superflua seruare, ad suas vel suorum di-
uitias cumulandas, aut ad eorum statum augendum, & pro-
mouendum, idque ob eam causam qua diximus. Itaque
Vrba-

Urbanus Pontifex. Res, inquit fidelium, quæ domino offeruntur, non debent in alijs vñibus, quam Ecclesiasticis, & Christianorum fratrum, vel indigentium conuerti, quia vota sunt fidelium, & pretia peccatorum, & patrimonia pauperum. Quare hoc stabiliendum, & pro certo habendum, non posse omnino Cardinalem sine magna culpa ex Ecclesiasticis opibus propinquos suos locupletare. Quocirca recte monet S. Antoninus. Non thesaurizent, nec tribuant consanguineis plusquam indigent, & plusquam eis congruit. Et Turrecremata cum Cardinalium peccata commemoraret, hoc quoque inter præcipua ponit, Cū dilant, inquit, patrimonia ex redditibus Ecclesiæ, emendo villas, & possessiones, & castra suis consanguineis, & eos ditando. Neque vero excusantur, quoniam simul etiam aliquas eleemosynas pauperibus tribuant, cum hæc sit pars minima atq; deterrima. Dant enim pauperibus vilissima quæque, propinquis optima, & maxima. Hæc ille iisdem verbis. Idem docent etiam Canonistæ ipsi, ut Andreas Barbatius in eo libro quem scripsit ad Bessarionem Cardinalem eo tempore Bononiæ Legatum. Hic igitur ita sentit, quicquid Cardinalis acquirat ex Cardinalatu, acquiri Ecclesiæ, nec donare posse, nisi exiguam partem. Quod si ex ea pecunia emerit bona, illa bona Ecclesiæ deberi, immò verò si in ipso paterno solo ædificarit, non tantum id quod ædificauit, sed etiam solum ipsum Ecclesiæ cedere. Addit etiam alio loco, hoc eo certius esse, si quis eo tempore quo ad Cardinalatum prouectus est, non habuit propria bona: si verò dubium sit, an habuerit, tum præiudicium esse pro Ecclesia. Narrat præterea hanc ipsam quæstionem, vsu venisse sua ætate, cum Cardinalis Pergamenensis Fratris filio magnam fecisset donationem, quam ait à Iurisconsultis Mediolanensibus irritam, & inuolidam esse iudicatam, quorum sententiæ ipse quoque subscribit, eamque pluribus deinde confirmat; Denique illud etiam disputat, an Summus Pontifex concedere possit Cardinali

testan-

p. 7. tit. 21.
c. 2.

a. de Eccl.
c. 16.

De Card
p. 1. q. 11.

p. 1. p. 3.

p. 1. q. 4.

testandi facultatem, de rebus ex Cardinalatu quæsitis: multa que affert cur non possit, quia cum hæc bona Ecclesiæ sint, non debet ea suo iure priuari: quod si concedat, ita intelligi debere ad pias tantummodo causas, & ad elemosynas faciendas, siue ad remunerandos benemeritos: non autem ad locupletandos propinquos. Hæc ille, nec solus. Eadem enim sentiunt non modo Theologi, sed etiam Iurisperiti, omnes plane, quos adhuc de Cardinalium statu scripsisse comperi, ut Iacobatius, qui item Cardinalis ipse fuit in libro de Concilijs. Hieronymus Manfredus, Hieronymus Albanus, uterque in opusculo de Cardinalibus. Ita enim affirmant omnes, eam Pontificis concessionem debere intelligi penes iuris Canonici definitionem, nimirum ad pias causas. Immo vero hoc etiam addere non dubitant, qui secus faciat, cum quidem in exteriori foro tutum futurum propter Pontificiam auctoritatem, sed non ita tutum in foro illo conscientie interiori. Quid autem refert in hominum tribunalibus vincere causam, quam deinde perdas in Dei tribunali? præsertim cum illic pecuniam, aut prædium vincas, hic autem animam in perpetuum perdas. Sed quid Doctorum hominum sententias colligimus, cum videamus, quid sacri Canones, & sacra Concilia definiant? Extat Canon ex Synodo septima. Quisquis Episcopus aliquid transtulerit extra Ecclesiam, irritum sit. Non liceat ei fraudare quicquam ex illis, vel cognatis proprijs donare, quæ Dei sunt. Quod si pauperes fuerint, ut pauperibus largiatur, sed non sub horum occasione, quæ sunt Ecclesiæ defraudentur. Hæc illo loco. planum est autem quid sit largiri ut pauperibus, id est, si verè egeant, & præterea particulam duntaxat aliquam. Quo pertinet etiam illud ex Concilio Toletano. Quicumque Pontificum, aut sanguine propinquis, aut favore personis quibuscumque sibi coniunctis talia lucra commendare tentauerit, irritum sit, &

Lib. 1. fol.

23.

Decret. 131.

Quest. 48.

c. quisquis

12. q. 2.

d. 89. c.

Deuter.

c. peruenit.
4. q. 3.

Sess. 25 c. 1

per annum excommunicationi subiaceat. Et alibi. Quicumque Episcopus decimas, & oblationes Laicis conferat, & famulis, vel quod grauius est, consanguineis, inter maximos hæreticos, & inter antichristos non minimus habeatur. Denique quod grauissimum est, idem etiam decernitur apertissime in Tridentino Concilio. Quam maxime, inquit, potest eos sancta Synodus moneri, ut omnē humanum affectum, unde multorum malorum in Ecclesia seminarium extat, penitus deponant, omnino eis interdicit, ne ex redditibus Ecclesiæ consanguineos familiaresque suos augere studeant, sed si pauperes sint, ijs ut pauperibus distribuant. Hæc ad Episcopos, sed statim additur, eadem quoque præscribi Cardinalibus, & quidem multo etiam magis.

Sed tamen ne nimis seuerè agere videamur, & potius ut quantum fas sit, veritasque permittat, humanæ infirmitati indulgeamus, consideremus, nunc quid liceat, & quatenus liceat Cardinali conferre in suos. Primum igitur etiam si non egeant, dare eis liceret, quod sibi Cardinalis parcè viuendo ex suæ personæ decoro detraheret, Sic enim habet res, ut dicunt Theologi, de Monacho iter faciente, posse eum eleemosynam dare ex eo, quod sua parsimonia, suo ipsius victui detrahit. Deinde ex multorum sententia excipiuntur pensiones quæ cum secularium ferè reddituum loco habeantur vix maiorem Clericis obligationem afferre posse videntur quàm faciant ipsi redditus seculares maximè si ut fieri solet ad congruam, decentemque sustentationem assignatæ sint. Nam si quis parcius fortè frugaliusque viuens curauerit ut ex assignatis sibi ad victum pensionibus aliquid supersit, certè id quod superest ita suum facit, ut possit in quemcumque voluerit etiam non egentem transferre, iuxta regulam quam mox posuimus. Præterea hi quoque excipiuntur, qui patrimonia habent, ex quibus viuere possint, tum
enim

enim nihil impedit, quominus se ex Ecclesiæ sustentent redditibus, proprios verò redditus conferuent, ijsq; vt libet, vtantur. Quo nomine non ea tantum comprehenduntur, quæ sunt ex patrimonio, sed etiam alia quæ Cardinalis sua quæsiuit industria, non ab Ecclesia prouenerunt: comprehenduntur item quæ hæreditate relicta essent, non vt Cardinali sed vt affini, aut amico. Sic enim Albanus, qui tamen addit, re dubia, potius iudicandum pro Ecclesia. Postremo potest etiam dari consanguineis cum egent, perinde atque alijs. Nam ea sine dubio vera, & iusta est eleemosyna. Immo vero alijs etiam pauperibus præferri, & possunt, & debent. Tantum videndum est Cardinali, ne se ab humanis affectibus decipi, & transuersum agi sinat. Nam hoc vtrunque bene à S. Ambrosio præcipitur, vt nec deserantur cognati cum opus est, nec plus detur, quam opus sit. Est etiam illa, inquit, probanda liberalitas, vt proximos seminis tui non despicias, si egere cognoscas. Melius est enim vt ipse subuenias tuis, non tamen vt illi ditiores fieri velint. Neque enim propterea te Deo dicasti, vt tuos diuites facias, sed vt vitam tibi perpetuam fructu boni operis acquiras, & pretio miserationis peccata redimas tua. Putant se parum poscere, pretium tuum quærun't vitæ tuæ fructum adimere, contendunt. Et accusant quod eum diuitem non feceris, cum te ille velit æternæ vitæ fraudare mercede. Hæc Ambrosius ad Clericos; quod quidem ad rem facit; Est autem in hoc eius dicto illud magnopere obseruandū, quod propinquos ait cum ab Ecclesiastico de bonis Ecclesiæ accipiunt, fraudare eū æternæ vitæ mercede: ex quo item apparet, quam graui suo damno alijs benefaciat. Quare eo subtilius videndum, vt subleuetur necessitas, non vt expleatur cupiditas. Intelligendum est igitur duplicem esse posse egestatem in propinquis, vnā cum desunt necessaria vitæ, alterā cum desunt necessaria personæ. Vtrique

De Card.

1.1.

1. off. c. 30.

igitur licebit, vt Cardinalis subueniat, non solum si propinqui non habuerint vnde uiuant, sed etiam si non habuerint vnde decenter viuant, & conuenienter loco, & conditioni suæ. Quare si nobilis familia, & olim honesta, & copiosa, ad eam venisset inopiam, vt ea non suppeterent, quæ communiter habent iij, qui eiusdem nobilitatis sunt, tunc sanè fas esset Cardinali iacentem erigere atq; etiam in pristinum statum reuocare, nimirum, vt sumptus habeat congruentes suæ nobilitati. At vero ex hoc gradu eam extollere, & in alium eminentiorem transferre, præsertim si magna sit distantia, hoc sanè non licet idque prohibent eæ leges, quas supra protulimus. Illud fortasse Cardinalis amplitudini concedendum esset, si consanguineos haberet plebeios, aut opifices, ita eos iuuare vt ad conditionem paulo lautiozem emergerent. Quod verò amplius est, nimium est, & omnino prohibitum. Immo verò hoc etiam monendus est Cardinalis, vt in eo ipso quod egenibus suis benignè facit, meminerit non naturali amore, propinquitatis duci ad benigne faciendū, sed studio Christianæ charitatis. Nam qui hoc naturæ duntaxat affectu impellitur, perdit meritum apud Deum. Potius igitur quod facit, faciat ex vera charitate, vt sit vera eleemosyna, nec diuina mercede frustretur. Postremo ad hoc idem caput de propinquis, illa quoque mala consuetudo pertinet, vt si quis Ecclesiasticos aliquos redditus adeptus, ita negocium instituatur, vt ijs maturè alteri consanguineo semper resignatis de manu in manum transferantur, ne vnquā ex domo illa exeant. Quod quid est aliud, quàm quod in simili re, ait S. Bernardus in psalmo notari, cum dicitur. Hæreditate possideamus sanctuarium Dei? Sic enim res Deo consecratæ, quæ ex merito, & electione tribuendæ essent, fiunt ferè hæreditariæ, atque perpetuæ. Quod quidem eo deterius est, cum, vt sæpe euenit, ad indignos, aut certè minus dignos perueniunt.

In vita S.
Malach.

240.

Quomodo Cardinalis nimium affectum in propinquos temperare possit. Cap. XXV.



ON puto restare iam ulli dubitationem, quin haud parum à Cardinali peccetur, cum Ecclesiasticas opes ad suorum statum amplificandum, illustrandumque confert. Sed superest ut hoc quod rationi persuasum est, persuadeatur etiam voluntati.

Est enim hic locus lubricus si quis alius, nec fere in alia re difficilius se tenere possunt Cardinales ne labantur; primum propter naturalem propensionem, quæ est omnibus innata erga sanguine iunctos, eoque magis, quod propius nos cognatione contingunt: deinde ob amorem etiam sui ipsorum. Nam ut quisque etiam post mortem se in sua posteritate vivere arbitrat, ita non se satis illustrem putat, nisi etiam posteros relinquit illustres. Postremo accedunt exempla aliorum, adeo iam multiplicata: accedit consuetudo tam inueterata, ut penè vim legis obtinuerit, & nemo ferè sit, qui in via tam trita errare se à recta via existimet. Quare cum tam multi stimuli, & tam magna incitamenta concurrant, nil mirum si hæc pugna adeo difficilis, & laboriosa sit, etiam probis Cardinalibus. Sed tamen nihil est quod non æquitatis, & iustitiæ, & religionis amor superare debeat. Etenim si verè creditur quod à nobis superiori capite demonstratum est, offendi Deum, cur non hoc vnum sufficiat ad omnes ab re huiusmodi deterrendos? Nam si hoc gregarium quemlibet, & vulgarem Christianum mouere deberet, ne aliquid faciat contra Dei creatoris, & summi dominatoris rectissimam voluntatem, quanto magis cum, qui in ipso culmine omnis perfectionis versatur, idque statu, officio, & vestitu ipso

p^{de} cōfid.

so profitetur. Rectè autem S. Bernardus, & luculentè huius culpæ indignitatem, & peruersitatem, ante oculos proponit, cum ita de Cardinalibus loquitur. Qui non inquit, de dote viduæ, & patrimonio crucifixi, se vel suos ditare festinent. Viduam vocat Ecclesiam, quasi orbam suo sponso Christo, qui in cœlum abiit, eius autem dotem facultates, quibus illa instructa est, quas etiam eadem patrimonium crucifixi appellat, quoniam hæc quoque bona Christi sanguis adeptus est. ideoque idem S. Bernardus alio loco. De altari inquit, viuat, non superbiat, non luxurietur, denique non ditetur, nec contra Sancti cuiusdam planè dignam omni acceptione sententiā, ex clericatu ditior fiat. Non sibi de bonis Ecclesiæ ampla palatia fabricet, nec loculos inde congreget, nec in vanitare, aut superfluitate dispergat, non extollat de facultatibus Ecclesiæ consanguineos suos, aut neptes (ne filias dixerim) nuptui tradat. Simile est etiam, eandemque vim habet, quod est apud Hieronymum. Amico quippiam rapere furtum est, Ecclesiam fraudare, sacrilegium est, accepisse quod pauperibus erogandum sit, & esurientibus plurimis, vel cautum esse, aut timidum, aut quod apertissimi sceleris est aliquid inde subtrahere, omnium prædonum crudelitatem superat. Quid grauius, aut quid seuerius, magisque metuendum dici potuit? Sed est alia quoque ratio, quæ magnopere valere debet apud Cardinalem, propter ipsius commodum, & quidem magnum; Si enim hoc in animum inducet, vt superflua carnis, & sanguinis cura deposita, de se tantum, & de suo officio sollicitus sit, quanta tandem sollicitudine, quantis molestiis semetipsum eripiet? Quam facile integritatem innocentiam, iustitiamque seruabit? quam facile diuitiarum cupiditatem vincens, à muneribus temperabit? quoniam ipsi quidem satis pauca sufficient, iisque quasi vinculis solutus, ac liber, omnem suam cogitationem, ac meditationem in publicâ commoda confecti poterit.

Non ecce nos reliquimus.

Epist. 1.

poterit. Si verò Fratribus, & Sororibus, itemque eorum liberis, & omnibus denique qui gradum aliquem propinquitatis cum eo obtineant, dandum, & largiendum putet, dum id agitur, ut diuities, & pleni, & honorati relinquuntur, sit, ut desiderium habendi penè crescat infinitè, quod præter alias culpas hanc etiam habet, ut ea cura alias omnes curas meliores, & huic officio necessarias prorsus absorbeat. Quare hoc omnino apud se constituere debet Cardinalis, nisi se carnali hoc affectu, ut debet, exuerit, semper, & ipsum, et omnes eius actiones carnales fore: contra verò si exuerit, & eiecerit, facillimum ei Futurum, suam dignitatem ac splendorem tueri: Verum ut hoc efficiat, non ille terram, ac terrena respiciat, quæ sine dubio alliciunt, atque capiunt oculos animosque mortalium. Delectat enim videre suos in principum numerum relatos, honore, & rerum copia affluentes, delectant magnifici apparatus, & splendor vniuersæ familiæ, affinitates honoratæ, & matrimonia cum proceribus. Hæc sine dubio naturæ placent, & arrident. Sed si animus in cælum, & cœlestia erigatur, facile despicientur hæc omnia. Quid enim prodest homini si vniuersum mundum lucretur, animæ verò suæ detrimentum patiatur? Et quidem si quis sibi ipsi totum mundum acquireret, animam verò perderet, stultissimus esset, ac dementissimus. Quanto ergo dementior, qui eam perdit, aut periculo perdendi se exponit, non ob suam, sed ob alienam vtilitatem? Denique qui in hac parte errare nolit, oportet ut oculos à communi hominum more, & consuetudine auertat. Est enim nimis magna vis ad decipiendum in quotidianis aliorum exemplis. quoniam ita animos occupant, ut etiam si quid insit vicij, neuriquam aduertatur. Quare tum ab his auertendi sunt, ut dixi, oculi, tum conuertendi in eorum exempla, quæ quidem nunquam in Ecclesia defuere, qui se ab hoc affectu integros, & incorruptos præstiterunt. Coelestinus V.

Matt. 16.

2. lib. de
placit. ec-
cles. c. 15.

ut narrat Aluarus, cum audisset fratris filium in Curiam venisse, eijci statim iussit, & cum multi Cardinales deprecatores se interposuissent, multo labore, & precibus, hoc ad summum impetrarunt, ut ei simplex, ac tenue quoddam beneficium concederetur, quo ille accepto, statim remissus est domum. Ac ne quis hæc nimis vetera dicat, & obsoleta, extitit etiam nostris ferè temporibus memorabile factum Adriani Sexti, quem in propinquos vniuersos, ita moderatum fuisse ferunt, ut etiam quibusdam durior videretur. Nam patruelis filium in Senensi Gymnasio literis studentem, quod non vocatus, Romam venisset, confestim meritorio equo impositum remisit, & alios satis arcta affinitate coniunctos, qui ex Germania ad eum accurrerant, cum singulis sagum laneum, & mediocre viaticum donasset, pedibus item uti venerant, reuerti iussit. Quid Marcellus, qui & si paucissimis diebus Pontificatū tenuit, tamen hoc breui tempore specimen præbuit eius virtutis, quam deinceps sine dubio tenere decreuerat. Hic enim Pontifex factus neminem suorum Romam venire passus est, ne fratrem quidem Alexandrū, cuius etiam filios duos quos ipse Romæ educabat, à nemine salutari, rarò in publicum, nec nisi ad sacrum fete audiendum prodire permisit. Narrat etiam Onuphrius, qui fuit ei familiarissimus, eiusque intima consilia norat, fuisse ei deliberatum, & fixum, tantum fratri, eiusque liberis elargiri, quantum nobili alicui, eo loco nato habere conueniret, non tamen ut ultra priuatam conditionem se efferrent, nec ad vllam progreherentur dignitatem, immo verò de Ecclesiæ fructibus, ne assem quidem donare constituisset, nisi ex Cardinalium omnium sententia. Sed nihil illustrius Clemente Quarto, qui anno M CCL XV. Ecclesiæ Pastor electus hanc eandem constantiam admirabiliter tenuit. Sic enim memoriæ proditum est, eum duas habuisse filias ex legitimo matrimonio susceptas, quarum alteri, ut in Monasterio

rio collocaretur, triginta libras Turonenses, alteri ut nuberet trecentas numerari iussisse, ea lege, ut æqualis conditionis viro nuberet. Quin etiam cum nepotem haberet cui ipse quidem nihil vnquam dederat, sed Galliarum Antistites in gratiam Pontificis tres contulerant in eum Caponicatus. multis deinde rogantibus, ut aliqua eum dignitate cohonestaret, non modo nunquam adduci potuit, ut id faceret, sed eum ultro compulit, ut ex tribus illis beneficijs, vnum quod mallet retineret, reliqua resignaret. Verum hoc quoque iucundum fore, & fructuosum spero, si ipsam eius Epistolam, siue, ut vocant, Breue, ad nepotem Petrum Grossum, ascribamus, quod aliquantulo post eius obitum in cœnobio Dominicanorum Barchinonensi repertum est. Id autem sic habet. Multis de nostra promotione gaudentibus, nos soli sumus, qui certius immensitatem oneris experimur. Et idcirco quod alijs gaudiū, nobis metum subministrat, & æterum. Sane ut scias, qualiter his auditis, debeas te habere, scire te volumus, quod humilior solito debes esse, neque enim quod nos vehementer humiliat, debet nostros extollere, maxime cum honor huius sæculi momentaneus sit, & sicut ros transeat matutinus. Nec ad nos te, nec Fratrem tuum, vel ex alijs nostris aliquem venire volumus, sine nostro speciali mandato: quia tpe sua frustratus, si secus venire præsumeret, oporteret ut rediret confusus. Sed nec in sororis tuæ nuptijs gradum quæras propter nos altiore: nec enim nos haberes propitios, nec in aliquo adiutores. Si tamen eam filio militis simplicis desponsaueris, in trecentum libris Turonensibus tibi proponimus subuenire. Et si altiora quæsiueris, nec à nobis denarium speres vnum. Et hoc ipsum secretissimum esse volumus, & tibi, & matri solummodo notum esse. Illud etiam scias, quod nullum, nullamque de sanguine nostro, sub nostræ sublimationis obreptu insari volumus, sed tam Mobiliam, quam Cæciliam

liam illos viros habere volumus, quos haberent si essent in simplici clericatu. Sibyllam visita, & dic ei quod locum non mutet, sed remaneat apud Susam, & omnem maturitatem, & habitus honestatem obseruet, & preces apud nos pro aliquo non presumat assumere, nam & ei pro quo fierent, essent inutiles, & ipsis qui rogauerint, damnosa. Et si forte per aliquos ex hac causa munera offerrentur, ea respuat, si vult nostram gratiam retinere. Saluta matrem & fratres. Hæc ille: cuius auctoritas ut Pontificis, in tantis opibus, & potestate, multo magis Cardinalem de suo officio commoneere debet.

Mihi vero illud etiam hoc loco vel maxime notandum videtur, quod ex huius Pontificis quem modo dixi, & aliorum, qui idem fecerunt exemplo euidenter apparuit. Nam cum ij, qui cognatos, & propinquos ita prouehunt ob humanæ gloriæ illecebram id faciant, satis hinc discimus, multo hos gloriosiores factos esse ob hanc ipsam continentiam in suos, quam tot alios qui in hoc genere effusi fuere. Nam illi quidem tali facto, & tali virtutis indicio ita se etiam in hac vita nobilitarunt, ut non solum tacita hominum admiratione suspiciantur, sed etiam æterna cum laude, iucundaque commemoratione, in omnium ore versentur, quod certe tamdiu erit, quamdiu erit Ecclesia. Contra vero qui cognitionis amore victi in suos efferendos incubuere, quoniam ea res non virtutis est, sed potestatis, nihilque per se præclarum habet, nec ab vlllo propterea laudantur, & à multis, iisque sane melioribus vituperantur. Immo verò ne illud quidem quod volebant assequuti sunt, ut familias suas inter homines quàm celeberrimas redderent. Etenim ex tot Cardinalibus opulentis, qui hoc ipsum summo studio curarunt, quàm paucæ iam supersunt familiæ illorum opera locupletata, & adauctæ? sed contra potius eorum quoque domos, extinguitas, titulos oblitteratos, memoriam sepultam videmus;

eaque

Etque iusta & vera videtur poena, vt qui nomina sua in terris suis ponere voluerunt, etiam ex ipsa terra erantur, eorumque domus breuissimo tempore alia alijs casibus ad nihilum recidant. Quare hoc diligenter considerare debes frater charissime idemq; tibi euenire posse existima.

*Quid Cardinalis seruare debeat erga alios
Cardinales. Cap. XXVI.*



INTER alia Cardinalis officia, hoc quoque non mediocre, ac potius ex præcipuis est, quem se præstare debeat erga alios Cardinales. Hactenus enim de inferioribus dictum est, tum remotis, tum propinquioribus, vt sunt domestici, multoque magis cognati, & affines. Nunc de ijs, qui dignitate æquales, officio collegæ, coniunctione fratres ei sunt, sequitur vt dicamus. Ac de ijs quidem nihil est ferme aliud dicendum, nisi quod vno verbo monet Hieronymus Manfredus, debere omnes inter se esse quàm coniunctissimos vinculo intolubili benevolentia, & pacis, in procurando communi bono. Quàmobrem dissensiones, animorum alienationes, æmulationes, & reliqua eiusmodi quæ concordiam dirimunt, charitatem extinguunt, cum ab omnibus Christianis, tum vero ab hoc amplissimo ordine abesse debent quàm longissimè. Primum quia perfectionem profitentur, charitas autem est vinculum perfectionis. Deinde omnis inter eos rixa, & iurgium, aut etiam contentio eo deformior est, quo plures causæ necessitudinis, & concordia. Nam si similitudo amorem solet conciliare, quàm multæ hic similitudines, professionis, status, dignitatis, potestatis, suffragij, denique ipsius etiam habitus externi? Sed illud odiosum, quod

Tract. de
Card. c. 10.

Colof. 3.

multæ sæpe cause incidunt discordiarum, ex negotiorum varietate, ac magnitudine, quæ à Cardinalibus tractari solent: in quibus sæpe accidit, ut non idem omnes sentiant, vel non idem expediat omnibus, aut contra, ut idem pluribus commodum sit, quod tamen non possint plures adipisci: deinde ex honorum contentione, quæ nulla est maior pestis ad oppugnandam charitatem. Nam quid ego dicam de illo perenni fonte dissidiorum, de more, inquam illo, qui iam adeo increbuit, ut quicumque vnius Pontificis partus sunt, ij quasi factionem suam constituent? ex quo sectæ quodammodo oriuntur, & partes, ut vnus ordo in tot membra diuisus, & dissectus esse videatur. Et quidem membra, quæ non ut in corpore animantis mutuo sibi seruiant, sed sæpe pugnent inter se, atque decerent? Atque hoc quidem illud esse videtur, quod Paulus in Corinthijs reprehendit, quod inter eos essent schismata, cum alius diceret. Ego sum Pauli, alius autem Apollos, alius Cepha. Quamobrem in hoc etiam cadit illa eius obiurgatio. Diuisus est Christus? Nam si omnes Christo domino seruire, seque Christi esse velint, nimirum facile omnes essent charitatis vinculo colligati. Igitur tum hæc radix dissensionis, tum omnes aliæ tollendæ, euellendæque radieitis, illudque omnino tenendum, ut se inter se diligant ex animo, seque mutuis prosequantur officijs, non in speciem simulatis, sed veris, & solidis. & denique ut sit inter omnes quoad eius fieri potest, quàm maxima voluntatum, studiorum, sententiarumque consensus. Quod ut melius, & verius faciant, illud cogitent quàm graua damna, quàmque magna detrimenta, si qui necesse sit, non dico si aperta fuerint, inter eos dissidia, sed etiam si a mulationes occultæ, ac demique si minus inter se se consentiant. Ut enim cum multa ingens aliquod pondus humeris deferunt, vel manibus trahunt, tantum videlicet promouebunt, quatenus vnum
inter

2. Corin. 1.

inter se omnes efficiunt, atque conspirant. quod si paululum aliquis diffideat, aut in diuersum declinet, porius alios impediet, quam adiuuabit: ita in hoc præclarissimo munere Ecclesiæ administrandæ, quod est proprium Cardinalium munus, si aliqua inter eos obrepit discordia, vñ alius alio trahat, se se inuicem turbabunt atque Ecclesiæ, eiusque utilitatibus oberunt, & maximas ei plagas imponent. Quare si ij sunt, qui esse debent fideles Dei, Ecclesiæq; ministri, etiam si aliquæ interdum occurrant causæ, pacis concordiaque soluendæ, meminerint tamen communem utilitatem suis utilitatibus anteferre, seque vincant, & suas iniurias reipublicæ donent. Postremo illud etiam pro magno quodam præsidio ad tuendam charitatem accipiant, vt idem sit omnibus propositum, nempe publicum bonum, & vñius Dei honor, atque obsequium. Nam si quisque quod sibi utile, aut commodum est spectabit, omnes quidem ad se se rem trahent, ex quo necesse est nasci magnas varietates, voluntatum, & opinionum dissimilitudines, quæ cum aliquandiu, si forte, & vultu occultatæ fuerint, tandem necesse est, vt prodeant, atque erumpant, & offensiones grauiores pariunt, quæ in dies nouis occasionibus recrudescent. Contra verò si omnes suis commodis vt debent, posthabitis, vñum Sanctæ Ecclesiæ commodum cogitauerint, nulla erit dissentienti causa, nulla materia, quoniam omnibus idem erit animus eadem voluntas, Quare huic etiam rei, tam salubri, tamque necessariæ vñle est studium illud, de quo supra egimus, vt omnibus cupiditarum radicibus euulsis Cardinalium mens ad folium Dei obsequiū dirigatur.

*Quomodo Cardinalis debeat se gerere erga
Summum Pontificem. Cap. XXVII.*



ESTAT vt videamus quales esse, & quid
facere oporteat Cardinales erga Sum-
mum Pontificem: quod melius intelli-
getur, si videamus quam cum illo ha-
beant coniunctionem. Tancam vero
habent, vt vix maior esse possit, Vide-
mus enim in sacris Canonibus eos filios vocari. Nam & si
fideles omnes Pontificis filij dicuntur, quoniam videlicet
eius locum tenet, qui communis est omnium pater, tamen
pæcipuo quodam modo id Cardinalibus conuenit, & me-
rito, cum pæcipua sint pars Ecclesiæ. Quin etiam quod
maximum est, eiusdem Pontificis membra vocantur, vñ-
que cum ipso corpus efficiunt. Sic enim tum alij, tum An-
dreas Barbarius in eo libro, quem inscripsit de præstantia
Cardinalium. Quæ autem maior, arctiorque cogitari po-
test coniunctio? Sunt præterea adiutores Pontificis, quod
à nobis abundè supra est demonstratum, & in quodam Ca-
none ab Innocentio Tertio indicatur, vbi eos vocat suos
coadiutores in exequutione Sacerdotalis officij. His igitur
positis facile est videre, quid ij debeant vniuersæ Ec-
clesiæ præsidij suoque ipsorum capiti, ac parenti. Primum
enim ait Hostiensis, obligari eos vt plus quam alij omnes
eum diligant, & obseruent, eique obedientiam præstent,
additq; nisi id faciant grauius peccare quàm alios. Quod
autem hic ait de hac pæcipua obedientia, idem confir-
mat Iacobatus Cardinalis qui ita eos docet subditos, at-
que vt ipse loquitur, inuisceratos esse Pontifici, vt sine
eius facultate non possint loco se mutare. Immo vero ad-
dit (quod in alijs etiam Scriptoribus legimus) id veteri
instituto

e. felicit.
de penis
in 6.

e. par. q. 11

e. per vene-
rab. ratio-
nibus qui
filij sint
leg.

In cap an-
eij de pri-
uileg.

Lib 1. de
Concil.
num. 176.

instituto obseruatum esse, vt Pontificis iniussu non liceret
eis vigente morbo sanguinem mittere, quod etiam con-
firmat auctoritate eiusdem Hostiensis alio quodam loco. In e Ecclē
fia vestra
2.ue elect.
Ex quo vno argumento constare potest quanta esset olim,
& quæ semper esse debeat Cardinalium obseruantia, &
obedientia in Summum Pontificem. Atque hanc quoq;
ob causam, debent eius curiæ perpetuo assistere, neque
ex ea exire eis licet, nisi facta à Pontifice potestate, idque
tradit celeberrimus ille inter Doctores canonistas Ioan-
nes Andreas. Addit Gondissaluus non debere Pontificem
concedere, vt absint à curia, nisi ex causa necessaria, &
ad Ecclesiæ vtilitatem pertinente. Hæc autem ratio est
auctore Martino Laudensi, cur Cardinales etiam si aliqui
bus fruuntur beneficijs, quæ alioquin residentiam requi-
rerent, ipsi tamen exulentur, qui, inquit, cum Papæ as-
sistant, & vtilitatibus totius Ecclesiæ seruiant, cententur
etiam seruire singulis Ecclesijs, quoniam Romana Eccle-
sia omnium mater est, & magistra. Caterum quàm de-
inde fideles esse debeant Dei Vicario summoque omniū
Pastori, & si res ipsa indicat, tamen illud etiam argumen-
to est, quod verus erat consuetudo, vt Episcopi cum crea-
rentur Sacramento fidelitatis adigerentur Pontifici, Car-
dinales non item; nisi ipsi etiam essent Episcopi, idque
propter Episcopatum, redditque rationem Gondissaluus,
quia sunt inquit, ipsius membra, atque vt nemo à se in-
seipsum promissionem vllam exigit, sic neque Pontifex à
suis membris. Postea tamen, idque non ita pridem, hoc
etiam more receptum est, vt ipsi quoque Cardinales hanc
fidelitatem interposito Sacramento profiteantur. Quod
iam in vfu esse videmus. Ex quo intelligi potest quantum
etiam hæc adaucta sit obligatio, duplicato iam vinculo ex
promissione iurata. Quamobrem bene etiam de hoc ipso
Hieronymus Manfredus. Debent, inquit, quàm coniun-
ctissimi esse cum Summo Pontifice, eique in omnibus lu-
bicu

In eodem
c de Card.
q 5.

Tract de
Card. q. 5.

De Card.
q 5. nu. 15.

De Card.
c. 10.

bicestis esse, & parere, vt membra capiti suo, nec proteritū ei contradicere, temeritate, aut superbia; aut studio contradicendi, maiori enim nexu cum illo coniuncti sunt, quàm quilibet alius cuiuscunque generis. Quare debent continue ei assiltere, consiliū dare, opem ferre, affectibus spoliari, veritatem solam præ oculis habere. Igitur si omnia breui colligere volumus duplex esse inueniemus Cardinalis officium aduersus Pontificem, alterum quod in animo consistit, nimirum in amore, in pietate, in reuerentia quadam germana, atque sincera: alterum quod etiam ad facta pertinet, quæ in summa illuc omnia spectant, vt Pontificem in tanto onere subleuent. Nam si verum est quod paulo ante attigimus, & alibi vberius confirmauimus: Cardinales esse adiutores Pontificis: quid sequitur, nisi vt omnem eius curam, suam etiam curam esse existiment? Itaq; vt Pontificis, sic etiam ipsorum partes sunt vigilare pro grege Domini, excubare animo prouidere præsentia, ac futura Ecclesiæ, vel singularum eius partium incommoda, & plagas, ijsque remedium salubre & aptum excogitare. Sed hoc interest quod hæc diiudicare, & exequi ad Pontificem pertinet, cui gubernatio, & potestas commissa est, ipsorum autem est monere, suggerere, referre, quæ opportuna videantur, denique ea facere quæ S. Bernardus in Epistola quadā ad vniuersum Cardinalium Collegium, monet & vrget, vt faciant aduersus Eugenium. Vestra interest inquit, carissimi, vestris feruentibus studijs, fidelibusque obsequijs sollicitè confouere, quod manibus vestris constat elaboratum. Si qua ergo consolatio in vobis, si qua virtus charitatis in Domino si qua compassionis viscera, assistite, & collaborate illi in opere, ad quod per vos assumptus est à Domino. Quæcumque sunt vera, quæcumque pudica, quæcumque iusta, quæcumque sancta, quæcumque amabilia, quæcumque bonæ famæ, hæc ei suggerite, hæc suadete, hæc agite, & Deus

Epist. 236.

S. Bern.

ad Card.

S. Bern.

ad Card.

1782.1

Deus pacis erit vobiscum. Sapienter Bernardus duo hæc Cardinales monet, vt Pontifici proponant, tum quæ iusta, & sancta sunt, tum etiam quæ bonæ famæ. Hoc enim est boni Consiliarij officium, idque etiam docet S. Gregorius cum ita ait. Qui assistunt iudicibus, & sinceris erga eos dilectionibus obstringuntur, illa eis suadere debent, atq; suggerere, quæ & animam saluent; & opinioni eorum non derogent. Quare vtrunque sanè curandum, & studendum Cardinali, sed si aliquid aliquando contingat, in quo alterutrum teneri non possit. illud præferri debet, quod tanto interuallo maius est, vt potius saluti seruiat, quàm hominum existimationi. Sed in hac re multi omnino lapsus occurrunt. Sunt enim interdum qui cum Pontificis animum in aliquam partem inclinatum vident, ob metum offensionis non audent loqui quæ sentiunt, potiusque prætextus aliquos inducunt ad eius iudicium approbandum, qua simulatione nihil potest esse deterius. Nam etiam in quouis homine vitiosa esset, multò verò turpior, & iniustior in ijs quos pro suo officio, ac munere veritatē profiteri oportet. Itaque Aluarus quidem tum in alijs ait peccare posse Cardinalem, tum hoc primo loco commemorat. Cum inquit, vel gratia Papæ, vel timore, aut spe alicuius rei consequendæ, non dant ei vera, & libera consilia, sed fraudulenta, & periculosa tum ipsis, tum alijs, & omnino contra conscientiam. Neq; hæc tantum Theologorum est sententia, sed etiam Iurisperitorum. Sic enim Manfredus idem, de quo paulo ante. Cardinales, inquit, liberè Pontifici consilium dare debent, eumq; admonere de cunctis vtilibus, & necessarijs negocijs Sanctæ Ecclesiæ, quantum in ipsis est veritatem inquirendi, iustitiam, æquitatemque continuè præ oculis habentes, amota omni adulatione, tanquam verè cardines Ecclesiæ Deo accepti. Quare si Pontifici applaudunt, non est pro se, sed de dignitate, atque officio eorum, & periuri statim

Lib. 4.
epist. 29.

2. de plane-
tu ecclesi-
c. 16.

Tract. de
Card. c. 7.

Y haberi

De Card.
c. 7.

e. fundamē
ta c. decet
de elect. in
6.

Lib. 4. de
confid.

haberi debent, immemoresque eorum, quæ polliciti sunt, cum ad tantam dignitatem eliguntur. Gondissalvus vero, tum hoc idem confirmat, tum etiam addit, ipsam quoque imprudentiam in Cardinali non esse sine culpa; nempe ut in Medico, aut in Iuriconsulto inscitiam eius artis quam proficiuntur. Eius verba hæc sunt. Debent, inquit cauere, ne malè consulendo Papam errare faciant, quia, ita delinquit consulens, ut faciens: idque non solum si scienter, sed etiam si per inscitiam malè consuleret, quia admittendo hoc officium, quod principaliter versatur in consilio dando, videntur profiteri se esse peritos, & sufficientes ad illud. Unde fit, ut merito eis imputetur, si aliquid postea per imperitiam faciant. Denique hoc etiam eorum officium rectè describitur in sacro quodam Canone his ipsis verbis. Decet ipsi Romano Pontifici per fratres suos Sacrosanctæ Romanæ Ecclesiæ Cardinales, qui sibi in executione officij Sacerdotalis coadiutores assistunt libera prouenire consilia. Ut fratres ipsos nullus sæcularis potestatis metus exterreant, nullus temporalis fauor absorbeat, nihil eos à veri consilij soliditate remoueat, quia cum per ipsum Romanum Pontificem in quibuscunque negocijs contingeret eorum peti consilia, in consulendo per omnia liberi, in omnibus quæ pro tempore imminant, liberè consulant, & assistant. Hæ sunt igitur partes boni, & veri Cardinalis, his ille officijs inuigilare, his delectari, atque ea, & rei, & honori, & vitæ ipsi præponere debet. Hi etiam sunt optimi colores, quibus S. Bernardus Cardinales describit, cum Eugenium Pont. ita optantem, & ita loquentem inducit. O si viderem in vita mea Ecclesiam Dei talibus innixam columnis. O si Domini mei sponsam cernerem tantæ commissam fidei, tantæ creditam puritati. Quid me beatius, quidue securius, cum eiusmodi circa me vitæ meæ, & custodes spectarem, & testes? Quibus omnia mea secreta securè committerem, communicarem

niarem consilia, quibus me totum refunderem tanquam alceri mihi. Qui si vellem aliquatenus deuiare, non sinerent, frenarent præcipitem, dormitantem excitarent. Quorum me reuerentia, & libertas extollentem reprimeret, excedentem corrigeret. Quorum me constantia, & fortitudo nutantem firmaret, erigeret diffidentem. Quorum me fides, & sanctitas, ad quæque sancta, ad quæque honesta prouocaret. Hæc S. Bernardus, quæ breuissimè, sed prudentissimè dicta suum cuique Cardinali officium, erga Pontificem ante oculos ponunt, ut non solum ita cum eo charitate, & familiaritate coniuncti sint, ut arcana quæuis credere eis audeat, sed eam quoque libertatē, ac sinceritatem exerceant, ut si quando velit à recto deflectere non sinant, si quando negligenter, ac remissè se gerat, excitent; si nimia præcipitatione feratur, retineant; & in summa in omni re, & omni tempore opportuno bonos se, & ingenuos, ac fideles monitores præstent.

De sententia in Consistorio dicenda.

Cap. XXVIII.

E si ex his quæ dicta sunt de fide, & libertate à Cardinalibus præstanda in priuatis consilijs, satis intelligi potest, eandem etiam præstandam in consilijs publicis, tamen de hoc quoque aliquid separatim dicendum putauimus. Solet enim in hoc etiam esse multò maior difficultas, quoniam cum priuatim agitur cum Pontifice, solus eius respectus impedire potest. cum autem publicè sententia dicenda est, tū hic ipse respectus multo magis valet, tum deinde multorum etiam aliorum ratio haberi solet, ut Principum, vel cæterorum Cardinalium, ne offendantur. Quare

hac etiam ex parte muniendum est Cardinalis pectus. Munitur autem, & quodammodo armatur ijs virtutibus, quas supra descripsimus, & in primis fortitudine, despicientia rerum omnium humanarum, tum Dei amore, & illa recta mente, atque intentione, de cuius necessitate, & splendore multa disseruimus. Atque ut hæc asciscenda, sic illa fugienda sunt, quæ animum occupare, rectumque iudicium euertere solent, ut timor, odium, cupiditas habendi, & in primis ambitio, quæ planè omnem eripit libertatem. Qui verò nihil cupiat, nihilque aliud velit, nisi Deo placere, & vitam æternam, cuius causa omnes creati sumus, adipisci, ille nullo labore semper constantiâ quam debet in dicendo tuebitur. Sed tamen ut certius, & clarius constet, quid in hoc genere salua conscientia fieri possit, aut non possit, à Cardinali, libet hanc omnem materiam quibusdam quasi pronunciatis explicare. Primum igitur hoc sit. Cum nullum impendet malum, nec est ratio timendi vllum ab vlllo incommodum, tum quidem debet Cardinalis dicere quod sentit, nec aliter ei fas est. Atque hoc constat inter omnes, nec ab vlllo in controuersiam vocatur. Alterum deinde est paulò durius. Quicquid mali, quicquid incommodi instare videatur, nunquam licet falsum dicere, aut aliter quàm quisque sentiat, hoc est probando quod probandum non putet, aut contra improbando, quod rectum esse iudicet. Atque hoc quidem ita intelligitur, ut nec apertè, nec tacitè liceat, tacitè approbatur aliquid assurgendo, aut aliquo eiusmodi signo exhibendo, quod communiter ita accipi solet. Hoc igitur nunquam licet. Tertiò si malum, quod sibi Cardinalis timeat graue sit, malum quod pro veritate tacenda Ecclesie impendeat, leue, potest Cardinalis ita se gerere, ut neque assentiat, neque dissentiat, nimirum utendo verbis ambiguis, sic tamen ut non intelligatur probare. Hoc enim paulo ante diximus non permitti vltimam.

quam, ut quispiam loquatur, secus ac sentire. Atque hoc etiam temporeliceret sanè continere se domi, nec in Consistorium venire, aliquo quæsito pretextu. Quartum ac postremum, in quo rei cardo consistit, illud est. Cum graue Ecclesiæ damnum imminet, tum verò quodcunque malum subeundum sit, semper expromenda est sua cuique sententia. Itaque in huiusmodi rebus nullus est dissimulationi locus, non tacendo non dubiè loquendo, non fugiendo Consistorium. Sed clarè, & libetè, cum ea tamen qua decet modestia, ac reuerentia, repugnandum est. Atque huius rei ratio ea est, quoniam hoc differt officium charitatis ab officio iustitiæ, quod illud omitti potest cum proprium damnum timetur, aut nullus fructus speratur, ut in fraterna correctione. Qui verò insuper ex iustitia obligatur etiam cum proprio detrimento, etiam nulla spe fructus, tamen debet officio fungi neque id potest omittere item ut episcopus in monendis, aut corripiendis subditis. Tale est igitur officium consiliarij, & talis præsertim consiliarij, qualis est Cardinalis, cuius muneri tanta merces, tantum stipendium honoris, diuitiarum, & omnium commoditatum propositum est, cui Ecclesiæ vniuersa hanc quasi vigiliam imposuit. Verè igitur de hoc ipso Gondissalvus. Quando, inquit, vident aliquid tendere in perniciem Ecclesiæ, vel alias esse iniustum, taceere non debent, sed expressè contradicere alioquin peccant. Nam cum ad hoc assumpti sint, ut rectè consulant, tacentes hoc casu censentur approbare, id quod agitur, & error, cui non resistitur, approbatur. Tractat etiam accuratè hanc ipsam quæstionem Hieronymus Albanus, & quidem rationes primum affert in contrariam partem, præsertim cum maior pars contra sensisset, quia frustra iam dissentiat. Itaque valere hic illud dictum frustra niti, & odium querere dementia magna est. Præterea posse fortasse etiam debere vnumquemque id rectum, ac bonum putare quod placuit

placuit maiori parti. Superbum enim, & arrogans videri, ut audeat aliquis suum iudicium aliorum tam multorum iudicio præferre. Hæc pro ista parte: ipse tamen alteram confirmat sententiam, non licere Cardinalibus veritatem reticere, ob eandem rationem, quam supra nos quoque attulimus, quia cum sint consilarii discedunt ab officio, nisi dent fidele consilium. Addit etiam simile quiddam videri in teste, qui quoniam pro officio veritatem indicare debet, haud secus proditor veritatis censeatur, si verum reticeat, ac si falsum enunciet. Afferit etiam Abbatis, & Innocentij auctoritatem, qui apertè docent in quouis capitulo, & conventu quicumque eius pars sit ita obligatum esse, ut cum aliquid proponitur, quod sit contra communem utilitatem liberè loquatur, totisque viribus quantum in eo sit resistat, aliter autem peccare. Ex quo argumentari possumus quantum id magis valeat in hoc Collegio Cardinalium, in quo & maior est dignitas, & maiora tractantur negotia, magisque cum publico bono, damnoque coniuncta. Quare illud hic condennice videtur quod in Exodo dicitur. Provide de omni plebe viros sapientes, & timentes Deum, in quibus sit veritas. Quomodo autem in ijs sit veritas, qui eam opprimunt, concularique patiuntur? Hæc omnia Albanus, qui contrarijs etiam argumentis ita respondet. Nam quod obijciitur, frustra dissentiri, cum iam maior pars Cardinalium aliter sensit, potius sperandum esse alios etiam veritate audita suam mutatu- ros sententiam, quoniam ea veritatis vis est, ut denique omnia vincat. Quod autem additur de deponenda præ- pria sententia cum plures aliter sentiunt, verum est, postea- quam quid tu sentias, & quare ita sentias exposueris. Nam si his auditis, nihilominus plures in contraria parte fue- rint, tum vero decet ita existimare, potius decipi paucos, quam multos. Sed sunt alij, qui ad regendum timorem vel cupiditatem suam, illam afferant rationem sepe Pot- tifices

In c. 1. de
his que fi-
unt à mai-
or. cap.

Exodi. 18.

1. 1. 1.

1. 1. 1.

tifices de eo ipso quod in consultationem adducunt, iam
 constituisse, ac propterea etiam si contradicatur nullum
 omnino fructum sequuturum. Cui nos respondemus,
 quanquam ille effectus, de quo agitur non consequatur,
 alias tamen utilitates esse certas. Primum quia Pontifex
 ipse in similibus rebus consideratio fiet, cum videat non
 deesse, qui audeant pro bono communi, esseque id ma-
 gnum frænum summæ potestatis, cui facillimè obrepit li-
 centia. Deinde alij etiam Cardinales eiusmodi exemplis
 animosiores, fortioresque fiunt, ut sæpe in pugna qui fugie-
 bant, vnus audacia, ac robore, reuocantur, viresque
 animum sumunt. Denique si nihil aliud, Cardinalis qui-
 dem, qui hoc facit, officium suum facit: quod si deinde
 alij impediunt, ipse certe culpa vacat, qui sanè est fructus
 conscientia vel maximus. Huc etiam pertinet illa specu-
 latoris parabola, de qua est apud Ezechielem, qui si gla-
 dium videns venientem non insonuerit buccina quicquid
 damni sequutum fuerit, de eius manu requiritur. Sin
 autem ipse cecinerit buccina, sed quispiam negligentia sua,
 quia se non custodiuit, perierit, sanguis eius super ipsius
 caput; Speculator autè innoxius manet. Sic. n. omnino di-
 cere possumus, Cardinales omnes quosdā esse speculatores
 domui Israel datos, id est Sanctæ Ecclesiæ, in cuius arce po-
 siti sunt, ut provideant, atque et denuncient quibus oportet
 atque in primis ipsi Pontifici, tū bona quæ prodesse, tū mala
 quæ obesse possent communi saluti. Quare si id impigrè ac
 strenuè, nulloque cuiusquā respectu, fecerint, etiā si ab alijs
 non audiantur, saltē ipsi animam suam liberant. Sin-
 vero tacuerint, aut dissimularint, non abibunt impunè,
 quia in eo ipso delinquant, quod maximè ab ipsis exigi-
 tur. Quamobrem recte hic quoque conuenit, quod est à
 Sancto Gregorio dictum, Sa pe rectores improvidi huma-
 nam amittere gratiam formidantes, loqui liberè recta-
 pe timefcunt, & iuxta veritatis vocem, nequaquam iam
 gregis

ot. r. 1

3. m. 1

3. p. 1

3. p. 1

3. p. 1

Ezech. 33

2. p. 1. c. 4.

Ioan. 10.

Elaiz. 56.

Matt. 9.

11. q. 2. c.

Nolite.

11. q. 3. c.

Nemo.

17. q. 2. c.

In c. siue
dignum de
homicid.

regis custodiæ pastorum studio, sed mercenariorum vice
deseruiunt, quia veniente lupo fugiunt, dum se sub silen-
tio abscondunt. Hinc namque eos per Prophetam Do-
minus increphat, dicens. Canes muti non valentes latra-
re. Neque verò ubi de honore Dei agitur propria sunt
timenda dispendia, cum ipsum dispendium pro Dei causa
magnum sit lucrum, quoniam ut testatus est Saluator,
Beati qui propter iustitiam persecutionem patiuntur.
Quod etiam monent sacri Canones cum ita hortantur.
Nolite timere eos qui occidunt corpus, ne forte timore
mortis perterriti liberè non dicatis. Et melius est pro ve-
ritate supplicium pati, quàm pro adulatione beneficium
adipisci. Ac postremo ad hanc culpam augendam, illud
etiam afferendum, quod eodem loco, quem supra attuli
tangit Albanus, quicumque Cardinalis recta consilia non
dederit Pontifici, præter peccatum quod committit, insu-
per etiam damnandum esse ad restitutionem omnis dam-
ni quod ex eius consilio existat. Et pro hac sententia
Innocentium quoque affert. Quare hoc positum, & con-
firmatum sit, nihil ita decere Cardinalem, aut nihil ita
proprium esse eius officio, atque hanc sinceritatem, & fi-
duciam in sententia dicenda. Hoc probè intellexit, atq;
etiam exequutus est Cardinalis Contarenus, qui, ut ac-
cepimus, magna auctoritate, & libertate in dicendo ute-
batur: quod cum aliquando fecisset in magna quadam
causa, quæ inter duas Principes familias agitabatur, atq;
ipsum quoque Pontificem valde attingebat, ac deinde
gratiæ illi agerentur, respondit, nihil esse opus, quod enim
fecisset officij, sui gratia fecisse. Quin etiam cum de qui-
busdam ad Cardinalatum à Pontifice designatis, ipsæ pu-
blicè restitisset, dictumque ei esset, morem hunc esse Car-
dinalium, ut molestè ferant eum honorem cum pluribus
communicari, apertè negavit, id se facere ob hanc causam
neque se Cardinalatum ducere maximam omnium quas
haberet

haberet, dignitatum. Verum illud etiam minime prætereundum, libertatem hanc, quam à Cardinali exigi dicebatur, tum multo magis exigi, cum id agitur in quo, alteri fiat iniuria. Tunc enim Iustitiæ partes sunt innocentem tueri, quantum vires sinant, nec deferere aquitatem, aut pati ut à potentiore opprimatur. Quo in genere laudata est Nicolai Flisci constantia, qui cum Alexander Sextus à quo ipse factus erat Cardinalis, immerito Castellanum Episcopum vellet deponere, ipse semper obstitit, neque hominis illius iram formidauit, quæ erat omnibus terrori, & quod mirabilius est id facere non dubitauit, in ipso primo Consistorio, cui Cardinalis interfuit, scilicet beneficio iam recenti. Quod si in causis singulorum hominum faciendum est, quanto magis in ijs quæ ad vniuersam Ecclesiam pertinent? Iure igitur adhuc viget, vigebitque memoria. Francisci Piccolominei, qui Pij II. fratris filius fuit. Hic enim turbulentis illis temporibus eiusdem Alexandri Sexti, incredibilem semper animi magnitudinem, præ se tulit, cum in alijs multis, tum maxime cum Pontifex Beneuentum Ecclesiæ ditionem Ioanni filio in feudum dare vellet; cui ille constanter respondit, diuque & palam cum eo disputauit, multas asserens, & graues rationes, vicissimque respondens omnibus rationibus, quas Alexander, ut rei cupidus, assererat. Quod eo laudabilius fuit, quoniam solus ipse id ausus est, reliquis omnibus, vel timore percussis, vel gratia deuinctis, vel spe obligatis. Atque ut in hac re dicto, sic alias facto constantiam eandem tenuit, cum redeunte ex Gallia Iuliano Ruerio Sixtus Quartus eius patruus iussisset, ut Cardinales omnes honoris causa obuiam illi prodirent, hic enim vnus nihil eius offensam veritus, domi se continuit, quoniam quantum id dignitatis Iuliano adderet, tantum detraheret Cardinalium Collegio.

Sed non puto esse quenquam, qui si rem ipsam per se

Z

per-

*Cardinalis
Nicolai Flisci*

*Card. Franciscus
Piccolomineus*

perpendat, non eam & iustam, & necessario etiam à Cardinali debitam fateatur. Illud impedit, & perturbat, frangitque animum, quod libertas hæc non solum odiosa, sed etiam perniciofa videatur, quia videlicet veritas odium parit, res autem est cum Pontifice, alijsque Principibus, qui multum vel prodesse possunt vel obesse. Hic nimirum est scopulus, hæc, ut dici solet, *petra sceleratæ*, in quam non impingere, & quam omnino evadere magnum est negotium. Quare hoc detraho, non est dubium, quin facillimum, atque etiam iucundissimum futurum sit Cardinali constantiam, & gravitatem suam semper conservare. Quamobrem hoc etiam postremo loco afferamus ad confirmandum cuiusvis Cardinalis animum, quod verè observatum est, non modo nihil perdi, sed sæpe etiam magnum lucrum fieri. Perdent fortasse, & merito qui Pontifici, aut alijs Principibus resistunt ob aliorum Principum gratiam, aut studio partium, vel ob aliquam propriam commoditatem. Qui verò amore iustitiæ, aut religionis, bonique communis id facit, si præsertim reliquæ etiam vitæ testimonium consentiat, potius ut dixi, multum acquirit. Tantus est enim integritatis, & innocentiae splendor apud omnes homines, modo ratione præditos, ut in quocunque ea sit, eum amabilem reddat, atque etiam hostem conciliet hosti, non modo Cardinalem Pontifici. Atque hoc etiam eo magis valet cum non quasi repentino aliquo imperu quispiam in hanc veritatis, & libertatis professionem venit, sed potius eam possessionem longo iam usu tenuit, idque iam dudum capit præ se ferre, eamque voluntatem perpetua constantia roboravit, & sen per in proposito susceptoque consilio permansit. Id enim auctoritatem etiam nescio quam affert, & licentiam dicendi quicquid oporteat, omnium permisso, atque etiam cum approbatione, & laude. De Jacobo Sadoleto hoc traditum est, cum à Paulo Tertio factus est Cardinalis, nihil propius fuisse,

fuisse, quam ut Cardinalatum recularer, sed amicorum consilio, & hortationibus victum, admisit tandem, verum hoc illi fixum, ac statutum fuisse, ut nihil aliud unquam propositum haberet, quam Reipublicæ Christianæ commodum, & Dei vnius honorem. Quare ita accepimus eius semper sententias liberrimas fuisse, plenasque dignitatis. Nec tamen id cum minus gratum Pontifici reddidit, sed potius gratiorem, qui cum nouis auxerit honoribus, & nominatim Gallica Legatione. Eadem quoque laus tribuitur Antonio Palauicino Genuensi, quem Innocentius Octauus ad Cardinalatum euexit. Hic enim de Julio II. non dubitauit dicere, coram multis Cardinalibus arma data esse furioso. Quod Pontifex audiens, & si non nihil commotus est, semper tamen eum in honore habuit, quin etiam Legatum misit ad Ludouicum XII. Regem Galliarum, qui in Italiam peruenerat. Quam etiam libertatem tenuit aduersus Alexandrum Sextum, qui cum eius sententiam rogasset de re, quam apud se iam decreuerat, respondit apertè, non posse se dicere, quoniam non ad liberum consilium, sed ad decretum factum vocatus erat. Fliscus etiam Cardinalis, de quo ante mentionem fecimus, cum se Julio II. tum in eius electione, tum deinde in ipso Pontificatu, sæpe ut res poscebat, opposuisset, & quidem acerrimè, tamen tantum abest, ut damnū vllum acceperit, ut insuper ab eo ipso ditatus sit redditu septē milliū aureorum, quin etiam tanto in pretio habitus, ut scriptū sit consequutam esse communem hominum opinionem, non posse bonum Cardinalem nō amari à Pontifice etiam non bono. Idem fertur de Ricardo Oliuero, natione Nortmanno, qui iuris ciuilis scientia insignis fuit, sed multo magis, hac, de qua loquimur, libertate. Quo nomine Pio Secundo carissimus extitit qui eum, quamdiu vixit, plurimi semper fecit, cum etiam, ut accepimus, dicere soleret, tales se optare omnes Cardinales. Paulus autem

Secundus eum ob eandem causam ex Presbytero Cardinali Ostiensem fecit Episcopum, tribuitque præterea Vmbria Legationem, in cuius administratione excessit à vita. Et quoniam quod multos in hac libertate impedire solet, est maximè metus ille, ne sibi aditum obstruant ad Pontificatum, est ea quidem turpis, & damnanda ambitio, vt per se apparet, sed illud quoque intelligendum; scire etiam hanc ipsam libertatem ad ipsum Pontificatum non mediocriter suffragatam esse, vt scimus in Marcello, & Paulo Quarto, cuius vtriusque adhuc recens memoria est. Paulus enim dum Cardinalis fuit mirabilem semper constantiam præstitit, & quod semel dixerat, aut senserat, reatum esse, ab eo se nullis, vel precibus, vel minis deduci patiebatur; quòd si quid à duobus Pontificibus, sub quibus eam dignitatem gessit, referretur, quod non iudicaret è re Sedis Apostolicæ, cuius se æcerimum propugnatorè proficiebatur, vel apertè dissentiebat, vel certè non veniebat. in Consistoriis. Marcellus autem cum à Paulo Tertio Nuncijs, Episcopi, denique etiam Cardinalis honorem consequutus esset, tamen adeo liber in dicendo apud eum ipsum fuit, vt scribat Onuphrius sæpe ab illo, Pontificem à consilijs sibi non probatis deterritum, & periculosa, quanquam prima specie decora tentantem salutaribus rationibus prudenter reuocatum. Eo vero mortuo cum Iulij Tertij, qui successerat acta multa non probaret, accedente præsertim febricula, Eugubium se ad suum Episcopatum recepit, id sane hoc suo secessu haud dissimulante præ se ferens quod in pectore gerebat. Quare paulo post rediens extincto Iulio conclaue ingressus est, omnium iam iudicio, & approbatione Pontifex designatus, tantam ei auctoritatem, & amorem illa libertas conciliarat. Quamobrem hoc certum sit, hanc dicendi, & agendi fiduciam ita Cardinalem ornare, vt non solum semper spiritualia, sed etiam sepius temporalia lucra, & honorum,

& facultatum accessionem afferat. Quod si nihil eiusmodi afferat, semper tamen dignitatem, & existimationem, ac gloriam, & certe admirabilitatem quandam inter homines parit, quæ etiam in hoc ipso genere temporalium, præmiolum pluris est, quam illa omnia, quoniam ut ait *Eccles. 7.* Sapiens, melius est bonum nomen quam diuitiæ multæ.

*Quod necessarium sit Cardinali ut ex animo
extirpet desiderium Pontificatus.*

Cap. XXXIX.



Si recte cogitemus duo sunt quasi scopuli Cardinalium, alter ex immoderato amore propinquorum, de quo supra diximus, alter ex cupiditate Pontificatus. Atque hic quidem fortasse etiam periculosior, quoniam cupiditatem hanc non solum ambitio inflammat, sed etiam ille ipse affectus in propinquos, quorum videlicet causa, ut augeantur, & locupletentur, & ad summos gradus euehantur, illud honoris, & potestatis culmen appeti solet. Cum autem humana natura ad omnem honorem, & excellentiam appetendam, adeo sit proclivis, quid hic faciet tanta amplitudo, tantus splendor, tanta dignitas, immo ipsum fastigium omnium dignitatum, quæ sunt in hac vita? Magna igitur aduersaria Cardinalibus omnibus proposita, & omnino ad vincendum difficilis, sed quæ necessario vinci debeat. Sciendum enim est, & pro certo habendum in hac ambitione inesse peccatum. Docet hoc disertè S. Antoninus, qui ea *p. 3. tit. 21.* culparum genera describens, quibus hic status expositus *c. 2.* est, hanc quoque commemorat, querere, inquit, & diuersis vijs curare per se, vel per alios, ut eligatur in Pontificem. Nam si appetere Episcopatum ambitione non caret, quanta erit ambitio, omnium fidelium, totiusque
Eccle-

19. de Ci-
uit. c. 19.

4. in lib. Re-
gum c. 4.

1. Thim. 3.

Ecclesiæ curam affectare? Ita S. Antoninus, cui etiam simile est quod generaliter à S. Augustino, dictum est, locus, inquit superior sine quo Regi populus non potest, etiam si ita teneatur, atque administretur, ut decet, non tamen decenter appetitur. Diserte etiam B. Gregorius de Saule domi latente, Quia nunc, inquit, in Sancta Ecclesia qui se subtrahant tantis honoribus pauci sunt, qui se ingerant, multi; notare qui se ingerunt debent, quia is qui à Propheta domi absconditus dicitur, non ad spiritualem Ecclesiæ dignitatem, sed ad sæcularem Regni gloriam, quærebatur, non enim in Pontificem hunc querebant, sed Regem facere volebant. Videat ergo Sacerdos qua mente fugiendum sit culmen Sanctæ Ecclesiæ, si culmen sæculi conscendere tam cautè Reges, fugerunt. Hæc D. Gregorius. Verum ut subtilius ista enucleemus, quemadmodum rei grauitas requirit, ita distinguendum est, ut intelligamus in Pontificatu tria inesse, primum, finem ipsum, cuius gratia institutus est à Deo, quod est bonum Ecclesiæ, salus animarum, fidelium gubernatio, ut Christi oues pascerentur, ut errores prohiberentur, ut irruentibus lupis resisteretur. Alterum est altitudo, & eminentia illius gradus, atque illius potestatis in cœlo claudendo, & aperiendo, & in Christi persona in terris sustinendo. Postremo sunt etiam temporalia commoda, tum ex honore, & reuerentia hominum, tum ex diuitijs, & opibus. Igitur si primum illud præcisè expetatur, bonum opus desideratur, ut ait Apostolus. Est enim finis ille per se quidem res bona, vel potius optima. Sed hoc ipsum multas habet cautiones, ut rectè desideretur. Requiritur .n. ut qui id expetit dignus sit, idque ipse cognoscat, non errore, aut ex cœco sui amore, sed vero, certoque iudicio. Requiritur ut sit euidens Ecclesiæ utilitas, nec alij idonei huic loco inueniantur. Denique requiritur etiam, ut is nulla re alia moueatur, nisi magno, & incenso animarum zelo,

zelo, & studio diuini honoris. Hæc autem omnia tam certa esse oportet, ac manifesta, vt fere sit instar reuelationis cuiusdam, qualis Mosi, vel Hieremiæ, contigit, cum ille ad populum regendum, hic ad docendum vocatus est, vterque recusans, ac renitens. Cum igitur tam multa, & tam graua concurrere necesse sit, quando fieri poterit, vt adsint omnia? Nam hic zelus quem diximus, ex magna charitate prouenit magna charitas sine magna humilitate esse non potest. Atqui verè humilis sit, quomodo tantis se rebus aprum existimabit? quomodo se alijs præferet? potius omnibus subijciat, seque omnium infimum & minimum, alios sanctiores, prudentiores, aptiores esse planè sibi persuadebit. Et quidem in alijs fortasse minoribus curis, vt vnius ciuitatis, aut populi, interdum contingeret, vt hoc desiderium esse possit, sine peccato, quoniam vel propter temporalium rerum incommoditatem, vel propter hæresum deprauationem, aut similem causam difficile sit idoneum Episcopum inuenire. præsertim cum tam multi in Romana Ecclesia desiderentur Episcopi. At verò in cura vniuersalis Ecclesiæ, cum vnicus tantum Pastor requiratur, cum etiam sit onus tam inmensum, cuius superbix ac temeritatis erit, tantum sibi arrogare, vt se huic rei parem, & quidem solum parem inter omnes exstimet? Quare nihil est dubitationis, quin ex hoc ipso capite Summum Pontificatum optari non liceat. Minus etiam licet ex duobus alijs capitibus, idque docet S. Thomas, non modo de summo hoc gradu, sed de quouis Episcopatu. alterum enim ait, esse superbix & præsumptionis, quæ locum appetit meritis maiorem, alterum autem tum avaritiæ, tum ambitionis, quæ appetit testimonium excellentiæ. Quam in sententiam Sanctus quoque Gregorius eum qui terrenis commodis inluat, qui honore prælationis gaudet, qui temporalibus lucris pascitur, aut impensa sibi ab hominibus reuerentia lætatur, non Pastorem esse ait, sed mercenarium. Quod vero ad desiderium

Exodi. 6.
Ierem. 16.

2.2 q. 106.
2. 5. & q.
185. 2. 16.

Hom. 14.
in Euang.

Lib. 7.
Epist. 49.

2. Thim. 3.

Rom. 3. in
16.

derium attinet, de hoc quoque idem S. Gregorius in quādam Epistola. Sicut, inquit, is qui inuitatus renuit, quæ situs refugit, sacris est altaribus admouendus, sic qui vitro ambit, vel importunè se ingerit, est procul dubio repellendus. Nam qui sic nititur ad altiora conscendere, quid agit, nisi vt crescendo decrescat, & ascendendo exterius, interius ad profunda decrescat? Quæ cum ita sint, hoc statuendum, & concludendum est omnino appetitum firmum, & deliberatum Pontificatus, ita vt animus assentiatur, & adhæreat huic cupiditati, & in ea voluntariè immoretur, non posse vacare peccato. Quod ex eo etiam probari potest, quoniam exponere se periculo peccandi, iam hoc ipsum peccatum est. At hic multa pericula, tum auaritiæ, vbi tanta est opum, ac diuitiarum illecebra, tum superbix in tam eminenti dignitate, in tanta omnium veneratione. Nam si Apostolus neophytum, ac recentem in fide, Episcopum fieri prohibet, ne in superbiam, inquit, clarus in iudicium incidat diaboli. Si hoc, inquam timebat simplici Episcopo, & illo tempore timebat, cum Episcopatus nullis adhuc prouentibus instructi essent, & certè nihil haberent præter laborem, & mortis pericula, quid erit timendum Summo Pontifici, in tanta maiestate, in tanta rerū omniū copia? Quantò huic magis metuendum, ne in iudiciū idest in manus ac potestatem diaboli incidat? Atq; hoc ex parte ipsius hominis. Idē vero, & multo magis ex parte gregis, quem tuendum, & pascendū suscipit Pontifex, & pro quo, vt ait S. Paulus redditurus est rationem. Quæ sane cum per se semper, & in omnibus, grauissima & periculosissima sunt, tum deinde multo grauiora in eo, qui se ingesserit, & obtruserit in hanc curam. Nam qui aliorum iudicio, Deique voluntate coactus, munus suscepisset, multa ei ignoscerentur, quæ alioquin non ignoscuntur, idque etiam testatur S. Chrysostomus, cum ait. Quia uolens, & inuitus compulsus est, habiturus est aliquam excusationem. Huc adde quòd, qui animo cupido

pido ad hoc munus accedit, exponit se euidenti periculo, ne deinde Pontificatum administret, ad suum potius commodum, quam ad commodum ouium. Etenim qualis est ordo in appetitu, talis est etiam in opere. Immo verò si ante adeptum Pontificatum proprii commodi amor adeo rectum ordinem inuenterat, quanto deinde facilius id faciet præsentibus, & vrgentibus tam multis illecebris, quæ etiam sanam mentem corrumpere solent, non modo iam corruptam magis ac magis euertere? Sed sunt interdum aliqui, qui ita seipsos seducunt, & fallunt, vt in hoc appetitu Pontificatus, Dei zelo se moueri putent. Itaque speciosa quædam sibi fingunt, quæ facerent si eo loco essent. Quo enim modo Antistites, quomodo Clerum, Populumque omnem ad officium reuocarent? Quem delectum haberent in conferendis Ecclesiasticis beneficijs, vel honoribus? Quos Episcopos, & quanto consilio, quàm spectatos, quàmque idoneos eligerent? Quomodo Principibus Ecclesiæ iura inuadentibus resisterent? Denique quàm cito omnia quæ iam prostrata iacent, ipsi erigerent, ac restituerent. Hæc apud se speciosis, vt dixi cogitationibus pingunt, eaque inani pictura, & falso prætextu ambitionem alunt suam, Nam si hic verus est zelus, cur non etiam in alijs se rebus ostendit? cur non æque mouetur cum alijs in rebus diuinum honorem violari, animarum salutem impediri vider? Verius igitur superbia est, illo virtutis, & pietatis colore fucata, idque etiam monet S. Gregorius his verbis. Plerumque inquit, ij qui subire magisterium Pastorale cupiunt, nonnulla quoque opera bona animo proponunt, & quamuis hoc elationis intentione appetunt operaturos se tamen magna pertractant, fitque vt aliud in imis intentio supprimat aliud tractantis animo superficies cogitationis ostendat. Nam sæpe de se mens ipsa mentitur, & fingit, se de bono opere amare quod non amat, de mundi autè gloria non amare quod amat, quæ principari

t par. past.
c. 9.

A a appe-

appetens, fit ad hoc pauida, cum quærit, audax cum peruenit.

Cum igitur nihil dubitari debeat quin cupiditas hæc adipiscendi Pontificatus, peruersa sit, & peccatum contineat, restat etiam videre, quale peccatum D. Antoninus quidem mortale existimat, nec solum de Summo Pontificatu, sed de quouis honore Ecclesiastico. Mirius Nauarrus, qui in honore appetitu ordinariè quidem venialem culpam inesse docet, fieri tamen mortalem in eo videlicet qui vel vltimum finem in eo collocet, aut ita appetat, vt etiam pro eo adipiscendo paratus sit mortale aliquod peccatum committere. Nec multum ob hoc discrepant Caietanus, & Sorus, qui ita tradunt: Si bona temporalia,

quæ Ecclesiasticæ dignitati sunt adiuncta, ita moueant, vt tamen maneat adhuc finis, qui debet, etiam si ex temporalibus bonis extiterit prima ratio mouendi, peccatum esse veniale, Si vero finis ponatur in temporalibus illis, omnino esse mortale, tum quia peruertitur ordo à Deo institutus, tum etiam propter periculum. Nam & si hæc in scholis vtcunque distinguantur, & secernantur, in ipso tamen vsu, & affectu, vix distingui posse, quoniam qui primo à temporali præmio mouetur, ægrè seipsum cognoscere possit, an eo referat etiam ipsam dignitatem, ex quo sequi vt vel in peccato mortali semper versetur, vel certe in proximo periculo. Hæc Doctores illi. Est autem in hac re illud maximè obseruandum, quod attinet ad vltimum finem in Pontificatu constituendum: facilius id sanè, & frequentius euenire, quam quispiam fortasse credat. Nam si aliquem, immo verò si omnes ex his interroges, sine dubio respondebunt, se verè non ponere finem in honore. Et quidem id seriò dicent, quoniam ita putant, atque ita sibi animo constituti videntur. Est enim res latens, & obscura, multisque tenebris inuoluta, vt cætera quæ in animo, & quæ præsertim in affectu sita sunt, vt non solù alios, sed

2. p. tit. 3.
c. 9.

3. p. 9. 4.
tit. 19. c. 2.
Sum. c. 23.
n. 15.

In 1. Tho.
vbi supra
lib 10. de
iust. q. 2.
a. 1.

sed etiam ipsos sui iudices, & cognitores decipiant. Rectè enim S. Augustinus sunt istæ, inquit, plangendæ tenebræ, in quibus me latet facultas mea, quæ in me est, ut animus meus de viribus suis ipse se interrogans, non facile sibi credendum existimet, quia & quod inest plerumque occultum est, nisi experientiæ manifestetur. Quod cum ita sit, nihil melius, & salubrius, quàm recipere se se quàm longissimè à periculo. Cur enim extremæ fluminis spondæ te committas, cum possis remotiori loco tutus esse? Certè enim ita res habet, ut ipsa magnitudo desiderij, & ardor cum hominem inuasit, & caperit, deinde captum etiam magis ac magis prouehat, paulatimque ita absorbeat, ut eò omnes curas, & cogitationes, & consilia dirigat, eique cæteri quoque affectus consentiant, ut quos suo desiderio fauere credit, eos amore prosequatur, quos autem resistere, & aliò inclinari, ab ijs non possit non alienus esse. Hęc igitur qui faciat, nimirum magna sunt indicia, quod quamquam ore perneget, re tamen vera ad hanc Pontificatus cupiditatem, & se, & sua omnia referat, & in eo, etiam si fortasse imprudens, & minus aduertens, vltimum finem statuerit. Quæ cum ita sint, tum ex hoc, quod modo diximus, de vltimo fine, tum ex reliquis omnibus, quæ supra diximus concludendum est, desiderium Pontificatus deliberatum non posse vacare peccato mortali; & quando quispiam in eo sit, tamdiu in peccato permanere: quoniam vel desiderium ipsum sua natura vitiosum sit, vel certè ita periculosum, ut hoc ipsum obijcere se huic periculo sit peccatum. Si quis autem hoc etiam scire velit, quando eiusmodi cupiditas deliberata intelligatur, tum quidem intelligitur, cum animus non ei repugnat, aut resistit. Sed eam admittit, in ea conquiescit, & cogitando immoratur, sibi in ea placet: vel cum modos ac rationes excogitat consequendi quod cupit, aut cum alijs, qui eiusmodi modos afferant, libenter aures præbentur, atque con-

sultationes libenter audiuntur . denique in primis cum talis cupiditas ad agendum etiam aliquid exterius impellit, quod iuuare credatur, vel retinet ne quid agatur, quod si fiat videatur posse impedire : Externa enim actio huius generis, non potest nisi ex deliberata voluntate proficisci. Quare cum in hac concupiscentia huius honoris tam euidentis sit discrimen æternæ mortis restat, vt qui æternum hoc malum euadere cupit, quàm longissimè potest se se ab ea remoueat, nullumque omnino ei aditum apud animum suum relinquat, sed potius eam rationem teneat optimam, ac tutissimam, quam B. Cyprianus de Cornelio Papa scribit. Qui, inquit, Episcopatum ipsum, nec postulauit, nec voluit, nec vi, vt cæteri quos arrogantia, & superbia suæ tumor inflat, inuasit, sed quietus, & modestus, & quales esse consueuerunt, qui ad hunc locum diuinitus eliguntur, vim passus est, vt Episcopatum coactus exciperet : Hoc igitur omnes Cardinales sibi proponere, hoc imitari debent.

Lib. 4. ep. 2

Quomodo Cardinales extirpare possint desiderium Pontificatus . Cap. XXX.



V non sufficit suum morbum ægrotis indicasse, quia postquam etiam cognouerint, morbum, adhuc necessaria sunt pharmaca, & medicamenta ad eum depellendum, ita in cupiditate Pontificatus aliquid est sanè atque adedò multum cognouisse, quàm magnum sit malum; sed præterea opus est etiam remedijs ad eam extirpandam, & funditus eijciendam. Est enim humana natura tam imbecilla ad contemnendum honorem, & contra tam propensa ad consecretandum, vt multo studio, & labore, multisque adiumentis egeat

egeat ad eius cupiditatem reprimendam, nec fere possint ita radicum eius fibræ euelli, quin aliquid relinquatur, adeò sunt altę stirpes, adeòque fixę in hominibus. His verò remedijs, non id tantum molimur, vt tibi frater per suadeamus, quod modo diximus, ne cupias, ne ambias, aut afficte, Pontificatum, sed etiam vt rē fugias, atque vt insuper si quando forte deferatur quantum in te est recuses atque detrectes. Sic enim eo tutior eris, atque etiam perfectius implebis virtutis officium, ac præsertim Christianę humilitatis; quam si Christiani omnes ex Christi præcepto colere debent, multò magis, qui inter Christianos omni virtute debent eminere. Vnde igitur melius exordiemur, quàm ab ea perfectione vitę, & ab ea morum sanctitate, quę in Pontifice Summo, Dei Vicario, Petri successore, omnium magistro & patre requiritur? Etenim de omnibus etiam communibus Episcopis ita videmus docere B. Dionysium, vt dicat esse eos in statu perfectionis iam acquisitę, quoniam perfecti sit alios generare, & alios perfectos reddere. Itaq; ob eam causam vocantur à Domino lux mundi, sal terrę, & à B. Petro forma gregis. Atqui id quod est forma, & exemplar, perfectum quiddam & absolutum esse oportet. Igitur si in vnus ciuitatis Episcopo quouis tanta inesse debet religionis, ac pietatis excellentia, quid erit in pastore pastorum, & præsulum præfule? Vt enim in capite insunt sensus omnes, qui inde in reliquum corpus redundant, sic Pontifex qui capitis locum in Ecclesia tenet, omnem membris Ecclesię perfectionem impertire debet: non potest autem alijs impertire, si ipse non habeat. Quòcirca B. Dionysius eodem loco, quem modo protulimus, ait, munus Episcopi esse, vt etiam Monachum adducat ad perfectionem sanctitatis, ex quo sequitur, vt eius item qui Episcopo est superior, munus sit, hoc ipsum tum in Episcopo, tum in alijs efficere, ac proinde si rectus ordo seruetur, in ipso etiam tan-

Eccles.
Hier. c. 6.

Matt. 5.

1. Petri 5.

quam

transuerberaret vis doloris. Graue namque, inquit, est pondus Sacerdotij, prius quippe Sacerdoti necesse est, ut ceteris ad exemplum viuat, ac deinde seruandum, ut mentem per ostensa exempla non eleuet. De prædicationis semper ministerio cogitet, intensissimo timore, considerans quod recessurus ad percipiendum Regnum Dominus & talenta seruis distribuens, dicat, *Negociamini dum venio.* Quod profecto negotium tunc verè nos agimus, si viuendo, & loquendo proximorum animas lucratur, si infirmos quosque cœlestis Regni gaudia prædicando in superno amore roboramus, si proteruos, ac tumidos gehennæ supplicia terribiliter insonando flectimus, si nulli contra veritatem parcimus si supernis amicitijs dediti, humanas amicitias non timemus. Sed ad hoc ego pondus meæ infirmitatis expauesco, & quod accepto Regno pater familias redeat rationem nobiscum positurus aspicio. Sed qua cum mente sustineo, cui de suscepto negotio animarum lucrum, aut nullum, aut penè nullum reporto? Hæc igitur erat quærela, atque hic dolor Gregorij, & metus, qui sanè te frater, Cardinalesque omnes detertere deberet, ne id cuperent, quod tantum virum, tanta cognitione, & prudentia, addo etiam post ipsam rei experientiam tam egrè, & tam molestè tolerasse videant. Itaque non tam intueudus est extèrnus splendor, & fastus huius dignitatis, quàm perspiciendum quid intus lateat obligationis, officij, curæ. Quid enim maius, aut magis metuendum, quàm id quod ab Apostolo, de omnibus omnino Prælatjs dictum est. *Ipsi peruigilant rationem reddituri pro animabus vestris?* Nam cum adeo difficile sit hanc rationem reddere pro sua tantummodo anima, quæ cæcitas est vltro sibi hanc difficultatem augere velle, & quidè non earum tantum animarum quæ in vna ciuitate sint, rationem reddendam suscipere, sed omnium planè, quæ sint in vniuersa Ecclesia? Atq; hoc quidem quid sit, & quantum

Lucæ 19.

Heb. 13.

no æternam salutem periculo obijcere. S. Bernardus de
 Eugenio, scribens ad Cardinales, qui cum Pontificem ele- Epiſt. 136.
 gerant, vereri ſe, ait, ne opprimatur onere inſueto, & ni-
 mio, quod & gygantinis vel ipſis quoque angelicis hume-
 ris formidabile videretur. Idemque S. Bernardus ad Eu- Epiſt. 137.
 genium ipſum, Conſidero gradum, & caſum vereor. Con-
 ſidero faſtigium dignitatis, & intueor faciem abyſſi, iacen-
 tis deorſum. Attendo celſitudinem honoris, & è vicino
 periculum reformido. Altioſorem locum ſortitus es, ſed
 non tutioſorem: ſublimioſorem, non ſecurioſorem. Terribilis
 prout, terribilis eſt locus iſte, locus, inquam, in quo ſtas,
 Terra ſancta eſt, locus Petri eſt, locus Principis Apoſtolo-
 rum, ybi ſtererunt pedes eius. Si forte declinaueris à via
 Domini, ſepultus eſt in eodem loco, vt ſit tibi contra te
 in teſtimonium. Atque hæc quidem pericula, quæ S. Ber-
 nardus dicit, ſi ijs etiam imminet, qui legitime à Deo vo-
 cati tanquam Aaron nulla ſua ambitione, nulla opera in-
 terpoſita etiam inuiti in hanc Cathedram compulſi ſunt,
 quid deinde ijs timendum erit, qui arte aliqua blandien-
 do, captanda gratia, deferendis obſequijs obreperunt?
 In hos vero cadit illa Domini vox apud Oſeam Prophetã. Oſea 8.
 Ipſi regnauerunt & non ex me, Principes extiterunt, & ego
 ignorauī. Ex ſe namque (ait S. Gregoriũs) & non ex ele- 2. in lib.
 ctione, ſummæ ordinationis regnant, qui ad gloriam Ee- Reg. c. 3.
 cleſiaſtici culminis non vocantur diuinitus, ſed per cupi-
 ditatem perducuntur. Quos proſecto Dominus, ignorat,
 quia eos per internæ æquitatis iudicium reprobat. Tale eſt
 ergo ac ſi dicat, Et ſi meus eſſe videtur honor, quem ha-
 bent, non illum meruerunt obſequio, ſed cupiditate ra-
 puerunt.

Haſtenus quæ dicta ſunt, vim ferè habent ex ſpiritua-
 libus rationibus, & omnia ad animam, omnia ad æternam
 ſalutem pertinent, Itaque & ſi hæc præcipua, & maxima
 ſunt, tamen dicamus nunc aliquid etiam de præſentibus;

B b in

in quibus ipsis si recte attendamus multa sunt, quæ hunc affectum, de quo loquimur, inferere Cardinalibus possint. Nam si quis est, qui in hoc tam eminenti loco, omnia prospera, & iucunda, nihil aduersi, aut acerbî accidere putat, is vehementer errat. Immo verò quàm multæ in eo molestiæ, quàm difficultates, quàm æstus animi, quàm perplexitates, qui concursus negotiorum cum Principibus, & Regibus, cum Populis, & Nationibus? Quæ turbæ petentium, & supplicantium, qui doli ingerentiū se se, vel alios, quæ machinæ, qui cuniculi, quæ viæ ad voluntatem Pontificis expugnandam per domesticos, & familiares, per amicos potentes, denique per omnes? Nam cum omnis gubernatio per se difficilis, ac laboriosa est, etiam peccatum, non modo hominum, qui ratione & libertate præditi sunt, tum vero difficillima est in tanta hominum peruersitate, in tanta proteruita, in tanta ambitione, qua plena sunt omnia. Vbi enim iam illa fides, illa obedientia, & obseruantia erga Apostolicam Sedem, quæ esse deberet, & quæ olim erat, cum Reges ipsi vt in Anglia, & Hybernia vltro se subditos, & tributarios Romanæ Ecclesiæ faciebant? Nunc contra, quàm multi omnia ex suis politicis vtilitatibus merentes, eatenus Pontificis rationem habent, quatenus id sibi conducit, si non conducatur res suas agunt, nullo eius respectu, nulla obedientia. Et quidem hoc inter Catholicos. Quid deinde hæretici qui iugum abiecerunt, quid schismatici, alijque aperti Ecclesiæ hostes, quorum, iam est tanta multitudo, & verendum ne in dies crescat? D. Gregorius cum Ecclesiæ gubernationem suscepisset, dolebat, & quærebatur, quòd vetustam nauem, & vehementer contractam (sic enim scribit ad Ioannem Episcopum Constantinopolitanum) suscepisset, in quam vndique fluctus intrarent, & cuius tabulæ propter quotidianam, & validam tempestatem quassatæ naufragium sonarent. Si igitur iam tum erat tanta in ea regenda

da difficultas, quantum eam creuisse necesse per hos mille iam annos, quibus hæc ipsa tempestas durauit, immò verò multò etiam magis adaucta est, corruptis scilicet hominum moribus, refrigescente charitate, abundante, & crescente in dies malicia? Quid deinde illud quantum est, quod Pontificis vita, & gubernatio, & mores, dicta, facta denique omnia vt sunt oculis hominum exposita, nec possunt occultari, ita sunt etiam exposita iudicijs, & sermonibus, nec potest vllius esse tanta sapientia, aut peritia, quæ omnibus satisfaciat, aut omnibus placeat. Ex quo fit, vt semper querimonix, aut etiam obtrectiones, & incommodi sermones audiantur? Quam miseriam rectè exprimit S. Chrysostomus in Episcopo. At in honore habetur, inquit, Quis honor? Pauperes triobolares conuicia in eum in foro iaculantur; Rursus nisi se præbeat omnibus, & ijs, qui viuunt in ocio, & ijs, qui in negotio, mille vndique criminationes. Si vehementius commoueatur, crudelis vocatur, si non moueatur, frigidus. Hæc & alia multa, quæ in eandem sententiam commemorat S. Chrysostomus, de quouis Episcopo, multo magis summo huic Episcopo conueniunt, idque præsertim quod addit. Sacerdotis animus nihil differt à naui, quæ fluctibus iactatur, Vndique præmitur ab amicis, & inimicis, à suis, & alienis. Quòd quidem quis non videat, quàm apertè & congruat Summo Pontifici, qui in conspectu totius orbis terrarum, de quo non vna ciuitas, sed omnes ciuitates, & populi iudicant, à quo omnia petuntur, cui omnes instant: & tamen etiam reliqua omni totius Ecclesiæ cura præcisa, illa vel sola sufficere possit ad magnam molestiam, quam ait S. Bernardus, instantia quotidiana ab Vrbe Roma, à curia, à domestica Ecclesia, qui scilicet familiarius visitant, frequentius pulsan, importunius sollicitant. Vbi est igitur, & quæ est hæc tanta felicitas, quam nimirum stulti, & coeci homines sibi fingunt in Pontificatu? Contra,

Hom. 3. in
ad.

Lib. 4. de
cont. d.

B b 2 verò,

verò, qui in eo labores, & dolores, curæ, sollicitudines, quæ semper animum exedunt, vitamq; insuauem, & acerbam efficiunt, interdum etiam mortem ipsam afferunt, vt præter alios fertur de Nicolao Quarto optimo sanè Pontifice qui cum strenuè pro Ecclesiæ commodis laboraret, ex animi tædio mortuus scribitur, cum videret res sibi minus ex sententia succedere.

Sed faciamus nihil esse horum malorum in Pontificatu, verum omnia quieta, omnia iucunda, magna etiam gaudia, ac denique vniuersa bona, quæ in hac vita experi, optarique possint, Quanto demum tempore durabit hæc felicitas? Quàm multi enim Pontifices, ne annum quidem in hac Sede clauserunt? Nam vt anteriores taceamus, Alexander V. vt accepimus decem tantum menses in ea vidit. Lucius Secundus vnum amplius; nouem Benedictus Nonus, pauciores etiam alij, vt Ioannes XX. & Benedictus XI. vterque octo tantum, septem Stephanus X. Cœlestinus autem II. itemque Innocentius V. non plures quam quinque; denique Gregorius VIII. & Hadrianus V. vnum mensem, & paucos præterea dies. Quid illi, qui ne integrum quidem mensem exegere, vt Stephanus II. anno D CC LII. qui tribus omnino diebus Pontifex vixit, & Damasus II. qui tribus, & viginti, anno M XLVII. Cœlestinus autem Quartus patria Mediolanensis decem, & septem, anno M CC XL I. recentior etiam Pius Tertius anno M D III. qui viginti & septem. Marcellus vero memoria nostra, vnum & viginti. Denique quid plura querimus. Ante oculos est Vrbanus Septimus, qui hoc ipso anno tantis hominum gaudijs, tantis gratulationibus electus post ipsos duodecim dies rursus ereptus est, cum pari omnium luctu, & mœrore. Verum dicet aliquis hos esse casus fortuitos, & extraordinarios. Cui primum respondeo, Quis autem præstare potest, ne tibi hoc idem extraordinarium cueniat? cum certè quod alteri accidit, tibi

tibi quoq; accidere possit, præsertim cum eiusmodi exempla ita iam sint, ut vidimus, frequentia, ut non multum absint ab ordinarijs, sed tamen videamus spatium illud quod pro ordinario haberi solet, cuiusmodi sit, nimirum incertum dubium, & quod caput est, semper brevissimū, & angustissimū. Idque apertum, atque evidens est, cum alios quarto, alios quinto anno mors inuadat, qui verò ad septimum annum prouecti fuerint, eorum vero Pontificatus nimis iam longus videri incipiat, mirumque sit, & rarum, si hic terminus excedatur, cum præsertim ea ætate, plerumque, vel semper potius, quasi de industria eligantur, ut certo sciatur non multum à vitæ calce abesse. Quamobrem videtur hic mihi optime cōuenire optimum dictum Thomæ illius Mori celeberrimi martyris in Anglia, qui cum amplissima Cancellarij dignitate exutus, & in carcerem ob fidei Catholicæ causam coniectus capitalem sententiam in horas expectaret, multi autem ex amicis virilem illum animum inflectere conarētur, in primisque Aloysia vxor multum orare, & precari cœpisset, ne ipsam, ne liberos, ne vitam suam perderet, qua diu adhuc frui posset, quæsiuit ex ea Morus, quamdiu tandem putaret. Cum illa respondisset, totos viginti annos: Vis ergo ait ille ut æternitatem ipsam viginti annis commutem? Nam si annorum viginti millia dicerēs, aliquid tu quidē dicerēs, sed tamen quid hoc esset ad totam æternitatem? Idem ergo ut dixi conuenit in hanc Pontificatus cupiditatem, in quo tam breue est gaudium quod percipitur, æternum autem supplicium quod timetur.

Verum hæc quidem mala adhuc absunt à Cardinali sunt enim in Pontificatu ipso. Vident tamen ne desideretur, vel potius ut etiam fugiatur is locus, qui tot spinis lacerantibus, & fodiēantibus refertus sit. Quare nunc etiā videamus ea mala, quæ iam nunc patiatur Cardinalis, qui uiuat in hac misera cupiditate. Atque hæc quidem facilius

lius est videre oculis, quam verbis describere, Nam qui mentis cruciatus, qui angores? qui dies, quæ noctes sustinentur cogitando astuando, pendendo animi expectatione dubia, spe fallaci. quæ autem supplicia, quæ cruces, quoties aliquid interuenit, quo ea spes interturbetur? Sed inter hoc nihil miserius seruitute. Primum enim si qui hac cupiditate tenerentur, ipsius cupiditatis essent serui, ut avarus auaritiæ, & omnino vitiosi omnes eius vitij cui sunt obstricti, quoniam ab eo aguntur, & impelluntur, nec sui compotes sinuntur esse. Itaque hanc primum seruitutem seruirent, certè miseram, & acerbam, sed præterea omnibus etiam qui eam cupiditatem, vel adiuuare vel impedire possunt. Quare quor sunt in primis Cardinales tot hi dominos haberent, omnibus enim se accommodare cogerentur, omnibus præsto esse, si quid peteret. immò etiam si quid innuerent, aut si quid eos cupere suspicarentur: nihil vnquam auderent, quod illis displicere posse, intelligerent, in negocijs suscipiendis, & tractandis, in loquendo, in agendo, in sententia dicenda, omnè cautionem adhiberent, omnemque industriam intenderent, ne vllum lædant, aut offendant. Quæ igitur est seruitus, si hæc non est? Nec solum Cardinales, ut dixi, timerentur, & obseruarentur, sed illi quoque, qui apud eos in gratia esse, & aliquid posse videntur, ne illos à se alienarent, sed conciliarent potius, & conseruarent. Quid, deinde externi Principes, & Reges? Quod studium eos demerendi? quæ cura satisfaciendi, si quid intercederet. Quin etiam idem fere studium adhiberetur in eorum Principum ministros, ac famulos per quos videlicet negocia tractantur ut de se ad dominos suos amice loquerentur. Sic verò fit, ut dominandi libido in seruitutem inducat, & quidem infinitam. Ut igitur in hac seruitute magna est miseria, & magna etiam turpitudine, eaque multa indigne facere cogit, sic contra excusso ambitionis iugo, nihil facilius

cilius erit Cardinali, quam suam gravitatem, & constantiam, in omnibus suis actionibus, & sententijs retinere. Itaque si ipsam quoque dignitatem quærimus, multo maiore consequuntur, qui huius honoris contemptum præ se ferunt, quoniam hoc ipso ostendunt se rebus humanis omnibus esse superiores, in quo est maximus splendor, & maxima dignitas, etiam apud homines. Cardinalis Polus in eo Conclavi, quod Pauli Tertij obitum consequutum est, in ipso tertio seruitio, tam prope accessit ad Pontificatum, ut unum tantummodo suffragium defuerit (nec erat dubium, quin si temporis causa in solitus esset, aut aliquibus blandiri voluisset, nullo res negotio confici posset; Sed ille tantam semper tenuit humilitatem, & modestiam; immò verò, ut ego quidem sentio, animi magnitudinem, ut non modo ad nihil eiusmodi se unquam inclinaret, sed etiam libentissimè passus sit, ac pro sua etiam parte adiungeret, ut onus illud in alterum transferretur. Sunt sane eiusmodi exempla satis rara; sed quæ sunt, magnopere conferunt, ad infirmiores roborandos, ut notissimum illud Magni Gregorij, qui neque precibus, neque tam incredibili omnium consensu flecti unquam potuit donec igneæ columnæ indicio in latera deprehensus; ipse quoque illo tam manifesto diuinæ voluntatis iudicio deterrius est, ne Dei volūtatē amplius obfisteret; Simillima etiam fuit virtus Victoris Tertij, qui post Gregorij Septimi mortem, omnium voce, & approbatione ad Pontificatum expetitus, semper recusavit, atque hanc ob causam diu distulit ad Urbem accedere. Cum autem post menses aliquot hanc illorum voluntatem deferbuisset; existimans accessisset, raptus est repente ab omnibus ordinibus, & in ædem S. Lucie perductus, & veste purpurea ornatus; cum renitenti alba vestis imponi non potuisset. Sed ille post dies quatuor, Tarracinam præfectus, Pontificio ornato deposito, professus est nolle se Pontificem esse, neque amplius adduci potuit, ut Romam rediret, donec an

no pro-

no proximo, qui fuit annus Domini M LXXXVII. in Ca-
 pua conuentu, cui ipse quoque vt vnus ex alijs intereat,
 videntibus, & obsecrantibus denuo Episcopis, & Cardina-
 libus, multiſque principibus, & quidem ad eius genua ſup-
 pliciter prouolutis, vix denique ſe vinci paſſus eſt. Hic eſt
 ſenſus veræ humilitatis dignus omnibus Chriſtianis, eoque
 magis quò ſunt in ſtatu perfectiori, cuiuſmodi ſunt Cardi-
 nales, vt non ſolum vniuerſo terrarum orbi adminiſtran-
 do, ſed vel vni cuiuſque impares ſe eſſe cognoscant: quod
 multi fecerunt, qui etiam mediocres Episcopatus ita con-
 ſtanter recuſarunt, vt quidvis perpeti mallerent: quemadmo-
 dum Ammonius ille, de quo eſt in vitis Sanctorum Patrum,
 ad quem cum totus populus concurriſſet, vt eum Episco-
 pum faceret, ita reſtitit, vt etiam forſicibus aurem ſibi ipſe
 præciderit, exiſtimans ſe iam ineptum, factum eſſe Sacerdo-
 tio. Sed cum populus nihilominus inſtaret, iurauit, ille ſe
 linguam etiam ob cuius ſacundiam expeteretur, exciſurum.
 Quo illi audito moleſtiam Sancto viro exhibere deſtite-
 runt. De Goare item magnò Dei ſamulo ita ſcriptum eſt,
 cum a Sigiberto rege ad Treuerenſem Episcopatum voca-
 retur, poſtquam recuſando nihil ſe proficere vidit, triginta
 dierum inducias poſtulaviſſet, quos in perpetuis precibus
 conſumens, hoc a Domino impetrauit, vt in ſanabili mor-
 bo corriperetur, quo factum eſt, vt reliquum vite lætulo
 aſſixus, peregerit; idque ille pro magno videlicet benefi-
 cio accepit. Maius verò eſt, quod Lamoni contigit, qui Hie-
 ropoli electus Episcopus, cum nullus vel precibus vel con-
 ſilijs cederet, & ad extremum Theophilus etiam Episco-
 pus hortator accéſſiſſet, ille ne tanto viro apertè repugna-
 re videretur, diem vnum quaſi ad deliberandum ſumpſit,
 quem quidem non deliberando, ſed ea moleſtia apud
 Deum deprecanda tranſegit, itaque inuentus eſt in eodem
 loco, quo orabat expiraſſe. Quid de totius Eccleſie cu-
 ra ſentiendum eſt, ſi tales homines, tam Deo cari, etiam
 vnus

Unius mediocris ciuitatis curam, tantopere defugerunt?

Sed nihil agimus commemorandis tot malis, quæ huius summæ dignitatis cupiditas Cardinalibus parere potest, nisi etiam alteram huius ambitionis radicem excindamus, sitam in amore propinquorum, quo ad eos locupletandos, nobilitandos, & ad summa quæque euehendos vehentissime homines excitari solent nisi diligentissime caueant.

Quare sic existimo posse Cardinalem ad Pontificatum experendum facilius ac vehementius impelli, ut commodet suis, quàm ut commodet sibi ipsi. Itaque nihil dubij est, quin ad ambitionem hanc stirpitus euellendam, hoc vel præcipue conferat, si hic affectus extirpetur. Quomodo autem hoc fiat, satis puto à nobis dictum esse alio loco: aut si illa non sufficiunt, ne satis quidem futura arbitror, quæcunque à nobis hoc loco dici possint. Summa tamen hæc sit, magnam esse eius dementiam, ac cœcitatem, qui tanto suo damno alijs vtilitatem comparare velit, & quidem suo spirituali damno, eoquæ æterno vtilitatem alijs emat temporalem, & breuem. Sic enim Andreas Barbatius, sic etiam Archidiaconus, quem ille affert, vterque ijsdem verbis, peccare aiunt mortaliter Pontificem si res Ecclesiasticas donet consanguineis, ut eos diuites faciat plus equo. Quod autem ad dignitates attinet, ne in his quidem ita liber est Pontifex, ut eas suo arbitratu conferat etiam indignis. Nam cum in his duo spectari possint, primum honor ipse, & veneratio, quod quidem est genus quoddam humani boni, quod homines plurimo existimant, deinde Ecclesiæ ministerium, & vtilitas: utrumque eiusmodi est, ut nisi dignis committatur, peccatum sit. idque duplex, alterum aduersus proximos aptiores, quibus bonum illud præripitur, alterum aduersus Ecclesiam, cui minus idonei ministri imponuntur, qui nec eam iuuare, aut subleuare possint, & locum occupent, eorum qui possent. Itaque egregiè de hoc ipso B. Hieronymus illud ex sacris litteris profert, quod Moses cum posset utique successores

De Card.
p. 1. q. 3. in
c. nō liceat
12 q. 2.

In c. 1. ad
Tit.

Cc

Prin-

Principatus filios suos facere, & posteris suam velut hæreditariam relinquere dignitatem, non hos tamen elegit, sed Iosuem ex aliena familia, atque etiam ex aliena tribu, ut disceremus has dignitates non sanguini deferendas esse, sed vitæ. At nunc, inquit, cernimus plures hanc rem beneficium facere, ut non quærant eos in Ecclesia erigere columnas, quos plus cognoscant Ecclesiæ prodesse, sed quos vel ipsi amant, vel quorum sunt obsequijs deliniti, vel pro quibus maiorum quispiam rogauerit, & ut deteriora taceam, qui ut Clerici fierent, muneribus impetrarunt. Atque hoc, quod de Iosue electione B. Hieronymus notat, idem etiam ponderauit Origenes. Nulla inquit, hic populi acclamatio, nulla propinquitatis habita contemplatio est. Et certe quid est aliud Pontificatum dirigere ad familiam ditandam, quàm rem tam sacram, tamque diuinam omnino prophanare, & ad sæcularem usum adhibere, ut fecit Balthassar ille in conuiuio; quod quidem sacrilegium magno luit, statim & Regno exurus, & vita? Quamobrem nihil potest dici melius in hoc genere, quam quod à B. Chrysostomo breuiter dictum est, sed ita luculentè, ut totum hoc argumentum breui compendio complectatur, sic enim ait, sæcularem quidem primatum desiderare, & si ratio non est, vel causa est, quia & si iustum non est, saltem vtile est. Primatum autem Ecclesiasticum concupiscere neque ratio est, neque causa, quia neque iustum est, neque vtile. Quis enim sapiens vltro se subijcere festinat seruituti, labori, dolori, & quod maius est periculo tali, ut det rationem pro omni Ecclesia apud iustū iudicem, nisi forte, qui nec credit iudicium Dei, nec timet vti, abutens primatu suo Ecclesiastico, ut sæculari, & conuertat eum in sæcularem?

Libet ad extremum hæc omnia claudere memorabili certe exemplo vnius Cardinalis, quod ante oculos fermè constituere possit, ruinas & damna, quæ ex hac foeda, &

per-

Rom. 22.
in num.

Dan. 6. 5.

Imperf. in
Matth. hom.
35.

peruerſa ambitione proueniant, etiam in eos ipſos qui ea tenentur, & interdum in totam Eccleſiam. Sed antequā hoc exemplum quod in Anglia geſtum eſt propono, reuocandus eſt in memoriam ſtorentiſſimus Anglicani Regni ſtatus, qui fuit ante annos ſerè ſexaginta cum pietas, & religio, & omnis virtus ad eò flourerent, in Anglia, vt intelligatur, quas ſtrages, & quantum incendium vna hæc Pontificatus libido excitarit. Fuit igitur vt Sanderus narrat, in illa prouincia Thomas Voſſeus, qui humili, ac potius plebeio loco natus, cum ad Henrici Octauī Sacellum obrepſiſſet, deinde etiam regijs eleemoſynis præfeſtus eſſet, ita Regis beneuolentiam ſibi conciliauit, vt Lincolnienſis primum Epicoſopus, deinde Dunelmienſis, tum etiam Vintonienſis, ſimulque Archiepiſcopus Eboracenſis, mox totius Regni Cancellarius, quæ poſt Regem Princeps dignitas eſt, poſtremo Cardinalis, & in vniuerſo illo Regno Pontificius à latere Legatus crearetur. Accedebant deinde complures Abbatix locupletisſimæ, annuæ penſiones permagnæ, quotidiana munera ingentia. Accedebat gratia duorum ſummarum Principum Caroli V. Imperatoris, & Franciſci Galliarum Regis, qui penè certatim in hoc homine ſibi deuinciendo laborabant, ita vt Carolus ſepiſſimè ad eum, & amantiſſimè ſua manu ſcribere, & in extremis literis eius ſe filium, & cognatum appellare non grauaretur, Verùm, cum inſuper etiam Summi Pontificatus cupiditas eum inuaſiſſet, vt ſe per Carolum id minus conſequi poſſe cognouit, totus in Franciſcū conuerſus, primus omnium impium illud, ſuſcitumque Angliæ conſilium cepit, vt Henricum Regem ad diuortiū cum Catharina Caroli matertera faciendum impelleret, hoc quidē animo, vt eo ad Gallicas nuptias conuerſo, Regem illum ſibi arctius adiungeret. Itaque cum in eo efficiendo ſummam vim, ac contentionem adhibuiſſet, cœlumq; & terram, vt dicitur miſcuiſſet, hoc quidem quod

Lib. 1. de
ſchiſ. An-
glic.

volebat non obtinuit, illud consequutum est, quod nesciebat, ut Henricus Catharina relicta, alteram sibi foeminam per summum scelus ascisceret, simulque & se, & totum Regnum à fide Catholica, à Romanæ Sedis observantia, seiungeret. Nec verò Volsæus tantorum malorum origo, tantum flagitium tulit impunè. Nam paulo post Regis gratia, Cancellariæ munere, altero etiam Episcopatu, & palatio, quod magnificentissimè extruxerat, spoliatus, postremò in magna nobilium Corona comprehendi à satellitum manu iussus, dum in Londinensem arcem trahitur, in ipso itinere, tot miseriarum, totque calamitatum concursu oppressus animam exhalavit. Cuius etiam hoc dictum fertur, cum in eo capièdo clamarent satellites, teneri illum ob læsam Regiam Maiestatem, respondisse ipsum, utinam non magis Diuinæ Maiestatis lese reus essem. Nunc autem dum Regi nimium seruiò, & Deum offendi, & Regis gratiam perdidi. Ex hoc igitur tam funesto exemplo, multa ad rem nostram elici possunt documenta, primum quot malorum causa esse soleat cupiditas Pontificatus, cum huic vni illius tantæ Insulæ perditio accepta referri debeat: deinde quibus supplicijs etiam in hac vita plebæ à Deo soleat, hæc summæ sedis ambitio. Postremò ut ista cupiditas à leuibus initijs in maiores errores, deinde quibusdam quasi gradibus in maxima scelera præcipitet. Ut enim, qui in mari nauigant, interdum ventis, & fluctibus paulatim in altum etiam nolètes abripiuntur, sic qui huic desiderio velificari cœperint, à modico affectu ad ardentiorè affectum, à minoribus culpis ad culpas grauiores prouehuntur, interdum imprudentes, interdum etiam scientes, Sed nimirum non possunt obistere, neque seipso cum in cursu fuerint cohibere. Quare faciendà est initio medicina, omnisque aditus his cupiditatibus obstruendus, quas ita extirpare oportet, ut quatenus fieri possit, cum Dei ope radicitus extrahantur.

Quid

*Quid Spectare debeat Cardinalis in eligendo
Summo Pontifice. Cap. XXXXI.*

RELIQUVM est ex omnibus Cardina-
lium officijs id, quod vt splendore maxi-
mum, sic rei momento difficillimum, &
verò etiam periculo gravissimum est, ni-
mirum suffragium ferre in summo totius
Ecclesiæ Pontifici creando. Cum igitur
tantum, tamque arduum sit negotium, merito non
oscitanter, aut remissè peragendum est, sed si quid est in
hac vita, quòd attentionem, curam, meditationem, om-
nemque animi prouisionem requirat, hoc profectò requi-
rit. Ita enim S. Gregorius illud interpretatur quòd scri-
ptum est in libro Regum de Samuele, qui & si ià antea Sau-
lem à Deo electum norat, cumque ipse inunxerat, tamen,
cùm ad eum Regem renuntiandum ventum est, tanta usus
est inquisitione, vt populum omnem per tribus, & familias
stare iusserit. deinde sortes miserit, postremò latentem do-
mi repererit; Quid ergo, inquit, hoc facto signatur, nisi
quia Sanctæ Ecclesiæ Principes multa consideratione eli-
gendi sunt? Egregiè etiam Origenes, quod Dominus in
Leuitico iussit, vt in Pontifice constituendo congregare-
tur omnis populi cœtus, ita interpretatur, vt sciant om-
nes, inquit, & certi sint, quia qui præstantior est ex omni
populo, qui doctior, qui sanctior, qui in omni virtute emi-
nentior ille eligitur ad Pontificatum. Hoc est autè, quod
& Apostolus præcipit, in ordinatione Episcopi, dicens,
Oportet autem illum, & testimonium habere bonum ab ijs
qui foris sunt. Addit etiam alteram interpretationem,
non minus aptam huic loco, quòd nimirum conuocare po-
pulum, hoc sit colligere omnes animi virtutes, casque in
vnum

4. in Eb.
Reg. c. 4.

Hom. 6. in
c. 8. Leuit.

1. Thim. 3.

vnum congregare, vt cum de Pontifice instituendo agitur, vigilant omnes animi virtutes, & intentæ sint, vt nihil in eis sapientiæ, nihil scientiæ, nihil desit industriæ, sed adsit omnis multitudo sensuum, adsit omnis congregatio sanctorum cogitationum, vt quid sit Pontifex, quid vnctio, quid indumenta eius, conferens intra sacrarium cordis sui possit aduertere. Quæ cum ita sint, hoc primum apud se decernere debent Cardinales omnes, vt in tanta re, quantæ est eum eligere, qui omnium fidelium caput in terris futurus sit, qui totam Ecclesiam sit administraturus, omnem diligentiam, omnes ingenij prudentiæ, iudicijque neruos intendant, vt eum eligunt, qui tanto oneri, tantæque prouinciæ par sit: Quid enim monstruosius, quàm id, quod **Epist. 143.** ait S. Augustinus, vt præcipuus locus gubernaculorum ei tradatur, qui remum tenere non nouit? Sed hoc quidem monstrum in nulla alia re accidere videmus. Nam vt in eodem simili maneamus. Si nauigandum sit, gubernandæ naui munus, non ex gratia, aut ex beneuolentia committitur, sed queritur idoneus aliquis, nec quisquam est, qui non cupiat habere quàm peritissimum, & quàm possit optimum. Ecclesia verò ipsa quoque quasi naui quædã est, & quidem onusta mercibus. Quæ vero in ea merces? Animæ innumerabiles per se tam preciosæ, sed preciosiores, ob infinitum pretium, quo emptæ, & ob Dei sanguinem, quo ablutæ sunt. Et quidem hac naui, ij etiam ipsi vehuntur, qui suffragium ferunt. Quæ ergo maior cœcitas, quàm ei clauum tenendum mandare, qui ineptus, & imperitus sit, tanto periculo tamque certo, tum aliorum omnium, tum etiam suo? Et si enim naui hæc quantacunque insint pericula, vel turbinum, vel fluctuum, nunquam obrui, aut mergi potest, quoniam portæ Inferi non præualebunt aduersus eam, potest tamen affligi, & vexari, potest magna, & grauiâ incommoda pati. Nam vt ouium pastor, siue propter imperitiam, siue propter malitiam, gregem

gregem non curet, si non ducat ad pascua, si non à feris arceat, totum perdet: sic animarum pastor si non vigilat, ac prouidet quacunq; causa id eueniat, aut quia nesciat, aut quia nolit, idem necesse est sequi, vt Ecclesia multas accipiat plagas, quas deinde cum inueterata fuerint, nullius melioris pastoris industria sanare queat. Hæc autem detrimenta, non ab ipso tantum Pontifice qui peccat lueda sunt, sed ab ijs etiam, qui eum elegerunt, vt à causa remotiore damnorum: præsertim vero si non eam, quam oportebat curam adhibuere, aut si quod grauius est, suum potius in eo eligendo commodum sunt sequuti. Itaque Gondisaluus bonus auctor, & doctus, hoc etiam De Card. disertè affirmat, debere Cardinales totis viribus adniti²¹⁰ (sic enim ait) ne in eius electione qui supra omnes constituitur, errent; alioquin ipsis imputari quicquid electus male administrando committit, quoniam ipsi sunt in culpa. Verum quod tenebras in hac re offundit, & plerumq; transuersos agit hominum animos, quædam est species nête utilitatis, dum quisque quod sibi aptius esse existimat, vel ad amplitudinem, & honorem, vel ad diuitias augendas, id sectatur; eòque inclinatur. Quæ autem maior peruersitas, quæ turpior deformitas cogitari potest, quàm eiusmodi rem adeò sanctam, temporali sine prophanare, vel etiam rem tam communem, non ex communibus commodis, sed priuatis, & suis metiri? Fingamus enim animo, id quod sæpe euenire solet, vt ciuitas Legationem aliquam decernat ad regem suum de negotio maximo, & in quo ciuitatis eius maxima utilitas, aut salus ipsa versetur, seligat oratores, eosque ad hoc ipsum ornet honoribus, augeat comitatu, prosequatur amplissimo viatico. Si igitur isti, his omnibus acceptis, cum ad regem venerint, publicæ utilitatis obliti propriam quisque causam tractare cœperit, quis non eos clamet infideles, & communis boni proditores

res esse? Eodem modo Cardinales, qui ex omni hac nostra Christiana republica delecti, tanta dignitate, tantis facultatibus quasi splendido viatico instructi sunt, ut essent Ecclesiae instrumenta, tum ad alia negocia, tum ad hoc omnium maximum, si deinde ad priuata emolumenta, & commoda conuertantur; fidem deferunt, produntque publicam causam, & depositum quodammodo fallunt. Quod etiam eo magis apparebit, si huius actionis, quæ est, Pontificem eligere natura consideretur. Nihil enim aliud est, nisi, ut antea attigimus, eligere Christi Vicarium in terris, quem Christus ipse confirmet in cœlis, & cui clauces regni cœlorum tradat, suam potestatem committat. Ut .n. ad quemuis Principem pertinet, suis urbibus præficere quos velit, & quos maxime idoneos iudicet, ita in hoc Christi regno designatione Pontificis, qui eius partes quasi ipso absente teneat, Christi propria est, eamque exercuit omnium primus in Petro eligendo, cum ei dixit: Tibi dabo clauces regni cœlorum, & iterum deinde. Pater agnos meos. Nunc autem tantam hanc, tamque diuinam potestatem communicat et cum hominibus, id est, cum Cardinalibus, immo totam eis committit, & ratum habet, quicquid ipsi gesserint. Quanta igitur cum fide, quanta etiam cum reuerentia, & timore quodam, quæ pietate, ac religione hoc suffragium tam sanctum, & de re tam sancta ferri oporteret? Qui verò id non faciat, sed rei sanctitatem terrenis respectibus admixtis adulteret, quam is grauius Deum offendet? Denique conuincamus eos (si quid istiusmodi sunt) ex suo ipsorum sensu. Et enim si domui sui Oeconomum cupiant, eiusque querendi curam alteri committant, qualem eum eligi velint? quam fidelem, quam peritum, & scientem, quam accuratum, denique omnibus artibus ad id negotij idoneum? Quod si is cui hoc mandassent, non ex ipsorum, sed ex suamet utilitate aliquem minus aptum deligeret, quantopere indignarentur?

Matt. 16.
Joan. 21.

tur & merito. Sed si hæc iusta est causa indignandi in re parua, ac leui, quanto iustius ipsis Deus irascetur, in re tanto maiore, & grauiori. Est enim Ecclesia Dei domus, & Dei familia: quare nihil iniquius, quam huic familie aliquem præponere ipsi eius domino ingratum, & odiosum.

His igitur ita positis illud manifestè, & euidenter, sequitur, hanc omnibus Cardinalibus quasi regulam, ac formulam huius electionis, semper ante oculos tenendam, eum eligi oportere Pontificem, qui omnium optimus, & aptissimus ad hoc munus existimetur. Itaque non solum graui se scelere obstringunt, si inepto suffragium suum tribuant, sed etiam si tribuant apto, prætermisso tamen aptiori, oportet enim vt dixi, vt eum eligant, qui præter ceteros maximè aptus videatur. Docet hoc S. Antoninus, qui hac ipsa questione his ipsis verbis posita, an teneantur Cardinales eligere meliorem, in Pontificem, diserrè, ac liquidò respondet, teneri, alioquin peccare mortaliter & esse personarum acceptionem. Quod autem à quibusdam dicitur, satis esse si idoneus eligatur, meliori posthabito, ait falsum esse, nec valere in foro conscientie. Paulò etiam post grauissimum esse dicit peccatum, si minus idoneus eligatur, vel propter pecuniam, vel etiam aliorum precibus, vel gratia, aut commendatione, vel denique, quia speretur commodus fore, & beneuolus. Hæc omnia S. Antoninus. Hieronymus quoque Manfredus in illo libello de Cardinalibus hoc optimè. In eligendo nouo Pontifice, quo citius, & sanctius possunt, abhorrentes ab omni munerum corruptela, amore, spe, cupiditate, metu, & omni sollicitudine animi prorsus exturi, magna humilitate ad id munus accedant. Quod si secus fecerint, peccatum æterna dignum poena admittunt, eiusque poenam luent corpore, & anima, Atque idem etiam alio loco. Ad eligendum Petri successorem, Christi Vicarium Car-

D d dinales

cardinales omnes integritate animi, & optima mente accedere debent, nō autem precibus, aut pretio corrupti, amore, aut odio aliquo: sed tota cogitatione respiciant utilitatem Ecclesiæ universæ, honorem Dei omnipotentis ante oculos habentes. Si verò secus faciant, quoniam tanta potestate sibi concessa abutuntur, æternos sibi cruciatus in alia vltia acquirunt, in hac verò summum dedecus, atque infamiam contrahunt. Idem confirmat Albanus, cum ait Cardinales, vulnerare suas conscientias eligendo idoneum, quando magis idoneum eligere potuissent, & in eam sententiam, duos magnos affere testes Abbatem, & Decium. Idem etiam tradit S. Thomas docens, quicumque potestatem habeat, vel eligendi, vel presentandi peccare, nisi eum, qui maximè aptus sit, eligat. & quidem addit Caietanus obligari etiam ad contentionem, comparationemque faciendam, ut ex ijs, qui ad manum sunt, non modo bonum, sed etiam optimum sumat, alioquin enim esse acceptionem personarum redditur. Si Thomas rationem, quoniam hæc Ecclesiæ ministeria, non ad hominum remunerationem, sed ad ipsius Ecclesiæ utilitatem instituta sunt, quare eo omnia esse referenda. Hæc ille de quouis Episcopatu. Quod si in ceteris valet, quanto magis in summo omnium Episcopatu? Quod etiam pertinet illud S. Augustini in S. Jacobi sententiam, qua Apostolus ille personarum acceptionem in stando, vel sedendo condemnatur. Si, inquit, hanc distantiam sedendi vel standi ad honores Ecclesiasticos referamus, non est putandum leve esse peccatum in personarum acceptione habere fidem Domini gloriæ. Quis enim ferat eligi diuitem ad Sedem honoris Ecclesiæ, contempto paupere instructiore, & sanctiore? Quod ergo S. Augustinus dicit de diuitijs idem intelligendum est de alijs, cum vel amor ad aliquem indignum inclinat, vel ira, aut odium, ab aliquo digno reuocat, & in summa cum aliquis humanus affectus, qui se interferat

De Card.
q. 11.

2. 2. q. 181.
2. 5.

2. 1. 17.

Epist. 19.

Alban.

Dec.

terferat

transferat mentem à recto derelinquet. Atque hoc etiam
 ipsius rationis lumen, & naturæ iudicium demonstrat.
 Nam qui alijs ideo præponuntur, ut eos regant, & guber-
 nent, quantum eos gradu antecellunt, tantum etiam ante-
 cellere oportet sapientia, & virtute. Itaque in omnibus
 populis bene constitutis, cum de Rege legendum agitur
 (nisi per vim, & per seditionem agatur, quod quidem non
 Regnum est, sed tyrannis) semper is quaeritur, qui excel-
 lat: multo autem magis id fieri deberet in populis Chri-
 stianis. Sic legimus Hierosolyma per sacrum illud insigne
 bellum recepta, quod fuit anno M. l. C. cum inter Princi-
 pes, qui eò multi conuenerant de creando Rege consulta-
 retur, coepisse inquisitionem fieri de singulorum vita, &
 moribus: quin etiam ut cuiusque merita magis constarent,
 ferunt iureiurando adactos familiares, & intimos quosque,
 ut candidè, & simpliciter omnia expromerent. Quia in-
 uestigatone adhibita, cum omnium vita patuisset, electus
 est Godefridus ille, cuius unum hoc crimen compertum
 est, quod nimis prolixas moras in templis traheret, quæ
 familiam tedio afficerent, & cibos iam paratos insuaui-
 ores redderent. Quid igitur facere oporteret Ecclesiasti-
 cos electores Principis Ecclesiastici, si etiam laici homi-
 nes in laico Principe instituendo hanc regulam tam accu-
 ratè tenuerunt? Qua de re superfluum est latius discere,
 cum habeamus Concil. Trid. apertissimam auctorita-
 tem meliorem eligi iubentis. Igitur cum hoc ita habeat,
 ut semper optimo cuique & dignissimo suffragium tribuen-
 dum sit, duo tamen auctore S. Antonino, obseruanda
 sunt, quæ rem hanc haud paulò faciliorem reddunt. Pri-
 mum enim hoc ita intelligendum, si spes sit eum qui me-
 lior, aut optimus iudicetur ad Pontificatum peruenire
 posse. Nam si desperetur, quia maior pars aliò inclinet,
 in hunc pauci, vel nullus, tum verò licebit alteri, etiam si
 minus bono, sed tamen bono, suffragari: vel quia aliter

Tyrius de
 bello sacro
 lib. 9.

Sess. 24. c. 1

etiam res conficietur, vel quia rectum est existimare illos, qui plures sunt melius sentire, ac plus videre; denique ad tollendam diffentionem, & offensionem, quod omnino curandum est, ut quàm maximè concordia teneatur. Si verò spes aliqua affulget Cardinali, posse se eum, quem aptiorem iudicat suo suffragio iuuare, & promouere, quoniam non desint alij, qui idem sentiant, omnino (ait S. Antoninus) suffragari deteriori, & minus digno non licet. Alterum deinde est, cum de meliori, siue aptiori loquimur, non cum intelligi, qui sanctior sit, magisque pietati, ac religioni deditus, sed qui melior huic negotio, idest magis idoneus gubernandæ Ecclesiæ. Quare & si non adeo virtutibus perfectus sit, si tamen ijs præsidij ornatus, quæ ad regendum conferunt, hic esset præferendus. Hæc vero præsidia nota sunt, prudentia in primis & solertia, tum deinde peritia, & rerum vsus, præterea doctrina, & eruditio, sine qua sine dubio fluctuaret gubernatio in tanta præsertim rerum mole. Quare ex his omnibus ferendum est iudicium, sic tamen, ut non desit ea virtus, probitas, atque integritas, quæ in gregis dominici pastore desideratur. nam sine hac nulla sufficeret sagacitas, vel experientia.

Postremo quoniam in his omnibus estimandis, & dijudicandis errari potest, & sæpe erratur, operæ pretium erit quasi praxim quandam tradere seruandam in eligendo; si prius id dixerimus, quod præter reliquos stimulos ad tuam Frater carissime diligentiam in hoc genere excitandam magnopere conferre posse existimo. Sic enim obseruatum est, qui in hoc tanto negotio suarum potius utilitatum, quàm diuini obsequij rationem habere voluerunt, plerumque ita à Deo, punitos esse, ut à quibus potissimùm omnia sperabant, & quibus hac spe immerito suffragari erant, ab ijs non modò nihil præmij referrent, sed malè etiam tractarentur. Iusto utique Dei iudicio, ut & ipsi

per

per quę peccarant plecterentur, & alij discerent eorum exemplo, ac tam euidenti, tamque præfenti pœna detererentur. Nam vt nihil de nostra ætate dicam, quod est odiosum, aperte hoc declaratum est Alexandro VI. Pontifice, qui cum quorundam Cardinalium suffragatione, suam magis quàm Ecclesię vtilitatem spectantiũ ad Pontificatum prouectus esset, pro magnis commodis, quę sibi sponponderant, magnas cuncti ab eo calamitates acceperunt. Ita enim memorię proditum est, omnes, qui illi in dignitate adipiscenda fauerant, non multò post alios alia pœna luisse, partim exilio, partim teterrimo carcere, partim etiam capite damnatos: quin etiam multos Romanos procures, quorum propinqui Cardinales illum extulerant varijs ex causis, vel sublatos, vel bonis exutos. Similia autem multa commemorari possent, Verũ vt ad praxim illam redeamus, hoc in primis tibi faciendum omnino est vt cum primum Pontificis obitu vacuam Sedem videris, nouumque quærendum Successorem, intelligas magnum tibi instare, negocium graue, ac periculosum, & in quo facile sit labi grauissimè. Itaque iam tum tecum statuas, ac decernas, nihil te agere velle, quod Deum offendat, malleque omnia perdere, ac perpeti. Quare vt salua conscientia, ex hoc quasi euripo euadere possis, tum ipse te Deo precibus commendare, eiusque opem, ac lumen implorare incipias, tum etiam cures vt alij, & preces, & missas pro te, & pro alijs collegis offerant, tribuas largiores elemosynas, denique nihil omitas quod ad diuinam maiestatem conciliandam pertineat. Deinde semper quidem, sed maximè in ipso Conclau, cum electioni opera datur, hoc studeas, tuisque omnibus viribus coneris, vt te omni tua voluntate, & inclinatione exuas, ne ob alicuius amorem, aut ob priuatum commodum in aliquem propèdeas, aut contra ab aliquo abhorreas. Immodò verò si quid eiusmodi in animo tuo inhaeruisse senseris, eijcias statim acriter,

ter, & fortiter, quoniam sine dubio rectum iudicium peruerteret. Vt enim cum Solis radius per vitrum permeat, & si per se purissimus, ramen eodem colore affici videtur, quo vitrum ipsum tinctum fuerit, sic cum Dei lux in voluntatem inciderit, aliqua infecta cupiditate, facile fit, vt illa ipsa inclinatio ex Dei luce manare videatur, itaq; homo suum placitum, vt Dei placitum amplectatur, nempe idolum pro vero numine. Cum igitur tuam omnem voluntatem funditus eieceris, tertium est, vt quam maximum concipias desiderium cognoscendę diuinę voluntatis, vt eam sequaris, & exequaris. Quid enim iustius, quam in negotio Dei, eum cui suas Deus vices commisit, nihil facere, nisi quod Deus velit? Nam & hoc suffragium Cardinalibus à Deo datum est, & Pontifex, his suffragijs discernendus, Dei domum gubernaturus, Dei causam tractaturus est. Quare ex omni parte nihil peruersius, vt antea diximus, quam non omnino satisfacere eius voluntati. Itaque huc te semper respicere, & ad hoc omne tuum ingenium, animique vires conuertere oportebit, idque, & mente, & ore, assidue precari, quod Apostolos olim in simili re precatos legimus. Tu Domine qui corda nostri omnium, ostende quem elegeris ex his omnibus, vnum accipere locum ministerij huius, & apostolatus. Recte, Quem elegeris. Hęc enim esse debet hominum cura, & labor; vt eum ipsum eligant, quem iam ante mundi constitutionem elegit Deus. Quarto loco hoc etiam scias, ad cognoscendum quisnam ex omnibus maximè Deo placeat, duplicem esse viam, vnam per internum Dei auxilium, qui vel rationem suo lumine illustret, vel voluntatem impellat in eam partem, quam ipse velit, Ad hunc autem interiorem Dei illapsus magnopere confert, tum puritas conscientię, tum feruens desiderium exequendę voluntatis diuinę, tum etiam oratio, & meditatio cœlestium rerum, quę vim hanc habet, vt animam expurget, habi-

habilemque reddat ad recipiendos, & percipiendos diuinos motus. Altera est via conatu, & studio ipsius hominis cogitando, & ratiocinando, & proponendo sibi tres illos, aut quatuor, in quos hæc deliberatio cadere possit (viz enim plures erunt) deinde perpendendis, atque conferendis inter se eorum dotibus, quæ huic muneri aptæ sint. Neque verò excludenda, ac potius exquirenda sunt aliorum consilia, modo proborum, ac prudentum, rectisque sensibus euntium, & Dei gloriam spectantium. Sæpe enim consultando, & audiendo veritas retegitur. Ex his autem satis intelligi potest, quis locus reliquus esse possit obligatis, & deditis illis suffragiis, quis gratiæ, aut amicitia, aut precibus, cum nihil aliud eo tempore debeat animo obuersari, quàm Dei honor, & obsequium, tum Ecclesiæ Sanctæ utilitas, & Fidelium salus.

Quid à Cardinali seruandum sit in Legationibus, vel in Gubernationibus sibi commissis.

Cap. XXXII.

VLTIMO loco est etiam aliquid dicendum de alijs quibusdam Cardinalium functionibus, quas ideo in hunc locum reseruauimus, quia nec omnibus communes sunt, & à quibus geruntur, non semper, & tota vita geruntur, sed raro, & ad tempus. Vna igitur ex his functionibus est Legatio, cum à Pontifice ad certum aliquod negociū mittuntur, vel etiam cum alicui Prouinciæ gubernandæ præficiuntur. Nam etsi proprium est Cardinalium Pontifici assistere, cumque præsentis consilio, & opera iuuare, tamen cum ita res, vsusque exigit, alio etiam allegari possunt, idque sæpenumero magnam attulit Ecclesiæ utilitatem. Vt enim inter Angelos
alij

Feb. 1.

Elaia 6.

alii sunt administratorij spiritus in salutem hominum missi, ut ait Apostolus, & hi quidem ex minoribus ordinibus, alij vero Deo semper astant, qui sunt summi illi ordines, et præsertim Seraphinorum, tamen ex his etiam summis aliqui nonnūquam ad terras destinantur, ut olim ad Elaiam, quod ipse testatur, ita in hac Ecclesia militante habet Pontifex Maximus inferiores administratos, quos huc illuc, pro Ecclesiæ procuracione dimittat, ut Episcopos aliosque prælatos. Cæterum si negocij ratio id postulat, mittit etiam interdum ex Cardinalibus ipsis, quos supra diximus, Seraphicæ classi respondere. Tunc autem id res postulat, cum eiusmodi causa est, ad quam expediendam, non solum necessaria sit prudentia, & dexteritas, rerumque usus, quæ scilicet in alijs quoque inueniri possunt, sed etiam maior quædam auctoritas, qualis est in Cardinali. Quare oportet semper haud mediocre esse negocium, sed magnum, & arduū, nec priuatum, sed publicum, ac vel ad totam Ecclesiam pertinens, vel certe ad præcipuam eius partem. Atque hoc quidem institutum adhibendi Cardinales ad hæc munera minimè nouum, aut recens est, sed ab eo tempore statim introductum, quo etiam Cardinalibus accedere coepit maior auctoritas, et maiestas. Itaque Callisto Secundo Pontifice, idest anno circiter M C X X. ingens illa, et foeda contentio inter Imperatores, et Pontifices, quæ quinquaginta propemodum annis totam Ecclesiam continenter turbabat, tandem trium Cardinalium legatorum egregia opera planè sublata est, & quidem cum magna Ecclesiæ dignitate, restituto ei iure conferendi beneficia, quod Imperatores inuaserant. Hi autem Cardinales lectissimi sane fuere Saxo è Comitibus Presbyter, Lambertus Ostiensis Episcopus, Gregorius Paparescus Diaconus; quorum quidem hi duo posteriores, deinde etiam Pontifices fuere, alter Honorius II. alter Innocentius II. eius nominis. Multò verò etiam magis eiusmodi Legationes non multò post

ab

ab Alexandro Terrio frequentari cœptæ, quem legimus iplo Pontificatus initio, Ioannem Anagninum Cardinale in misisse Mediolanum, vt suas partes aduersus Victorem antipapam, & Federicum Imperatorem rueretur: quod ille quidem strenuè præstitit, cum vtrunque publicè è suggestu, & complures Episcopos eorum sectatores à piorum communione semouit. Quin idem etiam anno M C LXXI. cum in Anglia Thomas Cantuariensis impie mactatus esset, duos Cardinales eo legasse scribitur ad Regis causam cognoscendam, an eius cordis conscius fuisset; Eodemque fere tempore ad Conuentum quendam Italicum magni momenti, alterum par Cardinalium destinauit Hildebrandum Crassum, & Alberganum. Itaque ab illo tempore his omnibus sæculis ita Legationes hæc vsitatæ, & frequentatæ sunt in Ecclesia, vt nullum ferè maius negocium à Pontificibus aliter sit confectum. Quamobrem Iordanem Visinum legimus primum à Ioanne XXII. missum in Hispaniam contra Benedictum Lunam Antipapam. iterum à Martino Tertio, quem vulgo Quintum appellant in Galliam, Vngariam, Bohemiam, postremo ab Eugenio Quarto ad Concilium Basiliense semper cum magno fructu. Dominicum etiam Capranicum, qui ab eodem Martino Cardinalis nominatus, ipso interim mortuo, nihilominus ab Eugenio promotus est, duodecim honestissimas Legationes obijisse accepimus: at Ioannem Caruiallum, de quo supra mentionem fecimus, duas & viginti. In quo genere plurimum etiam commendari video Aeneam Syluium Picolomineum, qui postea Pontifex Pius II. dictus est. is enim Pontificum iussu ad plures Germaniæ ciuitates profectus, talem vbique se præstitit, vt ita creditum sit, eum in studio erga Sedem Apostolicam à nemine esse superatum. Quod fere idem de Laurentio Campegio dici potest, qui ex Auditore Roræ à Leone X. Cardinalis factus, multas ipse quoque Legationes præclare obiit, pri-

E c

mum

num in Angliam ad Henricum VIII. adhuc Catholicum ut eum in foedus aduersus Turcas adduceret, iterumque ad eundem propter diuortij causam, quod ille cum Catharina optima coniuge agitabat. Deinde in Germaniam ad Concilium quoddam indictum, postremo rursus in Germaniam cum Lutherana pestis serpere coepisset. In quibus tamen eius Legationibus nulla difficilior, aut implicatior fuit, quàm illa de regio diuortio quod diximus, cum res illi esset cum Rege, cui magnis antea beneficijs obstrictus erat, à quo videlicet, & Ecclesiasticos redditus haud mediocres, & insigne palatium Romæ acceperat. Itaque cum ille deinde, & his meritis, & auctoritate, & multò magis importunitate nonnunquam etiam minis, ac metu, tam iniustum, impiumq; negotium vrgeret, quantus ille fuit campus exercendæ eius integritatis, ac fortitudinis, quæ esse debet in Cardinali Legato? Et si ille quidem hoc ipsum acrius fortasse potuit. Ita enim visum est quibusdam nonnihil cessisse, & aliquid Regis gratiæ dedisse. Sed tamen & illud ipsum, quod fecit, & si quid non fecit quod facere debuit, satis ostendit quanta res sit Legatio Cardinalis. Atque idcirco etiam hæc exempla à me commemorata sunt, ut intelligeretur, quam ingens Ecclesiæ emolumentum, Legatis decus, Legationes rectè obitæ afferre soleant: contraque quantum Ecclesiæ damnum, quantum Cardinalibus dedecus, si minus rectè obeantur.

Cum igitur hoc ita sit, videndum iam est in eo munere gerendo, quæ à Cardinali seruanda sint, quæue fugienda. Hæc vero omnia, nec melius, nec apertius, nec grauius tradi possunt, quam à S. Bernardo exposita sunt in libris ad Eugenium suum; quem dum edocet, quos Cardinales ad hoc munus eligere debeat, ipsos etiam qui eliguntur, docet quid debeant præstare. Sic igitur ait. Qui Legatione pro Christo fungi quoties opus erit, nec iussu renuant,

acc

Lib. 4. con
64.

nec non iussi affectent. Qui quod verecundè excusant, obstinatius non recusent, Qui missi post aurum non eant, sed Christum sequantur. Qui quæstum Legationem non æstiment, nec requirant datum, sed fructum. Qui Regibus Ioannem exhibeant, Aegiptijs Mosen; Fornicantibus Phinces. Heliam idololatriis, Hælisæum avaris, Petrum mentientibus, Paulum blasphemantibus, negociantibus Christum. Qui vulgus non spernant, sed doceant, diuites non palpent, sed teneant, pauperes non grauent, sed foueant, minas Principum non paueant, sed contemnant. Qui non cum turba intrent, nec cum ira exeant, qui Ecclesias non spolient, sed emendent. Qui marsupia non exhauriant, sed corda reficiant, & crimina corrigant, famæ prouideant suæ, nec inuideant alienæ. Quorum sermo ædificatio, quorum vita iustitia, quorum præsentia grata, quorum memoria in benedictione. Qui se amabiles præbeant non verbo, sed opere: reuerendos exhibeant, sed actu, non fastu. Qui ad te redeant fatigati quidem, sed non suffarinati, simul & gloriantes quòd non curiosa, seu pretiosa quæque terrarum attulerint, sed quòd reliquerint, pacem Regnis, legem barbaris, quietem Monasterijs, Ecclesijs ordinem, Clericis disciplinam, Deo populum, acceptabilem, sectatorem bonorum operum. Hæc S. Bernardus præclare, cuius omnia dicta, adhuc duo capita referri possunt, vel suscipiendæ Legationis, vel gerendæ. Nam in suscipienda hoc seruare debent Cardinales, ut nec eam ambient, aut affectent, propter honorem, nec iniunctam recusent, propter difficultatem aut periculum. Itaque nec se auidos in petendo, nec timidos in detrectando, nec obstinatos in resistendo, præbere debent, quoniâ qui ob suam cupiditatem, vel ambitionem in eiusmodi negotia magna, & ardua, audacter se se ingerunt, quoniam non à Deo vocantur, nihil egregium efficere poterunt, qui verò à Deo vocati, & electi abnuunt, nimirum serui sunt

contumaces, & quod in ipsis est Dei consilium, & ordinem illum diuinę prouidentię perturbant. Cæterum in administranda deinde Legatione, illę sunt asciscendę virtutes, quas S. Bernardus commemorat, consilium in prouidendo, constantia in exequendo, humanitas in tenues, forritudo in Principes, zelus pro domo Dei, sed ante omnia integritas, & continentia, quę confert, non solum ad vitę sanctimoniam, sed etiam ad exemplum aliorum, & ad auctoritatem ipsis comparandam, quę omnino necessaria est in talibus negocijs. Itaque optima est illa B. Bernardi vox, ne Legationem existiment quæstum, idest, non eam conuertant in mercaturam, vt ex ea dirari velint; quod periculum ijs potissimum imminet, qui rem habent cum Principibus, qui possunt & solent multa, ac magna offerre, ad quę repudianda insigni opus est virtute, qualis est in paucis. Verum quid ab eo expectari possit, qui mercede, ac præmijs emptus sit? Itaque imitandum est omnibus Cardinalibus exemplum illud, quod in hoc ipso genere narrat idem S. Bernardus, Pontificij Legati in Aquitania, cui cum à quodam Presbytero allatus esset piscis, ille nunquam admirare voluit, nisi pretio reddito. Item inquit, cum essemus in quodam oppido, domina illius oppidi obtulit ei pro deuotione cum manutergio duas, vel tres paropsides pulchras, ligneas tamen. Quas aliquandiu intuens homo scrupulosę conscientię, laudauit eas, sed non acquieuit accipere. Quando argenteas accepisset, qui ligneas refutauit? Verum propter hanc integritatē, illud quoque magnę curę esse debet apud Cardinalem, vt eorum inter quos Legationem obit, animos sibi conciliet, quàmque maximē adiungat non modo Principum (hoc enim ita apertum est vt monitione non egeat) sed ipsorū etiam populorum, vt se omnibus gratum, reddat, & carū. Id enim magnum est adiumentum ad res gerendas. Hanc autem in hominum beneuolentiam, multa efficere solent, &

in primis virtutes, omnes quidem, sed præsertim populares illæ, comitas, mansuetudo, liberalitas. sed sunt præterea etiam artificia quædam colligendæ gratiæ, cuiusmodi est, præ se ferre peculiarem amorem, & charitatem in gentem illam, in qua quisque versatur. Quamquam hanc sanè opinionem, non existimandum est subito acquiri posse, præsertim si quod ante præcesserit alicuius alienationis indicium. Itaque nunquam satis præcipi potest Cardinalibus id quod supra quodam loco monuimus, vt nulli vnumquam se Principi, aut parti, quæ in Republica Christiana versetur, nimis addicant, sed Communitatem quandam retineant: sequæ æquales, & eosdem omnibus seruent, atque id tum verbis, tum verò factis ipsis profiteantur, omnibusque notum, & testatum esse velint. Hoc enim tum ad alia multa, & penè infinita officia quotidiana confert, in quibus alioquin perpetuò necesse erit claudicari, tum deinde ad hoc ipsum, vt omnes apti sint ad omnem Legationem in omnem locum, & ad omnem nationem, nec vllus recusari, vel suspectus haberi possit, sed vnumquemque omnes, vt suum excipiant, & tanquam suo libenter cuncta committant. Atque ad hunc etiam finem popularis beneuolentiæ conciliandæ magnopere confert, curare, ac deinde etiam opportune ostendere notitiam quandam, eius gentis, cui quisque Legatus est: vt exempli gratia, si in Gallia, quantum proderit cognoscere, & cum vsus incidit posse commemorare eius Regni initia, & progressus, qui Reges existerint, quo iure successerint, quales etiam viri fuerint qui motus, quæ perturbationes excitatæ sint, & quas ob causam. Quod idem valet apud cæteras nationes, atque in eo, aliqua Legato Cardinali adhibenda est diligentia.

I Dicamus nunc etiam breuiter quid seruare debeat Cardinalis, cum ei alicuius prouinciæ, aut loci, administratio committitur, quod ipsum, cum à Pontifice committitur, genus

genus est cuiusdam Legationis. Interdum enim in hoc quoque genere magno usus est Cardinalium opera, ut cum Eugenius III. Ludouicum Scarampum Marchiæ Anconitanæ Legatum instituit, quam ille quidem magna ex parte à varijs occupatam armis, & vi recepit. Idemque à Calisto Tertio classi præfectus multa in mari Aegeo aduersus Turcas fortiter gessit, multasque ijs clades intulit. Aegidius quoque Carillus ab Innocentio Sexto Auenione ad Ecclesiasticam ditionem recuperandam cum Exercitu missus, adeo feliciter id perfecit, ut deinde Pontifici plaustrum clauibus onustum ostenderit: quæ erant clauēs urbium, & oppidorum ab ipso receptorum. Quo in genere eodem magnam etiam Ecclesiæ operam, ante annos fere CCC XX. nauauit Ioannes Columna optimus, & fortissimus Cardinalis, qui ab Honorio Pontifice, cum ingenti classe in Aegyptum Legatus, Aeliopolim, quam Damiatam vocant, feliciter expugnauit, ac post multa strenuè gesta, ad quendam gloriæ cumulum captus etiam est ab hostibus, ex quorum tamen manibus incolumis euasit. Cuius etiam pietatis monumentum extat adhuc ea columella, quæ in S. Praxedis visitur, ad quam Dei filius creditur flagellatus, quam ille secum in Urbem, tanquam opima Orientis spolia reuexit. Quare non potest dubitari, quin hoc etiam armatæ, ut sic loquar, Legationis genus si religionis causa postulet, cum laude, & fructu obiri possit. Illud tamen frequentius cum Legatis Proinciæ tempore pacis gubernandæ committuntur. In qua administratione quam diligentiam, quam æqualitatem, in omnes, quantam integritatem, iustitiam, continentiam tum pecuniæ, tum aliarum cupiditatum præstare debeant, nihil attinet dicere. Nam cum etiam prophani Magistratus hoc debeant, quanto magis Ecclesiastici? Et, si vel solum Cardinalis officium id exigeret, quid erit adiuncta insuper persona publica, quæ ipsius Pontificis faciem refert?

fert?

fert? Tantum hoc dicam non sine causa Legatis solemne esse ut crucem præferant, non solum ad honorem, sed etiam ad documentum, ut meminerint suam potestatem licet temporalis quoque sit, tamen & ex Ecclesiastico principio fluere, & in homine Ecclesiastico consistere, ut proinde Ecclesiastica etiam pietate, & lenitate temperanda sit. Quare etiam si eiusmodi administratio, haud quamquam remissa, & segnis esse debeat in tuenda iustitia, in puniendis fontibus, in comprimendis maleficijs, decet tamen omnem ab ea acerbitatem, atque etiam seueritatem remoueri, ac potius ut dixi, inclinari ad pietatem, ut in hoc quoque Cardinales Christum Dominum imitentur, cuius potestate utuntur. Quam etiam ob causam multum sunt in eiusmodi negotio, quæ melius per alios, quam per se ipsos tractabunt, & gerent, cuiusmodi sunt, quæ ad mortem, & sanguinem pertinent. Nihil enim minus conuenit Cardinali, quam esse sanguinarium. Quod idem uideo sentire S. Bernardum, ex illa Saluatoris voce, quam Lib. 4. cum
fid. Petro mandauit, ut gladium suum in vagina reponeret. Nam ex eo quod suum gladium ait, ostendit Petrum quoque gladium habere: quod autem recondi iubet, id indicari, gladium hunc non ipsius manu, licet ipsius nutu eueginandum. Vterque ergo, inquit, Ecclesiæ, & spiritualis scilicet gladius, & materialis: sed is quidem pro Ecclesiâ, ille verò, & ab Ecclesiâ exercendus est. ille Sacerdotis, is militis manu, sed sanè ad nutum Sacerdotis. Hæc igitur de gubernatione Ecclesiastica quidem, sed à Pontifice imposita. Nam quod aliquando fit, ut Cardinales pro laicis Regibus eorum ditionibus præsent, ut nos ætate nostra vidimus Gramuelium Neapoli, Madrucium Mediolani, id adeo rarum est, adeoque non proprium Cardinali, ut de eo nihil propriè præcipiendum putem.

*De protectionibus, quæ Cardinalibus interdum
committuntur. Cap. XXXIII.*



P hoc eodem genere, quod modò tractauimus, sunt etiam tutelæ, protectiones, quæ sæpe Cardinalibus mandantur, tum religiosorum, ordinum, tum piorum quorundam locorum, tum etiam prouinciarum, atque Regnorum. Nam hæ quoque si quemadmodum debent, exerceantur, magnum afferunt fructum, contra verò magnam perturbationem, & detrimentum, si perperam administrantur. Etenim ut de religiosis primum familijs loquamur, videmus ipsum B. Franciscum inter alia capita suæ regulæ, hoc etiam suis mandasse, ut semper apud Pontificem curarent aliquem habere Cardinalem protectorem, & correctorem (sic enim loquitur) additque causam, ut, inquit, semper subiecti, & subditi sint Sanctæ Ecclesiæ, firmique & stabiles in Catholica fide. Quod autem hoc loco suis præcepit, ipse antea fecerat, nam post prima fere ordinis initia, Vgolinum Cardinalem Ostiensem postularat, qui postea Gregorius Nonus Pontifex fuit, eumque ferunt primum extitisse huius familiæ protectorem, anno circiter M CC XVI. Et tamen non multis post annis Alexander Quartus nullum eis aliū protectorem dare voluit, quam semetipsum. Se enim eos in suam tutelam, ac patrocinium recipere dixit, nullo medio, vel interprete: idque non solum dixit, sed etiam factis ipsis præstitit, cum magna illius ordinis utilitate, ac solatio. Quare cum deinde anno M ccl xxix. in generali Cōuentu Assisiensi creatus esset Minister generalis nomine Bonagratia, eoq; tempore Pontificiam Sedem tenebat Nicolaus Tertius, vir magnus, & Franciscanæ familiæ iam

iam pridem addictissimus, ad eum adierunt ex hac familia præcipui quique vna cum ipso Generali, petentes, vt vel ipse quemadmodum Alexander, eorum protector esse vellet, quod quidem ipsis longè gratissimum esset, vel certè vnum ex Cardinalibus daret. Respondit Pontifex velle se quidem præcipue eorum protectionem retinere, sed tamen vt regulæ ita iubenti satisfaceret, melius esse, vt simul etiam Cardinali alicui ea cura committeretur. Itaque explorata eorum Patrum qui aduenerant voluntate, assignauit eis Matthæum Rubicum Cardinalem Sanctæ Mariæ in Porticu, consobrinum suum; ad quem conuersus ita eum alloquutus fertur. Ex omnibus, inquit, beneficijs, siue quæ ad honorem, siue quæ ad vtilitatem pertineant, atque ex omnibus adiumentis ad promerendam cœlestem beatitudinem, nihil carius, aut vtilius, vel aptius tibi dare possumus; quàm vt te protectorem, & adiutorem instituamus huius sacri ordinis. Quare hoc tibi commendamus vt super alia omnia cordi habeas, eumque paternam cura quam studiosissime tuearis. Hæc his ipsis verbis effatus est; idque tanto affectu spiritus, comitantibus etiâ vbertim lachrymis, vt omnes qui aderant, in eundem fletum adduceret. Quamobrem cum satis bono spatio silentium tenuisset, vt primum affectum cohibere, vocemque laxare potuit, resumpto sermone, multa iterum addidit in eandem sententiam cum diceret, se ei ordinem illum infidem, & quasi in manum tradere, sed ita vt sciret, non indigere eius gubernatione, cum refertus esset viris prudentibus, qui per se satis eum gubernare possent, neque vero indigere eius correctione, cum adeò vigeret in eo disciplina, & tanta esset Prælatorum vigilantia, vt vix culpæ ulli grauiori locus relinqueretur, aut si quando contingeret, ab iisdem Prælatis strenuè corrigeretur. Quare vnum esse reliquum, in quo ea familia ipsius opera indigeret, quia cum pauper, & imbecilla esset, & à multis immerito lacer-

Ff

feretur

Rom. 13.

feretur, atque offenderetur, opus eis esse. alicuius potentioris præsidio, qui omnem ab eis iniuriam propulsaret, suæque auctoritate, ac patrecinio in omnibus incidentibus casibus eos protegeret. Hæc fuere verba Pontificis illius tum sapientis (sic enim accepimus) tum etiam virtute, & sanctitate excellentis, quæ ideo visum est integra commemorare, quoniam aptissimè totum Protectoris officium, ac munus indicant, quid ad illum pertineat, quid non pertineat. Igitur hoc in primis intelligere debet Cardinalis Protector, qui sui sint limites, ac termini, ne extra eos egrediatur. Sunt autem ij limites, quos modo diximus, ex sententia huius tanti Pontificis, ne se ingerat gubernationi, neue auctoritatem sibi usurpet, vel instituenti præpositos, & rectores, vel designandi, vel mutandi loco, vel denique aliquid constituendi, siue de singulis, siue de vniuersis. Hæc enim non ad eum pertinent, & si ea inuadat, necesse est magnam sequi perturbationem, & magna detrimenta. Primum enim intelligendum est, Dominum Deum, qui vt ait Apostolus, omnia ordinatè facit, quemadmodum in religiosis, de quibus loquimur, præcipuum quendam ordinem superiorum, qui regant, inferiorum qui regantur, instituit, ita quamdiu hic legitimus ordo teneatur, suam illam suauem providentiam in ipsis exequi, sin autem hic ordo interrumpatur, interrumpi etiam coelestem illam communicationem, & influxum, atque ex eo, vt necesse est, multos sequi errores. Hoc autem fit cum ij, qui legitimam non habent potestatem, nec sunt legitimi superiores, & conuenienter electi, aliquam sibi gubernandi partem vindicare aggrediuntur. Quare etiam si nihil aliud esset, hoc vnum, non potest esse non magnoperè damnosum. Accedit etiam, quòd Cardinales, vt concedamus probos, & frugi esse, tamen tum religiosam vitam (nisi forte paucissimi) nunquam experti sint, non possunt vllò modo nosse eam artem, quâ nunquam tracta-

runt,

runt interdum etiam ne rudimenta quidem, aut si fortasse propter iudicii bonitatem aliquid amplius intelligant, certe nemo unquam erit, qui tam bene intelligat, quam religiosi ipsi Prælati, qui cum sua, cum aliorum diuturna experientia magnum eius usum, ac peritiam consequuti sunt. Quod si ne generatim quidem tam bene nosse possunt instituta, quanto minus deinde homines ipsos, qua natura, quibus moribus, quibus etiam animi dotibus, quo ingenio, vel qua doctrina præditi sint, quid denique eis, vel profuturum, vel obfuturum sit? Et tamen quis non videt quam necessarium sit hæc omnia haberi quam perspectissima, ut si Cardinalis ad singulorum gubernationem manum ad-movere voluerit, non possit non impingere ruens videlicet in tenebris? Postremo quanta ea plaga est, si quod necessario sequitur, hæc quasi ianua aperiatur, aut hæc licentia inducatur in religiosos, ut proprio superiore contempto eiusque iussis pro nihilo habitis, putent separatim, habere per fugium ad Protectorem, & ab eo quod volunt, obtinere posse? Audeo dicere hanc verè inter maximas religionis calamitates esse numerandam, quoniam illa in primis ipsa contumacia aduersus suum patrem, quem Dei loco habeat, magna culpa est, deinde quoniam violatur ille, quem supra dixi, ordo diuinæ providentiæ, tum etiam aperitur aditus ambitioni, & omni corruptelæ, dum malis artibus per amicos, per aulicos, gratiosos, studet quisque quod cupit impetrare: quæ omnia pestes sunt religionum. quoniam euertunt illam simplicitatem, & obedientiam, quam quisque professus est, cum se totos Deo, per sui superioris, non per Cardinalis ullius manus traderunt. Quare non potest dici, nec credi, quam multa mala ex hæc una re in religiones inuehantur, si Cardinales protectores, protectionis suæ metas transgressi, gubernationem etiam tractare incipiant: tantumque abest, ut protectores futuri sint, id est adiutores, ut nulla re peius

mereri possint de eo ordine, quem tuendum; ac seruandum susceperunt, Ex quo hoc etiam fit, vt non modo ipsi se vltro ingerere non debeant, sed etiam si alij eorum ope ram postularint, in ijs, quæ non oportet, reijcere omnino debeant, nec admittere quod eorum munus, & officium non admittit. Dicit aliquis. Quid igitur si superiores ipsi in religione malè se gerant, & ab instituto defleant? Respondemus primum non facilè subditis fidem habendam aduersus Prælatos suos. læpe enim immerito quæruntur, atque hoc ipsum quod queruntur, & eos accusant, quos amare, & reuereri debuerant, indicio est, non esse probos religiosos, quod eis iure fidem omnem abrogat, præsertim in propria causa. Nam si communis esset causa, vt de instituto, vel de regulis conseruandis, in quibus nihil loci proprius respectus habere videatur, tum quidem aliquanto plus credi posset. Sed tamèn quoquo modo hoc habear, seruandus est ordo. Sunt enim in religious familijs sui gradus eorum ipsorum, qui regunt, vt qui singulis domibus præ sint, subsint ijs, qui prouincias regunt, & rursus ij Præpositis generalibus; atque etiam hi ipsi toti religioni legitimo more congregatæ. Quare si aliquis ex ijs accusetur, eaque accusatio aliquid momenti habere videatur, cur negotium non eius superiori in ipsa religione committatur, qui id melius videre, & decentius diiudicare potest? Quod si alicubi ita religio, & disciplina, langueat, aut prostrata iaceat, vt quod mali est, non satis intus sanari queat, tum sanè quærenda est foris medicina, idque sine dubio ad Protectorem pertinet, sed ita vt tunc quoque nihil ad suum arbitrium, sed ex ipsius ordinis institutis, ac præscriptis omnia moderetur. Immo verò quoniam nullus erit vnquam ordo, tam perditus, & corruptus in quo, vt ait scriptura, in re simili, non sibi Dominus aliquos reliquat, qui genua non curuent ante Baal, hoc faciendum est Protectori, vt ex illis ipsis, optimos quosque,

&

& optime sentientes feligat, quorum opera, & consilio ad reliquos corrigendos, & restituendos utatur. Sic enim & remedium adhibet quod debet, idque multo melius, & aptius, quàm si per se ipsum: nec quod iura religioni tribuunt ipse conuellit. Cæterum hoc remoto si religio cursum suum, vel mediocrem in virtute teneat, si superiores, & præpositi à recta via non deficiant, tum verò nulla ratione impedire eos debet, sed potius suam eis seruare auctoritatem, suamque potestatem saluam, atque integram præstare, atque etiam omnem opem, & præsidium ferre. Verum id malum hic esse potest, quod dulcedo quædam imperandi, ita plerosque delectet, ut non contenti Protectorum officio, rectorum etiam partes sibi assumant; velintque statuere, & iubere, ac decernere quæ nihil ad ipsos pertinent: quod ut dixi, ex ea radice venit, quoniam omnibus placet iurisdictionem in alios exercere, placet habere multos, qui ex sua potestate pendeant, & qui ab ipsis beneficia petant, eamque ob causam non satis sibi temperare possunt. Sed hoc si recte cogitemus, ipsis quidem Cardinalibus minimum honoris, vel amplitudinis addit: at vero religiosis maximum affert detrimentum. Quare id omnino vitare debent. Quid verò dicemus de muneribus accipiendis, quod iam adeo inualuit, ut hoc tempore protectiones hæc propemodum inter Ecclesiastica beneficia numerentur, atque ob hæc etiam emolumenta libentius à multis suscipiantur? At verò quid minus conuenit, quàm ut qui ad paupertatem etiam voto suscepto se se adederunt, eis qui in diuitijs versentur, diuitias addant? Potius contra hi, qui diuites sunt, pauperibus religiosis largiri deberent. Quare hoc omnino conuenit Protectori, ut nihil tum accipiat ipse, tum ne à suis quidem aulicis accipi permittat, (nam huc etià deuenit hæc corruptela, ut his quoque detur ad aliquid per eos impetrandum) hæc communiter datum à toto ordine, & multo minus

minus à singulis. Vnde enim his suppeditet quod donentur nisi improbis modis, & præsertim ex proprietate, quæ per nicias est religiosorum.

Quare hæc summa sit huius officij, quod in protegendis religiosis ordinibus versatur, quod idem etiam valet in protegendis locis pijs, aut alijs hominum coetibus, vel sodalitijs ad pia opera institutis. Etenim qui omnem huiusmodi protectionem susceperunt, ita sibi persuadere debent, se tutelam quandam orphanorum, ac pupillorum, gerere, ac proinde nefas esse, ut eam gerant ad proprium commodum, sed eorum tantum utilitates sibi proponant, quorum se protectores appellant, hoc enim nomen ipsum monet. Sibi verò nullam aliam mercedem experant, præter eam quæ à Deo post mortem, interdum etiam in hac vita recte factis redditur. Quare hoc suum munus esse, intelligant, quorum patrocinium susceperunt, eorum salutis, & commodis inuigilare, tueri ab externis inimicis, prohibere ne ijs fiat iniuria, si negotium contingat apud Pontificem, id libenter complecti, & strenuè, ac fideliter exequi, si quid petatur, ab alijs etiam Principibus, quod ijs damnosum sit, nulla ratione cedere, licet aliqua sibi subeunda sit offensio: non autem illorum iactura suis utilitatibus consulere: deinde si quid intus perturbationis nascatur, ei occurrere, si qui insolentius se gerant ad eos comprimendos auctoritatem suam superioribus accommodare, denique nihil omittere, quod eorum rationibus conferre posse videatur, quos semel in suam fidem, & clientelam receperunt.

De protectione vero regnorum, aut prouinciarum, hoc breuissime dicendum, posse, in hoc quoque genere multam operam nauari Deo, & eius Ecclesiæ. Ut enim celestes angeli etiam si omnes ad omnium animarum, & locorum opem parati, tamen sic à Deo distributi sunt, ut ex ijs aliqui peculiarem curam aliquarum regionum, vel urbium

urbium gerant, ex quo illud est in sacra Scriptura, quod Daniel. 1.
 & Persarum angelus, & angelus Smirnae, vel Laodiceae ap- Apo. 2.
 pellatur, sic Cardinales licet totius Ecclesiae bono stu- & 3.
 deant, quibusdam tamen eius partes quaedam committun-
 tur. Quare ij quidem ita reputare debent, se quasi ange-
 los esse earum partium, itaque sese applicare ad ferendam
 opem, ut eguerint. Aliter enim eget Catholicum regnum,
 ut Hispania, aliter totum haeresi infectum, ut Scotia, aut
 Anglia, aliter etiam si periculum sit ne inficiatur, ut Gal-
 lia. Illud autem commune omnibus, ut praeter vniuersa-
 lem hanc curam prouinciarum ipsarum, singulis deinde
 etiam hominibus cum in Urbem veniunt negociorum cau-
 sa, libenter & promptè operam impertiant, interdum etiā
 eos pecunia cum opus est, subleuent pulchrum enim est,
 & gloriosum etiam Protectori, ut quatenus facultas finit
 ijs, quos in tutela habet, suas etiam opes, & suam domum,
 quali portum quendam aduenientibus patere velit. Po-
 stremo ad hanc quoque protectionem, vel maximè perti-
 net, Pontificem adiuuare in deligendis Episcopis, cum in
 sua cuiusque prouincia diocesis aliqua vacat. Ita enim
 vsu receptum est, ut hæc Protectoribus fere cura mende-
 tur instituendi processus, id est inquirendi de qualitatibus
 eius qui ordinandus est, & ad Pontificem referendi. Quod
 quidem si oscitanter, ac negligenter, morisque seruandi
 gratia duntaxat agatur, perinde est, ac si nihil agatur, &
 peccatur in re maxima, nimirum ex qua populorum salus
 pendeat. Itaque agendum est omnino serio, & verè, in-
 daganda vira, scrutandi mores, perpendenda etiā do-
 ctrina, & prudentia, & reliquæ dotes huic muneri neces-
 sariæ, & quicquid in vtramque partem comperiat, sin-
 cerè Pontifici patefaciendum: atque in hoc quoque gene-
 re nullus locus dandus gratiæ, nullus amicitiae, aut com-
 mendationi. Oportet enim Deo magis placere, quam
 hominibus. Extat etiam recentissimum, & certè sapien-
 tissimum

eissimum in hoc genere Gregorij XIV. decretum, quo tota ratio huius negocij explicatur. Itaque ea ratio fideliter omnino tenenda est, ac si teneatur, nihil est dubij, quin breui Ecclesia Catholica optimis, aprissimisque Episcopis abundatura sit.

De premio quod debetur bonis Cardinalibus, & de pana, quamalis. Cap. XXXIV.



V M iam multa de Cardinalium tum amplitudine, & dignitate, tum etiam officio, & obligatione dicta sint, extremo loco addendus etiam videretur brevis Epilogus, quod magis quisque ad hoc officium præstandū incitetur. Nam cum in omni viuendi genere virtus, & præsertim perfecta virtus est difficillima, tum præsertim in statu Cardinalis; in quem, si verè cogitare volumus, tam multa concurrunt pericula, alia aperta, & manifesta, alia occultiora, & penè latentia, vt nulla nauigatio plura habere possit scopulorum, syrtium, aut turbinum discrimina. Ex quo certè apparet, quanto studio, & quàm præcipua contentione opus sit Cardinali, si saluus esse velit, & felicitatem adipisci æternam, cum in eo statu sit, qui ex vna parte tantam exigit summæ cuiusdā virtutis perfectio nē, ex altera vero tam multa habeat impedimenta non modo huius perfectionis, sed salutis ipsius, contraq; tā magna incitamenta ad superbiam, ad luxuriam, ad ambitionem, & ad alia. nec parua, nec pauca peccata. Quare si quid est, quod iuuare possit Cardinalem, vt euadat ex tot laqueis illud est, vt hoc ipsum intelligat, se in medio laqueorum versari. Non sibi fingat vitam quietam, & labore vacuā, quasi adepto Cardinalatu, iam quod volebat assequutus sit, iamque in portu nauiget, sed contra potius persuadeat sibi, quod verum est, nunc sibi multo magis, quam vnquam

vnquam antea vigilandum, laborandum, desudandum esse tum propter excellentem virtutem, atque eximia opera, quæ status ille exigit, tum propter hæc quæ dixi pericula. Vt enim qui in terra hostili, aut latronibus infesta, iter facit, si hoc ignorat, facile in eorum manus incidet: si verò id norit, & timeat, cautionem quam oportet, adhibebit, armis se instruct, attendet strenuè, omnia circumspiciet, ex quo fit sæpe vt incolumis euadat; sic Cardinalis cum vndique his periculis cinctus sit, vna ei salus, vna spes, vnum remedium est ex hoc timore, atque ex hac sollicitudine, quam dixi. Sed nescio quomodo dum homo inter alios excellit, ac dominatur, dum colitur, dum timeatur, omnibusque obsequijs honoratur, ita assuescit, vt penè obliuiscatur, se hominem esse, aliumque habere superiorem ac dominum, cui subiectus esse, & cui in omnibus obedire debeat. Quare hoc Cardinali curandum, semperque præsentis Dei timor ante oculos habendus, vt non solum se Deo rationem redditurum sciat, quemadmodum alios homines, sed etiam seueriorem. Habet igitur Cardinalis magnum campum virtutis exercendæ, Dei promerendi; inseruiendi Ecclesiæ, cuius est tam præcipuum instrumentum, propagandi hominum salutem. Habet vberem materiam comparandi sibi in cœlo æternum gloriæ pondus, & breui huius vitæ labore, si eam sobriè, iustè, & castè duxerit, adipiscendi immortalem coronam, præmiū sempiternum. Sed contra habet etiam magnam peccandi illecebram, magnam occasionem labendi, & ruendi in æternum exitium: atque hoc quidem facilius, & procliuus, quò nimirum, & demon impellit, & naturæ corruptio incitat, mosque & exemplum hominum instigat, & denique ipsa etiam propria infirmitas prona est. Oportet igitur vt Cardinalis suæ salutis studiosus, & cœlestium, non immemor ita secum decernat, eò magis industria sua conñiti; ac diligentius, acrius, feruentius Dei opem qua-

G g rere,

Serm 46.
cantic.

2. Corint.
12.

Matt 24.

rere, quò plura sibi ob stare, & quasi hostes in se irruere intelligit. Meminerit quod ait S. Bernardus, qui verba illa sponsæ cum domum hanc Ecclesiæ describens tigna eius cedrina, & laquearia cypressina commemorat, tigna illa Principes Ecclesiasticos interpretatur, quia nimirum parietes, idest populos iustis impositis legibus stringunt, ne omnis structura ædificij corruens dissipetur. Magna dignitas, magnus locus in hac tanta domo: sed hæc tigna ex cedro esse debent, quod vt addit S. Bernardus, lignum est imputribile, & odoriferum, & altæ proceritatis; ex quo intelligitur eiusmodi Principes validos, & constantes esse oportere, præterea longanimes in spe, atque ad superna mentis verticem attollentes, qui etiam bonum fidei suæ, & conuersationis odorem ubiq; spargentes dicere possint cum Apostolo. Christi bonus odor sumus in omni loco. Hoc ergo si fecerint, nihil dubitare debent quin vberimã à Deo mercedem, amplissimamque remunerationem sine relaturi. Sic enim Dominus huiusmodi seruo prudenti, & fideli pollicetur, nimirum fore vt super omnia bona sua constituat eum. Quid est autem super omnia bona constitui, nisi in beatam illam requiem recipi, in qua sunt bona omnia, summaque, & maxima felicitas, & hanc ita possidere, vt super eam constituatur, idest, eius quasi dominus sit, nullo metu eam aliquo tempore perdendi. At contra, qui isto honore, & abundantia, rerumq; copia ad luxum, fastumque abusi fuerint, funestum illius exitum perhorrescere debent, qui cum ipse quoque indueretur purpura, & bysso, & epularetur quotidie splendide, nimirum recepit bona in vita sua, & ab his breuib; bonis proiectus est in sempiterna mala, vt qui in tanta, & tam perpetua mensarum, & dapum magnificentia vixerat, ita deinde flammis cruciaretur, vt nec aquæ stilla refrigerari posset. O miseram purpuram, & byssum infelicem. O epulas, & delicias detestabiles, quæ acerbissima, eaque sempiterna suppli-

cia adduxerunt. Væ vobis, inquit Propheta, qui opulenti estis in Sion, optimates capita populorum ingredienti-
 pompatice domum Israel. Qui dormitis in lectis eburneis,
 & lalcuiitis in stratis vestris, qui comeditis agnum de gre-
 ge, & virulos de medio atmenti. Bibentes vinum in phia-
 lis, & oprimo vnguento delibuti, & nihil patiebantur su-
 per contritione Ioseph. Quibus hæc magis conueniunt
 quàm Ecclesiæ proceribus, qui in Sion opulenti sunt; nec
 sanè omnibus, sed ijs, qui opes, ac redditus, quibus dis-
 fluunt, ad suam pompam, & voluprates conuertunt, nec
 commouentur super contritione, ac detrimentis Ecclesiæ,
 quasi ad ipsos nihil omnino pertineant? Audiant hi quod
 grauisimè, & verisimè scribit B. Cyprianus. Fœnore
 quodam, inquit, nocendi, quanto fuerit amplior summa
 dignitatis, & honorum; tanto maior exigitur, & vlura poe-
 narum. Audiant etiam quod est apud S. Ambrosium de
 Sacerdotibus. Vt leuius est de plano corruerè, sic gra-
 uius est, quod de sublimi ceciderit dignitatè, quia ruina
 quæ de alto est, grauiori casu colliditur. Honor quidem
 Episcopalis hominibus præclarus est, sed si ruinam susti-
 nent, dolor magnus est. Magna sublimitas magnam de-
 bet habere cautelam. Honor grandis, grandiori debet
 sollicitudine vallari. Cui plus creditur, plus ab eo exigi-
 tur. In quam sententiam S. Hieronymus quoque de illo
 Hieremix Prophetæ dicto. Cleri eorum non proderunt
 eis. Dicitur hoc inquit, & Ecclesiasticis. Quid enim eos
 iuuare poterit Episcopi nomen, & Presbyteri, vel reli-
 quus ordo Ecclesiasticus cum magis grauentur dignitati-
 bus suis, & potentes potenter tormenta patiantur? Atqui
 idem etiam in Ezechielem. Grandis dignitas Sacerdo-
 tum, sed grandis ruina eorum qui peccant. Lætetur ad
 ascensum, sed timeamus ad lapsum. Non est tanti gaudij
 excelsa tenuisse, quanti mœroris de sublimioribus corruis-
 se. Meritò autem ij, qui in Ecclesia eminent, & quidem

Amos. 4

Lib. 1. ep. 2

De dignit.
Sacer. c. 3.

In c. 12.
Hier.

In c. 44.
Ezzec.

ab om

Gg 2 adco

adeo eminent, vt Cardinales, si non congruenter viuante huic eminentiæ maiora merentur supplicia. Quid enim sunt aliud quam operarij condukti ad eam vineam colendam, quam Dominus ipse plantauit, & plantatam rigauit sanguine suo: addo etiam condukti non mercede vnius denarij, sed tanta mercede eius status, in quo sit summus honor, summa dignitas, summa reuerentia, magnæ diuitiæ, & ad extremum optima quæque? Quis igitur ferat eos, quibus tantæ etiam in hac vita tribuuntur præmia, nihil deinde agere ad huius sanctæ vineæ vtilitatem, sed otiosos, ac desidēs, locum inutiliter occupare? Atque hoc quidem satis graue, & lugendum malum. Sed quid erit si non modo nullam vtilitatem, sed etiam damnum afferant, malo exemplo, liberiorisque vitæ licentia? Verissimum enim est, quod ait S. Gregorius non sine causa hoc à scriptura commemorari filios Iob dum in primogeniti fratris domo conuiuuntur, perijsse; quia vt minorum licentia per maiorum disciplinam cohibetur, sic cū ipsi quoq; qui pro custodia disciplinæ Prælati sunt, sese voluptatibus relaxant, tunc hostis noster tantò vehemētius vires accipit, & tantò magis ad subditos feriendos inualefcit. Venit etiam in mentem serui eius, quem Abrahamus senex ad vxorem filio suo Isaac deducendam misit, quod ille impigrè, & fideliter exequutus est: Hic igitur si herilis sponsæ nullam in itinere curam habuisset, aut si etiam indignius eam tractasset, si gemmis, aut ornamentis spoliasset, quam crucem, aut quod supplicium meritis esset, aut quem in eum animum habuisset tum sponsus Isaac, tum Abrahamis sponsi pater? Sic igitur, sic Ecclesia Christi Dei filij sponsa est, & quidem admodum cara, & dilecta; omnes autem Cardinales, qui ad eius obsequium destinantur, serui. Quare cum huic diuinæ sponsæ, non eam præstant fidem, & diligentiam, quam debent, cum nihil aut parum de illius commodis cogitant, toti in sua com-
moda.

moda intenti, aut quod longè grauiſſimum eſt, cum ex eius quaſi ſpolijs ipſi ornare ſe, ac ditare ſtudent, ſine dubio cum hæc faciunt, æternum illum, & immortalem, atq; omnipotentem ſponſum grauiſſimè offendunt. Itaque aderit breui dies, cum ad eius ſeueriſſimum tribunal rapietur, vbi tanquam ſerui villicationis ſuæ rationem uſque ad nouiſſimum quadrantem reddere cogentur. Hic vita tota in examen veniet, hic functiões Eccleſiaſticae, hic adminiſtratio opum, ac facultatum, & ipſius etiam honoris, ac muneris quod geſſerunt: hic expendetur, an eam virtutis perfectionem tenuerint, quam intus profitebantur, an ita Dei charitate accenſi fuerint, an ea humilitate, eaque corporis, & animi puritate, enituerint, quæ conuenit Cardinali, quod in eis fuerit orationis, & meditationis ſtudium, itemque aliarum omnium virtutum, quas in tali homine non ſolum eſſe, ſed & perfectiſſimas eſſe oportet. Neceſſe enim eſt impleri quod ſcriptum eſt à B. Petro, vt iudicium incipiat, à domo Dei. itemque quod à Domino prædictum eſt per Prophetam ſcrutabor Hieruſalem in lucernis, quo ſignificat ſe minutiſſima quæque exquiſiturum, præſertim in Hieruſalem, idem in ijs hominibus, qui peculiari modo ſunt Deo dicati. Quamobrem idem quoque præceptum conuenit cuiq; Cardinali, quod B. Gregorius Principi cuidam viro ſcribit, excellentia inquit veſtra à ſuperfluïs tumultibus animum auertat, pluſque ea quæ animæ, quam quæ corporis ſunt cogitet; Tranſitoria eſſe omnia perpendat. Venturi Iudicis examen verendum, cū metu, & lacrymis, quotidie ſine ceſſatione conſideret, illumque diem, in quo perturbanda ſunt omnia, cum timore ad animum reducat, vt iram Iudicis in ipſo iam die non timeat. Hoc igitur idem, vt dixi, faciendum eſt Cardinalibus vt non adeò animum ſuum occupari ſinant, fluxa, fugacique huius vitæ felicitate, vt in ſempiternam deinde miſeriam, incidant. Nam vt idem S. Gre-

1. Petri 4.

Sophon. 4.

Lib. 12.
epiſt. 37.

7 in lib Re
sum c. 3.

Gregorius alio loco dicit, ijs, qui huius mundi rebus dediti sunt, modo quidem velut lucidum placet blandimentum huius sæculi, sed cum de sæculo exeunt perpetuas subibunt tenebras, quas lucem esse crediderunt. Tunc videbunt quia lux non fuit quando in aduersitatem prosperitas, lux in tenebras, risus in mœrorem, dulcedo in vermem, decus in deformitatem, honor in dedecus, blandimenta in poenas, & æterna tormenta conuertentur. Quare optimum sane, & saluberrimum antidotum esse potest omnibus Cardinalibus aduersus venenum illud blandientis sæculi, vt semper illius horæ meminerint, in qua finem habebit hæc felicitas, quæ certe felicitatis nomine digna non est, cum videlicet omnibus opibus, ac palatijs relictis, omnique illa penè regia gaza, quam per tot annos cumularint, relicto illo longo famulorum comitatu, soli, & nudi, nihil secum deferentes, præter id quod in corpore gesserint, siue bonum, siue malum, ex hac vita migrabunt, cum mœrentes dolore eorum quæ deserunt, tum anxij, & trepidi eorum metu, quæ superuenient. Cogitandum valde est ait S. Gregorius, quam terribilis erit hora nostræ resolutionis, qui pauor mentis, quanta tunc malorum omnium memoria, quæ obliuio transactæ felicitatis, quæ formido, & consideratio Iudicis. Quid ergo esse nobis de præsentibus ad delectationem debet, quando eunctis simul transeuntibus, non valet transire quod imminet? quando & hoc funditus finitur quod diligitur, & illud incipit, vbi dolor nunquam finitur? Tunc maligni spiritus egrediente anima sua opera requirunt. Tunc mala quæ iusserunt, replicant, vt sociam ad tormenta trahant. Cum igitur hi timores, atque hæc exanimationes quas S. Gregorius describit in morte immincant, eoque certiores, & maiores quò status eminentior fuerit, quoniam eiusmodi status maiora affert, magisq; implicata negocia, quid cogitandum est, tunc animi, & mentis habiturum Cardinalem, cum & præ-

Rom 19
in Euang.

præterita omnia bona effluxisse, nihilque ex eis remanere, & tot malis, totque angustiis vrgeri se videat? Declarauit hoc Hugo ille, cuius extât commentaria in scripturam vniuersam doctissima, qui ex Dominicanorum Ordine ad hanc dignitatem euectus, anno circiter MCCXXX. cum ad exitum vitę propinquaret, ita dixisse fertur. Quanto, inquit mallem vel elephantino morbo oppressus in meo paupere instituto vixisse, quam Cardinalis fuisse? Et tamen hic ex optimis fuit: sic enim acceperimus, non minorem in eo extitisse sanctitatem, quàm eruditionem. Cuius etiam illud indicium est, quod ipse professus est, aliquando, cum mille Turohenses librę (erat autem eo tempore grandis pecunia) offerentur, non vt aliquid diceret contra æquitatem, sed vt aliquid reticeret, quod erat pro æquitate, omnino se reiecisse, & auersatum esse. Igitur nihil vtilius esse potest Cardinali, tum ad seipsum reuocandum à malo, tum etiam incitandum ad omne bonum, quàm, vt huius supremi temporis recordetur, eamque recordationē quàm maximè ante oculos ferat. Quod nominatim traditur de Alexandro Oliuā, qui anno MCCCLX. ob eminentem doctrinam, & religionem à Pio Secundo Cardinalis lectus, in domestico Sacello, Scrinij cuiusdam specie, sepulcrum occulte extruxerat, in quo pingi iusserat, imaginem iacentis, & mortui Cardinalis, iidem quibus ipse erat lineamentis, cum hac inscriptione. In omnibus operibus memorare nouissima tua, & non peccabis in æternum. Hoc autem sepulchrum aperiebat quotidie clauis omnibus, atque ibi oculis suis seipsum mortuum representabat. Idem igitur facere debent omnes Cardinales, vt semper meminerint, quàm semper sibi mors impendeat, tum ob communem fragilitatem, vitęque breuitatem, tum deinde ob casuum varietatem, à quibus ne ipsi quidem Cardinales immunes sunt, cum eandem naturam, & naturę infirmitatem gestent, quàm ceteri.

Cuius

Cuius sanè rei, multa in multis documenta exitere, vt in Georgio Hefser, quem Eugenius IV. omnibus penè Cardinalibus contradicentibus Cardinalem crearat, hominem militaribus potius, quam Ecclesiasticis moribus, qui nauicula Danubium transiens submersus est aquis. Itemque in Federico Clugnio circiter eadem tempora, qui repente cordis dolore, statim extinctus est. Theodorus quoque Palseologus, quem Paulus II. Cardinalem fecerat, ex nobili sanguine Marchionum Montisferrati, periisse scribitur ex fortuito vulnere, quod acceperat impacta in erectum cultrum palma dum esset in mensa. At Adrianus Castellesius cum Leonem X. fugeret, honoribus, & facultatibus exutus, nusquam apparuit, obscuro & ignobili mortis genere alicubi sublati. Quid multa? Ipsi quoque homines sunt, idest, mortales, infirmi, fragiles, neque eam fragilitatem immutat, vel minuit Cardinalatus: quare ipsos quoque oportet timere Dominum Deum suum, & subditos esse terribili, & ei, qui aufert spiritum Principum terribili apud Reges terræ. Quare cum hoc ita sit, vt Cardinalium quoque vita, atque ea tota felicitas, quæ vitam hanc comitatur, tam tenui filo pendeat, & cum deinde post hanc vitam tot supplicia tot præmia pro cuiusque meritis, eos maneant, quid restat, nisi vt dum licet omnia sua studia, omnem operam, curam, industriam, cogitationem, mentem denique omnem in eo figant, & locent, vt vitæ sanctitate huius quem tenent, loci sanctitati respondeant, suamque dignitatem, non ad sua commodà, sed ad Dei honorem, & obsequium dirigant, denique eos seministros Ecclesiæ præstent, quos esse voluit Deus, qui eos instituit? Quam in sententiâ multa ad exhortandum dici possunt, sed omnium instar erit illa S. Bernardi exhortatio ad quendam Sanctæ Romanæ Ecclesiæ Cardinalem, quæ item conuenit in omnes Cardinales, omnesque vt sibi factam, & sibi scriptam accipere debent. Dico, inquit,

non

Psal. 81.

Epist. 33.

non de præsumptione, sed de charitate, quoniam iudi- Sap. 6.
cium graue ijs, qui præsumunt, si non etiam prodesse labo-
rant: & è contra, qui benè ministrauerit bonum gradum 1. Thim. 5.
acquiret. Tu ergo dilectissime, & desideratissime Do-
mine, declina obsecro magis, ac magis à malo, & fac bo-
num, ne inueniaris in Christi hæreditate quærens quæ
tua sunt, sed memor esto semper Apostolici illius. Nihil 1. Thimot.
intulimus in hunc mundum, haud dubium quia nec quic- 6.
quam auferemus. Quamobrem eam, quæ immortalis est,
animam serua carissime, ne qua occasione auelli, aut era-
dicari queat ab affectu cordis tui, quod Dominus loqui-
tur in Euangelio. Quid prodest, inquit, homini, si vni- Mart. 16.
uersum mundum lucretur, se autem ipsum perdat, & detri-
mentum sui faciat? Miseri prorsus, miseri, qui in bonis
ducunt dies suos, vt in puncto in inferna descendant. Iob. 21.
Cum enim interierint non sument omnia, nec descendet Psal. 48.
cum eis gloria eorum, quoniam vapor est ad modicum, Iacob. 4.
parens. Hæc cogita dilectissime, & hæc meditare iugiter,
& in corde tuo describe ea, nec à memoria tua vllatenus
recedant.

F I N I S.



*Claudius Aquavina, Societatis Iesu
Præpositus Generalis.*

CVM opus hoc de Cardinalatu, à q. P. Hieronymo
Plato nostrę Societatis compositum, nonnulli eius-
dem Societatis Theologi, quibus id commissimus, reco-
gnouerint, ac in lucem edi posse probauerint; faculta-
tem concedimus, vt typis mandetur, si ita Reuerendiss.
D. Vicesgerenti, & Reuerendiss. P. Magistro Sacri Pala-
tij placuerit. In quorum fidem has literas manu nostra
subscriptas, & sigillo nostro munitas dedimus. Romę
21. Martij. 1602.

Claudius qui sup.

Locus ✕ Sigilli.

*Imprimatur. Fr. Angelus Ranucius Venetus
Magister, & socius Reuerendiss. P. Magi-
stri Sacri Palatij Ord. Præd.*



R O M A E
Apud Gulielmum Facciottum
Anno CIO. IOO. II.





